

საქართველო

716 / 4
1968

XIII



საქართველოს დამოუკიდებლობა

საქართველოს დამფუძნებელი კრება, — არჩეული პირდაპირი, თანასწორი, საყოველთაო, ფართული და პროპორციონალური საარჩევნო სისტემით ორივე სქესის მოქალაქეთა მიერ, — თავის პირველსავე სესიონზე, 1919 წ. მარტის 12-ს, ქვეყნისა და ისტორიის წინაშე აღიარებს, რომ ის სავესებით იღებს და აღსტურებს საქართველოს ეროვნულ საბჭოს მიერ 1918 წ. მაისის 26-ს, ნაშუადღევს 5 ს და 10 წ თბილისში გამოცხადებულ საქართველოს დამოუკიდებლობის შედეგ აქტს:

საქართველოს დამოუკიდებლობის აქტი

- 1) მთავალ საუყუნოა განაწილობა საქართველო არსებობდა, როგორც დამოუკიდებელი და თავისუფალი სახელმწიფო.
- 2) მიწათმფობე საუყუნის დასასრულს უკველ შრომა მტრისაგან მუყინობული საქართველო თვის წებით მუყინობდა რუსეთს იმ ზრობითი, რომ რუსეთი ვადებული იყო საქართველო გარეშე მტრისაგან დაეცა.
- 3) რუსეთის დიდი რეკოლევივის მსულდობამ რუსეთში იყოი მინაგანი წუბოლება შექმნა, რომ შოელი საომარი უროსტი სრულიად დაიშალა და რუსის უარში დასტოვა მიერეკავისა.
- 4) გარნიჩ რა თვისი ძაღლინის ამარად, საქართველომ და მასთან ერთად მიერეკავისამ თთი იღეს თავს საუყოარი საქმების განბოლა და პატრონობა და შესაფერი ორგანობის შექმნა; მაგრამ გარეშე ძაღლა შედეგულწიო მიერეკავისის ერთა მუყინობული კავშირი დაირღვა და ში მიერეკავისის ზოლიტიკური პოლიტიკა დაიშალა.
- 5) საქოელი ერის დღევანელი მდგომარეობა უჯიღებდად შოიბოეს, რომ საქართველომ საუყოარი სახელმწიფოებრივი ორგანიზაციის შექმნისა. მასი სახელმწიფოებრივ ბაღის მიერ დაპრობისაგან თთი ეკადიბრინოს და დამოუკიდებელი განბიარების მსილე საუღლეელი აჯოს.
- 6) ამისდა თანხმად საქართველოს ეროვნული საბჭო, 1917 წლის ნოემბრის 22-ს ამტრული საქართველოს ეროვნული უბოლობის მიერ, დღეს აჯიღებს:
- 1) მიერინგან საქართველოს ხაღხი სუყინულ უღლება პატარუბლიც და საქართველო სრულუღლეობის დამოუკიდებელი სახელმწიფოა.
- 2) დამოუკიდებელ საქართველოს პოლიტიკური უბომა — დემოკრატიული ტრეზუბლიკაა.
- 3) საერთომორისი იბანიბობი საქართველო მუღივი ნეიტრალური სახელმწიფოა.
- 4) საქართველოს დემოკრატიულ ტრეზუბლიკას სურს საერთომორისი უბოერთობის გველა წყინთან კოილმუზობლური განწუბობლება დაამბაროს, კანსაციონობითი მოსსულეც სახელმწიფოებთან და ერთებთან.
- 5) საქართველოს დემოკრატიული ტრეზუბლიკა თთის საზღვრებში თანასწონად უზრუნველსოეს გველა მოქალაქის სამოქალაქო და პოლიტიკურ უღლებებს განწრელებლად ერთგუებისა სარწმუნოებისა სოციალურ მდგომარეობისა და სქისისა.
- 6) საქართველოს დემოკრატიული ტრეზუბლიკა ენგბთარბის თავისუფალ მხარეს ეკუბნის მას ტრეტიკორაზე მოსსულე გველა ერს.
- 7) დამფუძნებელი კრების მუყინობაზე შოეთის საქართველოს პარლამენტაციონის საქმეს ებჯება ერთგული საბჭო, რომელიც მესსებელი იქნება ეროვნული ემბიოზისათვის წარმობადგენლებით, და დროებითი შოყუნობა პესისმსებელი საბჭოს წინაშე.

Handwritten signatures and notes in Georgian script, including names like 'მ. ჩაიშვილი', 'მ. მარგალიტი', and 'მ. მარგალიტი'.



1918 — 1968

XIII

KAVKASSIONI

Recueil littéraire

(en Georgian)

საქართველო

XIII

KAVKASSIONI

Recueil littéraire

(en Géorgien)

პარიზი

1968

ქართული
ლიბრერი

ქართული ეკლესიის
ავტოკეფალიის აღდგენის
ოპოზიციური წლის თავზე

1917 — 1967

ნაკვეთი ნარკვევიდან: „ქართული ეკლესია“;
დაიბეჭდა უკრაინულ ჟურნალში „ოვიდ“,
1955 წ.

— 1811--1817 — და მას შემდეგ ქართულ ეკლესიას ქარ-
თველი სასულიერო პირი მეთაურად აღარ ღირსებია...

1814 წ. იმერეთის კათოლიკოსობა გააუქმეს და იმავე წ.
შექმენს „გრუზინო-იმერეტინსკაია სინოდალნაია კონტო-
რა“, ხოლო 1818 წ. დააწესეს ორი ეპარქია, სახელით —
„ქართლ-კახეთისა და იმერეთ-სამეგრელო-გურიისა“, ხო-
ლო უკანასკნელად არსებობდა „გრუზინო-იმერეტინსკაია
სინოდალნაია კონტორა“, ეგზარხოსის მეთაურობით, რო-
მელშიც შედიოდა ოთხი ეპარქია: 1. ქართლის, 2. იმერე-
თის, 3. გურია-სამეგრელოსი, 4. სუხუმის. ამ ეპარქიებს
ეპისკოპოსები მართავდნენ.

რუსულ სინოდზე დამორჩილებული ათას შვიდასზე
მეტე ქართული საყდარი შექმნილ ვითარებას არ ურიგ-
დებოდა; სამღვდლო პირები რუსეთის წინააღმდეგ ხალ-
ხის აჯანყებებში მონაწილეობდნენ, ხან აშკარა, ხან მა-
ლულ ბრძოლას ეწეოდნენ. ქუთაისში რუსებმა დაატყვე-
ვეს ქართველი მიტროპოლიტი დოსითეოს ქუთათელი და
ეპისკოპოსი ექვთიმე გელათელი, რომლებიც რუსეთისა-
კენ გაისტუმრეს და გზაში დაახრჩვეს და ყოველად მხარე-
ვად და უცერემონიოდ სადღაც ანანურთან მიწაში ჩაა-
გდეს.

რუსი ეგზარხოსი ფეოფილაქტეს სიტყვით, ქართულ
ეკლესიებში რუსეთის უწმიდეს სინოდს მხოლოდ მაშინ
იხსენიებდნენ, როცა საყდარში რუს მოხელეებს შენიშ-
ნავდნენ და სწორედ ქართული ეკლესიის მიერ დამოუ-
კიდებლობის დაკარგვაში უნდა ვეძიოთ მიზეზი ამ მხარე-
ში მომხდარ ყველა პერიოდულ მღელვარებისათ. რუსის
მთავრობა ყველა იმ მღვდელს სჯიდა, ვინც რუსეთის სი-
ნოდს არ ურიგდებოდა და საქმე იქამდე მივიდა, რომ ქარ-
თულმა თავადაზნაურობამ და გლეხობამ ერთხმად რუ-
სის მთავრობას პროტესტი განუცხადეს და თავიანთ მი-
მართვაში ხალხმა სწორათ იწინასწარმეტყველა, თუ რა
ბედი მოელოდა საქართველოს ეკლესიას და კულტურას
რუსეთის ხელში. ამ ხსენებულ მიმართვაში ნათქვამი იყო

... ადვილად გასაგებია, მუსულმანური ზღუდით გარ-
შემოვლებული და მაჰმადიანური მძლავრობით შეტისმე-
ტად შეწუხებული ქართული სამღვდლოება ქართველ
მეფეებს მხარში ედგა ქრისტიანულ რუსეთთან კავში-
რის დაჭერის საქმეში და თვითონაც რუსულ ეკლესიას-
თან ურთიერთობას იკავებდა. სამღვდლო პირები აჩქა-
რებდნენ მეფეებს რუსეთის მფარველობა მიეღოთ;
ისინი ამით ქრისტიანობის დაცვასა და საქართველოს გა-
დარჩენასაც მოელოდნენ. ტფილელი მიტროპოლიტი, ძე
ამილახორისა, ათანასე გააგზავნეს რუსეთს დიდ ხელმწი-
ფესთან, მთავრებს „ფეშქაში“ და არზა ხვეწნისა —
„აობრდა ქართლი უსჯულოსაგან, შეიბილწა მონასტერი
და დაიხაგრა ქრისტიანობა. ვევედრებით შენს ხელმწიფო-
ბას და სიმალღეს, გვიხსნა უსჯულოს ხელთაგან და ვაჭო
ხელსწიფება და სიმალღე შენი“—ო. ეს იყო დიდი ჭირისა
და ტანჯვათა ამოძახილი, რაც რუსეთის ხელმწიფეს უნდა
შეესპინა.

ქართლ-კახეთისა და რუსეთის ხელშეკრულების ძალით
— 1783 წ. — საქართველოს ეკლესია დამოუკიდებელი
უნდა დარჩენილიყო; მაგრამ რუსეთის მთავრობამ არ ინე-
ბა თავისი სიტყვა აღესრულებინა და ქართლ-კახეთის სა-
მეფოს მოსპობის შემდეგ ქართული ეკლესიის დამოუკი-
დებლობაც მოშალა. 10 ივნისს 1811 წელს კათოლიკოსი
ანტონ მეორე რუსეთის მთავრობამ გადააყენა და რუ-
სეთს გადააგზავნა, სადაც იგი ნიჟნი-ნოვგოროდში 1827
წელს გარდაიცვალა. ხოლო კათოლიკოსის ნაცვლად რუ-
სეთმა დააყენა მცხეთა-ქართლის მიტროპოლიტი, რომე-
ლიც რუსეთის სინოდის წევრი უნდა ყოფილიყო. იგი
იწოდებოდა „საქართველოს ეგზარხოსად“.

პირველი ეგზარხოსი იყო ქართველი, ვარლამ ერისთავი

ს
ს
ს
ს

— „მრავალი ტაძარი დაიქცევა, პატრიოსანსა და ყოვლად-
ქებულ ხატებსა და ჯვრებს გაიტაცებენ, საყდრებს მო-
აკლდებთ მათგანვე აღზრდილი და მათთვის შემავდ-
რებელი მოძღვარნი; ქართველები განზორებულ იქმნე-
ზიან თავის მღვდელთავართა კურთხევისაგან... უკეთუ არ
შეხებულა რჯული ბრძალ მყოფ ებრაელთა, რჯული სო-
მენტა და კათოლიკეთა, რისთვის ჩვენ უნდა შევადგენ-
დეთ გამოწაკლისს? თუ ამ დროთა შინა, როდესაც ჩვენ
აღარონიელთა (მაჰმადიანთა) ხელქვეით ვიმყოფებოდით,
არვინ ეხებოდა ჩვენ მტკიცე რწმენას და არც ამ გვარ
მწუხარებას გვაყენებდნენ, მაშ რაღა დავაშავეთ ამ უა-
მად, რომ გეტაცებენ ამ შეჩვეულ მღვდელ-მთავრებს, ტა-
ძრებსა და მღვდლებს?..“.

რუსეთის მთავრობამ ქართულ ეკლესიას ჩამოართვა მი-
სი საკუთარი ქონება, რომლის ფასი ას მილიონ ოქროს მა-
ნეთზე მეტი იყო და ქართველი მღვდლებიც რომ მორჩი-
ლებაში ჰყოლოდა, მათ სახელმწიფო ჯამაგირი დაუნი-
ნა; რუსის მოხელეებმა გაძარცვეს ქართული ტაძრებისა
და ხატთა ძვირფასი სამკაულები. იპარავდნენ ხატებსა და
საეკლესიო ნივთებს, ოქრო-ვერცხლს და თვალთა პატრიო-
სანთ (ძვირფას ქვებს)..

„რუსებმა აკრძალეს“ ეკლესიებში ქართულ ენაზე წირვა-
ლოცვა; მის ნაცვლად მღვდლებს უბრძანეს მათთვის გა-
უგებარ სლავიანურ ენაზე მღვდელმსახურების შესრულე-
ლება. შემდეგ აკრძალეს ქართული ეკლესია, რომელიც
რუსებმა „თხის ბლავილად“ მონათლეს და რუსული გა-
ლოზა შემოიღეს.

ძველი ქართული უძვირფასესი არქიტექტურა, ხუროთ-
მოძღვრების მსოფლიო მნიშვნელობის ნიმუშები უბატ-
რონოდ ნადგურდებოდა და ილუპებოდა იმოუვლელიობით,
ვინაიდან ქართულ ეკლესიას თავისი საკუთარი სახსარი
არ გააჩნდა, რათა მისთვის მოეცლო და ეპატრონა. ბო-
ლოს, თვით რუსმა მთავარებისკოპოსმა პლატონმა, მას
შემდეგ, რაც იგი ქართული ეკლესიის მდგომარეობას გა-
ეცნო პირდაპირ ჩათვალა იგი ტრაგიზმით აღსავსედ და
განადგურებისაკენ მიმავალად.

რუსული პოლიტიკის ამ გამარუსებელ და გამაპარტა-
ხებელ ზომებს ქართული სამღვდლოება ბრძოლით შე-
ხვდა. ბევრი მღვდელი შეეწირა ამ ამბავს. მაგრამ რუ-
სეთმა მაინც ვერ შესძლო სავსებით ის ზომები გაეტარე-
ბინა, რომელიც მას სასურველად მიაჩნდა.

„ნუ თუ მთავრობის უუწმიდეს მოვალეობას არ შე-
ადგენს, — სწერდა ილია ჭავჭავაძე, — რომ ერს იმისთანა
მოძღვრები მოუშავდოს, რომელთაც ღონისძიება ჰქონ-
დეთ სამწყოსა გააგებინონ რამე და თითონაც სამწყოსა გა-
იგონ. მოძღვარის ფარხმალი ენაა“—ო. და ამ ენას, ქარ-
თულ ენას, ეკლესიას არ აძლევდნენ...

ქართული ეკლესია, რომელიც რუსულ სინოდზე იყო
დამორჩილებული, თავის საკუთარ მზრუნველ ხელსა და
საკუთარ თანხებს მოკლებული იყო, ნელ-ნელა დაეცა და

ქართული ეკლესია კი მოისპო ეკლესიებში. 1859 წელს
„ში, ერთ-ერთი „ძლის პირის“ წიგნაკზე ვილაც ქართველს
შ. პ.-ს წაუწერია: — „ვითარ არ იმწუხრო სულო ჩემო,
ოდესცა იხილო დავარდნა ყურთათვისა სასიამოვნოსა
ქართულისა გალობისა! და ნეტარ ხართ კაცნო, რომელნი,
თქმცა არ გასძენით სამენითა მისითა, არამედ ისმინეთ მა-
ინცა წყობაი და სისრულე ძვირად დასაკარგავისა ქართუ-
ლი გალობისა! მიეცეს მაგიერი არა მსურველსა შენსა,
ტკბილო საზრდოვ სულისაო, გალობავ“. შ. პ.

ეს უკანასკნელი სიტყვა არის წყევლა-კრულვა რუსე-
თისა, რომელმაც არ ისურვა სულის ტკბილი საზრდო —
ქართული ეკლესია!.

მაგრამ ქართულმა სამღვდლოებამ მაინც აღადგინა ქა-
რთული ეკლესია. წმიდა ნინოს მონასტრის წინამძღვარმა,
არქიმანდრიტმა მაკარიმ, 1862 წელს, შეადგინა მაგლო-
ბელთა გუნდი და 1863 წელს იქ უკვე გაისმოდა ქართუ-
ლი ეკლესია, რომლის შესახებ დიმიტრი ყიფიანი თვით
მაკარია სწერდა: — „სული ჩემი დასტკბა, რა ვისმინე გა-
ლობა ჩვენი ძველებური“—ო.

მალე თბილისის სემინარიაშიც მოეწყო მაგლობელთა
გუნდი და თბილისის სიონის ტაძარში კვლავ გაისმა ქარ-
თული ეკლესია. არქიმანდრიტმა მაკარიმ, ეპისკოპოსმა
გაბრიელმა (ქიქოძემ), ეპისკოპოსმა ალექსანდრემ (და-
ლიანმა), მღვდელმა კარბელაშვილმა და სხვებმაც დიდი
ღვაწლი დასდეს ქართული ეკლესიისა და ეკლესიის აღ-
დგენა-განვითარებას. 1897 წ. დაარსებულ იქმნა „ქართუ-
ლი ეკლესიის აღმდგენი კომიტეტი“, დაიწყო ეკლესიათა
ნოტებზე გადატანა და ზეპდაც. ყველაფერ ამას ქართუ-
ლი სამღვდლოება აკეთებდა კერძო სახსრებით. ამის შე-
სახებ იყო, რომ მღვდელი კარბელაშვილი 1898 წელს
სწერდა: — „დანარჩენი ნოტებიც ელიან ნოტებზე დაწე-
რასა. იმედია, რომ ყოვლად უსამღვდლოესი ეპისკოპოსი
ალექსანდრე დაამთავრებს ამ საქვეყნო საქმესა, ნოტებზე
დაწერილ დაბეჭდვინებს და დასაწერს დააწერინებს და
არ დაუკარგავს ქართველობასა ძველ მამა-პაპურ ეკლესი-
ასა, როგორც მზრუნველი და ჭიროსუფალი ჩვენის ძვე-
ლი სულიერი დიდების დაცვისა და აღდგენისა“—ო.

ქართული სამღვდლოებას ბრძოლა არ შეუწყვეტია ერთი
წუთითაც გამარუსებელი პოლიტიკის წინააღმდეგ, მი-
უხედავად იმისა, რომ ამ ბრძოლას დიდი მსხვერპლი მო-
სდევდა. ეს ბრძოლა თბილისის სასულიერო სემინარიაშიც
გადადის და დიდ მღვდლებს იწვევს მოწაფეთა შორის.
სემინარიის მოსწავლეებმა გაფიცვა კი გამოაცხადეს და
სხვა მოთხოვნისათა შორის ქართული ენისა და ქარ-
თული ეკლესიის აღდგენაც მოითხოვეს. 1885 წელს მო-
წაფე სილიბისტრო ჯიბლაძემ სცემა სემინარიის დირექ-
ტორს ჩუდნიცკის. შემდეგ წელს (1886 წ.) ეს დირექტო-
რი მოკლა მოსწავლე ლალიშვილმა. ხოლო ამის გამო
საქართველოს რუსმა ეგზარხოსმა პავლემ ქართველი ერი
დასწყევლა და ანათემას მისცა. თბილისის გუბერნიის

თავდაზნაურთა მარშალმა დიმიტრი ყიფიანმა ამის გამო სასტიკი პროტესტი განაცხადა და ეგზარხოსს მოთხოვა საქართველო დაეტოვებინა: — თქვენ ველარ დარჩებით იმ ხალხის მღვდელმთავარი, რომელიც თქვენ ანათემას მიეცითო! — ამის საპასუხოდ რუსეთის მთავრობამ, მის წინაშე დამსახურებული, დიმიტრი ყიფიანი რუსეთს გადაასახლა, სადაც იგი რუსის აგენტებმა მოჰკლეს. მოკლულის გვამი საქართველოში ჩამოასვენეს და მისი დასაფლავება თბილისში, იყო დიდი ეროვნული დემონსტრაცია რუსეთის მთავრობის წინააღმდეგ (1887 წ.).

მაგრამ მთავრობის მკაცრი ზომები თავისთავად დიდ წინააღმდეგობას იწვევდა და სასწავლებლებში მღვდლმთავარება არ წყნარდებოდა. 1889 წელს თბილისის სასულიერო სემინარიაში მოხდა გაფიცვა და მოსწავლეებმა მოითხოვეს საყოფაცხოვრებო პირობების გაუმჯობესების გარდა, რაც მთავარი იყო — ქართული ენის, მწერლობის და ისტორიის შემოღება. ეს ეროვნული მოძრაობა მოახლოვებულ 1905 წლის რევოლუციის წინ, თანდათან იზრდებოდა.

ქართველმა მღვდლებმა ისარგებლეს 1905 წლის რევოლუციით და მოითხოვეს საქართველოს ეკლესიის ავტოკეფალია. 1906 წელში იმპერატორ ნიკოლოზ მეორის ბრძანებით, ეს საკითხი უნდა გადასცემოდა განსახილველად სრულიად რუსეთის სამღვდლოების ყრილობას, მაგრამ წინასწარმა თათბირმა უარპყო იგი.

არამც თუ ავტოკეფალიის საკითხი, არამედ ქართული ენის შემოღების საკითხი იღვა მწვავედ. ქართულმა სამღვდლოებამ კვლავ მოითხოვა ქართული ენისა და ქართული გალობის შემოღება სასწავლებლებში და ეკლესიებში. ამის გამო ეგზარხოსი, ნიკონი 1908 წელს, იანვრის 20ს სწერდა წმიდა სინოდის თავმჯდომარე მიტროპოლიტ ანტონს: — საქართველოს სამღვდლოებამ დაადგინა: სემინარიებში და სასულიერო სასწავლებლებში საღვთისმეტყველო საგნების სწავლება შემოიღოს ქართულ ენაზე, მაგრამ ეს არავითარ შემთხვევაში არ შეიძლება... მათ თუ ამოი ნება მიეცემათ, მაშინ უნდა წაერთვას სემინარიას შემწეობა ხაზინიდან. რაკი სწავლებას ეროვნულ ენაზე შემოიღებენ, მათ უნდა ჩამოერთვას ის უფლებებიც, რომელიც აქამდე მოსწავლეებს ჰქონდათ მინიჭებული, სანამ სემინარია რუსული იყო. მაშინ ქართველები ჩადენილი საქციელის გამო მონანიებითა და ცრემლთა დენით შეწყალებისათვის, უარს განაცხადებენ თავის ეროვნულ პრეტენზიებზე და ხვეწნით მოგვმართავენ დავუბრუნოთ ის, რაც ჰქონდათ. თავაზიანობა მათთან, ქართველებთან, არა ღირსო.

ამის საპასუხოდ, ეგზარხოსი ნიკონი მოჰკლეს თბილისში 1908 წელსვე. ვინ მოჰკლა იგი, ეს გამოურკვეველი დარჩა.

ნიკონის მაგიერ დაინიშნა ისევ რუსი ეგზარხოსი ინოკენტი. ქართველმა სამღვდლოებამ მას ეს ტანიშნენა მი-

ულოცა და იმედი გამოთქვა, რომ ქართული ეკლესიის საკითხი სასურველად გადაწყდებოდა.

საქართველოს ეკლესიის ახალი ეგზარხოსის პასუხი იყო: — მე ვცნობ რუსეთის ეკლესიას, ხოლო არა ვცნობ საქართველოს ეკლესიასო.

ინოკენტის მოადგილემ, ალექსიმ 1913 წელში ქართველების მიერ ავტოკეფალიის მოთხოვნა „ქართველი ავტოკეფალისტური ინტელიგენციის ფანტასტიურ ბოდვად“ მონათლა, ხოლო შემდეგმა ეგზარხოსმა პლატონმა გადაშალა და არ წარუდგინა კავკასიის მეფისნაცვალს, ნიკოლოზ ნიკოლოზის ძეს ქართველთა სამღვდლოების მოთხოვნა ქართული ეკლესიის ავტოკეფალიის შესახებ.

ეს იყო უკვე პირველი დიდი ომის ხანა, რომელსაც მოჰყვა დიდი რევოლუცია. იმპერატორის ტახტი დაინგრა და თან მიჰყვა რუსული სინოდიც.

რევოლუციის პირველსავე დღეებში მოხდა საქართველოს სამღვდლოების დიდი ყრილობა, რომელმაც საქართველოს ეკლესიის დამოუკიდებლობა გამოაცხადა, **12 მარტს 1917 წელში. პირველად ასი წლის შემდეგ საქართველოს კათოლიკოსად არჩეულ იქმნა ქართველი სამღვდლოების მეთაური — კათოლიკოსი კირიონი (1917 — 1918 წ.წ.).** და ქართული ეკლესია შეუდგა თავისი ცხოვრების: მოწყობასა და დღეგებას, რომელიც მას აღარ დასცალდა.

საქართველოს დამოუკიდებელმა დემოკრატიულმა რესპუბლიკამ თავისი საკანონმდებლო დაწესებულების დადგენილებით ეკლესიისა და სახელმწიფოს ერთმანეთისაგან ჩამოშორება გამოაცხადა და სარწმუნოების სრული თავისუფლება აღიარა. მაგრამ მალე, 1921 წლის თებერვალ-მარტში მოსკოვის ბოლშევიკურმა ჯარებმა გადალახეს საქართველოს რესპუბლიკის საზღვრები და საქართველოს რესპუბლიკა დიპყრეს. ამგვარად, საქართველოს ეკლესია და მისი მთავარიც, კათოლიკოსი ბოლშევიკურ ხელისუფლებაში აღმოჩნდა... და დაიწყო კიდევ უფრო მძაფრი და მძიმე ბრძოლა, ვიდრე ეს ცარისტული რუსეთის დროს სწარმოებდა.

აღსანიშნავია, ბოლშევიკებს ეკლესიისათვის პირველად ხელი არ უხლიათ, რადგანაც ხალხის დიდ წინააღმდეგობას მოელოდნენ და დასაწყისში ამას ანგარიშა უწევდნენ. ოღონდ მალე დაიწყო ქართული ეკლესიის წინააღმდეგ ბრძოლა, ჯერ პარტიული გზით, ქადაგებითა და უღმრთოთა ორგანიზაციების დაარსებით. კომუნისტებს, რასაკვირველია, ეკრძალებოდათ ეკლესიებში სიარული; მაგრამ ხალხი, რომელიც ქალაქად ეკლესიაში მცირედ დადიოდა, ახლა მიაწყდა წირვა-ლოცვას და ქართული ტაძრები, განსაკუთრებით თბილისში, მუდამ გატენილი იყო. ეს იყო მისი ერთგვარი დემონსტრაცია ბოლშევიკების წინააღმდეგ. და ამ დიდმა ეროვნულმა დემონსტრაციამ ისეთი დიდი გავლენა მოახდინა თვით ბოლშევიკებზე, რომ ისინი იძულებული იყვნენ ნათვლა, ჯვრისწერა მალულად მიე-

ლოთ. ამ ნიადაგზე პარტიამ მკაცრი ზომებიც იხმარა და თვითონ ბოლშევიკებს სდევნიდა. შემდეგ მთავრობის და პარტიის ბრძანებით დაიწყეს ეკლესიების ნგრევა ან მათი სახალხო კლუბად გადაკეთება, მღვდლებია დაჭერა და გადასახლება. მღვდლებს ძალით კრეჭდნენ, — ხალხი მათ მალავდა.

ქართველი მღვდლები ბრძოლით შეხვდნენ ბოლშე-კურ ველურობას და მათ ქართველი ხალხის აჯანყებაში მოსკოვის წინააღმდეგ მხურვალე მონაწილეობა მიიღეს იარაღით ხელში. ზოგან თვით ხელმძღვანელობდნენ ბრძოლას, როგორც ეს წარსულში ხდებოდა. ამ აჯანყებას განსაკუთრებით 1924 წელში, ბევრი სასულიერო პირი შეეწირა და ბევრი მათგანიც დაიღუპა..

არავინ უნდა დაივიწყოს კათოლიკოსის სიტყვა, რომელიც მან ჯალათებს უთხრა:

— სული ჩემი ღმერთს, გული ჩემი — სამშობლოს, ხოლო მძორი ჩემი — თქვენ, ჯალათებო!

1922 წელს გენუის კონფერენციაზე საქართველოს კათოლიკოსმა მალულად გადააგზავნა მემორანდუმი ქართველი ხალხისა და სამღვდლოების, საქართველოს ეკლესიის მდგომარეობის შესახებ; თხოვდა გენუის კონფერენციაზე მონაწილე სახელმწიფოებს ქართველი ხალხის უბედურებისაგან ყურადღება მიექციათ...

ქართველი მღვდელი ქართველ ხალხთან ერთად იბრძოდა წარსულში და ეს ტრადიცია დღემდე სრის დატული.

მძიმე არის და სისხლიანი ეს ბრძოლა, რადგან დღეს ქართულ ეკლესიას ებრძვიან სატანა... მხარამ სატანა ერთ დღეს ხომ უნდა დამარცხდეს!.

რ. ბეთანელი

უნივერსიტეტის დაარსების 50 წლის უნდასწავლის თავე მოწვეული პრილოგა პარიზში —

მოწვევის ბარათი:

საფრანგეთში მყოფ:

ქართველ ლტოლვილთა სათვისტომოს გამგეობა, ქართველ მწერალთა და ჟურნალისტთა კავშირის გამგეობა და თანამგზავნი ქართველ მეცნიერთა და მწერალთა საპატიო მომწვევი კომიტეტი

გთხოვთ დაესწროთ

საჯარო საზეიმო კრებას

თბილისის უნივერსიტეტის

50 წლის აღსანიშნავად (1918 — 1968)

კვირას, 14 იანვარს 1968 წ. სრულ 15ს, 30, „მიუზე სოსიალ“-ის დიდ დარბაზში, 5, რ. ლას-კაზ, მეტრო: სოლფერინო.

ლტოლვილობაში მყოფ ქართველ მეცნიერთა და

მწერალთა მომწვევი საპატიო კომიტეტი:

ბ-ნი ნოე ცინცაძე, განათლების ყოფ. მინისტრი და მოუკიდებელი საქართველოს ეროვნული მთავრობისა ბუენოს აირესი: ქ-ნი თამარ გოგოლაშვილი-პაპავასი — მწერალი-ჟურნალისტი..

რომი: ბ. პროფ. შალვა ბერიძე — ლიტ. დოქტორი, „ვ.ტ.“-ს იტალიურ ენაზე მთარგმნელი.

ბერლინი: ბ. კირილე ვეკუა — ფილოსოფიის დოქტორი, ქიმიის მეცნიერი.

ვაშინგტონი: ბ. პროფესორი კირილე თუმანიშვილი

— ფილოსოფიის დოქტორი, ისტორიის პროფესორი ჯორჯტაუნის უნივერსიტეტში. მრავალი ისტორიული შრომის ავტორი.

სან ფრანსისკო: ბ. ალ. მანველიშვილი — ისტორიკოსი, მრავალი ისტორიული შრომის ავტორი (მათ შორის ფრანგულ ენაზე — საქართველოს ისტორიისა).

ნიუ იორკი: ბ. პროფესორი გიორგი ნაკაშიძე — სამართლის მეცნიერების დოქტორი, ფილოსოფიის დოქტორი.

პარიზი: ბ. ვიქტორ ნოზაძე — ფილოსოფიის დოქტორი, რუსთველოლოგი და მწერალი.

ბუენოს აირესი: ბ. ლეონიდე ჭეიშვილი — დოქტორ-ინჟინერი, დეპარტამენტის დირექტორი არგენტინის მინერალოგიის ინსტიტუტში.

პროგრამა

სიტყვა კრების საპატიო თავმჯდომარის ბ. ნოე ცინცაძის.

ბ-ნი მედეა ღამბაშიძე — თბილისის უნივერსიტეტის გახსნის დღე (ფურცელი დღიურიდან).

ბ. ალ. მანველიშვილი — თბილისის უნივერსიტეტი.

ბ. სევერიან ჭირაქაძე — ძარღვი საქართველოსა ბ. შალვა კალანდაძე — მოგონება. .

ბ. ელისე პატარიძე — მოგონებები.

ბ. გიორგი ნაკაშიძე — თბილისის უნივერსიტეტი.

ბ. ლევ. ტიტინიძე — მოგონებანი თბილისის უნივერსიტეტზე.

ბ. ნიკოლოზ ყურულაშვილი ფიქრები თბილისის უნივერსიტეტზე.

ქართული უნივერსიტეტის დაარსების 50 წლის თავზე პარიზში

1918 — 1968

ლ. ზურაბიშვილი

ქალბატონებო და ბატონებო,
ძვირფასნო თანამემამულენო,

გახსნილად ვაცხადებ ამ საჯარო საზეიმო სხდომას, რომელიც თბილისის უნივერსიტეტის 50 წლის თავის აღნიშვნას მივძღვებით.

(ეს კვირა დღე დაემთხვა თავისით, უცაბედად, მაგრამ მოხდენილად, საქართველოს განმანათლებელის, წმიდანინოს დღესასწაულს...)

ნება მიბოძეთ, ვიდრე სიტყვას მივცემდე ჩვენ დღის წესრიგში აღნიშნულ პატივცემულ ორატორებს, მოგმართოთ ორიოდ სიტყვით.

მსოფლიო კულტურის ცენტრში, პარიზში, დღეს რომ აღვნიშნავთ თბილისის უნივერსიტეტის დაარსებიდან 50 წლის თავს, — ამას აქვს თავისი, განსაკუთრებული, სიმბოლიური და თანაც მეტად რეალური, მნიშვნელობა.

ისტორიის სველა და სახეობა ხომ თვითონ ცვალებადია, მაგრამ უფრო ცვალებადია ის, თუ როგორ იწერება ეს ისტორია. ამიტომ, ამ შემთხვევაში, აუცილებელია სისწორით ითქვას, აღნიშნოს და კიდევ და კიდევ ყველგან განმეორებულ იყოს ამ დღიდი საქმის ნამდვილი ამბავი, რომლის გამრუდებაც დღეს ზოგი არა-სინიდიისიერი იატორიკოსი ცდილობს...

თბილისის უნივერსიტეტის დაარსება, ეს იყო ნატვრა და ღრმა ნოათხოვნილება ქართველი ერის მოწინავე წრეებისა, მეცხრამეტე საუკუნის მეორე ნახევრიდან, დაწყებული ყველა იმ კარგი ქართველისა, ვინც იღვაწა, რათა დაეარსებინათ „წერაკითხვის გამავრცელებელი საზოგადოება“, ქართული სკოლები და ჟურნალები, და მიაღწიეს კიდევ ქართული ორი გიმნაზიის გახსნას, სხვა ეროვნულ საქმეთა შორის.

მაგრამ სანამ საქართველო იყო რუსეთის ხელში, თბილისის თუ არგუნეს შტაბში რუსული შენობა, არსენალი, ფუნქციონირებდა კონსერვატორია და მავრიტანული სტილის ოპერა, გამუდმებით, კატეგორიულ უარს ეუბნებოდნენ უნივერსიტეტის თაობაზე, არამც თუ ქართულ ენაზე, მომაცადინეს, თვით რუსულზედაც! (ეს მაშინ, როდესაც არა მხოლოდ პეტერბურგა, მოსკოვს და კიევს, არამედ ხარკოვს და ოდესასაც ჰქონდათ ასეთი უმაღლესი განათლების დაწესებულებები)...

ყოველივე ამ პოლიტიკური დაბრკოლების მიუხედავად, თბილისის უნივერსიტეტის გახსნას შორიდანვე ამზადებდნენ ქართველი ერის რჩეული შვილები და ყველამ იცოდა, რომ ის მშვენიერი შენობა, რომელიც თავისი საშუალებით და მსხვერპლის გაღებით ქართველობამ აუშენა თავის საყვარელ „ქართულ გიმნაზიას“, თავიდანვე გათვალისწინებული იყო სანატრელი უნივერსიტეტისათვის.

და აი, როდესაც საქართველოს მოუწია იმ მომენტმა, როცა ქართველ ერს ეძლეოდა საშუალება თავისი საკუთარი გადაწყვეტილებების განაღდებისა, მან **ნებაყოფლობითი, გადაწყვეტილი ნაბიჯით, აღადგინა ეროვნული და სახელმწიფოებრივი სრული სუვერენობა.**

ჯერ კიდევ 1917 წლის (12) 25 მარტს, მცხეთას შემდგარმა საქართველოს ეპისკოპოსთ - სამღვდლოების ყრილობამ აღდგენილად გამოაცხადა მრავალსაუკუნოვანი ქართული ეკლესიის ავტოკეფალია (რაც რუსეთის სინოდს გაუქმებული ჰქონდა 1811 წელში). ეს გახლდათ **საქართველოს სულიერი სუვერენობის აღდგენა.**

26 იანვარს 1918 წ. — უკვე დამოუკიდებელი კავკასიის პირობებში — მოხდა გახსნა თბილისის სახელმწიფო ქართული უნივერსიტეტის — მემკვიდრე გელათის და იყალთოს აკადემიებისა. **ეს იყო საქართველოს სუვერენობის აღდგენა: გონების სფეროში!**

და ბოლოს — 26 მაისს 1918 წ. საქართველომ აღადგინა თავისი **საერთაშორისო სახელმწიფოებრივი და პოლიტიკური სუვერენობა.**

ყველაშათვის ნათელია, რომ სამივე ეს, ერთი მეორის მიმყოლი, უდიდესი მნიშვნელობის აქტი, ამონახეთქია ქართველი ერის ნებისყოფისა ისტორიული სინამდვილიდან. ასევე ნათელია, რომ ყოველად შეუძლებელია რომელიმე ამ აქტის დაკავშირება „ოქტომბრის რევოლუციასთან“, როგორც ამას ცდილობენ და რის ჩანერგვასაც ლამობენ, ირიბი საშუალებებით და მიკიბულ-მოკიბული წინადადებებით, რათა ქართველთა ის თაობანი, ვინც ამ დღიდი ფაქტების მომსწრენი არ იყვნენ, ამაში დააჯერონ.

აი, ამიტომ დღევანდელი ჩვენი ყრილობა არის მნიშვნელოვანი. თქვენ მოისმენთ აქ არა ჩვეულებრივ მოგონებებსა და მოხსენებებს, არამედ ისტორიის სასამართლოს წინაშე ორმოცდაათი წლის თავზე მოტანილ უტყუარ მოწმობა-ჩვენებებს...

დაგოუპიღებელი საქართველოს რესპუბლიკის განათლების უ. მინისტრის ნ. ცინცაძის სიტყვა

26 იანვარი 1918 წლისა: ქეშმარიტად დაუვიწყარი და დიდი მნიშვნელობის თარიღი ქართველი ერის და მისი კულტურის ისტორიაში; ამ დღეს გაიხსნა ქართული უნივერსიტეტი! მრავალ საუკუნეთა მანძილზე ქართულ სულიერ შემოქმედების ტაძრის გამოკეტილი კარები გაიღო!

თებერვლის რევოლუციით შექმნილი მდგომარეობა ამისი ხელის შემწყობი ფაქტორი აღმოჩნდა. მხოლოდ საჭირო იყო წამყვანი ძალა ადამიანისა, რომელიც სათანადო ავტორიტეტით, დიდი რწმენით საქმისადმი და უჩუყვე ნებისყოფით იქნებოდა დაჯილდოებული, რომ მრავალ თაობათა ოცნება წარმატებით დაგვირგვინებულიყო.

ცნობილია, რომ ყოველ ისტორიულ მოვლენას (თითქმის ყოველთვის) თავისი დიდი ოსტატი ევლინება. ასეთი პიროვნება, მთელი თავისი არსებით და წარსულით ამ დიდ ეროვნულ საქმესთან მჭიდროდ გადაბმული, გახლდათ ივანე ჯავახიშვილი; დიდი მკვლევარი - მეცნიერი და მასთან მოქალაქეობრივი ინტუიციით და გამბედაობით შემკული. მას მხარს უმშვენებდნენ იმ თავითვე, მისი ერთგული თანამგზავრნი და მოწაფენი: იოსებ ყიფშიძე და აკაკი შანიძე. პირველი, სამწუხაროდ, ძალიან ადრე გამოეთხოვა წუთისოფელს, რაც აუნაზღაურებელი დანაკლისი იყო უნივერსიტეტისთვის და ქართველოლოგიისათვის.

ამ სახელოვანი სამეულის გარშემო სწრაფად თავს მოიყრის ქართული მეცნიერული ოჯახი პროფესორ პეტრე მელიქიშვილის მეთაურობით, — ეს უკანასკნელი, საერთაშორისო მასშტაბის დიდი მეცნიერი - ქიმიკოსი, ჩვენი უნივერსიტეტის პირველი რექტორი გახდება, ივ. ჯავახიშვილის და მისი ეკიპის სურვილითა და მოთხოვნით..

სიმბოლიურად უნდა ჩაითვალოს, ვფიქრობ, ის გარემოება, რომ უნივერსიტეტის გახსნა წინ უსწრებდა საქართველოს სახელმწიფოებრივობის აღდგენას, მის დამოუკიდებლობის გამოცხადებას. ეს ხომ იმას უნდა მოწმობდეს, რომ ქართული კულტურის ხერხემალი ისტორიულმა უკუღმართობამ ვერ გასტეხა, რაც თავმდეები უნდა ყოფილიყო საქართველოს სახელმწიფოს აღდგენისა და დამკვიდრებისა.

ესლა მოვიგონოთ, თუ როგორ იყო აღნიშნული ეს ჩვენი კულტურის დღესასწაული. უნივერსიტეტის ფუძემდებლებთან შეთანხმებით და მათივე სურვილით უნივერსიტეტს გახსნის ქართული ეროვნული საბჭოს სახელით და დავალებით აკაკი ჩხენკელი, რომლის სიტყვა, მისივე მოგონებით და გადმოცემით, არაჩვეულებრივი მღელვარებით და „გულის ტოკვით“ იყო წარმოთქმული. ასეთივე გაცხადებით იყო შეპყრობილი მთელი დამსწრე საზოგადოება.

საზეიმო აქტის დარბაზი გაჭედული, დერეფნები ხალხს ვერ იტევდა და მრავლად მოსულნი ეზოში ჰპოულობდნენ ადგილს. ეს იყო მართლაც სპონტანური მანიფესტაცია ხალხის ყველა სოციალური ფენების წარმომადგენელთა (ახალგაზრდობა, მუშა, ვაჭარი, ხელოსანი); აი, ამათ პორტ-პაროლად გამოდის ცნობილი ტრიბუნი ვლასა მეგლაძე, რომელიც მხურვალედ მიულოცავს ამ დღეს ქართველ ხალხს და მისთვის ჩვეული გულწრფელი აღტყინებით მიესალმება იმ პირს, რომელიც ქართველი ერის კულტურული სახის გამოცხადებელი იყო.

ამრიგად იწყება ხანა ახალი აღორძინებისა; ქართული კულტურის სამრეკლოზე პირველი ზარს ჩამორეკავს (მეორე ზარი ხომ 26 მაისს ჩამორეკა მან), რომლის ხმა შორეულ წარსულს, გელათის აკადემიის სახით მისწვდება. ამ დღეს უხილავი, სულიერი ტალღები მიადწევნენ თავის შორეულ წინამორბედს — სიბრძნის მეტყველ პეტრიწონელს!

ამ დიდ ზეიმს ქართულ ეროვნულ ქუჩაზე წინ უძღოდა ხანგრძლივი, შეუჩერებელი მზადება ივ. ჯავახიშვილის ხელმძღვანელობით; კარგად წარმოიდგენთ, თუ რა ეკლიანი გზა იყო გასავლელი. თუ ცარიზმის პოლიტიკა ერთა კულტურულ ემანსიპაციის მიმართ აშკარად უარყოფითი იყო, — ამ მხრივ თებერვლის რევოლუციისაგან გამოსული ხელისუფლება, ამ რევოლუციის დროშაზე აღბეჭდილი ქარტიდან იმიჯნება..

დიდ ისტორიულ წამოწყებას, ცხადია, თან დაჰყვებოდა დიდი სიძნელე და დაბრკოლებაც, რომლის გადალახვა და დაძლევა ბევრისათვის შეუძლებლად გამოიყურებოდა იმ ხანებში. სანამ ამ მდგომარეობის დახასიათებას შევეუდგებოდე, საჭიროდ მიმაჩნია განვაცხადო შემდეგი: ჩვენს ამოცანაში არ შედის, ცხადია, გადაშლა ბალანსისა (თუგინდ მოკლედ, გაკვირთაც) ჩვენი მეცნი-

ერების უზენაეს ორგანოსი, რომელმაც ნახევარი საუკუნის მანძილზე, მთელი მსოფლიოს წინაშე ნათელ ჰყოთუ რა შეუძლია გააკეთოს ჩვენი ერის გენიამ ამ მაღალ სულიერ ასპარეზზე.

აქ გვსურს ავსახოთ მხოლოდ მეტად მკრთალი სურათი იმისა, (ზოგ პირად მოგონებათა გაშლით), თუ რა პირობებში უხდებოდა ჯერ კიდევ ნოქრ და სათუთ ორგანიზმს ფეხის ადგმა, ამოძრავება. ერთი სიტყვით, მე მსურს თქვენი ყურადღება მიექცეოდ, მივმართო ამ დიდი მოვლენის სათავისაკენ.

მაშ, რა პირობებში ხდებოდა მეცნიერული აპარატის მოწყობა და ამუშავება? პირველ ყოვლისა, აკადემიური „ბარიერები“ მოითხოვდა დაძლევის, ერთი მხრივ, პრობლემა ქართველ მეცნიერთა თავის მოყრისა და ძირეული ეკიპის, კადრის ჩამოყალიბება იდგა დღის წესრიგში. ამ საქმეს თავიდანვე საიმედო პირი უჩნდა. ძველი იმპერიის სხვა და სხვა კუთხეში დაფანტული ჩვენი მეცნიერები სწრაფად მოეშურებიან სამშობლოსაკენ თავისი მისიის და თავისი მოვალეობის მოსახდელად. მეცნიერთა ოჯახი გროვდება; მათ არ უშინიათ იმისაც, რომ უცხოეთში აღზრდილნი მეცნიერების ასპარეზზე, მათ ხშირად წინ უდგათ ამოცანა ქართული ენის სათანადო დაუფლებისა.

აქ უნდა აღვნიშნო, რომ ამ წრის და ოჯახის გარეშე იდგა ერთი ადამიანი, ჩვენთვის კარგად ცნობილი დიდი მეცნიერი ნიკო მარი, რომლის არსებობა ქართული კულტურის კერის გაჩენაში წარმოუდგენლად იყო მიზნული. მთელ რიგ გარემოებათა გამო, რაც უმთავრესად წარსულს ეკუთვნოდა, ქართულ მეცნიერულ ოჯახში შემოსვლა იმ ხანებში ერთგვარ სიძნელეს წარმოადგენდა. ნიკო მარის, დიდი მეცნიერული ინტუიციით შემკული, თავისი ტემპერამენტით, არ იყო, შეიძლება, ყოველთვის დაზღვეული ერთგვარ „იმპრესიონისტულ“ განხრებიდან. მაშ, ასეთ პირობებში დაისვა საკითხი ნ. მარის მოწვევისა. პირველ ყოვლისა, პროექტი ივანე ჯავახიშვილს გადაეცანით. სკეპტიკოსი პროექტის სასურველად დავიგროვებებზე, ის „დაგვლოცავს“ და აცხადებს, რომ მოხარული იქნება (თავის კოლეგებთან ერთად), თუ ეს განზრახვა განხორციელდებოდა. ამის შემდეგ, ნ. მართან სათანადო კონტაქტს მოჰყვა უკანასკნელის დასტური. მის დასტურს თან დართული ჰქონდა სურვილი (ქართული და კავკასიური მატერიალური კულტურის დანაწესების შექმნა უნივერსიტეტთან), რაც მოითხოვდა ერთგვარ ფინანსიურ მსხვერპლს და რისი დაკმაყოფილება მთავრობისაგან უზრუნველ ყოფილი იყო. აქ ვსარგებლობ შემთხვევით და ვაცხადებ ყველას საყურადღებოდ, რომ არ ყოფილა შემთხვევა, რომ მთავრობაში უნივერსიტეტის საბიუჯეტო საკითხებს

კამათი ან წინააღმდეგობა გამოეწვიოს, მიუხედავად მაშინდელ გასაგებ მძიმე მდგომარეობისა; ამ მხრივ, განათლების უწყებას ერთგვარი „კარტ ბლანშ“-ი ჰქონდა მინიჭებული.

ეხლა დავუბრუნდეთ ისევ მრავალ სიძნელათა მოშლის პროცესს, რომელშიდაც გაშმაგებულად ჩაება ჩვენი უნივერსიტეტის ხელმძღვანელობა. მეცნიერების თავის მოყრასთან ერთად ორგანიზულად დაკავშირებული იყო მეორე მთავარი ამოცანა, სახელდობრ, მეცნიერული ლიტერატურა და ტერმინოლოგია, რაც იყო მთავარი ასპექტი ნაციონალიზაციის პრობლემისა. სდგება სამინისტროსთან კომისია, რომელშიც შედიან სხვა და სხვა დარგის სპეციალისტები. ამ ორომც წევრიან კომისიის თავმჯდომარეობს ივანე ჯავახიშვილი. კომისია პირველ ყოვლისა, ყოველი მხრივ ცანსჯის შემდეგ, შეჩერდება ცარკვეულ პრინციპებზე, რაც უნდა გამხდარიყო სახელმძღვანელოდ ტერმინოლოგიის დასამუშავებლად და დასადგენად. შემდეგ ის დაიყოფა ქვე-კომისიებად, მეცნიერების დარგების მიხედვით. **ამგვარად, კოლექტიურად და ინდივიდუალურად მუშაობა გაჩაღდება.** და რალაც ერთი წლის მანძილზე საქმეს დიდი წარმატება დაეტყობა.

დღეს უკან რომ გავიხედავთ და ასეთ მოკლე ხანში ჩატარებულ მუშაობას მოვიგონებთ, ჩვენს გაცუბას, მიღწეული შედეგების წინაშე, საზღვარი არ აქვს. თანდათანობით დაძლეული იქმნა სახელმძღვანელოების მწვავე საკითხიც. ყოველივე ამას ერთგვარად აგვირგვინებს უნივერსიტეტის მეცნიერული უწყების გამოცემა 1919 წელში „ტფილისის უნივერსიტეტის მოამბის“ სახელწოდებით (ათი წიგნი).

აკადემიურ პრობლემებს ამძიმებდა ამ „გარდამავალ“ ხანაში თანდაყოლილი პოლიტიკური კითხვები, რაც ერთგვარ მემკვიდრეობას წარმოადგენდა ძველი რეჟიმიდან: საილუსტრაციო მაგალითად ამ ეპოქიდან. თქვენ იცით, რომ იმ დროს არსებობდა ტფილისში ახლად ფეხადგმული პოლიტექნიკუმი, დაარსებული მთელი კავკასიისათვის. რომელსაც გარკვეული სტატუსის მიხედვით, ერგვარად „პატრონობდა“ საგანგებო კომიტეტი, ქალაქის თავის თავმჯდომარეობით. დამოუკიდებელი საქართველოს პირობებში ის მისი წარმოშობით და ბუნებით წარმოადგენდა ფაქტიურად „ექს - ტერიტორიალურ“ დაწესებულებას. ამ მდგომარეობით ჩვენი ქვეყნის მტრები ფართოდ სარგებლობდნენ ინსტიტუტისათვის შეუფერებელი პოლიტიზაციით და „მეხუთე კოლონების“ მოშველებით. **საჭირო იყო მისი ეროვნულ და საღ აკადემიურ პოზიციაზე უმტკივნეულოდ გადმოყვანა.** საკითხის შესწავლის შემდეგ ჩვენ შევიმუშავეთ პროექტი პოლიტექნიკუმის განყოფილებათა უნივერსიტეტ-

გიორგი ყიფიანი

ლევილის მზეს

ვფიცავ ლოდზე ნაგრეხ სუროს,
ლევილის მზეს თვალცრემლიანს,
სადაც ჯვრები გარდასულთა
ცოცხლებივით გვიცქერიან,

ვფიცავ კალამს, ლექსის სტრიქონს,
მოხუცებულ გულის ძვარას,
სააქაოს, საიქაოს,
წარმოშვების ბედისწერას,

ფესვარულეებში ჩაძირულ ხმას,
გრივალეებში ზღვათა ლელვას,
ჩამონგრეულ საყდრის ჯვართან
ღეთისმშობლის წილ ქართველ დედას,

რუსთაველის ოქროკალამს,
ქართულ ენის გვირგვინოსნებს,

დაუნდობელ უცხო ძალით
ორღენებით დასჯილ მგოსნებს,

ვფიცავ დროშას სამჯერო კოცნით,
საქართველოს დიდების დღეს,
სამთაფერის ცაში ფრიალს,
ოცდაექვსი მაისის მზეს,

პრეზიდენტის მოხუც სახეს,
დამარცხებულ ქართლოსის ჯარს,
ყელგამოჭრილ პატრიარხებს,
კათოლიკოს ამბროსის ჯვარს,

ვფიცავ — ვფიცავ
აქაც — იქაც,
სულის გარე — სულის ძირას,
საფლავშიდაც რომ დავიცავ
ხალხის სისხლით ნაკურთხ მიწას.

გიორგი ყიფიანი

თან დაკავშირებისა სათანადო ფაკულტეტის დაარსებით. ამის პრეცედენტიც იყო შექმნილი უნივერსიტეტში აგრარონომიული ფაკულტეტის გახსნით, 1919 წელში. დასავლეთის დაწინაურებაც, განსაკუთრებით პატარა ქვეყნების გამოცდილება გამოყენებული იქნებოდა. — შეიკრიბა პოლიტექნიკუმის კომიტეტი დამუშავებული პროექტის განსახილველად. გაიმართა ცხარე აზრთა გაცვლა-გამოცვლა. პროექტის მოწინააღმდეგეთა მცირე ჯგუფს ხელმძღვანელობდა ქალაქის ერთი ძველი მოღვაწე (აწმაც ბაბოვი). კამათი დასრულდა პეტრე მელიქიშვილის სიტყვით; მისმა ავტორიტეტულმა და ღრმა ანალიზმა მთლიანად მოშალა პროექტის მოწინააღმდეგეთა „პარტიზანული“ პოზიცია. ამრიგად, პროექტი, შეფარდებული აკადემიურ ლოლიკასთან და მიზანშეწონილებასთან და იმავე დროს, სახელმწიფოებრივ ინტერესებთან, კრების მიერ მიღებული იქმნა.

აქ, როგორც დავინახეთ, ჩვენი მსოფიანი მეცნიერი გვევლინება, როგორც უტუხი მუხა, მეცნიერებისა და ერის უფლებათა სადარჯჯოზე. შეიძლება ზედმეტი არ იქნება ამ დიდი პიროვნების დასახასიათებლად, ერთი მცირე მოგონებაც გვაგიზიაროთ დაპყრობილი საქართველოს დროიდან.

ეს იყო 1921 წლის ენკენისთვის დასაწყისში, როცა მან მეტეხის ციხეში მინახულა. ახლად დაბრუნებული აბასთუმნიდან, რომელიც მისი გადმოცემით, გავსებული იყო ახალი მოღვმის წარჩინებული პირებით მოსკოვი-

დან. მწარე მღელვარებით და გულის ტკივილით ახასიათებდა მოხუცი იქ ახალი ბატონების ქამურ, თავზედღურ ქვევას დაპყრობილ ქვეყანაში. სასტიკი და მოურიდებელი იყო მაშინ საერთოდ ოკუპანტთა მიმართ. მისი ასეთი წრეაქციის ჩუმი მოწამე იყო ციხის ადმინისტრაცია. გამოთხოვებისას თავი ვერ შეიკავა და ცრემლებით გაევსო თვალები. იმ დროს ის დასტიროდა სამშობლოს მიქა დაკარგულ თავისუფლებას.

დავასკვნათ: კულტურისა და შემოქმედების ყველა ფორმების და დარგების ნორმალურ განვითარებისათვის და წარმატებისათვის სამართლიანად მიჩნეულია ადამიანის სულის თავისუფლება, რაც თავის მხრივ მოითხოვს საზოგადოებისა და ერის ემანსიპაციას ყოველგვარი ძალადობისა და ძალდატანებისაგან... და ჩვენ ღრმად გვწამს, რომ არც ისე შორს არის, შეიძლება, ის დრო, როცა მესამეჯერ ჩამოირეგება ზარი ქართულ სამრეკლოზე, რომელიც ამცნობს კაცობრიობას, რომ ამიერიდან და უკუნიით უკუნისამდე თავისუფალია საქართველო! მანამდე კი გმირული ეპოპეა ქართულ ჭეშმარიტ სწავლულთა და მეცნიერთა გაგრძელებას: სულიერ საზრდოს ჩვენს ერს, მის ახალგაზრდობას, ყოველნაირ დაბრკოლებათა დათრგუნვით, ის არ მოაკლებს!

დიდებას, ქართულ დიდებას უგალობებს თავის „ალმა მატერს“ მადლიერი ქართველი ერი.

გაუმარჯოს ქართული სულის განთავისუფლებას!..

ალ. მანველიშვილი

დიდი წარსულის მემკვიდრეობა

(თბილისის უნივერსიტეტის დაარსების
50 წლისთავისათვის)

ქართული სწავლა-განათლების საქმეს გრძელი და რთული ისტორია აქვს. მაგრამ ამ სირთულესა და ბუნდოვანებაში მაინც შეიძლება დადგენა ერთი გარკვეული ხაზისა. ანტიური ხანიდან ცოტა რამ ვიცით. ვიცით, მაგალითად, როდესაც მოხდა იბერიის სამეფოს დაარსება, უკეთ, რესტავრაცია ძველი ქართული სამეფოსი ახალი ელემენტებით შევსებული. მისმა მეთაურმა ფარნავაზმა მოახდინა მთელი რიგი რეფორმებისა. ქართველი ისტორიკოსი ნათლად გადმოგვცემს, რომ ფარნავაზმა შექმნა ქართული ანბანი და ქართული ენა გამოაცხადა სავალდებულოდ ყველასათვის. ქართული დამწერლობის წარმოშობა უთუოდ აღინიშნება ხანას ეკუთვნის; ალბათ საკითხი ეხება რაღაც რეფორმას; რაც შეეხება ქართული ენის ხმარებაში შესვლას. ეს უნდა გულისხმობდეს მრავალ დიალექტთაგან ერთი საერთო ლიტერატურული ენის შექმნას; რაც როგორც სახელმწიფო ცხოვრებისა, ისე სწავლა-განათლების წინსვლისათვის იყო აუცილებელი პირობა.

დღეს-დღეობით უკვე მოგვეპოვება ზოგიერთი გარკვეული ცნობაც. საქართველოში ბევრს სწერენ და ლაპარაკობენ კოლხეთის აკადამიაზე (მეოთხე საუკუნეში); რა გინდ გაურკვეველიც არ იყოს ეს ცნობა, ფაქტია, რომ საქართველოში იმ პერიოდში არსებული უმაღლესი განათლების კერა, თუ გინდ ეს მიეწეროს ბერძნულ გავლენას, ეს იყო დადებითი.

მალე ხდება ქართველ ერში დიდი სულიერი გარდატეხა. ერი ეზიარა ქრისტიანობას. ამ დროიდან კი უფრო ფართო ფრთებს შეისხამს განათლების საქმე, რადგან ქრისტეა მოძღვრების შეთვისება და პრაქტიკაც მოითხოვდა წერაკითხვის გავრცელებას.

მეხუთე საუკუნეში, ვახტანგ გორგასარმა სულ მალე ეროვნულ დაწესებულებად აქცია ქართული ეკლესია, მისი ქართველი მეთაურობის ხელში გადასვლითა და მერნე ავტოკეფალიის გამოცხადებით. ვახტანგმა დაიწყო ეკლესია-მონასტერთა შენება, რომელნიც გადაიქცნენ სწავლა-განათლების ცენტრებად. არც არაბთა ბატონობის დროს ყოფილან ქართველები გულხელ დაკრეფილნი და ყველაზე დიდი წამოწყება ქართული სამონასტრო მშენებლობისა სწორედ ამ დროს ეკუთვნის. მონასტრებს


აარსებდნენ საქართველოსა და უცხოეთში. ყოველ მონასტერთან არსებობდა სკოლა, სადაც წრთენიდნენ არა მარტო სასულიერო დარგში, არამედ ასწავლიდნენ უცხო ენებსა და სხვა მეცნიერებათ. აქ იწრთენებოდა დიდძალი ახალგაზრდობა, რომელიც შემდეგ უძღვებოდა როგორც სასულიერო ისე საქვეყნო საქმეებს.

მაგრამ ყველაზე დიდი დასაწყისი ქართული განათლებისა, სახელმწიფოებრივი საზომით, — უნდა შექმნილიყო საქართველოს სრული პოლიტიკური თავისუფლების პირობებში და ეს მისია წილად ზედა დიდ დავით აღმაშენებელს. მან საქართველო გასწვინდა გარეშე მტრისაგან. სახელმწიფოს ჩაუყარა მყარი საფუძველი. ახლა საქართველოს ვეღარ დააკმაყოფილებდა სამონასტრო სკოლები და უცხოეთი. საჭირო იყო მაღალი დაწესებულების შექმნა, რომელიც იკისრებდა სახელმწიფოს გამძღოლი დასის გაწრთვნას და ასე წარმოიშვა გელათის აკადემია. მას მოჰყვა იყალთოს აკადემია და ამით საფუძველი ჩაეყარა ოქროს ხანის ქართულ კულტურას. ამ დროს იხდა სინთეზი მთელი წარსული კულტურისა და ქართველი ერი ჩადგა მსოფლიო კულტურულ ერთა რიგში.

საქართველოს პოლიტიკურ დაცემას მოჰყვა სწავლა-განათლების ცენტრების მოშლა და კულტურული დაქვეითება...

მხოლოდ მეთვრამეტე საუკუნეში შეიქმნა შესაძლებლობა ძველი ტრადიციების განახლებისა. თბილისისა და თელავის უმაღლესი სასწავლებლები, განსაკუთრებით დიდი ანტონ კათოლიკოსის მეთაურობით, თითქოს მოწოდებულნი იყვნენ გელათისა და იყალთოს ძველი ტრადიციის გაგრძელებისათვის, მაგრამ საქართველო კვლავ ანარქიამ მოიცვა. თურქ-სპარსთა ოთხი საუკუნის თარეშმა დასამარა ეს ახალი იმედი, ხოლო მალე რუსეთის მიერ საქართველოს ანექსიამ ძირიანფესვიანად აღმოფხვრა ყოველივე ნასახი ქართული ეროვნული დაწესებულებისა.

რუსებმა თავიანთი ასიმილაციის პოლიტიკის წყალობით ყველა ქართული სკოლა დახურეს და მათ ნაცვლად ისიც ძალიან დატაკად ქართველებს რუსული სკოლები დაუარსეს. ქართველობა კარგად გრძნობდა, რომ ეროვნული სკოლის მოსპობა მათ გადაგვარებას უქაღდა და კულტურულ დაცემასაც, რადგან ცოტას შეეძლო განათლების მიღება უცხოეთში. რუსები ადგილობრივ კმაყოფილდებოდნენ მხოლოდ დაბალი და მცირე რიცხვის საშუალო სკოლების შექმნით, რათა ქართველობას, ვისაც ეს შეეძლო, უმაღლესი განათლება მიეღო რუსეთში და ადვილად გადაგვარებულიყო. ამ ნიადაგზე ქართულ სა-



ზოგადობაში დიდი მოძრაობა იყო შექმნილი, რომელიც იბრძოდა ერთი მხრით გარუსების ცდების წინააღმდეგ, და მეორეს მხრით ადგილობრივ სკოლებში ქართული ენის დაკვირვების.

მეცხრამეტე საუკუნე დიდი კულტურული აღმავლობის ხანა იყო მთელს მსოფლიოში და ქართველობა გრძობდა, რომ თუ მას საკუთარ მიწაზე არ ექნებოდა განათლების უმაღლესი დაწესებულება, ის უთუოდ ჩამორჩებოდა მსოფლიოს წინსვლას. იდეა ქართული უნივერსიტეტის დაარსებისა მუდამ სცოცხლობდა ქართულ საზოგადოებაში. ის არა ერთხელ შეეცადა მის განხორციელებას, მაგრამ რუსის მთავრობა მას ამის ნებას არ აძლევდა. ქართველი ერის მრავალ თხოვნაზე რუსის მთავრობამ საბოლოოდ უარი უთხრა ქართველებს თვით რუსული უნივერსიტეტის დაარსებაზე საქართველოში.

ქართველი ერი მუდამ ემზადებოდა ამ ბრწყინვალე დღისათვის, რომ ერთ დღეს ის მას განახორციელებდა. თვით ის შენობა, სადაც მოთავსებული იყო ჩვენი ქართული გიმნაზია, განზრახ იყო აშენებული მომავალი უნივერსიტეტისათვის.

და როდესაც შოვიდა საქართველოა განთავისუფლების დრო, ქართველი ერის მოწინავე შვილებმა, დიდი ივანე ჯავახიშვილის მეთაურობით დააარსეს ქართული უნივერსიტეტი. ქართველი ერის მეცნიერული ძალები მყისვე დაუბრუნდნენ თავიანთ სამშობლოს და ამ დიდ საქმეს სათავეში ჩაუდგნენ.

ნახევარი საუკუნის განმავლობაში ნელ-ნელა იზრდებოდა და იცნებოდა ქართული უნივერსიტეტი, რათა მხარში ამოდგომოდა სხვა ქვეყნების მსგავს დაწესებულებებს. ამ ხნის განმავლობაში მას მრავალი დაბრკოლება შეხვდა, მაგრამ მან ყოველივე ეს დასძლია და ქართველ ერს მოუწინადა სათანადოდ გაწოთვნილი მეცნიერული ძალები და საზოგადო მოღვაწენი.

თავისუფლების სულ რამდენიმე წელი ხვდა ქართულ უნივერსიტეტს და მერმე ისევ რუსული ხიშტის ქვეშ მოჰყვა; კომუნისმის ნიღაბით ბევრი რამ შერყვნეს, ყოვლად დაუძახებელი და გადაგვარებული ქართველის ჯუღაშვილის სახელითაც კი მონათლეს...

კომუნისტები ყველაფერს ითვისებენ. არა მარტო მას, რაც შეუქმნია ქართულ გენიას მათი ბატონობის ხანაში, არამედ უფრო ადრეც. მათ მიითვისეს ყველაფერი, დაწყებული რუსთაველით და გათავებული ილია ჭავჭავაძით; ასე დაემართა ქართულ უნივერსიტეტსაც. ახალ თაობას ამკარად ატყუებენ, თითქოს ქართული უნივერსიტეტი საბჭოთა ხელისუფლებამ შექმნა. აი ერთი ამ საცრუსის ნიმუში, ისიც მეცნიერულ წიგნში: 1955 წ. თბილისში გამოიცა დ. გურიტიშვილის წიგნი: „ფეოდალური საქართველოს სოციალური ურთიერთობის ისტორიიდან“, რომლის შესავალში სწერია: „საბჭოთა ხელისუფლების გამარჯვე-

ბის უმდეგ ახალი პერსპექტივები გადაიშალა, შეიქმნა ქართული უნივერსიტეტი — ქართული კულტურისა და მეცნიერების უდიდესი კერა“...

ვინ არ იცის, რომ უნივერსიტეტი დაარსდა 1918 წელს! საქართველოში საბჭოთა ხელის უფლებას კი არ გაუმაზრავია, არამედ 1921 წელს ის რუსეთმა დაიპყრო მზაკვრული თავდასხმით. ხოლო მოტანილი ამონაწერიდან აღამიანმა ასე უნდა გაიგოს, თითქოს ქართველმა ხალხმა დაამხო ერთი რეჟიმი და შექმნა მეორე და მერმე დააარსა უნივერსიტეტიც. ეს კი შეიძლებოდა მომხდარიყო მხოლოდ 1921 წლის შემდეგ! ასე საძაგლად რყვიან ჩვენს ვცემინდელ ისტორიასაც, რომლის მომსწრენი დღესაც კი ბევრია ცოცხალი, ანდა როგორ უნდა ელაპარაკონ ქართველ ერს უნივერსიტეტის 50 წლისათვის, როდესაც საბჭოთა ხელისუფლებას ჩვენში სულ 47 წელი უსრულდება?

დიახ, საქართველო კვლავ დაპყრობილი! მაგრამ ქართველი ერი ნახევარი საუკუნის წამებისა და დამცირების ბრძედში გავლილი ის აღარ არის, რაც იყო ასორმოცდაათი წლის წინად. მისი ფიზიკური ხერხემალი უფრო მაგარია, ხოლო ეროვნული შეგნება და კულტურა განმტკიცებული. ვერავითარი ქარიშხალი მას ვეღარ წააქცევს. და ამ დიდ საქმეში გადაწყვეტი როლი ითამაშა ქართულმა უნივერსიტეტმა.

ერთ დღეს საქართველო გათავისუფლდება გარეშე მტრისაგან, ის გაფანტავს მტრის შიერ მოტანილ ბოლშევიზმის ბურჟუსსაც, საქართველოს ცაზე გამოიდარებს და უნივერსიტეტიც მოაპოვებს თავის ნამდვილ სახეს.

ამის იმედიც უნდა ვიქონიოთ, რადგან მიუხედავად მძიმე პირობებისა, ქართული გენია მაინც ანერხებს მიხვეულ-მოხვეული ზუზებით ჩვენი ერის შემოქმედებით ნიქს ვზა გაუკაფთა და ერის სამარადისო არსებობა უზრუნველჰყო.

სან ფრანსისკო, იანვარი 1968 წ.

† ექიმი ვახტანგ ლამბაშიძე

ქართული უნივერსიტეტის დაარსება

(დღიურიდან)

ბ-ნმა გიორგი ყიფიანმა, უნივერსიტეტის საიუბილეო დღესასწაულზე, პარიზში, წაიკითხა განსვენებული ექიმ ვახტანგ ლამბაშიძის მომოგონებათაგან, ნაწყვეტი, რომელიც უნივერსიტეტის დაარსებას ეხება. მთლიანად ეს მომოგონება ცალკე, აქვე იბეჭდება.

მედია ლამბაზიძის ასული-ნიკოლაძისა

(ჩემი დღიურიდან)

26 იანვარს 1918 წელს, პირველ საათზე, დიდი ზეიმით გაიხსნა ქართული უნივერსიტეტი. აურებელ საზოგადოებას ვეღარ იტევდა ქართული უნივერსიტეტის შენობის კედლები.

პარაკლისის შემდეგ, უნივერსიტეტი გახსნა აკაკი ჩხენკელმა:

„ეს დღე დაუვიწყარ, დღეთ დარჩება ქართველი ერისათვის. დღეს არსდება პირველი ქართული უნივერსიტეტი, რომელიც, უეჭველია, მტკიცე საფუძველი შეიქმნება ჩვენი კულტურული შემოქმედებისათვის. ამ უნივერსიტეტმა უნდა აღსდგოს ქართველ ერში გონებრივი განახლებისა და აღორძინების ლამპარაი. მან უნდა გადმონერგოს ჩვენში ევროპის გონების საგანძური.“

არასოდეს არ ყოფილა ასე საჭირო და ძვირფასი ჩვენთვის სამეცნიერო ტაძარი, როგორც დღეს — ამ ძველის დანგრევისა და ახლის წარმოშობის უამს — როდესაც ქართველმა ერმა უნდა მოიპოვოს არა მხოლოდ პოლიტიკური თავისუფლება, არამედ უნდა განახლდეს მისი სულიც და ფართოდ დაშალოს ფრთები მისი შემოქმედების გენიამ.

ეროვნულმა განთავისუფლებამ ფხიზლად უნდა უდარაჯოს ქართულ მეცნიერებას და ქართულმა გონებრივმა კულტურამ უმწვერვალესამდე განვითარებულმა, უნდა განამტკიცოს პოლიტიკური თავისუფლება.

სალამი და დღეგრძელობა ქართველთა მეცნიერების ტაძარს...

(ალარ მახსოვს, ასეთი სიტყვა ბ. აკაკი ჩხენკელისათვის მე ჩავიწერე, თუ რომელიმე გაზეთიდან ამოვიწერე).

1928 წელს თბილისის უნივერსიტეტმა გამოსცა წიგნი: „თბილისის სახელმწიფო უნივერსიტეტი 1918—1928 წ.“

მახსოვს, როგორ მესიამოვნა, როდესაც ამ წიგნში ამოვიკითხე შემდეგი: „პირველი მსმენელი, რომელმაც განცხადება შემოიტანა უნივერსიტეტში შემოსვლის შესახებ და თანაც ასი მანეთი სწავლის ფული გადაიხადა, იყო მედია ლამბაზიძე“—ო.

მას შემდეგ გავიდა 40 წელი და კიდევ მივიღე ცნობა, რომ 50 წლის თავზე გამოსულ წიგნში და გაზეთებშიც კვლავ მასახელებენ.

შემიძლია ვიამაყო ამით და ვამაყო კიდევ.

საფრანგეთში მყოფ ქართველ მწერალთა და ყურნა-

ლისტთა კავშირის თხოვნისამებრ, ვცდილობ გავიხსენო ცოტა რამ თბილისის უნივერსიტეტის დაარსების შესახებ. საუბედუროდ მხოლოდ ერთი წელიწადი გასტანა უნივერსიტეტში ჩემმა ყოფნამ, ვინაიდან 1919 წელს მომეცა შემთხვევა წავსულიყავი ინგლისს, ბოძა ჩემთან, ინგლისური ენის შესასწავლად და ვერაფერ საგულისხმოს ვერ ვიტყვი, გარდა იმისა, რაც ამოვიკითხე ჩემ დღიურში:


— ჩავწერე სიბრძნისმეტყველების ფაკულტეტზე; მახსოვს მინდოდა ყველა ლექციის მოსმენა; აკაკი შანიძის ლექციით დავიწყე; მისივე რჩევით დავიწყე სომხური ენის სწავლა, მაგრამ 3 გაკვეთილის შემდეგ დავტოვე, გადავედი არაბულზე. ბ. გ. ახვლედიანთან ვისმენდი და დავიწყე სანსკრიტის სწავლა; ძალიან მომწონდა ლურსმული წერა. მახსოვს კიდევ ბ. შალვა ნუცუბიძის სიცოცხლით საყუარ ლექციები ფილოსოფიაზე და დიტო უხნაძის ნაზი, საინტერესო ლექციები ფსიქოლოგიაზე. ვისმენდი აგრეთვე დ. ივ. ჯავახიშვილის ლექციებს „საქართველოს ისტორიის“ შესახებ.

ყოველ დღე საღამოს 5 — 9 საათამდე დავიარებოდი უნივერსიტეტში. მახსოვს, დასაწყისში წიგნები არ გვქონდა და ყველა ლექცია უნდა ჩავგვეწერა. ვინაიდან მე ვაზერზედი ლექციების ჩქარა ჩაწერას, დიდი ნაწილი სტუდენტებისა შემომეხვეოდა ხოლმე 9 საათის შემდეგ და ყველა მთხოვდა მათთვის წამეკითხა ჩემი ჩანაწერი ლექციები...

ერთ ადგილას ამოვიკითხე ჩემ დღიურში: „ძალიან კმაყოფილი ვარ უნივერსიტეტში წაკითხული ლექციებით, მაგრამ თვით მსმენელები სრულებით არ მომწონან. ყველა — ახალგაზრდა, მოხუცებული. მღვდელი, ოფიცერი, „ჩინოვნიკი“ — ყველა მსმენელია... სჯობდა მხოლოდ ახალგაზრდებს მოეყარა თავი, უფრო სერიოზულად და უფრო თავისუფლად ვიწავლიდი... თითქმის 400-მდე არის ჩაწერილი.. უნივერსიტეტი მოთავსდა ყოველ სათავადაზნაურო გიმნაზიის შენობაში. უნივერსიტეტის გახსნის დღეს არ იყო დამთავრებული აუდიტორიების მოწყობა. არ იყო საკმარისი განათება, არც საჯდომები და ძალიან ცხელოდა. იმ დროს უნივერსიტეტის კოლეჯის განკარგულებაში იყო მხოლოდ სამი ოთახი, მეოთხე სართულის სამხრეთ ფრთაში, რომელიც უნივერსიტეტის გამგებებს გადასმოცა ყოველ წმიდა ნინოს ლაზარეთის ლიკვიდაციის შემდეგ.

დასასრულ, არ შემიძლია არ აღვნიშნო, რომ ინგლისური ენის ლექტორად დანიშნული იყო დედა-ჩემი ვანდა ლამბაზიძისა და ჰიგინის ლექტორად მამა-ჩემი, ექიმი ვახტანგ ლამბაზიძე.

სიკვდილამდე ვინანებ, რომ მივატოვე უნივერსიტეტი ქართული... უცხო ენის შესასწავლად..



თბილისის უნივერსიტეტის

დაარსების 50 წლის თავი

თებერვლის რევოლუციის შემდეგ — ივონებს ბ. ზურაბ ავალიშვილი, — პეტროგრადის ქართველთა სათვისტომოს საერთო კრებაზე (1917 წ.), სადაც თბილისის უნივერსიტეტის მომავალმა დამაარსებელმა, ცნობილმა ისტორიკოსმა, პროფესორმა ივანე ჯავახიშვილმა, მეტად შთამაგონებელი სიტყვა წარმოთქვა, უმაღლესი საქართველოს ათაწლოვანი პოლიტიკურ-სახელმწიფოებრივი და კულტურული ტრადიცია ამტყვევდა.

იმავე წლის მარტში, ბ. ივანე ჯავახიშვილს, პეტროგრადში, თავის ბინაზე, ქართველ მეცნიერთა კერძო თათბირი მოუწვევია და განუხილავთ თბილისის უმაღლესი სასწავლებლის დაარსების საკითხი. სხდომაზე მას იმედი გამოუთქვამს, არისო უტყუარი ნიშნები, რომ ჩაკრულ ერთა განათვისუფლება მოახლოვებულია და ქართული უნივერსიტეტის დაარსებაც მოგვარდება. მალე ის საბოლოოში დაბრუნებულა და უნივერსიტეტის დაარსების სამზადისს შესდგომია. ჯერ კიდევ რუსეთში ყოფნისას მას გაუმართავს მოლაპარაკება ყველა ქართველ მეცნიერთან, რომელნიც რუსეთის სხვა და სხვა უნივერსიტეტში მეცნიერულ მუშაობას ეწეოდნენ. ბ. ივანე ჯავახიშვილის წინადადება მათ დიდი აღფრთოვანებით მიუღიათ და აღუთქვამთ თბილისს დაბრუნება.

ბევრი დაბრკოლების გადალახვის შემდეგ, ორგანიზაციული საშუალების 1917 წ. დამლევისათვის დასრულდა. ჩამოსულ მეცნიერთა ერთმა ჯგუფმა თავი მოიყარა თბილისში, შეუერთდა აქ მყოფ მეცნიერ მუშაკებს (ექვთიმე თაყაიშვილი, კორნელი კეკელიძე, ფილ. გოგიჩაიშვილი, შალვა ნუცუბიძე, მოსე ჯანაშვილი, სერგი გორგაძე, დიმიტრი უზნაძე, ალექსანდრე ჯაყელი, იუსტინე აბულაძე, დავით კარიჭაშვილი და სხვები).

უკვე დადგა საკითხი უნივერსიტეტის დაფუძნების პრაქტიკულად განხორციელებისა.

გაზნის დღედ 1918 წ. 26 იანვარი იქმნა დანიშნული. 13 იანვარს ქართული გიმნაზიის შენობაში, რომელიც დღეს უნივერსიტეტის ძირითად კორპუსად ითვლება, შეიკრიბა დამაარსებელთა პირველი ოფიციალური სხდომა; უნდა არჩეულიყო რექტორი. ყველა ფიქრობდა, რექტორად იქნებოდა მისი თავოსან-დამაარსებელი და სულისჩამდგმელი პროფესორი ივანე ჯავახიშვილი. თვითონ მან ეს არ მოისურვა; კატეგორიული უარი განაცხადა და ახალშობილი უნივერსიტეტის პრესტიჟისათვის, მანვე დაასახელა მსოფლიოში ცნობილი, ქართველი მეცნიერი, ქიმიკოსი პეტრე მელიქიშვილი, რომელიც ყველას მიერ ერთხმად იქმნა არჩეული.

თბილისში და მთელ საქართველოში მშობლიური უნივერსიტეტის დაარსებამ დიდი გამოძახილი ჰპოვა: არავის დაუშურებია მორალური გამხნეება, უხვი ფულადი დახმარება, ინვენტარის უფასოდ დათმობა, ბიბლიოტეკების შეწირვა და სხვა. ყველა გრძობდა, უნივერსიტეტი მალე გახდებოდა ჩვენი მეცნიერების ტაძარი და საქართველოს ეროვნული თავისუფლების მკვიდრი დასაყრდენი. აქ იკრიბებოდნენ ერთუზიასტი, გამობრძმედილი მეცნიერული ძალები და ის ახალგაზრდობა, მშობლიურ ენაზე ცოდნას მოწყურებული, რომლის მისწრაფება იყო ბეჯითად განეგრძო სამეცნიერო დისციპლინის დაუფლება, განემტკიცებია სალი ეროვნული სული და ხალხის სამსახურში ჩამდგარიყო, მომავალში ეკონომიური და კულტურის განვითარების გასაღონიერებლად, რაც ასე ესაჭიროებოდა მეფის რეჟიმის წყალობით ეკონომიურად ჩამორჩენილ ჩვენს ქვეყანას.

მაშასადამე, უნივერსიტეტი დაარსდა 1918 წ. 26 იანვარს; ის უსწრებდა საქართველოს დამოუკიდებლობას. დიდი წეიმით გაიხსნა ბ. აკაკი ჩხენკელის თავმჯდომარეობით უნივერსიტეტის დამფუძნებელი კრება, უამრავი საზოგადოების თანადასწრებით.

შემდეგში, კომუნისტური პარტია, ქართველი ერისათვის ამ დიდ ისტორიულ თარიღს ქართულ საზოგადოებას უტიფრად უმაღლავდა და უნივერსიტეტის დაარსება საბჭოთა ხელისუფლებას მიაწერა. იმ ხანებში ასეთი ცდა იშვიათი არ იყო და რაც დამოუკიდებლობის დროს გაკეთდა, ყველაფერს საბჭოთა რეჟიმის სიკეთეს აკუთვნებდნენ, თითქოს ის იყო დასაბამი კულტურულ-ეკონომიური აღორძინების; ასევე, ყველა ჩვენს სულიერ-მატერიალურ შემოქმედებას, ხელოვნურად რუსეთის კულტურას უკავშირებდნენ. ეს მოვლენა ახლაც ძალაშია.

პირველ ხანებში, თბილისში დაფუძნებული უნივერსიტეტი კერძო უმაღლესი სასწავლებელი იყო და შემდეგ, დამოუკიდებელი საქართველოს შთაერობის კანონის თანახმად და განსკუთრებული წესდებით, ის გადაკეთდა სახელმწიფო უნივერსიტეტად. მაინც, ყველაზე უკეთესად მოწყობილი და დაკომპლექტებული სიბრძნის მეტყველების დარგი იყო, რომელიც შეიცავდა ქართული ენის (ძველისა და ახალი) და ისტორიის, ფილოსოფიის, ეკონომიურ და იურიდიულ ფაკულტეტებს. ლექციებს კითხულობდნენ უკვე გამოჩენილი მეცნიერები: ბ. ბ. ივანე ჯავახიშვილი (ქართველი ერის ისტორია, სამართლისა და ეკონომიური ისტორია); კორნელი კეკელიძე (ძველი ქართული ლიტერატურის ისტორია); მსოფლიოში ცნობილი ელნისტი გრიგოლ წერეთელი (ძველი საბერძნეთისა და რომის ლიტერატურის ისტორია); აკაკი შანიძე (ქართული ენის, ძველისა და ახალის, გრამატიკა); გიორგი ახვლედიანი (ზოგადი ენათმეცნიერება); მიხეილ ზანდუკელი (მე-19 საუკუნის ქართული ლიტერატურის ისტორია); მიხეილ წერეთელი (ძველი აღმოსავლეთის ენები

და ისტორია); გიორგი ჩუბინაშვილი (ქართული ხელოვნების ისტორია); ექვთიმე თაყაიშვილი (არქეოლოგია და ეკონომია და სტატისტიკა); შალვა ნუცუბიძე (ლოგიკა და ფილოსოფია); დიმიტრი უხანძე (ფსიქოლოგია და პედაგოგია); სერგი დანელია (ანტიკური ფილოსოფიის ისტორია); და სხვანი. აგრეთვე გაიმართა სხვა დარგის ფაკულტეტები — სამკურნალო, მათემატიკური, საბუნებისმეტყველო, გეოგრაფიის, გეოლოგიის და სხვ. აქაც გამოჩენილი მეცნიერები კითხულობდნენ ლექციებს — ბ.ბ. პეტრი მელიქიშვილი (ქიმია); ალ. ჯანელიძე (გეოლოგია); ანდრია რაზმაძე (უმადლესი მათემატიკა); ივანე ბერიტაშვილი (ფიზიოლოგია); ალექსანდრე ჯავახიშვილი (ზოგადი და საქართველოს გეოგრაფია); და სხვები.

სულ მცირე ხნის განმავლობაში, ჩვენმა უნივერსიტეტმა მოიპოვა საერთო აღიარება: დამყარდა უცხოეთის უნივერსიტეტებთან მჭიდრო კავშირი. მეცნიერული გამოკვლევები იბეჭდებოდა უცხოურ ენებზედაც, რითაც უცხოელებს შეეძლოთ უშუალოდ გასცნობოდნენ ქართველ მეცნიერთა ნაშრომებს. საზღვარგარეთ გაიგზავნა ბევრი ახალგაზრდა, იქ სხვა და სხვა მეცნიერების დისციპლინათა შესასწავლად; ზოგი კი მივლინებულ იქმნა მეცნიერული დონის გასაღრმავებლად.

თბილისის უნივერსიტეტი მიწვეულ იქმნა ნეაპოლის უსულესი უნივერსიტეტის 500 წლის თავის აღსანიშნავად გამართულ ზეიმზე; დაესწრო პროფესორი გრიგოლ წერეთელი, მიულოცა და მოხსენებით გამოვიდა კიდევ, იქ შეკრებილ მსოფლიო მეცნიერების წინაშე თავის სპეციალობაში (ელინიზმის თანამედროვე პრობლემები); რითაც ასახელა ახლად აღმოცენებული ქართული მეცნიერების ტაძარი. მან იქვე აღმოაჩინა დოკუმენტები, რომლის მიხედვით მე-16—17 საუკუნეში ნეაპოლის უნივერსიტეტში უსწავლიათ რამოდენიმე ქართველს და იურიდიული განათლება მიუღია ერთ გელოვანს.

პროფ. ბ. ანდრია რაზმაძემ მძილო მონაწილეობა პარიზის მათემატიკოსთა ყრილობაზე: აქ მან წაიკითხა რამოდენიმე მოხსენება.

პროფ. გ. ნიორაძე გაიგზავნა გერმანიაში პრეისტორიკოსების კონგრესზე. მისი მოხსენება დაბეჭდილი იყო გერმანულადაც.

ასე რომ ჩვენი უნივერსიტეტი თანდათან საქვეყნოდ ცნობილი ხდებოდა.

საქართველოს ეროვნული თავისუფლების დაკარგვით და უნივერსიტეტის ავტონომიის მოსპობით, უცხოეთთან ეს მეცნიერული ურთიერთობა ხანგრძლივად შეზღუდული და შენელებული იყო; მეორე მსოფლიო ომის შემდეგ მოკრძალებით განახლდა, მაგრამ არა სრულად და დამოუკიდებლად, არამედ მოსკოვის მეურვეობით და მისი უმაღლესი ნებართვით ამას ერთვის ცენზურის სისასტიკე და პოლიციური მეთვალყურეობა.


სამი წლის დამოუკიდებლობის არსებობის შემდეგ, სა-

ქართველოს და მისი უნივერსიტეტის ბედი უკუღმართოდ წარიმართა; უმართებულოდ თავზე მრისხანე კატასტროფა დაატყდა. საბჭოთა რუსეთმა უხეში ძალით შელახა ჩვენი ეროვნული უფლებები, ცეცხლითა და მახვილით შემოგვესია წითელი ჯარის ურდოები და წაგვტაცა ეროვნული დამოუკიდებლობა; მას მიჰყვა უნივერსიტეტის თავისუფლება და ისიც დაუღმორჩილეს მარქსიზმ-ლენინიზმის მარწმუნებს. მეცნიერებაში შეიჭრა პოლიტიკა და მეტად დააზიანა მეცნიერული კვლევა-ძიების ნაყოფიერება; კვლევა-ძიება ობიექტურ არეს განშორდა და პარტიის ორბიტაში მოემწყვდა; გაჩანაგდა უმთავრესად სიბრძნისმეტყველების დარგი, მისი ფაკულტეტი; ბოლშევიკების აგენტები უხეშად ჰარფაშობდნენ, პროფესორებს ამკირებდნენ; ითხოვდნენ, აგდებდნენ კიდევ უნივერსიტეტიდან; მოითხოვდნენ მათგან სტალინიზმის სრულად გამოყენებას. უნივერსიტეტიდან გარიცხეს მისი დამაარსებელი ბ. ივანე ჯავახიშვილი, რადგან მან უარი თქვა კომუნისტური პარტიის ისტორიის დაწერაზე. ბევრი კიდევ გადაასახლეს შორეულ ციმბირს: ზოგი დახვრიტეს, მათ შორის, მსოფლიოში ცნობილი ელინისტი ბ. გრიგოლწერეთელი. და რამდენი მწერალი და საზოგადო მოღვაწე!

ის სულიერი განწყობილება, მეცნიერული კეთილსინდისიერი კვლევა-ძიების თავისუფლება, ერის სამსახური, რომელიც ბ. პრ. ივანე ჯავახიშვილმა და მისა პირველმა თანამშრომლებმა და მათ მიერ აღზრდილმა შემდგომმა თაობებმა დაამკვიდრეს, თანდათან მოისპო და დიდ ხანს ჩვენ პროფესორებს ჯოჯოხეთურ პირობებში უხედულობათ ლექციების კითხვა.

ბოლშევიკებმა მაშინვე მოშალეს უნივერსიტეტის ემბლემა — ალმა-მატერ — და დამპყრობელის ჩაქურჩაშტავალით შესცვალეს და მას სტალინის სახელი მიაკერეს... რატომ? რისთვის? სტალინს რა ამაგი, რა ღვაწლი მიუძღოდა მის დაარსებაში, — ეს არავინ უწყობდა! ამ უკანასკნელად, ხრუშჩევის მიერ სტალინის შეჩვენებისა და გაზიარების შემდეგ, ეს უჯერო სახელწოდება უნივერსიტეტს უხმაუროდ მოხსნეს, მაგრამ ძველებურად დარჩა მისი სულთამხუთავი ატმოსფერო, როგორც ყველგან და ყველადღერში. პროფესორები ახლა უფრო განიცდიან იდეოლოგიურ დაწოლასა და კონტროლს; დაწოლა ისე ძლიერია, რომ მას ვერ უსხლტება არამც თუ ჰუმანიტარული და საზოგადოებათმეცნიერება, არამედ ზუსტი მეცნიერების დარგებიც კი. მაშინ, როდესაც მთელი ჩვენი კულტურა, მწერლობა, ხელოვნება და ზნეობრივი ცხოვრების ფორმები ქრისტიანული ცივილიზაციიდან მომდინარეობს, ასლა იმდენად გაკადნიერებულან, რომ დაუწყესებიათ ათეისტური და ანტირელიგიური კათედრა. ჩვენ გვინდა ვიცოდეთ, როგორ თავსდება ერთად ეს ორი დიამეტრიალურად საწინააღმდეგო აბრუნდი. ერის სინიდისის შეურაცხყოფა, სულის დამახინჯება, — განა ანაზე მეტი შეიძლება?!





მიუხედავად ყოველივე ამისა, ქართული მეცნიერება მაინც ახერხებს, ზოგჯერ უნებური იდეოლოგიური კომპრომისის გზით, ჩინებული ნაშრომების შექმნას და გამოქვეყნებას მეცნიერების სხვა და სხვა დარგში, განსაკუთრებით, ქართველოლოგიის საკითხებში, რომელიც დაბრკოლებით, მაგრამ მაინც უცხოეთამდე აღწევს და დიდ ინტერესსაც იწვევს უცხოეთის ქართველოლოგთა შორის. აქაც მრავალი სიძნელეა დასაძლევია, მაგალითად: თბილისის უნივერსიტეტის გამომცემლობას ნება არა აქვს ზოგი საყურადღებო შრომა-გამოკვლევა უცხო ენაზე დაბეჭდოს. არც უშუალო კავშირი არსებობს უცხოეთის უნივერსიტეტებთან; არც ისე ხშირია მეცნიერული მივლინებები და თუ ხანდისხან მაინც არის მივლინება, ეს ხდება მოსკოვის განცხრილებით, მისი კონტროლით და საშუალებით. ჩვენ აქ ვერ ჩამოვთვლით ყველა სიძნელეს, რაც აფერხებს ქართული მეცნიერების ნორმალურ განვითარებას და წარმატებას. მას არა ჰყავს არც მფარველი და არც დამცველი. აი, თუნდაც ერთი ფაქტი: კარგა ხანი გავიდა მას შემდეგ, რაც აკადემიის პრეზიდენტმა ნ. მუსხელიშვილმა, უმაღლესი საბჭოს ერთ სესიაზე გამოითხოვა სამეცნიერო ხარისხის მოსაპოვებლად დაცული დისერტაციის დამტკიცება თვით თბილისში ხდებოდეს. დღევანდლამდე ეს მოსკოვში ხდება. ალბათ, ყოველი წყალი ბა იქიდან უნდა მოდიოდეს: ლენინის ორდენს, სხვა და სხვა დაჯილდოებას, პრემიას, რუსეთის ერთგულების განსამტკიცებლად, საბჭოთა მთავრობა აწესებს. ბ. მუჟაჟანაძე და ბ. ჯავახიშვილი უბრალო ქალაქის გაცემით ჯერდებიან. მაშ, სად არის საბჭოთა საქართველოს დამოუკიდებლობა, რაზედაც ასე ხშირად ლაპარაკობენ ქართველი კომუნისტები? ან რად არის ასეთი ერთა უთანასწორობა, ან უნდობლობა უფროს და უმცროს შიშა შორის?

შალვა კალანდაძე

უნივერსიტეტის 50 წლის აღსანიშნავად

1918 წელი. 26 იანვარი. ამ დღეს ყველა უდიდესი აღფრთოვანებით შეხვდა საქართველოში. ამ დღეს დაარსდა ქართული უნივერსიტეტი, რის ნებას მეფის რუსეთი მთელი საუკუნის განმავლობაში არ გვაძლევდა. ქართული უნივერსიტეტი ქართველი ინტელიგენციის მუდმივი ოცნების საგანი იყო. ის გაიხსნა თბილისის ქართული გიმნაზიის შენობაში, რომელიც იყო დაგეგმილი და აგებული იდუმალი იმედით, შიგ ქართული მეცნიერების ტაძარი მოეთავსებინათ, რაც მართლაც აღსრულდა. ადვილად წარმოსადგენია, თუ რა დიდ სიხარულს და

სიამეს გამოიწვევდა ქართული უნივერსიტეტის ცნობილობაში დაარსება. სუსხიანი ზამთარია. მიუხედავად ამისა, ზღვა ხალხი მოაწყდა უნივერსიტეტის შენობას. ტევა აღარ იყო არც დარბაზში, არც გარედ. კარი და ფანჯრები გააღეს, რომ ხალხს მოესმინა, თუ რა ხდებოდა შიგნით, საზეიმო გახსნაზე. პირველ რექტორად აირჩიეს მსოფლიოში ცნობილი ქიმიკოსი პეტრე მელიქიშვილი. უნივერსიტეტს ჰქონდა სრული ავტონომია. უნივერსიტეტის სტატუსტი შეადგინა პროფესორმა ივანე ჯავახიშვილმა. უნივერსიტეტი თვითონ ირჩევდა თავის რექტორს, ფაკულტეტების დეკანებს, ახალ პროფესორებს. დამოუკიდებელად უძღვებოდა მეცნიერულ კვლევა-ძიებას, ყველა ჯურის არამკითხეთა ჩარევის გარეშე. ეს სტატუსტი 1921 წლამდე, ესე იგი, საბჭოთა რუსეთის შემოსევამდე ძალაში იყო. მაგრამ 1921 წელს დამოუკიდებლობა და თავისუფლება მოსტაცეს, როგორც ქვეყანას, ისე უნივერსიტეტს. ამ დღიდან მის ბედს მოსული და შინაური კომუნისტები დაეპატრონენ. უნივერსიტეტის დამაარსებელი და სიამაყე ივ. ჯავახიშვილი რექტორობიდან გადააყენეს, ფილოსოფიური ფაკულტეტი დახურეს, „არასაიმედონი“ დაიჭირეს, გადაასახლეს, დახვრიტეს. დახვრიტეს ცნობილი ფილოლოგი - ელინისტი გრიგოლ წერეთელი, უპატიოსნესი, მშვიდი და სათნო ადამიანი. დახვრიტეს ზოზო ნანეიშვილი. ბიძინა რამიშვილმა ვერ აიტანა უნივერსიტეტში შექმნილი ატმოსფერო და თვითონ მოუღო თავის თავს ბოლო. უნივერსიტეტს მიაკერეს სტალინის სახელი და მის დამაარსებელად საქართველოს კომუნისტური პარტია გამოიყვანეს. ყველაფრის გაყალბებისა და მითვისების კომუნისტურმა უნარმა ქართული უნივერსიტეტის დაარსება საბჭოთა ხელისუფლებას მიაკუთვნა. ისტორიკოსი კომუნისტი დ. გვრიტიშვილი თავის ნაშრომში: „ფეოდალური საქართველოს სოციალური ურთიერთობანი“ ასეთი კურიოზით იწყებს: „საბოჭთა ხელისუფლების გამარჯვების შემდეგ საქარველოში ახალი პერსპექტივები გადაიშალა. დაარსდა ქართული უნივერსიტეტი — ქართული კულტურისა და მეცნიერების კერა“—ო. ბავშვაც კი იცის, რომ ქართული უნივერსიტეტი 1918 წელს დაარსდა, ხოლო ე. წ. გასაბჭოება საქართველოსი 1921 წელს მოხდა. ამ ხანად, მიუხედავად სასტიკი პარტიული კონტროლისა, უნივერსიტეტი ასე თუ ისე, მაინც განაგრძობს მეცნიერულ კვლევა-ძიებას და აზროვნებას. ჩვენ ქედს ვიხრით ქართველ მეცნიერთა გამბედაობისა და მიღწევების წინაშე. უზარმაზარი მნიშვნელობის მუშაობა არის ჩატარებული ქართველ მეცნიერთა მიერ სხვა და სხვა დარგში.

თვალშეუდგამია მათი ძიების წყურვილი; მჩქეფარე ენჭრგია და არაჩვეულებრივი თავდადებითი მუშაობა, მაგრამ ყველაფერს ამას შორეული კავშირიც კი არა აქვს კომუნისტურ იდეოლოგიასთან და საბჭოთა ხელისუფლებასთან. პირიქით, ეს ხელისუფლება ხელს მცინიერებას და არ აძლევს მას მარად გასაქანს.

ადვილად წარმოსადგენია, როგორი მიღწევები ექნებოდა მცინიერებას უნივერსიტეტის დამოუკიდებელ, თავისუფალ ატმოსფეროში.

ქართული უნივერსიტეტის არსებობის 50 წლისა და მისი ტყვეობის 47 წლის თავზე, ვუსურვებდით ქართველ მცინიერთ პარტიული კონტროლისა და „მზრუნველობისაგან“ განთავისუფლებას; ვუსურვებდით მარად - ეამს ახსოვდეთ ლესინგის სიტყვები, რომელნიც ყოველ დროში და ყოველ პირობებში თვითეული ჭეშმარიტი მცინიერისათვის ანგარიშ-გასაწვეია და გზის მაჩვენებელი: — „რომ თვით არსთა გამრიგე გამოცხადდეს ჩემს წინაშე, — ამბობდა ლესინგი, — და მარჯვენა ხელში მთელი ჭეშმარიტება ეპყრას, მარცხენაში კი ჭეშმარიტების ძიება და მითხრას: „ამოიჩიე!“ — მე მივეკვროდი მარცხენა ხელს და ვეტყვოდი: — „ეს მომეცუფალო!“

ლ. ტიტვინიძე

მოგონებანი ჩვენს უნივერსიტეტზე

საშუალება მქონდა ჯერ კიდევ მოწაფეობიდან გაცნობილი ჩვენი უნივერსიტეტის დაარსების ამბავს.

სიტყვას: „ჩვენი უნივერსიტეტი“, განზრახ ვხმარობ. ასე ხმარობდა მუდამ ივანე ჯავახიშვილი.

თბილისში როგორც პანსიონერი ვცხოვრობდი, პროფ. ილ. ყიფშიძესთან, რომლის ბინაზედაც ხშირად დაიარებოდნენ სხვა და სხვა საკითხების გამო ჩვენი პროფესორები. განსაკუთრებით აკაკი შანიძე, რომელიც მოდიოდა სადილად, ვიდრე ცოლს შეირთავდა. პირადად კი ვიცნობდი: სვ. ყაუხჩიშვილს, გ. ჩუბინაშვილს, ნ. კეცხოველს, თ. ლომაურს, ს. ჯანაშიას და გ. ნათაძეს.

მათი ურთი ერთ შორის, ან მათთან პირადი საუბარი დღესაც ზედმიწევნით მახსოვს.

აკაკი შანიძე: — „უნივერსიტეტის დაარსება არც ისე ადვილი საქმე იყო. მართალია, ივანე ჯავახიშვილის მეთაურობით ადრევე არსებობდა ქართული ინტელიგენციის ერთი გარკვეული ჯგუფი, რომელსაც გადაწყვეტილი ჰქონდა ხელსაყრელი პირობებით უსარგებლათ და თბილისში დაეარსებინათ ქართული უმაღლესი სასწავლებელი; რუსეთის მონარქიული მთავრობა ამის უფლებას არ გვაძლევდა.

1918 წ. რუსეთის ომში დამარცხებისა და მისი იმპერიის დანგრევით ვისარგებლეთ; უნივერსიტეტი დავა. არსეთ; შენობაც შესაფერი გვექონდა; მხოლოდ რიცხვით ძალიან ცოტანი ვიყავით; საჭირო კი იყო ყოველი დარგისათვის შესაფერი მცოდნე პიროვნება გვეყოლებოდა. ამ მხრივ მოწინავე ინტელიგენციამ დიდი სურვილი გამოიჩინა და ყველა დიდის გულმოდინებით ჩაება საქმეში; უცხოეთში მყოფი მცოდნე ქართველებიც კი დიდის სიამოვნებით ბრუნდებოდნენ თბილისში. რამოდენიმე მცირე გამოწვევებით: ფიზიკის პროფესორმა ჯანდიერმა არ მოისურვა თეერანიდან დაბრუნება.

ერთ ქართველ ექიმს პეტრე მელიქიშვილმა თხოვა, უნივერსიტეტში ლექციები წაეკითხა თავის დარგში; ექიმმა ჯამაგირის რაოდენობა იკითხა და მელიქიშვილმა გაბრაზებით უპასუხა: — „ის ვინც ჯამაგირზე უფრო მეტს ფიქრობს, ვიდრე ქართულ უმაღლესზე, მას უფლება არა აქვს ჩვენს უნივერსიტეტში ლექციები იკითხოს“-ო. ტელეფონიც ჩამოუკიდა.

პირველ რიგში დახმარებისათვის მივმართე ნ. მარს, რომელმაც სხვა და სხვა მიზეზების გამო უარი თქვა. ერთ-ერთ მიზეზთაგანად იმას ასახელებდა, რომ საქართველოს ჯერჯერობით არ ჰყავს საკმარის სტუდენტობა და საქართველოში უნივერსიტეტის დაარსება ნაადრევია.“

ილ. ყიფშიძე: — „1925-ში იგივე ნ. მარი წერილს უგზავნის პროფესორთა საბჭოს და თხოვს ნება მიეცეს თბილისის უნივერსიტეტში ლექციების წაკითხვი. სა. პროფესორთა საბჭომ პასუხის გაცემა ივანე ჯავახიშვილს დაავალა“.

საპასუხო წერილი ასე თავდებოდა: **კაცმა, რომელმაც თავის დარგზე ჩვენი უნივერსიტეტის დაარსებაში მონაწილეობა არ მიიღო და უარი თქვა, დღეს, მას უკვე დაარსებულ უნივერსიტეტში უფლება არ აქვს ლექციების წაკითხვისა-ო.**

ჩვენმა პროფესორებმა მათი საკუთარი ხარჯით იყიდეს მუხრან-ბატონის შამული, რომელიც იმ დროს სრულიად მოდერნული, ევროპიულ სტილზე იყო მოწყობილი. იქ იგზავნებოდა პრაქტიკაზე აგრონომიული დარგის სტუდენტობა.

საქართველოს წითელი მთავრობა ჩვენს უნივერსიტეტს მუდამ შავის თვალთ უყურებდა და ეძებდა ხელსაყრელ პირობებს, როგორმე იქ ქართულ - ეროვნული სულიერი კულტურის დედაბოძი შეერყია; მან მიზანს დაახლოებით 1926 წელს მიადწია თითქმის; ემიგრაციიდან დაბრუნებული ვინმე კ. სულაქველიძის საშუალებით, ჩვენ მას „მეწვანილეს“ ვეძახდით და ძალიან ჰგავდა მას ყოველ მხრივ.

კ. სულაქველიძემ გაზეთი „კომუნისტის“-ს საშუალებით გაილაშქრა ჩვენი უნივერსიტეტის წინააღმდეგ; იგი

მას ბრალსა სდებდა, რომ იქ ახალი თანამედროვე ცხოვრებისა არაფერი იყო; რომ იგი იყო კარჩაკეტილი, მოძველებული და უარყოფითი აზროვნების მატარებელი; საშუალო საუკუნეების „გუთნით - მხენელებად“ გამოჰყავდა ჩვენი პროფესორები. რის გამოც კ. სულაქველიძე, 1926 წ., უნივერსიტეტში სტუდენტთა მიმღები კომისიის თავმჯდომარედ იქმნა დანიშნული და დავალებული ჰქონდა, რაც შეიძლება სასტიკად მოპყრობოდა ჩვენს პროფესორებს.

მან პროფესორი დ. უზნაძე საჯაროდ, საგამოცდო აუდიტორიიდან დაითხოვა ერთი დღის დაგვიანების გამო და თუ მის ბრძანებას არ შეასრულებდა, პოლიციით დაემუქრა.

კ. სულაქველიძეს შემდეგ ლექციების წაკითხვა დაევალებს, სხვა და სხვა დარგში, მაგრამ ვერსად ვერ გამოდგა; მას ყველა მასხარად იგდებდა, პარტიული თუ უპარტიო და მისმა დიდგაცობამ დიდ ხანს ვერ გასტანა.

იმავე წელს ივ. ჯავახიშვილი რექტორობიდან მოხსნეს; მის ადგილას დანიშნეს თედო ლლონტი.

ამის გამო ივ. ჯავახიშვილი უნივერსიტეტში დიდხანს აღარ მოდიოდა. პირველად მოვიდა 1927 წლის იანვარში, როდესაც სვ. ყაუხჩიშვილმა სადოცენტო დისერტაცია დაიცვა ბიზანტიის ისტორიაზე. ოპონენტებად დანიშნული იყვნენ: ივ. ჯავახიშვილი, მ. წერეთელი; მდივნობდა აკაკი შანიძე. ილაპარაკა კ. კეკელიძემ.

ეს სურათი იყო ყოველად დაუფიქარი. სტუდენტთა რიცხვი სამჯერ მეტი იყო, ვიდრე დიდი აუდიტორიის მოცულობა დაიტევდა. როგორც კი ივ. ჯავახიშვილი შემოვიდა და ფეხი შესდგა კათედრაზე, ისეთი ტაშის კვრა შეიქმნა, რომლის მსგავსი ერთხელ შეიძლება ნახოს ადამიანმა მის ცხოვრებაში. ამით ქართულმა ახალგაზრდობამ ბ-ნ ივანეს დაუმტკიცა სიყვარული, ნდობა და პატივისცემა.

პროფესორებიც დიდად ნასიამოვნები დარჩნენ.

ჩვენი უნივერსიტეტის დამაარსებელ ბ-ნ ივანე ჯავახიშვილზე ცოტა ვრცლად უნდა ვილაპარაკო:

იგი იყო საშუალო ტანის კაცი; ჰქონდა მეტად სათნო და სიმპათიური გამომეტყველების სახე; ძალიან ცოცხალი და ჭკვიანური თვალები; უკან გადავარცხნილი ჭადარა-შერეული თმა; სქელი და შავი წარბები. შეკრეპილი, ინით შეღებილი უღვაშები.

იგი იყო ზედმიწევნით სუფთა, როგორც ფიზიკურად ისე მორალურად; დიდად სამართლიანი და მიუღვამელი; სასტიკი და დაუზოგავი; მართლს არ დასჯიდა; უსამართლობას არავის აპატიებდა, რის გამოც ყველა პროფესორი „ისო ქრისტეს“ უწოდებდა.

კაცი ენა-წყლიანი და ტკბილი მოუბარი; ზედმიწევნით იცოდა, გარდა ძველი და ახალი ქართულისა, მრავალი უცხო, მკვდარი და ცოცხალი ენა. იგი იყო არა -

ჩვეულებრივად საგნის გადმოცემი; მისი ნათქვამი არასდროს დაგავიწყდებოდა და თუ წესიერად ყურს დაუგდებდი, ყოველი მისი სიტყვა ისე ჩადიოდა თავში, როგორც კენჭები ჩაალაგო ყუთში. ლექციების, ან სემინარების დროს, საგნის გარეშე, იცოდა თქმა-რჩევა - დარიგების მიზნით.

ერთს სემინარზე, მაგიდაზე თითის დაკვრით გვითხრა: „ეს ჩემია და მე ამას ვერავინ წამართმევს“-ო. (ეს უნივერსიტეტს ეხებოდა). მან ნათქვამი სრული სისწორით შეასრულა. მართალია, იგი რექტორობიდან გადააყენეს, უნივერსიტეტიდანაც დაითხოვეს, მაგრამ სიცოცხლეში უნივერსიტეტის ეზოში ყოველ დღე მდიოდა. სიკვდილის შემდეგ იმავე ეზოში იქმნა დამარხული და მისი მისად სამარადისოდ შემოინახა.

ამიტომ დასაფლავების წინ სვ. ჯანაშიამ თურმე უთხრა: „შენ შეგიძლია თქვა, რომ მოვკდი“-ო! ეს იგი: ვერ მოკლეს იგი.

ერთ ლექციაზე გვიამბო ბრძოლაზე ქართველთა და ბერძენთა საეკლესიო წოდებათა შორის. მიზეზი? ჰქონდა თუ არა საქართველოს თავისი საკუთარი კათოლიკოსის ყოლის უფლება.

ამ ამბავმა ძალიან დამაინტერესა; ლექციის პირველი ნაწილის წაკითხვის დამთავრების შემდეგ, შორი-ახლოს უკან გავეყვი, ახლოს მისვლას ვერ ვბედავდი; თვითონ მიხვდა; შეჩერდა, შემობრუნდა და მკითხა: „რა გნებავთ?“. ვიდრე პირს გავაღებდი, მითხრა: „მოკლედ!“ (გძელი სიტყვა არ უყვარდა).

რატომ იყო ასეთი საშინელი ბრძოლა კათოლიკოსის გამო?

სიამოვნებით შემომხედა. თავი დააქნია და უპასუხოდ გაბრუნდა. წავიდა.

ლექციის მეორე ნაწილი დაამთავრა მით, თუ როგორ მოიგო ის ბრძოლა გიორგი მთაწმიდელმა. შემდეგ გადმოგვხედა ყველას და გვითხრა:

— იმ დროს სახელმწიფოს დამოუკიდებლობას ორი ფაქტორი ახასიათებდა: მეფე და კათოლიკოსი; თუ რომელიმე სახელმწიფოს ერთი მათგანი აკლდა, ის სახელმწიფო სრული, დამოუკიდებელი არ იყო.

დღეს მესამე ფაქტორიც არსებობს; ერს, რომელსაც უნივერსიტეტი არა აქვს, ის ერი სრული, დამოუკიდებელი არ არის.

ამიტომაც უნივერსიტეტი იყო ჩვენი დამოუკიდებლობის პირველი ფაქტორი.

ყოველ შემთხვევაში, ორი უკვე გვაქვს. მესამე: მეფე თუ არა, პრეზიდენტიც მალე გვეყოლება.

დრ. ინჟ. ლეო ჭეიშვილი

პატარა მოგონება

მართალია, ორი წელი დავყავი ჩვენს უნივერსიტეტში, მაგრამ მაშინ ხომ ბავშვი ვიყავი და პირველი ჩემი კონტაქტი ჩვენს პროფესორებთან არ იქნება დღევანდელი დღისათვის საინტერესო. მაგრამ მაინც მსურს მოვიგონო ჩემთვის დაუფიქსარი, ჩვენი საამაყო მათემატიკოსის, ანდრია რაზმაძის არა ჩვეულებრივი პედაგოგიური ნიჭით გადმოცემული რთული მათემატიკის ლექციები. ასევე დიდი პატივისცემით ვიხსენებ მუდამ, პროფესორ ბენაშვილს. მისი გეოდეზიის ლექციების დროს დარბაზი ყოველთვის გაჭედილი იყო ახალგაზრდა მსმენელებით. ძალზე გაიზიდავდა ის გარემოება, რომ ბატონი პროფესორი, თურმე სულ რამოდენიმე წელი იყო, რაც ჩამოსულიყო რუსეთიდან, ვერ უფლობდა ქართულ ენას და სულ ორიოდ წელში ისეთი მოხდენილი, კარგი, ქართული ენით გადმოგვცემდა ლექციებს, რომ ყველანი აღტაცებით ვუსმენდით. განსაკუთრებით უყვარდა ლექციების დროს ორმნიშვნელოვანი სიტყვებით გადაკვრით შეხებოდა კომუნისტურ ძალა-უფლებას. ეს, რასაკვირველია, სტუდენტებს ვერ გამოგვეპარებოდა და დიდი ტაშის კვრით ვეგებებოდით ხოლმე მის ასეთ შენიშვნებს. მახსოვს, ერთხელ კარტოგრაფიაზე რომ კითხულობდა, შემდეგი აღნიშნა: — ბატონებო! უწინდელ დროში უმნიშვნელო სოფლებს რუკაზე, თავიანთ მდებარეობას საყდარის მდებარეობით აღნიშნავდნენ, დღეს კი აღმასკომის შენობით! რამდენადაც მახსოვს, იმ დღის ლექცია ამ სიტყვებით დამთავრდა, რადგან ისე აგვიტაცა მისმა გაბედულმა და მოხდენილმა შენიშვნამ, რომ ოვაციებმა პროფესორს საშუალება არ მისცა განეგრძო. — მის სახეს დიდი კმაყოფილების იერი და სიჩუმე ამშვენებდა.

ვახსენებ აგრეთვე ჩვენს მოამაგე აკადემიკოს პროფესორ მუსხელიშვილს განსაკუთრებული გრძნობებით. არ დამავიწყდება, თუ როგორ ეპყრობოდა ახალგაზრდობას გამოცდების დროს. აქ გამოსჭვივოდა დიდი პედაგოგიური ნიჭი, სიმშვიდე და მოთხოვნების ტაქტი, გამოცდაში მყოფ ახალგაზრდის მიმართ.

რიდესაც პენსილვანიის უნივერსიტეტში ლექციების კითხვა დავიწყე, პირველი, რაც მკითხეს სტუდენტებმა, როდესაც გაიგეს რომ მე ქართველი ვიყავი, ვიცნობდი თუ არა აკადემიკოს მუსხელიშვილს. როდესაც გაიგეს, რომ მე მისი მოწაფე ვიყავი, ისე შემომეხვედნენ, თითქოს მე ვყოფილიყავი აკადემიკოსი მუსხელიშვილი! მეორე მხრივ როდესაც გავიგე მათგან, რომ ამერიკის შეერთებულ შტატების უნივერსიტეტში ყველაზე ცნობილი და მიღებული წიგნი სტატიკაზე, აკად. მუსხელიშვილის მიერ დაწერილი სახელმძღვანელოა; ისე ამიტაცა გრძნობამ, რომ დიდი ხერხით ძლივს-ღა შევიკავე სიხარულის ცრემლები.

გავიდა 50 წელი. მის შემდეგ, მრავალი ათასეული ქართველი ეზიარა მეცნიერების სხვა და სხვა დარგს ჩვენს

უდიდეს ტაძარში, სადაც ანთია ცეცხლი სინამდვილის, რომელიც მხოლოდ ერთ გზას აშუქებს. ეს გზა იგივე სინამდვილის გაგების გზაა.

ქართველი მუდამ ეწაფებოდა უმაღლესი ცოდნის მიღებას. ალბათ სურვილით გატაცებული ესწრაფოდა გვეგო გარემოცულ საიდუმლოებათა სინამდვილე, რომლითაც აღსავსეა უნივერსუმი, არის ეს მიკრო, თუ მაკრო-სკოპიული დიმენსიისა. მაგრამ უკანასკნელ დეკადებში ძალზე გაიზარდა რიცხვი უმაღლეს მკოდნეთა. ამას თავისი ახსნა აქვს. მხოლოდ ეს არ არის არავითარ შემთხვევაში არსებული ხელისუფლების დამსახურება ისე, როგორც არ შედის მის დამსახურებაში რუსთაველის პოემის დაწერა, რომელიც დღევანდელი ხელისუფლების მოტრფიალებმა ისე დაახურდავეს ეს უდიდესი აზრებით დატვირთული პოემა, თითქო რუსთაველს ვეფხისტყაოსანში მხოლოდ ქართულ-რუსული „ძმობა-ერთობა“ და „მეგობრობა“ ჰქონებოდა მხედველობაში.

ეს ჩემი სიტყვები თითქოს აქ არაა შესაფერი. მაგრამ მაინც დიან შესაფერია. არც ერთ ქართველ მწერალს და პოეტს დაწყებული უნიჭო პირიდან, გათავებული აკადემიკოსებით და რუსთაველოლოგებით, არ ებატებებოდა, რომ გაბედეს და თავიანთ სახეიმო სიტყვებში ეს აზრი გაატარეს. — შოთა რუსთაველი უნივერსიტეტის დედა-ბოძია!

სანამ არ გვქონდა ბედნიერება საკუთარი მეცნიერული ტაძარი გვქონებოდა, მისმა გენიამ ალგვიზარდა მთელი თაობანი საუკუნეთა მანძილზე! შოთა თავის დანიშნულებას ისე განაგრძობს, როგორც მუდამ, მაგრამ მასზე აღმოცენდა ჩვენი სინამდვილის ტაძარი. დღეს ის ერთ-ერთ საუკეთესო და საპატიო ადგილს იჭერს მთელ საბჭოთა კავშირში, ქართველი ერის გენიის წყალობით. სასიქადულოა, რომ გამოჩენილ ადგილს იჭერს და სავალალო, რომ საბჭოთა კავშირში არის.

ჩვენმა უნივერსიტეტმა მოგვცა ამ 50 წლის განმავლობაში მთელი კადრი პროფესორთა და აკადემიკოსთა, რომელნიც თავიანთი დონით მსოფლიო მეცნიერების პირველ რიგებში ჩაითვლებიან.

მაგრამ ამ მეტად სასიხარულო მხარეს, ამ წყურვილს ქართველებისას, უმაღლესი ცოდნის მიღებისა, თან ახლავს ერთი მძიმე ჩრდილი, რომელიც თუ ჩავუფიქრებთ, ყოველ ქართველს შეაძრწუნებს. სად მიდის, სად წავიდეს ამდენი უმაღლეს-დამთავრებულნი?! ისმება ეს საკითხი და ამასზე დიდი რუსეთი იძლევა პასუხს: „მობრძანდით ჩვენთან. ჩვენ ხომ ძმები ვართ! რამდენიც არ უნდა იყვნეთ, ყველასათვის გვაქვს ადგილი!“ უმაღლეს დამთავრებული არ ბრუნდება სოფელში, რათა იქ „კოლექტივში“ იმუშაოს. ამ დიდ რიცხვთან, რომელსაც უშვებს ყოველ წლივ ჩვენი უნივერსიტეტი, ჩვენი ქვეყანა ძალზე პატარა არის შედარებით. მისი ინდუსტრია ინჟინერებისათვის, მისი ტერიტორია აგრონომებისათვის ძალზე პატარა არის. მაშ, რა დარჩენია ახლად დამთავრებულს, გა-

რდა იმისა, რომ ეძებოს თავისი ადგილი სხვა საბჭოთა რესპუბლიკაში. რასაკვირველია, ის ირჩევს რუსეთს, თავისი დიდი ქალაქებით და უზარმაზარი ქარხნების აგებულებებით. მიდის რუსეთს. ადრე თუ გვიან იწერს ჯვარს ცხადია, რუსის ქალზე; ქმნის რუსულ ოჯახს და... ილუპება ერთი ქართველი საქართველოსათვის. მაგრამ რაინდენი ათასია ასეთი?! და იზადება კითხვა: არის ასეთი დაწაფება ქართველისა უმაღლესი ცოდნისადმი საქართველოსათვის ხელსაყრელი!

ჩემი აზრით, უნდა ხდებოდეს მოწაფეთა უსასტიკესი გაცხრილვა ყოველი მხრივ, რათა დამყარდეს წონასწორობა ცოდნის მიღებულთა და მათ განკარგულებაში მყოფი თავისუფალ ადგილთა შორის. ამას ჩვენ აქ არავინ გვკითხავს — სინამდვილე თავისას შვრება; მაგრამ დიდად სავალალოა, ყოველი ინტელექტუალური ქართველი, რომელიც ჩრდილოეთის დიდ სივრცეში გვეკარგება და მის მაგიერ რუსი მუშა გვემატება.

ეს დიფულზიის პროცესი უმძიმესად აწევს ჩემ გულს და ვხედავ ჩემ წინ შავად გადაკრულ ჰორიზონტს.

ვულოცავ ქართველ ერს იქ, თავის მიწაზე და მის „ნატებს“ აქ, უცხოეთში, ამ დიად დღეს და ვუსურვებ ჩვენ მეცნიერებათა ტაძრის შეფუპოვარ და თავდადებულ სინამდვილის შაძებართ, აგვიზარდონ ნამდვილი, სასახლო თაობანი, ქართული სულით და გრძნობებით გამსჭვალულნი და ღირსნი თავიანთი დიადი წარსულისა.

გიორგი ნაკაშიძე

ბახსენებისათვის

ომი გათავდა. მტრის თავდასხმა - შემოსევა ჩვენთვის ისე მოულოდნელი იყო, რომ ბრძოლა დიდ ხანს არ გაგრძელდა. რუსეთმა ისევ ჩაიგდო ხელში თავისუფალი საქართველო. თვითველი ქართველი თავს რაღაც შეურაცყოფილად გრძნობდა, დარცხვენილად გამოიყურებოდა, თითქოს სინიდისი ქენჯნიდა, რომ ვერ შესძლო მოზღვავებული მტრის უკუგდება და სამშობლოს დაცვა-გადარჩენა, — დამარცხებული ერი ვერ ურიგდებოდა შექმნილ მდგომარეობას; დღითი დღე მოელოდა თავისი თუ სხვისი დახმარებით ქვეყნის ხსნასა და განთავისუფლებას.

თითქმის ყოველი ახალგაზრდა ეწერებოდა საიდუმლო სამხედრო რაზმში და მოუთმენლად უცდიდა იმ დროს, როცა ყველა პოლიტიკური პარტიის შეთანხმება მოხდებოდა და საერთო ეროვნული ორგანო მოუწოდებდა ხალხს იარაღით ხელში გამოსულიყო ოკუპანტების წინააღმდეგ.

ქართული უნივერსიტეტი არ წარმოადგენდა რაიმე გამონაკლისს; სხვებთან ერთად ისიც მტკივნეულად განიცდიდა, სრულიად მოულოდნელად, სამშობლოზე თავ - დიტეხილ უბედურებას და სხვებსავით იმედებით იკვებებოდა.

1921 წ. სექტემბერში უნივერსიტეტში დაიწყო ლექციების კითხვა. სტუდენტობა თავს იყრიდა ქალაქში და ყველგან და ყოველთვის დაუფარავად გამოთქვამდა თავის მტრულ განწყობილებას საქართველოში უცხო ძალის წიერ დამყარებულ რეჟიმისადმი. თვით სტუდენტებში სამი თუ ოთხი კომუნისტი მოიპოვებოდა და ისინიც ისე იყვნენ დარცხვენილი, რომ ვერ ბედავდნენ თავისი ვინაობის აშკარად გამოჩენას.

უნდა ითქვას სიმართლე: „რევკომი“ ყოველ ღონეს ხმარობდა, როგორმე სტუდენტობასთან საერთო ენა გამოენახა: ის გვეპირდებოდა სტუდენტებისათვის უფასო სასაღილეების დაარსებას, უფასო ბინების მოწყობას, სტიპენდიების დანიშვნას და სხვა. მაგრამ ამოდ! სტუდენტობამ ყოველივე ეს უარპყო და განაგრძობდა გაბატონებული რეჟიმის წინააღმდეგ მოქმედებას.

როგორც ეტყობა, თვით ისეთ ტიკინებსაც კი, რომელთაგანაც შედგებოდა მაშინდელი „რევკომი“, მობეზრდათ სტუდენტობის ასეთი განწყობილება და ერთ მშვენიერ დღეს დააბათიმრეს სტუდენტთა გამგეობის სამი აქტიური წევრი: სევერიანე ჭირაქაძე, ფილიპე შარაძე და კოწია ტყავაძე. ესეც არ იქნარეს. უმაღლესი ბრძანება-დადგენილებით გადააყენეს სტუდენტების მიერ არჩეული გამგეობა და იმის ნაცვლად დაგვინიშნეს ე. წ. „რევოლუციური სამეული“, ასლად გამემარცხენებული შურა დუდუჩავას მეთაურობით.

ეს — სტუდენტობისათვის აშკარა ომის გამოცხადება იყო. სტუდენტობამ მიიღო ეს გამოწვევა. თუ აქამდე სტუდენტები ამა თუ იმ პარტიის წევრები, ცალ ცალკე გა მოდიოდნენ და ილაშქრებდნენ რეჟიმის წინააღმდეგ, ახლა წამოიჭრა საკითხი მთელი სტუდენტობის ერთ ფრონტად დაჯანჯვანება-გაერთიანებისა და საქართველოს მთელი მოსწავლე ახალგაზრდობის ბოლშევიკების წინააღმდეგ ამხედრება-ამოძრავებისა. სტუდენტობის დიდ უმრავლესობას წარმოადგენდნენ სოციალისტ - ფედერალისტები. ყოველი საერთო ხასიათის გამოსვლა უმთავრესად მათზე იყო დამოკიდებული. აღშფოთებულმა სტუდენტობამ უნივერსიტეტის შესავალ კარზე გაკრული „რევკომის“ განკარგულება ნაფლეთებად აქცია და „სამეულის“ ვერც ერთმა წევრმა ვერ გაბედა უნივერსიტეტში მოსვლა, გა მოცხადება.

ჩვენ (სოციალისტ - ფედერალისტებმა) ვაფრინეთ დელეგაცია პარტიის მთავარ კომიტეტთან, ვაცნობეთ სტუდენტობაში შექმნილი განწყობილება და ჩვენი სურვილი მთლიანი ფრონტით ბოლშევიკების წინააღმდეგ დემონსტრაციების მოწყობისა.

ამასობაში მოვიდნენ ჩვენთან სოციალ-დემოკრატების, ნაციონალ-დემოკრატების და სხვა დაჯგუფებების წარმომადგენლები და გამოგვიცხადეს, რომ ისინი უკვე მზად არიან საერთო ფრონტით გამოსვლისათვის, მხოლოდ

ელოდებიან ჩვენ გადაწყვეტილებას.

ერთ პატარა ოთახში, წყნების ქუჩაზე, მოვიყარეთ თავი ოციოდე სოც. ფედ. სტუდენტმა.

აქ, ჩვენი ახალგაზრდობის სინიდისად აღიარებულის, სტუდენტ გედონ სვანიძის მიერ გახსნილ კრებაზე, მოვისმინეთ დღეგაცისაგან პარტიის მთავარი კომიტეტის რჩევა-დარიგება და პასუხი: „შეიკავეთ როგორმე თავი; არას გზით არ დაუშვათ სტუდენტობის საჯარო გამოსვლები, რასაც შეიძლება დიდი მსხვერპლი მოჰყვეს. მოვეუცადოთ უნდა შესაფერის დროს!“-ო.

სახტად დავრჩით. ჩამოვარდა საერთო უხერხული სიჩუმე. ბოლოს წამოვდგე და აღელვებული ხმით განვაუცხადე: — ვის შეუძლია ანგარიში არ გაუწიოს, ან შესაფერისად არ დააფასოს რჩევა-დარიგება ასეთი დიდებული მამულიშვილებისა, როგორც არიან ჩვენი ძვირფასი გიორგი ლასხიშვილი, გრიგოლ რცხილაძე, იოსებ გედევანიშვილი, სამსონ ფირცხალავა და სხვა ყოველად შესანიშნავი და მეტად პატივსაცემი წევრი მთავარი კომიტეტისა. ყველამ ვიცით, თუ რა კეთილშობილური გრძნობით, რა სიყვარულით ჩვენდამი არის გამოწვეული და ნაკარნახევი მათი ასეთი აზრი, მოწოდება, მაგრამ მიუხედავად ჩვენი ღრმა პატივისცემისა მათდანი, ჩვენ უპირველესად ყოველისა ანგარიში უნდა გავუწიოთ მთელი ერის სტუდენტობას.

„მოვეუცადოთ შესაფერის დროს!“ ბატონებო! ჩვენ ვიცდით უკვე მთელი რვა თვე! მდგომარეობა დღითიდღე უარესდება, მტერი იმაგრებს თავის პოზიციებს და ჩვენ კი ხმაც არ ამოვიღოთ? პროტესტიც არ განვაუცხადოთ?

„შესაფერისი დრო“ ძალიან კარგია, მაგრამ როდის მოვა, როდის დადგება ეს შესაფერისი დრო? არა, ამხანაგებო! დღეს არ არის გაჩუმების, ღმობელობის ხანა! ახლა საჭიროა ჩვენში დაგუბებული - დამარხული გულის წყრომა არსებული ხელისუფლების წინააღმდეგ საჯაროდ გამოვთქვათ. მთელი ხალხის გულის წადილი შევასრულოთ და თუ საჭიროა მსხვერპლიც გავიღოთ!

ამიტომ მოგიწოდებთ თქვენ უკუგავდოთ ყოველად პატივსაცემი და გონივრული დარიგება ჩვენი მთავარი კომიტეტისა და ავყვეთ ჩვენს გულისთქმას, ჩვენს აღელვებულ, აბობოქრებულ გრძნობებს! მე მომხრე ვარ სტუდენტების საერთო გამოსვლა-დემონსტრაციებისა...

გტყობოდა, რომ კრება არ იყო მაინც და მაინც წინააღმდეგი ჩემს მიერ გამოთქმული აზრისა... სიტყვა ითხოვა **მიშა მეუნარგია**.

„ამხანაგებო! მე ვხედავ, რომ თითქმის ყველანი მომხრე ხართ ამხანაგ გიორგი ნაკაშიძისა. მეც თქვენიან ვარ, მხოლოდ ერთი პირობით.

„როგორც იცით, ბოლშევიკებმა არ დაინდვეს საუკუნეთა შემდეგ მკვდრებით აღდგენილი საქართველოს დამოუკიდებლობა და ყოველგვარი ადამიანური, ეროვნული, საერთაშორისო უფლებების დარღვევით, უცხო და

ლის დახმარებით გამეფდნენ დაპყრობილ სამშობლოში. თქვენ იცით, თუ რას წარმოადგენს მთელი ქართველი ერისათვის ჩვენი ახლად დაარსებული უნივერსიტეტი. რას ვიზამთ, რა დაგვემართება, თუ ჩვენს მიერ უნივერსიტეტის შენობა-ეზოში გამართულ კრება - დემონსტრაციებს ბოლშევიკებმა არამც თუ დაკეტვით, არამედ თვით შენობის განადგურებით უპასუხონ! მათგან ხომ ყველაფერი მოსალოდნელია! რას ვეტყვით ჩვენ მაშინ იმავე ქართველ ერს, ჩვენ საყვარელ პროფესორებს და მეტადრე უნივერსიტეტის ფუძემდებელს, ჩვენ ძვირფას ივანე ჯავახიშვილს! შე წინადადებას ვიძლევი, გაიგზავნოს დღეგაცია ივანე ჯავახიშვილთან და თუ ის წინააღმდეგი იქნება უნივერსიტეტის შენობაში რეჟიმის საწინააღმდეგო გამოსვლების მოხდენისა, დავემორჩილოთ მის გადაწყვეტილებას და ჩვენი ბრძოლის ასპარეზი გადავიტანოთ სხვა ადგილას, თუ გნებავთ, მუშათა პროფესიონალურკავშირებთან შეთანხმებით და თავოსნობით მოვეწყობთ საერთო გამოსვლებს?“

მიშა მეუნარგიის წინადადება ერთხმად იქმნა მიღებული.

კრების შემდეგ შევხვდით სხვა პარტიების წარმომადგენლებს, რომლებმაც სავსებით გაიზიარეს ჩვენი გადაწყვეტილება..

სალამოს ცხრა საათზე სოციალდემოკრატების წარმომადგენელი — დათიკო ლომთაძე, ყოველთვის ზრდილი, დარბაისელი და მეტად კეთილშობილი ადამიანი; ეროვნულ დემოკრატების წარმომადგენელი — ცოცხალი, მოქმედი, მჭევრმეტყველი, ელისე პატარაძე; სოციალისტ - ფედერალისტების წარმომადგენლები — მიშა მეუნარგია, ეს ფიზიკური და სულიერი სილამაზის ნამდვილი განსახიერება და მე ვესტუმრეთ პროფესორ ივანე ჯავახიშვილს, დაუვიწყარი გია აბაშიძის მიერ უკვე გაფორმებული. ბ-ნი ივანე გულთბილად მოგვეგება და სასტუმრო ოთახში მაგვიპატიუა. იქ ჩაი და ნამცხვრები მოგვართვეს.

ამხანაგების დავალებით გავაცანი საყვარელ პროფესორს ჩვენი დადგენილება და მასთან მისვლის მიზეზი. მან დიდი ყურადღებით მოისმინა ყოველივე და გვითხრა შემდეგი: —

„დიდი მადლობელი ვარ, რომ სტუდენტობამ ასეთი ნდობა გამოიჩინეთ ჩემდამი და მეტადრე, რომ ასე სათუთად ექცევით უნივერსიტეტის ბედს. მაგრამ უნივერსიტეტი ხომ მხოლოდ ცარიელი კედლები და სახურავი არ არის? უნივერსიტეტი ხართ თქვენ, სტუდენტობა — მოძრაობა, მოქმედი ძალა, უსულო შენობას რომ სიცოცხლეს ანიჭებს. სტუდენტობა ყოველგვან და ყოველთვის იყო თავისი ქვეყნის მებრძოლთა რიგებში. ამიტომ როგორ შემიძლია მე, ქართველს და თქვენს მასწავლებელს, ხელი შევიშალოთ თქვენი მამულაშვილური მოვალეობის შესრულებაში, თქვენი შეურაცხყოფილი ეროვნული და აკადემიური ღირსების, თავისუფლების დაცვაში! იმოქ-

მედეთ ისე, როგორც თქვენი შეგნება და სამშობლოს სიყვარული გიკარნახებთ და ნუ დაერიდებით თვით უნივერსიტეტის შენობის გამოყენებას“...

ჩვენს სიხარულს საზღვარი არ ჰქონდა. წამოვდექით. მადლობა გამოვუცხადეთ და გამოვემშვიდობეთ. გადავკოცნა სათითაოდ ყველა და გვისურვა გამარჯვება...

მიედიოდით შინ აღფრთოვანებულნი, ფრთებ-გამოსხმულნი. მეორე დღეს საგანგებოდ მოწვეულმა მრავალრიცხოვანმა სტუდენტების კრებამ აირჩია ერთხმად საერთო ხელმძღვანელი, რომელთანაც ყოველმა პოლიტი-

კურმა პარტიამ მიავლინა თავისი წარმომადგენელი, რათა ამით კვლავ კიდევ ახსი გაესვა სტუდენტობის ერთ ფრონტში გაერთიანება-დარაზმისათვის.

ასე დაიწყო ეგრეთ წოდებული სტუდენტთა ანტიკომუნისტური მოძრაობა, რომელმაც გამოხმაურობა ჰპოვა არამც თუ დედა-ქალაქის მოსწავლე ახალგაზრდობაში და მოსახლეობაში, არამედ საქართველოს ყოველ კუთხეში და ამ მოძრაობის ნამდვილი ხელმძღვანელი, მისი სულის ჩამდგმელი იყო მშვიდი, წყნარი, სიცოცხლეშივე ნათელი შარავანდედით მოსილი, ღვთაებრივი ადამიანი — პროფესორი ივანე ჯავახიშვილი.

† ექიმი ვახტანგ ლამბაშიძე

პეტრე მელიქიშვილის ხსოვნას

ეს წერილი გადმოგვცა დასაბუქლად ქ-ნმა მედეა ლამბაშიძის ასულმა - ნიკოლაძისამ. ამოღებული არის მამა-მისი ვახტანგ ლამბაშიძის დღიურებიდან.

1916 წლის შემოდგომა იყო. პროფესორი პეტრე გრიგოლის ძე მელიქიშვილი, ჩვენი ცნობილი მეცნიერი, აპირებდა ცოტა ხნით დაბრუნებას აბასთუმნიდან, სადაც წასული იყო საზაფხულოდ დასასვენებლად. ექიმი კიკო მელიქიშვილი, მისი ნათესავი, რომელსაც თბილისში ჩინებულად მოწყობილი სამკურნალო ჰქონდა, მოელოდა მას და გვპირდებოდა მის გამოსამშვიდობებელ საღამოზე დაპატიებას. ამ სამკურნალოში ვმუშაობდით ათიოდე ექიმი და თითქმის ყოველ დღე ვხვდებოდით ერთმანეთს. ყველანი დიდი სიამოვნებით მოველოდით ამ სასიამოვნო შეხვედრას, რადგანაც დიდი პატივისმცემელი ვიყავით ჩვენი ცნობილი მეცნიერისა.

ოდესის ქართველ სტუდენტობას ყოველთვის სიამოვნებით აგონდებოდა ხოლმე ორი ცნობილი მეცნიერის, ვასილ პეტრიაშვილის და პეტრე მელიქიშვილის სახელი, მათი მეგობრული ურთიერთობის დამოკიდებულება და ნამდვილი მამა-შვილური განწყობილება. ოდესის ქართველები ამ ორ პროფესორთან ერთად თითქოს ერთ ოჯახს წარმოადგენდნენ და ჩვენ, არა ოდესეულ სტუდენტებისათვისაც კი, ეს სასიამოვნო მოსაგონრად იყო გამხდარი. ამ ორთაგან, სამწუხაროდ, პროფესორი ვასილ პეტრიაშვილი ძალიან ადრე გარდაიცვალა, (1845 წელს დაბადებული, 63 წლის ასაკის გარდაიცვალა, 1908 წელს, ქალაქ კარლსბადში). ოდესეულ სტუდენტებს შოესპოთ ასეთი ძვირფას ოჯახში მისვლის სიამოვნება. განსვენებულის მეუღლე, რომელიც დიდი ხელისშემწყობი იყო ყველაფერში ამ იშვიათ მეცნიერისა და ადამიანის, ოდესაში ვეღარ დარჩა. ამით მოისპო

ეს შესანიშნავი კერა მოსწავლე სტუდენტობისათვის და მათაც მთელი ყურადღება და პატივისცემა პროფესორ მელიქიშვილზე გადაიტანეს.

მალე ექიმმა მელიქიშვილმა გვაცნობა მისი ნათესავი მეცნიერის ჩამოსვლა და ჩვენც მოგვიყარა თავი თავის ბინაზე. ჩვენში, მოგეხსენებათ, რაც უფრო დიდებულად ეწყობა სახეიმო ვახშამი, მით უფრო გვიან სხდებიან სუფრაზე; ღიასახლისს ბევრი რამ ჰქონდა გასაკეთებელი და დრო საკმაო დაგვიჩა საუბრისათვის.

ყველას გვსურდა პატივცემულ პროფესორთან ბასი და ხან ერთი, ხან მეორე სარგებლობდა შემთხვევით, რომ მას გამოხმაურობოდა. საერთოდ ვიქნებოდით 15-მდე სტუმარ-მასპინძლიანად, მხოლოდ ექიმები და ყველანი მეუღლეებით; ცოტა ხნის საერთო ბასის შემდეგ, ცალკე პატარ-პატარა ჯგუფებად დაყოფილნი, დარბაზის ყველა კუთხეში ჩამოვრიგდით; ხან ერთი ჯგუფი, ხან მეორე მიუჯდებოდა ხოლმე პროფესორს გამოსალაპარაკებლად. ჩემმა ჯერმაც რომ მოღწია, მივუახლოვდი და ვთხოვე, მცირეოდენი ხნით ჩემთვისაც დაეთმო თავისი ყურადღება.

პროფესორი მელიქიშვილი მე ბევრჯერ მყავდა ნახული, როდესაც საზაფხულოდ საქართველოში ჩამოდიოდა ხოლმე. ძალიან კარგად ვიცნობდი მის დას, ქ-ნ კეკეს, ცნობილი მოღვაწის სერჯი მესხის ქვრივს, რომლისაგანაც ხშირად ვტყობილობდი პროფესორის ამბავს.

ერთჯერ, მახსოვს, ბორჯომში შევხვდი ბ-ნ პეტრეს პროფესორ ვასილ პეტრიაშვილთან, სადაც დიდ ხანს ვიბასეთ სამეცნიერო კითხვებზე. ეს შემთხვევა კარგად მოაგონდა ბ-ნ პეტრეს და ღიმილით მიპასუხა:

— დიდი სიამოვნებით, მაგრამ მე ვიცი თქვენი ჩვეულება, უთუოდ ქართულად დამელაპარაკებით და ვაი თუ ვერ მოვახერხო პასუხის მოცემა.

ვისაც კი უნახავს პატივცემული პროფესორი, არ შე-

ეძლო არ მიექცია ყურადღება მისი მშვენიერი გამომეტყველებისათვის: ჭარბი მოხუცი, სახე ღრმად ჩაფიქრებული, ლამაზი ნაკეთობით შემოსაზრდილი, ჭკვიანური, ღრმად გამჭვრეტი თვალები, სასიამოვნო ღიმილი, გამომეტყველება უბრალო და თავმდაბალი, რაც დამახასიათებელია ყოველი დიდი და ღრმად განსწავლილი მეცნიერის, ყოველგვარ ხელოვნურ მედიდურობას მოკლებული, რაც უფრო ხშირად ახასიათებს ზერელე ჭკუის და დაბალი ხასიათის მეცნიერთ, — ყველაფერი ეს ძალაუნებურად გიზიდავდათ ამ ადამიანის პირველ შეხვედრისთანავე და უნებლიედ იმსჯელებოდით უაღრესი პატივისცემის გრძობით ასეთი მეცნიერისადმი ჩვენი ეროვნული თავმოყვარეობის სანუგეშებლად და სასიქადლოდ.

თუმცა ჩემი კითხვები სამეცნიერო საგანს შეეხება, — ვუპასუხე პატივცემულ პროფესორს, — მე ვეცდები ისე მარტივად და ადვილად გასაგები სიტყვებით გამოვთქვა ჩემი სათქმელი, რომ ადვილად გაიგებთ ყოველივეს. თქვენ კი პასუხი რუსულად გამეცით, — ამის უფლებას არავის არ ვართმევ.

ამის შემდეგ დავიწყეთ საუბარი რადიუმის შემცველი ნივთიერების სხვა და სხვა თვისებაზე, და რამდენად გავრცელებულია ეს ნივთიერება სხვაგან და კერძოდ საქართველოში. შევეხებთ აგრეთვე რადიუმის სამკურნალო მიზნით გამოყენების საკითხსაც. ყველაფერზე თავის განმარტებას მაძლევდა ჩვენი მეცნიერი და ეტყობოდა, რომ მშვენივრად ესმოდა ყოველივე ჩემი ქართულად ნათქვამი.

სხვათა შორის მოუყუევი ერთი მკვლევარის ნაწარმოების შესახებ საგულისხმო დაკვირებაზე; მას შემთხვევით საქართველოდან ჩრდილოეთისაკენ დაბრუნებისას გადაუვლია კავკასიონის ქედზე; გზაში რამოდენიმე ადგილას შეჩერებულა, ზოგან დასასვენებლად და ზოგან ღამის გასათევად. გზა და გზა სხვა და სხვა დაკვირვებაც მოუხდენია მეცნიერული მიზნით. რუსეთში დაბრუნებულს საფოტოგრაფიო გადასაღებ მინებზე შეუმჩნევია რაღაც ნიშნები, რომელიც მიემსგავსებოდა მხოლოდ რადიუმის ზედგავლენით გამოწვეულ ნიშნებს. ხანგრძლივი გამოძიების შემდეგ ამნაირად აუხსნია ეს გარემოება: სადღაც გადმოვილი გზაზე უთუოდ ისეთ ადგილზე გაჩერებულა, სადაც რადიუმისანი ნივთიერება ყოფილა და ამას თავისი გავლენა მოუხდენია მინებზე. სხვების ცნობაც ადასტურებს, რომ კავკასიონის ქედზე ყოფილა ისეთი ადგილები, სადაც ცხენებს უკანა ფეხების სიმდაბლე მოსდით, რომელსაც რაღაც ბალახის ქმევით არჩენენო. ასეთი უცნაური გავლენა მხოლოდ რადიუმს უნდა მიეწერებოდესო. ამასთანავე გავუზიარე პროფესორს ერთი მწერლის გამოკვლევით ახსნილი ამბავი საბერძნეთის მითოლოგიიდან. ერთ მეფეს, რომელსაც

უნდა აეყვანა დედოფლად ერთი ვინმე ლამაზი ქალი სულ სხვა შეყვარებია და პირველისათვის თავი დაუწინებებია. ამ პირველს, სასოწარკვეთილს, განუზრახავს შურის ძიებით თავისი მეტოქის მოსპობა. მას ჰქონია კოლხეთიდან ჩამოტანილი იშვიათი თვლები, რომლის თვისებაც კარგად სცოდნია. მას გაუკეთებია ძვირფასად მოოჭვილი, იშვიათი სილამაზის გვირგვინი და გარეშემო ეს თვლები ჩაუყოლებია; გაუფზავნია საჩუქრად თავისი მეტოქისათვის, საზეიმო შემთხვევისათვის თავზე დასადგმელად. ერთ-ერთი ზეიმის დროს, ამ გვირგვინით დამშვენებული დედოფალი გამოსულა მოედანზე და დამდგარა მეფის გვერდით, რამოდენიმე ხნის შემდეგ დედოფალს გული შესწუხებია და გრძობაც დაუკარგავს. მივარდნილან მსლებლები მისაშველებლად და როდესაც გვირგვინი მოუშორებიათ, მას ვაჰყოლია შუბლისა და თავის დამწვარი კანის ნაჭრები. მაშინ ყველანი მიმხვდარან, რომ მიხვნი ამ უბედურების სწორედ ამ გვირგვინში უნდა ყოფილიყო. შემდეგ მკვლევარი დასძენს, რომ ეს მოვლენა შეიძლება მხოლოდ აიხსნას რადიუმის თვისებითო. გვირგვინის გამოგზავნელს კარგად უნდა სცოდნოდა მასში ჩატანებული თვლების მკვლევარი დასძენს შემდეგ: ასეთი უცნაური თვისების თვლები საბერძნეთში კოლხიდიდან ვაჰქონდათ და შესაძლებელია ასეთი თვისების ახსნა რადიუმის და მისი მსგავსი ნივთიერების მეოხებითო. უეჭველია, რადიუმის არსებობა შორეული წარსულიდან ყოფილა ცნობილი და საქართველოს მდიდარ ბუნებაში ბევრგან უნდა იყოს საამისო ადგილებიო.

ყველაფერს ყურადღებით ისმენდა ჩვენი მეცნიერი და თავის შეხედულებასაც გამოთქვამდა. უთუოდ მრავალ ადგილზეა ჩვენ საქართველოს მთებში რადიუმისანი ნივთიერება, მაგრამ ჯერ სამუშაოდ საამისო კვლევა-ძიებას არავინ აწარმოებსო. თანაც რადიუმის აღმოჩენა დიდი ხნის ამბავი არ არის და უთუოდ მეცნიერების წინმსვლელობა ამ დარგშიაც ბევრს რასმეს აღმოაჩენს და ჩვენი საქართველოც ხომ ყველაფრით უზვად არის დაჯილდოებულიო.

— თქვენი მოყოლილი ამბავი მეტად საგულისხმოა და საყურადღებო, — მიპასუხა ჩვენმა მეცნიერმა, რომელიც ისე გაიტაცა ამ საუბარმა, რომ თითქმის მთელი ლექცია წამიკითხა რადიუმის შესახებ.

შემდეგ გადავედით პროფესორ ვასილ პატრიაშვილის ორ შესანიშნავ ნაწერზე ღვინისა და რძის შესახებ, რომელიც თითქმის პირველ სამეცნიერო დარგის ღირსეულ ნაშრომს წარმოადგენს მე-19-ე საუკუნის ქართულ მწერლობაში. ამ ორივე ნაწარმოების, კერძოდ საქართ-

ველოსათვის, დიდ მნიშვნელობაზე ვისაუბრეთ. პროფესორი აქებდა თავისი მეგობარი მეცნიერის ამ ღირსშესანიშნავ შრომას, მეტადრე მშობლიურ ენაზე დაწერილს, რომელიც მას თურმე ძალიან დიდი ყურადღებით ჰქონდა წაკითხული.

შემდეგ ბ-ნი პეტრე შემეკითხა ჩემი სანატორიუმის შესახებ, რომელიც მამა-ჩემმა და მე ავაშენეთ პატარა კემში 1904 წელს. მას ბევრი რამ ჰქონდა გაგებული ამ დაწესებულების შესახებ. შევხებთ დაწვრილებით მალლობი ადგილების განსაკუთრებული თვისების გამოყენებას მოზარდი თაობის გაჯანსაღებისათვის. ბევრი რამ გამომიტხა დაწვრილებით, როგორ ვაწარმოებდი იმ სხვა და სხვა დაკვირვებას და რა შედეგს მივალწვი, რადგანაც ეს პირველი ცდა იყო საქართველოში დაწყებული. ვაფუზიარე ჩემი ათი წლის დაკვირვების დასკვნა, ათას ხუთას მოზარდ ქალ-ვაჟზე მოხდენილ ზეგავლენის შესახებ, რომელთაც ჩემთან ზაფხულობით ორი თვე და ნახევარი დაჰყვეს. დაწვრილებით გამომიტხა ყოველივე, მით უფრო, როდესაც ავუხსენი, რომ დაკვირვებას ვაწარმოებდი საფრანგეთის ორ მეცნიერთან შეთანხმებით. ერთი იყო სორბონის პროფესორი ალფრედ ბინე და მეორე — ექიმი ალფონს ლავერანსი; პირველი გამოკვლევები ჭაობის ცივების (მალარიის) სათავისა, საუკეთესო მკოდნე ტროპიკული დაავადებისა, მთელს მსოფლიოში ცნობილი. პირველ მათგანს ძალიან უნდოდა მთა-ადგილებზე ნაწარმოები დაკვირვება სისხლის შემადგენლობის ცვლილების, ფილტვების სუნთქვის პროცესის თავისებურობის, მაღალი ადგილის მზის სხივონობის განსაკუთრებული გავლენის შესახებ და სხვა.

ასეთ ცდას პროფესორი ბინე სორბონის ლაბორატორიაში უკვე აწარმოებდა საგანგებოდ მოწყობილ საცდელ ოთახში, სადაც შეიძლებოდა სურვილისამებრ ჰაერის გამოსრუტვით სათანადო სიმაღლის პირობების შექმნა, მაგრამ ასეთი ცდები მას არ აკმაყოფილებდა, რადგანაც ჰაერის დაწოლის გარდა სხვა პირობები არ უდრიდა მალლობის პირობებს. ასეთი დაკვირვება მალლობ მთიან ადგილებზე არავის უწარმოებია და თქვენ თუ ამას იკისრებთ, დიდ ნაკლს შეავსებთ, ერთად დავიმუშაოთ ეს მასალა, და მე დავებჭდავ ჩემს სამეცნიერო კრებულში-ო — მეუბნებოდა პროფესორი ბინე.

მეორეს კი, ექიმ ლავერანსს, რომელსაც ძალიან სწამდა მალლობი ადგილის დიდი სარგებლობა ყოველ ჭაობის ცივებით ნაავადმყოფარისათვის, საჭიროდ მიაჩნდა მაღალ ადგილზე დაკვირვების წარმოება, თუ როგორ იცვლება მალლობზე სისხლის შემადგენლობა მალარიით დაავადებულის სხეულში თანდათანობით, წამოდენიმი თვის განმავლობაში. რადგანაც საქართველოში ჭაობის ცივება ძალიან არის გავრცელებული, გირჩევთ, რაც შეიძლება მალლობ ადგილზე ააშენოთ თქვენი სანატო-

რიუმი-ო. მე როცა ვუბასუხე, 1400 მეტრის სიმაღლე მქონდა ნავარაუდები, საცებით მოიწონა ჩემი გარდაწყვეტილება.

ყველაფერს ამას გულ-დასმით ისმენდა ბ-ნი პეტრე და სხვა და სხვა კითხვებს მადილევდა. დავრწმუნდი, რომ მას ყველაფერი კარგად ჰქონდა გაგებული ჩემი ნალაპარაკვიდიან. დამბირდა, რომ უსათუოდ მოვიდოდა მომავალ წელს ჩემი სანატორიუმის სანახავად და სამეცნიერო დაკვირვების მასალის გასაცნობად.

ამ მრავალფეროვანმა საუბარმა ორივენი ისე გაგვიტაცა, რომ სრულებით ვერ შევნიშნეთ, როგორ გაიბინა დრომ, არც შევჩერდებოდით ალბათ, რომ უცებ დიასახლისის ხმა არ გაგვეგო, რომელიც სუფრაზე გვიწვივდა. დიასახლისმა მიგვიწვია ყველანი, დანიშნულ ადგილზე. ბ-ნი პეტრე საპატიო ადგილზე დასვეს და ჩვენც შემოვუსხედით დიდ სუფრას. როგორც წესი მითხოვდა, მაშინვე შევუდგეით სუფრის მეთაურის არჩევას. ძალიან ვთხოვეთ მასპინძელს, მაგრამ არ დასთანხმდა. შემდეგ მე მომმართეს, მეც უარზე ვიყავი, მაგრამ არა გამივიდა რა და ძალაუბებურად უნდა დავთანხმებულიყავი.

პირველი სადღეგრძელო, რასაკვირველია, საპატიო სტუმრის უნდა ყოფილიყო. ყველამ დიდი სიამოვნებით მიიღო ეს წინადადება და დიდი მოწიწებით შესვეს მშვენიერი ღვინო. ყველას ვთხოვე სიტყვების მოსმენის დროს არ შეჩერებულიყვენ და განეგრძოთ ვახშობა. ამნაირად დროს არავინ გააცდენდა და არც სიტყვის მთქმელი იქნებოდა იძულებული, რომ თავისი სათქმელი შეეზღუდა. წინადადება მიიღეს, რადგანაც მიხვდნენ, რომ ჩემი სათქმელი მოკლედ არ ამოიწურებოდა. პროფესორს ვთხოვე, ზეზე წამოდგომით არ დაღლილიყო და ამნაირად ჩემთვის სათქმელი გაეადვილებინა. სხვებმაც ძალიან თხოვეს იგივე და პროფესორიც იძულებული იყო დათანხმებულიყო. ამნაირად მეც თავისუფლად ვიგრძენი თავი და სიტყვის შემოკლებაზე არ მიფიქრია.

დავანასიათე მოკლედ ძვირფასი პროფესორის სამეცნიერო მოღვაწეობა ოდესის უნივერსიტეტში. მოვიხსენიე აგრეთვე მისი ახლო მეგობრის, განსვენებული ვასილ პეტრიაშვილის მეცნიერული ღვაწლი და მრავალნაყოფიერი შემოქმედებითი მუშაობა. ეს ორი პიროვნება, ყოველთვის ერთად მოსაგონარი ორ მეცნიერების ბურჯს წარმოადგენდა, არა თუ ოდესელი სტუდენტობისათვის, არამედ დანარჩენ უნივერსიტეტების ქართველ სტუდენტებისათვისაც. რა სიამოვნებით აღსანიშნავია ის განსაკუთრებული ურთიერთობა, რომელიც სუფევდა ამ ორი ცნობილი მეცნიერის და ოდესის ქართველ სტუდენტთა შორის; როგორ რჩებოდა სამუდამო და სასიამოვნო მოსაგონარად ცხოვრებაში გამოსვლის შემდეგ

გაც. ასეთი მეცნიერული და სპოჯახო ურთიერთობა, მამაშვილური გრძნობით გამოთბარი. თავისიანებს და სამშობლოს დაშორებულ ახალგაზრდობისათვის ეს ხომ დაუფასებელი რამ უნდა ყოფილიყო. ამას ყველანი გრძნობდნენ და აფასებდნენ. დასასრულს, მოვასხენე ჩვენს ძვირფასს სტუმარს შემდეგი:

„ორი შესანიშნავი მეცნიერების ბურჯთაგან, სახელოვანი ვასილ პეტრიაშვილი უდროოდ მოგვაშორა უწყალო ბედმა. დავგრძობთ ეხლა მხოლოდ თქვენ. ნება მოგვეცით, ბ-ნო პეტრე, ვისურვოთ ხანგრძლივი სიცოცხლე და უბრალო ჯანმრთელობა სამეცნიერო მუშაობის გასაგრძელებლად. დარწმუნებული ვარ, რომ ყველანი, აქ მსხდომნი და ჩვენთან ერთად ყოველი შეგნებული ქართველი ამასვე ვინატრით თქვენთვის. მაგრამ ეს საკმაო არ არის. ერთი რამ უნდა დავსძინო ამ ჩვენს ნატვრას: უნდა გულწრფელად გამოგიტყდეთ, რომ ძალიან მენანება თქვენი თავი რუსეთის ასპარეზისათვის. რუსეთი დიდი სივრცისა და მრავალრიცხოვანი ქვეყანაა. მას საკმაოდ მოეპოვება საკუთარი ძალები, სამეცნიერო და სხვა. ჩვენ, ქართველებს კი, უკუღმართი პირობების გამო, ძალიან ცოტა გვყავს განსწავლილი ხალხი და სულ მცირე რიცხვი მეცნიერთა. რუსეთი, როგორც იტყვიან, უჩვენოდაც იოლად წავა, და ჩვენ კი სად უნდა ვეძებოთ საქართველოსათვის მეცნიერები, გარეშე ქართველებისა. უცხო მეცნიერი ჩვენში მხოლოდ მეცნიერების წარმომადგენელი შეიძლება იქმნეს, მაგრამ ის ვერ გახდება ქართველი მთელის არსებით, სულით და მიდრეკილებით. ამისათვის საჭიროა ქართველი მეცნიერი ქართველად დაიბადოს, ქართულ წიაღში აღიზარდოს და ყოველი მისი თვისება ადგილობრივ ჰაერსთან, მზესთან და საზოგადოებასთან იყოს შენივთებული. ხომ მოგეხსენებათ, რომ ეს ყველაფერი ბიოლოგიის გარდაუვალ კანონებზე არის დამყარებული და არა რაიმე სხვა შემთხვევითს მოვლენებზე. მაგალითად: თქვენთვის, ბ-ნო პეტრე, საკმარისი არ არის, რომ მხოლოდ ზაფხულობით ესტუმროთ თქვენს ქვეყანას და თქვენს თანამემამულეებს. რასაკვირველია, ჩვენ ამისათვისაც დიდ მადლობას გვირავთ, მაგრამ ეს საკმაოდ არ მიმაჩნია. მაგალითად, მე დაწმუნებული ვარ, რომ საქართველოსათვის უფრო საჭირო ბრძანდებოდა, ვიდრე რუსეთისათვის. გარდა ამისა, მთელი თქვენი არსება, ქართული მარადიული სულიც, დაწმუნებული ვარ, ამასვე მოითხოვს თქვენი სამეცნიერო ასპარეზი რომ აქ გადმოიტანოთ, სულ სხვანაირად იგრძნობთ თავს და სხვაგვარ ხალხის განიკდით სამეცნიერო მოღვაწეობისას. თქვენი რუსეთის ასპარეზზე ხანგრძლივი მუშაობის მიუხედავად, თქვენ რუსეთისათვის უცხო ხართ და არა ორგანიზული ნაწილი მისი დიდი სხეულისა. არასოდეს არ დამავიწყდება განთქმული პროფესორის, ჩვენი თანამემამულის,

ლის, ივანე თარხნიშვილის სამწუხარო მაგალითი.

როგორც მოგეხსენებათ, იგი მეტად ცნობილი იყო მთელ რუსეთში და მეტადრე პეტერბურგში, სადაც მრავალი საზოგადოება ესწრებოდა მის განთქმულ საჯარო ლექციებს ფიზიოლოგიის დარგისას. რუსეთის გარეშეც იცნობდნენ მას და მეც ბევრჯერ მომისმენია საზღვარგარეთ, მეცნიერთაგან ლექციებზე მოხსენებული მისი სახელი. როდესაც გარდაიცვალა ეს განთქმული და ყველასგან პატივცემული პროფესორი, როგორც დამსწრეთ გადმომცეს, ძლივს რამოდენიმე ადამიანი მისდევდა თურმე მის კუბოს, ისიც იმ ქალაქში, სადაც მან შეაღია თავისი სიცოცხლე თვალსაჩინო მეცნიერულ მუშაობას. აი სანამდე მიაღწია რუსულმა უფულობამ! მერმე რატომ მოხდა ეს? იმიტომ, რომ რუსეთისათვის ის მაინც უცხოელად დაჩა. განა აქ, თავის სამშობლოში რომ ყოფილიყო, ასე უფულობად შეხვდებოდნენ ასეთი პიროვნების აღსასრულს? არა და არა. ამიტომაც, ბ-ნო პეტრე, უთუოდ უნდა დაუბრუნდეთ სამოღვაწეოდ თქვენს სამშობლოს. და საამისო შემთხვევაც კარგი გეძლევათ: სულ მოკლე ხანში ჩვენ გვექნება საკუთარი სამეცნიერო ტაძარი, ქართული უნივერსიტეტი, ყველა ფაკულტეტით. აი, ეს არის სწორეთ სათქვენო ასპარეზი, სავსებით შესაფერისი, ღირსეული და თქვენი წარსული ნაყოფიერი მოღვაწეობის წარმატებით დასავგირავინეული. სულით და გულით ვისურვებთ, რომ მომავალ ქართულ უნივერსიტეტის პირველ რექტორად თქვენ ბრძანებულიყოთ და თქვენი სამეცნიერო ლექციები რუსეთის მაგივრად საქართველოში სტუდენტებისათვის გაგვრძელებინოთ. აი, მაშინ მიიღებთ თქვენ სრულ კმაყოფილებას; ხანში შესულობა დაგავიწყდებათ, ახალგაზრდული ცეცხლით შეხურდებით; მშობლიურ ნიადაგზე გადმოსვლით ძალა გაგიათკეცდებათ და ყოველ მხრიდან დაამშვენებთ ჩვენ ნორჩ ტაძარს. მე ამ სიტყვებს საოცნებოდ არ მოგასხენებთ, არამედ ნამდვილის, შეუღყველის რწმენით და იმედით. ღმერთმა მოგანიჭოთ დღეგრძელობა და თქვენთან ერთად მალე მოგვასწოროს თქვენთვის და ჩვენთვის ნანატრ ამ ბედნიერების დღეს.

„ღმერთმა გაგიმარჯოთ თქვენ, ძვირფასო მეცნიერების ქურუმო და თქვენთან ერთად გაუმარჯოს ჩვენ მომავალ ქართულ უნივერსიტეტს“..

ყველანი რიგ-რიგობით მივეუხლოვდით ძვირფას სტუმარს და ცალ-ცალკე მივესალმეთ. მანაც აღტაცებულმა მადლობა გადაგვიხადა თვითუფლს და გვაცნობა, რომ საპასუხო სიტყვას ბოლოს იტყვოდა.

როდესაც ყველანი თავის ადგილზე დავსხედით, აი, მაშინ შეიქმნა ერთი ამბავი. თითქმის ყველანი ალაპარაკდნენ და დაიწყეს ჩემი ბოლო - სიტყვაობის შესახებ მეგობრული დაცინვა.

— აი, ოცნებაც ასეთი უნდაო! — წამოიძახა ექიმმა ი. თიკანაძემ.

— რა კარგად იცის ჩვენმა ვახტანგმა ოცნების სამთავროში გადავარდნა. თვითონ ვალახტება და შენც ძალაუნებურად მიგათრევსო!.. — წამოიძახა ექიმმა მედიკინაში და მეგობრული ღიმილით დამაჯილდოვა.

— „სე ნონ ე ვერო, ე ბენ ტროვატო!“! — დაიძახა ერთმა.

— ვინ გვაძლევს, ბატონო, უნივერსიტეტს?! — თქვა მესამემ.

ჩემმა მეგობარმა, ექიმმა სანდრო დიასამიძემ ჩვეულებრივი ღიმილით გადმოიხედა, არაფერი თქვა, უთუოდ შევებრალებე, მაგრამ ცალი ქუთუთო თავისებურად თვალს ჩამოაფარა. ეს იმის მომასწავებელი იყო, რომ მაინც და მაინც ჩემი ნაოცნებარის განხორციელება არა სჯეროდა.

ქმრებს მათი მეუღლეებიც აპყენენ; ყველანი თავის მხრივ სხვა და სხვა აზრს ადგა, მაგრამ საერთოდ ეტყობოდათ, რომ ჩემი ნათქვამის განხორციელება მაინც და მაინც საიმედოდ არ მიაჩნდათ.

ბოლოს ერთმა ჩემმა მეგობარმა, უთუოდ ჩემდა სანუგეშებლად, წარმოთქვა:

— რაც არ უნდა თქვათ, ჩვენმა ვახტანგმა ისე კარგად იცის ოცნების შეთამაშება, სულ უცნაურიც რომ თქვას, სიამოვნებით გაგიტაცებთ, თითქმის დაგაჯერებთ და ერთგვარ სიამონებასაც გაგრძობინებთ. ამისათვის მადლობელი უნდა დავრჩეთ!

მე მადლობა შევწირე თანაგრძნობისათვის და თანაც დავეუბნე, რომ სრულებით არ მჭირდებოდა, რადგანაც ჩემი ნაოცნებარის განხორციელება სრულებით საეჭვოდ არ მიმაჩნია-მეთქი.

ჩემს მეგობარს, ექიმ თიკანაძეს, რომელიც ისევ განაგრძობდა დაცინვის კილოთი ოხუნჯობას, ვუპასუხე:

ჩემო ივანე, ოცნების სიჭარბეს არ მიწუნებ; ხომ იცი, რომ უოცნებო ბუნებაში მხოლოდ უბრალო ჯირკთავი და რატომ არ უნდა გაურბოდეს ჯონიერი ადამიანი ჯირკად გარდაქმნას?! განა მთელი ბიოლოგიის კანონები და ბუნების მრავალფეროვანება ამისთვის შევისწავლეთ, რომ ჯირკისნაირი არსებობა გავსწიოთ?! მე იმ აზრისა ვარ და ვერც წარმომიდგენია ადამიანის ასეთი დაკნინება...

ჩვენი საპატიო სტუმარი ყველაფერს უსმენდა და, როგორც შეპფერის ნამდვილ მეცნიერს, ჩვენს უბრალო კამათში არ ერეოდა. ამასობაში მოისურვა სამადლობლო სიტყვის თქმა და ყველანი სმენად გარდავიქცით.

— ბატონებო! — ცოტა აღელვებულმა დაიწყო პროფესორმა, — დღევანდელი დღე გამყვება სასიამოვნო, დაუვიწყარ მოგონებად. ექიმი ვახტანგის დღევანდელმა საუბარმა დამარწმუნა, რომ ჩვენი ენა მეტად მდიდარი

ყოფილა სამეცნიერო სიტყვებით. რაც მკითხა და რაც მიაბზო მან — ყველაფერი ეს შეეხებოდა სამეცნიერო დარგს და ისე კარგად გამაგებინა ჩემმა მოსაუბრემ, რომ არ მეგონა, თუ ეს ასე ადვილი მოსახერხებელი იყო. ამ სიმდიდრესთან ერთად ქართული ენა მეტად სასიამოვნო და მუსიკალურიც ყოფილა. ეს მე დღეს აშკარად ვიგრძენი საუბრის დროს. ორივე ეს რწმენა, ჩემში დაბადებული, თან მიმყვება, როგორც ახალი და სასიამოვნო აღმოჩენა. ამისათვის განსაკუთრებულ მადლობას მოვახსენებ ჩვენს ვახტანგს. რაც შეეხება ჩემს შესახებ ნანატრ მომავალს, ამისათვისაც დიდი მადლობელი ვარ, მაგრამ უნდა გულწრფელად გამოგიტყდეთ, რომ ოცნებითაც არ შემიძლია წარმოვიდგინო ასეთი მომავალი. ვინ მალირებს მე ასეთ ბედნიერებას, რომ ქართულ უნივერსიტეტს შევესწრო და მისი რექტორობაც მხედეს! მაინც მადლობელი ვარ კეთილი სურვილებისათვის და საერთოდ თქვენი პატივისცემისათვის. მინდა წასვლის წინად მოვახსენოთ შემდეგი: დღეს, აი აქ, ყველასთან სიტყვას ვიძლევ, რომ რუსეთში ჩასვლისათვისავე, შევუდგები ქართული ენის საფუძვლიანად შესწავლას. ამერიიდან ამას მე სამღეთო მოვალეობად ვისახავ. ვეცდები, რომ ეს სამწუხარო ნაკლი შევივსო და ქართული ენა კარგად შევითვისო; ეს მართლაც უუსაჭიროესი რამ ყოფილა ქართველი მეცნიერისათვის და ეს დღევანდელმა სალამომ ცხადად შემაგნებინა...


ამასთანავე დიდი მადლობა გამოგიცხადა ყველას, სტუმარსა და მასპინძელს.

ამაზე საბოლოოდ კიდევ ვუპასუხე შემდეგი:

— რადგანაც ასეთი არის თქვენი დღევანდელი გარდაწყვეტილება, რომელსაც ყველანი აღტაცებით ვეგებებით, ვაკვადნიერდები და ერთ პატარა რჩევას მოვახსენებთ, როგორც უსაჭიროესს: ყოველ დღე უნდა იკითხოთ ხმა-მადლა, როგორც იტყვიან დიაკვანივით, ნახევარ საათს მაინც „ვეფხისტყაოსანი, დაბადების წიგნი, ან სახარება ან დავითის ფსალმუნის, ან ჩვენ კლასიკოსთა ლექსები. ეს უთუოდ საჭიროა ენის გასატეხად. დანარჩენი ყოველ-დღიური მუშაობა კი ჩუმად შეიძლება განაგრძოთ. სულ მოკლე დროში შეამჩნევთ შედეგს, მით უფრო, რომ ბევრი ძალიან მალე გამოგადგებათ ყოველივე ეს მომავალ უნივერსიტეტში, ქართველ სტუდენტთა საწრთუნელად. კიდევ გისურვებთ მშვიდობის გზას და მშვიდობითვე სამშობლოში დაბრუნებას.

დასრულდა სასიამოვნო ნადიმი; გამოვემშვიდობეთ ძვირფას სტუმარს; კიდევ მადლობა შევწირეთ ჩვენს მასპინძლებს, რომელთაც ასეთი იშვიათი და დაუვიწყარი სალამო გავგატარებინეს ჩვენ სასიქადულო მეცნიერთან ერთად და გამოვედით შინ დასაბრუნებლად.

მივაცილეთ ჩვენი პროფესორი ბინამდე, რომელიც იქვე ახლოს იყო სამკურნალოსთან და მხიარული ბასით



შეუღდექით ვერის აღმართს. გზაში კიდევ უბრუნდებოდნენ ხშირად ჩემს სადღეგრძელოს.

— ეს ერთი ძალიან უსუსრვე შენ ჩვენს პროფესორს!
— წამოიძახა ერთმა, — საიდან თხზავ ხოლმე ასეთ უცნაურ რასმეს?!... და სხვა...

ამაზე მე ვუპასუხე:

— რომ არ გამოიკვირდებოდა მათი ასეთი უიმედობა იმ გადაგვარების შემდეგ, რაც ქართველ მოწაფეს ატყდებოდა თავს საშუალო სასწავლებელში და რა გავლენასაც უმორჩილდება იგი უმაღლეს სასწავლებელში, უცხო მხარეს, სადაც მშობლიური არაფერი ესმის მას. ამიტომაც თითქმის ყველა ეგრეთ-წოდებული „თერგ - დაღუფლი“ პირები უცნაურები გამოდიოდნენ და გამოდიან: ყველაფრის უარისმყოფელნი, ცხოვრების ხალისს და აღმაფრენას მოკლებულნი და უძროოდ გულ-გატეხილნი. ან კი რას უნდა ელოდეს ამათგან საწაღმართოს ჩვენი ქვეყანა ასეთ გადაგვარებულ პირთაგან, რომელნიც ოცნების წინააღმდეგნიც კი არიან .. და სხვა.

ამასობაში მხიარულად დავბრუნდით ყველანი თავის ბინაზე.

შემდეგშიაც არა ერთხელ ვუბრუნდებოდით ამ საღამოს მოგონებას. არ გაიარა დღეცა ხანმა, ეჭიმმა მელიქიშვილმა წამკითხა ოდესით მონაწერი წერილი, სადაც იწერებოდა პროფესორი ამ ნადიმის შთაბეჭდილების შესახებ.

„გადავცი ყველას ჩემი გულითადი სალამი და ისიც, რომ მე ჩემს აღთქმას მტკიცედ ვასრულებ, ყოველ დღე ვვარჯიშობ და ვსწავლობ ქართულს და ვატყობ კარგს შედეგს“-ო.

თანაც დასძენდა: რაც დრო გადიოდა, როგორ თანდათან უადვილდებოდა მას ეს მუშაობა...

ასეთი წერილი რამოდენჯერმე მოდიოდა 1916 წლის შემოდგომიდან 1917 წლის დამლევამდე.

1918 წელს, 26 იანვარს, ქართული უნივერსიტეტის მთავარ დარბაზში დიდ საზოგადოებას მოეყარა თავი. ყველას სიხარული ეტყობოდა სახეზე. ყველა განსაკუთრებულ აღტაცებას განიცდის. საზღიოდ მოსული ხალხი თითქოს სააღმდგომო ლიტანიისათვის ემზადებობდა. ყველანი იქ ვიყავით, ვისთვისაც ეს ძვირფასი წამი, დიდი ხნიდან ნანატრი და ნაოცნებარი იყო.

დაწინშულ საათს, ამღლებულ ადგილზე გამოვიდა ჩვენი ძვირფასი მეცნიერი პეტრე მელიქიშვილი. ხალხი სმენად გადაიქცა და ამ ნორჩმა სამეცნიერო ტაძარმა პირველად მოისმინა თავისი გამოჩენილი მეცნიერის მოლოცვა და მისალმება; ახე მისი იყო ისე გაბრწყინებული, ისეთი სიცოცხლით აღსავსე, რომ გვეგონებოდათ ხანსა და მოხუცებულობას მისთვის ვერაფერი ვერ დაუკლიაო.

ვინც დავესწარიო იმ ბედნიერ დღეს და ვინც განვიცა-

დეთ ეს უზენაესი სიამოვნების წუთები, ვერასოდეს გავივიწყებთ ამ სიამოვნებას.

საქართველოს ტანჯვის ასპარეზზე ასეთი ეროვნული აღტაცება იშვიათი რამ იყო და ამიტომაც ამ შესანიშნავმა განცდამ წარუხოცელი კვალი დაგვიტოვა სამუდამოდ.

დაასრულა მეცნიერმა თავისი საზეიმო სიტყვა, ჩამოვიდა ძირს და ყველანი მიეშურნენ მისალოცავად.

როდესაც ჩემმა ჯერმაც მოატანა, მიეუახლოვდი, მანაც ჩემსკენ რამოდენიმე ნაბიჯით მოაშურა, ორივე ხელით ერთი მეორეს ჩაჭიდებულნი განსაკუთრებულის სიამოვნებით ვულოცავდით ერთმანეთს.

— ძვირფასო პროფესორო, — მივმართე მე, — ნება მიბოძეთ გულ-წრფელად და განსაკუთრებულად მოგილოცოთ ეს თქვენთვის და ყოველი ქართველისათვის საზეიმო დღე. ხომ გახსოვთ ის საღამო, როდესაც მე პირველად გისურვეთ ეს ბედნიერება და რასაც ასე შეუძლებელად სთვლიდით, სხვებთან ერთად თქვენც. ის დანარჩენებიც, ეხლა აქ დამსწრენი, ყველანი ჩვენთან ერთად ზეიმობენ ამ დიდებულ დღეს. განსხვავება კი ის არის, რომ იმათ ამ ზეიმს ყვავისებურად დასჩხავლეს და მე კი იმ დროიდანვე საამური მოლოდინის სუდარაში ვახვევდი ამ ჩემს ნაოცნებას და ამიტომაც ყველაზე უფრო განვიციდი ამ სიამოვნებას. კიდევ გილოცავთ ამ ბედნიერებას და გისურვებთ დანარჩენი ჩემი წინასწარმეტყველებაც სავსებით ავხდენოდეს ჩვენი ახალი უნივერსიტეტის და სამშობლოს საკეთილდღეოდ“.

— ვერასდროს ვერ წარმოვიდგენდი, — მიპასუხა აღფრთოვანებულმა პროფესორმა, — რომ მე ასეთს ბედნიერებას შევესწრებოდი. ვერც იმას წარმოვიდგენდი, რომ თქვენ ასეთი წინასწარმეტყველი გამოდგებოდით. ეხლაც მესმის თქვენი მაშინდელი სიტყვები და რა ბედნიერი ვარ, რომ ასე მალე ამიხდა ყოველივე. კიდევ და კიდევ უღრესად გმადლობთ. თქვენი რჩევა სავსებით გამოვიყენე, შედეგსაც სასურველს მივალწიე, როგორც ხედავთ.

საერთო მშვენიერ სურათს აგვირგვინებდა პროფესორების ჯგუფი, რექტორის გარეშემო მყოფი და მეტადრე ჩვენი სასიქადულო ისტორიკოსი ბ. ივანე ჯავახიშვილი, რომლის სახეც კმაყოფილების და აღტაცების შარავანდელით იყო მოცული. სხვა დიდა და დაუფასებელ ამაგთან ერთად, მან ის ამაგიც დასდო ქართულ უნივერსიტეტს, რომ პირველი რექტორობა პროფესორ პ. მელიქიშვილს არგუნა და ამ რაინდული საქციელით მაგარი საფუძველი გაუსკვნა ჩვენს პირველ ტაძარს მეცნიერებისა: დანსახურებულო, დიდი ხნის მუშაკი მეცნიერი დაყენა სათაგეში, რასაც დიდი მნიშვნელობა ჰქონდა ქართული და ნორჩი უნივერსიტეტისათვის.

სადაც არ გაიხედავდით, ამ ვეებერთელა დარბაზში, ხედავდით ყველას კმაყოფილსა და აღტაცებულს.

სხვათა შორის უნდა მოვიხსენიოთ ის გარემოებაც,

რომ ყველა „ურწმუნო თომამ“, ვინც დამსწრე იყო პროფესორის გამოსათხოვარი ნადიმისა, განსაკუთრებით მომილოცა ეს საზეიმო დღე და მითხრა:

— ყოჩაღ! გვაჯობე! და ამისათვის, როგორც ნაგული-სხმევი იყო, თითი უნდა მოვკაცოთო!

ახლად დაარსებულ სამეცნიერო ტაძარში, რომელსაც ძლივს მოესწრო ხანგრძლივი მოლოდინის შემდეგ, ჩვენი სამშობლო, მაშინვე გაჩაღდა სამეცნიერო სწავლა და მუშაობა. ამ მუშაობაში ჩაება ჩვენი ცნობილი მეცნიერიც. მას რამოდენიმე დარგში დასჭირდა მუშაობა და ყველაზე თავისი ხანგრძლივი გამოცდილების კვალი დააჩნია. იგი თითქმის სავსებით გარდაიქმნა ამ ახალ ასპარეზზე. და ეს ხომ ასეც უნდა მომხდარიყო! მეცნიერი, რომელიც მოწონებული იყო თავის ბუნებრივ წიაღს, რომელსაც უცხო მიწაზე, უცხო ჰაერზე, უცხო გარემოში უზღებოდა მუშაობა და მოღვაწეობა, ფრთა - აღკვეცილი და შეზღუდული იყო ყველაფერში, სრულს ბუნებას იგი იქ სავსებით ვერ გადაშლიდა. აქ კი თავის სამშობლოში, რასაკვირველია, მას შეეძლო თავისი ბუნებრივი ძალების უხვად გამოყენება, მცდრის შემძლეობით და ნაყოფიერებით. დასანანებელია მხოლოდ ის გარემოება, რომ საუკეთესო ხანა თავისი საქმიანობისა მან შეაღია რუსეთს და საქართველოს ასპარეზი კი მას აღმოუჩენდა, როდესაც მან 68 წელს მიაღწია... მაგრამ ეს ხომ მისი ბრალი არ არის... ამ ახალ ასპარეზზე, მართლაც არა-ჩვეულებრივი ნაყოფიერებით შეუდგა მრავალფეროვან მუშაობას ჩვენი სასიქადულო მეცნიერი. ყოველგვარი კვლევა-ძიებისა და მეცნიერების დარგში; სადაც კი ქიმია იხსენებოდა, ჩვენი მეცნიერი ხელმძღვანელობდა და მეთაურობდა საჭირო მუშაობას. ამდენ სამუშაოს, მეტად რთულსა და მრავალფეროვანს იმიტომ ახერხებდა, რომ დიდ სულიერ კმაყოფილებას განიცდიდა სამშობლოში დაბრუნებით. ხშირად ვხვდებოდა თბილისში პირველ ოთხ წელიწადს და ხშირად გაუჩიარებია მას ჩემთვის ეს კმაყოფილება. არა ერთხელ გავვიზიარებია ურთიერთისათვის გულწრფელი სიძაწული, რომ ასეთი გამოჩენილი მეცნიერი და მრავალი ღირსებით შემკული ადამიანი, როგორც იყო განსვენებული ვასილ პეტრიაშვილი, მისი დიდი მეგობარი, ვერ შეესწრო მასსავით ამ ბედნიერებას, საქართველოს დედა - ქალაქის უნივერსიტეტის ხილვას და მის წიაღში მუშაობას. უღმობელმა სიკვდილმა უდროოდ წარიტაცა იგი. როგორ დაამწვევებდა იგი ჩვენს ტაძარს მეცნიერებისას, რომ ბატონ პეტრეს ამოსდგომოდა თანამშრომლად. ხშირად ბევრს რამეს ვიგონებდით მისი წარსულიდან და სხვათა შორის რამოდენიმეჯერ მოვაგონე ბ-ნ პეტრეს გამოჩენილი რუსის მეცნიერის, პროფესორ სეჩენოვის ნათქვამი ვასილ პეტრიაშვილის შესახებ; როდესაც მას დაუმთავრებია ჩინებულად სწავლა ოდესის საბუნებისმეტყველო ფაკულტე-

ტისა, მოუსურვებია სწავლის გაგრძელება და საპროფესორო მუშაობისათვის უცხოეთს გამგზავრება, სეჩენოვს უთქვამს: „სად აზიელი და სად მეცნიერება“-ო?!

ამისდა მიუხედავად, ბ. ვ. პეტრიაშვილი 1873 წელს გამგზავრებულია ბონში; 1874 წელს სახელოვანად ჩაუბარებია დისერტაცია მაგისტრის ხარისხით; 1877 წ. მიუღია დოქტორობა. 1878 წ. გაუგზავნიათ ორი წლით სამუშაოდ პარიზის უნივერსიტეტში. 1880 წელს დაუნიშნავთ ოდესის უნივერსიტეტის ფიზიკურ-მათემატიკურ ფაკულტეტის დეკანად და 1906 წელს აურჩევიათ რექტორად. ამ მეცნიერმა და შესანიშნავმა ადამიანმა ბევრი რამ შესძინა მშობლიურ და მსოფლიო მეცნიერებას. აი ასეთი გამოდგა ეს არა-ჩვეულებრივი მეცნიერი „აზიელად“ მონათლული რუსეთის მეცნიერის მიერ.

ეს პროფესორი სეჩენოვი ფიზიოლოგიის საუკეთესო მცოდნედ ითვლებოდა მთელ რუსეთში. იცნობდნენ მას უცხოეთშიაც. მასთან მუშაობდა ჩვენი თანამემამულე ივანე რამაზის ძე თარხნიშვილი, 1864 წელს პეტერბურდში სამხედრო ქირურგიულ აკადემიაში შესული. სწორეთ ამ პროფესორის, სეჩენოვის ხელმძღვანელობით შეუდგა იგი ფიზიოლოგიის შესწავლას. მან დაამთავრა სწავლა 1869 წ. ოთხი წლის თვალსაჩინო მეცნიერული მუშაობის შემდეგ. თარხნიშვილი სამხედრო აკადემიის პროფესორთა დადგენილებით გაგზავნილ იქმნა უცხოეთში მეცნიერული მუშაობისათვის. მან მრავალი მეცნიერული საკითხი გამოარკვია, რამაც დიდი ყურადღება მიიპყრო მეცნიერებისა რუსეთში და საზღვარგარეთაც: ამაირად პროფესორ სეჩენოვს თავისი ჯერ მოწაფის და შემდეგ თანამშრომელის მაგალითი თვალწინ ჰყავდა ქართველი ადამიანის ნიჭიერებისა და შეგნებული მუშაობისა. რად უნდა დასჭირვებოდა მას ამის შემდეგ ვასილ პეტრიაშვილისადმი ისეთი სიტყვებით მიმართვა, რომელიც მხოლოდ უვიცსა და შეუგნებელ ადამიანს შეჰფერის!.. მაგრამ ეს არის რუსული ღვარძლიანობა და მედიდურობა დამონებულისადმი და ერთის მხრივ ველური ბუნების მაჩვენებელი... მეტადრე მას, რომელიც ბიოლოგიური მეცნიერების კარგ მცოდნეს, უნდა გაეწია ანგარიში ჩვენი რასისული თვისებებისათვის და უძველესი დროიდან ქართველების კულტურული არსებობისათვის ჯერ კიდევ იმ დროს, როდესაც რუსის ხსენებაც არ იყო დედამიწის ზურგზე.

მე პირადად ვიცნობდი სეჩენოვს. ჩემი პროფესორი იყო ფიზიოლოგიისა. კარგი მცოდნე, გულ-კეთილი, სათნო და თავმდაბალი ადამიანი, სავსებით მეცნიერულ კვლევა-ძიებაში თავ-ჩარგული. ასეთ ადამიანს უვიცობა არ შეჰფეროდა. მაგრამ როდესაც მეცნიერი - რუსი „დამპყრობელის“ აზროვნებით გაიმსჭვალემა, მაშინ იგი პოლიციური შეგნებით იარაღდება, ყველას მტრულად უყურებს, სხვა ტომის კაცი ეჯავრება, არარაობად მი-

მაისის დღია

აჩნია და ხშირად შეუსაბამოს აფიქრებინებს და ათქმევინებს.

როდესაც უკვე გაჩაღდა მუშაობა ჩვენს უნივერსიტეტში და მეცნიერების მრავალი მუშაკი შემოიკრიბა იქ, ერთჯერ ბ-ნ პეტრეს გავახსენე სეჩენოვის უცნაური შეხედულება და მოვახსენე:

— ეხლა რომ სეჩენოვი წამოდგეს საფლავიდან და დაინახოს მან ყოველივე ეს, ნეტავი რას იტყოდა იგი, გააბათილებდა თავის ნათქვამს თუ არა, ან ეგებ გულ-გახეთქილი ხელახლად ჩაწვებოდა საფლავში!..

დაარსდა ქართული უმაღლესი სასწავლებელი თბილისში, საქართველოს მტრების განსაცვიფრებლად და მოყვარეების სასიხარულოდ...

კვლავ აინთო ლამპარი მეცნიერების ტაძარში. გაფანტულნი მუშაკნი შემოიკრიბნენ მის წიაღში და გაჩაღდა მუშაობა. ამ მუშაობაში თვალსაჩინო ნაწილი შეიტანა ჩვენმა ძვირფასმა მეცნიერმა. მომავლის ჟამთა აღმწერელი უთუოდ კარგად შეაფასებს, როგორც ამ მეცნიერს, ისე იმათ ღვაწლს, ვინც შექმნა ეს საშვილიშვილო საქმე.

ოთხი წლის განმავლობაში, ყოველთვის, როდესაც ვხვდებოდი ბ-ნ პეტრეს, მას ეტყობოდა ჭაბუკური სიხალისე და სრული სულიერი კმაყოფილება ამ ახალ მშობლიურ ასპარეზზე. უაღრესი აღტაცებით შევეყურებდი მას, კმაყოფილებით აღსავსე, რადგან მას ჩემი ნაწინასწარმეტყველები სავსებით აუსრულდა. მეცნიერს კი ეტყობოდა სრული ბედნიერების განცდა, რომ ბოლოს მაინც ბედმა არგუნა მას ისეთი საიშვიათო ასპარეზი, რომლის წარმოდგენას იგი ოცნებითაც კი ვერა ჰბედავდა...

ჩვენი მეცნიერის დანარჩენი ხუთი წლის მოღვაწეობის ახლოს-მხილველი იღარ ვყოფილვარ, რადგანაც გარემოებამ, სამწუხაროდ, დამაშორა მშობლიურ ასპარეზს... აქ, უცხოეთში, კანტი - კუნტად მოსული ცნობებიდან ეტყობილობდით, რომ იგი მუდამ განაგრძობდა თავის მრავალფეროვან მუშაობას; რომ მან შექმნა მთელი თაობა ქიმიკოსებისა, რომელნიც აგრძელებენ მის ნაკარნახევი მიმართულებით მუშაობას.

მადლობელ საზოგადოებას და მის მოწაფეებს დიდი ზემოთ გადაუხდიათ მისი მეცნიერული მუშაობის 50 წლისთავი.

გარდაიცვალა ეს ძვირფასი მუშაკი 23 მარტს 1927 წ. 77 წლის ასაკში; თავისი სამეცნიერო მოღვაწეობის 55 წლის თავზე. დაუსაფლავებიათ იგი ქართული უნივერსიტეტის წინ და მისი ქანდაკებაც შეჰყურებს იმ ტაძარს, რომელსაც მან შეაღია თავისი მოღვაწეობის ბოლო მეექვსედი. აქაც მას იშვიათი და სახარბიელო ბედი ეწია — სამუდამო განსასვენებელი იმ ტაძრის წინ, რომლის დამამშვენებელი ქურუმობა მას ბედმა არგუნა...

ქეიმი ვახტანგ ლამბაშიძე

რა დღე გავვითენდა, რა მზე ამობრწყინდა!

ცვარმა გადაკოცნა ოცნების ყვავილი: ნისლი გაიფანტა ნაზამთრევი მიწიდან, ვარდი გაიფურჩქნა და ყლორტები ჩვილი.

სოფლის შარავნაზე დილა გამოგორდა, წყაროსთან ისმოდა ჟრიაშილი ქალთა; ახალ გათენებას გვირგვინი მოჰქონდა, თითქოს გაზაფხულმა დაიფერთხა კალთა.

საყდრის მრეკავებმა ჩამორქვეს მორცხვად, შემდეგ დიდი ზარიც დინჯად აგუგუნდა; გაიშალა, ცათბა მთელი გარემოცვა, დაიშაბა ყველა, ცალ-ცალკე და გუნდად.

ხალხი ქალაქებში ქრჩებს მოეფინა, სანუკვარი ცნობა გოგმანით გავარდა; სხივებმა ასხურეს თვითულის ბინა, დღევანდელი შუქი გუშინდელს არ ჰგავდა!

სიხარულის გრძნობა გულში არ ეტია, გამარჯვების განცდა ვის არ ამოქმედებს! მანახლების წელი — ცხრაასთვრამეტია, სიმღერები მოაქვთ გაზაფხულის მტრედებს.

სახეები სჩანდნენ გახსნილ-გაბადრული, ღრეობდნენ და სვამდნენ ქართლის საღლეგრძელს — აქ „დიდება“ სჭექდა, იქეთ კრიმანჭული და სულ ყველა ერთად: „ვაშა საქართველოს!“

მთაწმიდას მოადგა წამებულთა ლანდი და ახალ მებრძოლთა უამრავი დასი, ამერ-იმერელი და ვინ ფალავანდი, მჭიდროდ შენაერი მრავალი ათასი.

ეს დღე უკვდავია — აღდგომის სადარი! თუნდ ჩვენი თაობა სულ გამოიცვალოს, ის დარჩება ხეალის ნუგეშ-საწინდარი, აწმყო ტყვეობაში რაც უნდა იწვალოს.

და მაისი კიდევ მოვა, გავგახარებს, შეინდისფერი დროშა კვლავ აფრიალდება; მზე არ მოაკლდება ხევებსა და ბარებს, შვების ჩირადღანი მთებში აინთება.

მრავალ ჭირნახული ქართველებისათვის გათავდება: ჩავგრა, დამკირება, ციხე... განთავისუფლების დარეკავს საათი, — ივერია იხეიმებს, ილხენს.

ევტ. აბულაძე

ვალენტინე, 1968 წ.

გიორგი გამყრელიძე

შემოღობვა ქალაქბარათ

შებინდა უკვე... ფრინველების შავი გუნდები
ჟივილ-ხივილით ჩამავალ მზეს ეთხოვებთან.
დავტოვებ ქუჩებს, ისევ ქალებს დავუბრუნდები,
სადაც გავაფრენ ჩემს ოცნებებს ცისფერ ფრთებიანს.

მზე ჩაღველფილი, გორებს იქით გადასულიყო,
კუპრის ლანქერი ჩასდენოდა ჩაქცეულ ხევებს.
სადაც ბულბულმა წამოიწყო კენესით „სულიკო“,
სადაც ქვაბებში იგემართათ „ქორწილი დევებს“.

ძველი ხავერდის გაცრეცოდა ცას ლურჯი ფონი,
ზედ დამნობილი მნათობების ოქრო-ჯამებით.
ამ დროს „განდევილს“ ქალის სახით აცდენს დემონი,
ეს არის უამი „მთაწმიდაზე შემოღობვის“!

და მომაგონდა ძველ ოდაში გუგუნი ბუხრის...
(მოკლე შარვალი — პატარა ბიჭს, როდესაც მეცვა);
თითქოს მომესმა შორეული ხსრისხმა მწუხრის;
ლოცვები დედის, ქურის რეცხვის და პურის ლეწვის.

ეს იყო მაშინ, როცა დილით ბალახზე თაფლად
დაიდვებოდა სურნელება ნამის და ცვარის.
ეხლა ყორანი დლით და ღამით თხრის მგონის საფლავს
და უცხო მიწას მოზუზუნე მიაყრის ქარი.

იქნებ აზრი აქვს მზის ამოსვლას და ისევ ჩასვლას,
ზენიტზე დგომას, ზღვის სარკეზე ისევ დაშვებას...
მაგრამ ამ ქვეყნად კაცის მოსვლას და ისევ წასვლას
სხვა რა ვუწოდო? თუ არ ნარდის გათამაშება?!

გაპობილია ჩემი რწმენა ეჭვების ცულობით.
ჩემს გულში ცხოვრობს არსება ორი.
ყოვლად ძლიერო! გვაქვს მარადი უკვდავი სული,
თუ ვინუგეშებთ თავს მხოლოდ ქორით?

გიორგი გამყრელიძე

გიორგი გამყრელიძე

სიზმარი—კარნავალი

ქაბუკობის დრო წარსული —
დღენი ძველთა-ძველები,
დტრიალდნენ ჩემს სიზმარში;
როგორც კარუსელები.

მწვანეფერით, ლურჯიფერით,
მეწამულიფერებით...
ანგელოსთა საკრავებით
და მათი სიმღერებით.

ვარდისფერად შეეღება ზეცა
ცისკარს კიაფით;
მოკაზმული მნათობების და
მთვარის ზოდიაკით.

საგალობლებს იმღეროდნენ
ქართლის ყველა ტომები,
და თეთრ ეტლებს დააფრენდნენ
ჩალის ფერი ლომები.

ჩქერალები გადმოჰქუხდნენ
მშობლიური გორებით.
წყლის სასმელად მოსულიყო
ჯოგი ნიამორების.

მაგრამ უცბად გარდინვეწნენ
ფრთხილი ნიამორები,
როს ჩქერალთან მოიგრაგნა
გველუშაპი ზმორებით.

იქვე იდგა, რომ დაცვა
უკვდავების ჩქერალი,
ბლავარძელ წმიდა გიორგი,
მორახტული მერანით.

ვეშაპს შუბით გაუფმირა
წმიდა გიორგიმ მუცელი,
და სხვაგვარად დატრიალდა
სიზმარში კარუსელი.

მოედრიცა სახე ვეშაპს
ამღვრეული თვალებით;
ცას მოედო ვარსკვლავების
შუქის ნაჭორფალები.

ამერია სიზმარეთის
გზები დაულამბავი.
წინ გამეხსნა „დედა-ენა“
და დევების ამბავი.

მოყარათ თავი მხეცებს
მიწისას და ცისასას;
ყანის სამკლად მიდიოდნენ
საწყალ დედაბრისასას.

მიდიოდნენ ცრთად მწყობრში,
ვით ჯარში მეომრები.
ხელში ჰქონდათ ვეფხვეს ულო,
დათვებს ზურგზე — ტომრები.

უთვალავი ნამგლით მკიდნენ
ყანას, თავგვთა გუნდები,
„დაკმაზნიდნენ“ ბატნი ხორბალს
და ქედანთა ხუნდები.

ხარ-იშვები ება კვერებს,
ურმებს შავი ზაქები.
ზეცას ეკრა მთვარის ნალი
ვარსკვლავთ ზოდიაკები.

ეს სურათიც დაიფარა
ქარიანი ნალველით,
მომელანდა სულ სხვა სახე:
უცხო და უნახველი.

ვხედავ: ჯგუფად მოხუც კაცებს,
შემოსილულს შავებით,
მალალ ყორეს აშენებდნენ
კაცთა მოჭრილ თავებით.

ქერსბიშთა ნაცვლად მღერდნენ
ქაჯთა ბნელი გუნდები:
„მტვერი იყავ, მტერისგან შეგქმნეს,
მტვერსვე დაუბრუნდები!“

საფლავში კი, ვილაც ბრძენის
ქალა — რღვეულ ხრტილებით,
კაცის სვე-ზედს დასცინოდა
დაკრეჭილი კბილებით:

„უმაღლესო! ვერ შევიცნეთ
შენი ნება, ზრახვანი,
დასაწყისი, დასაბამი —
საფლავი და აკვანი“.

გამეღვიძა... არსად სჩანდნენ
მხეცნი შეუპოვრები,
აღარ სჩანდა კალოობა
და დათვები ტომრებით.

გიორგი გამყრელიძე

შარლ ბოდლერი

შეხოღოჯის დღე

მალე ჩავვიძირავს ცივი საბნის საპირის ქვეშა,
მე ვეთხოვები მოკლე ზაფხულს ცისფერ ველებით.
სცლიან ხმაურით ურმებიდან ზამთრისთვის შეშას,
მისი ხმაური მემუჭრება საშინელებით.

ვარ ცივი ზამთრის მოლოდინე ფიქრში გაბმული...
ბრაზის და შიზლის, მძულვარების ისმის გოდება.
და ისე, როგორც მზე პოლარულ გამოქვაბულის —
ჩემს გულს აქვავებს ის, ყინულის წითელ ლოდებად.

ცახცახით ვისმენ დახვევებას საწვავი ხისას;
ის სასტიკია ეშაფოტის დადგმის ხმაურზე.
და ჩემი გული, როგორც კოშკი ძველი ციხისა —
ძრწის და კანკალებს ამ გულწამდებ აურზაურზე.

რა გულმომკვლელი, გამგმირავი, რა მკაცრი ხმა!
თითქოს აქედდენ მოგრძო ლუსმანს ვილაცას კუბოს —
ვისას? — ზაფხულმა ჩაიარა — შემოდგომაა:
მოდის ზამთრის დღე უსხივოსნო და უპირქუბო.

თარგმნა გიორგი გამყრელიძემ

გიორგი ყიფიანი

მზის ქალიშვილს

ანგელოზო და მთავარ-ანგელოზო!
სამოთხის ბალო, თუ ჩემო ეზო,
დედის დედულო,
მამის მამულო,
ჩვენი ნაწილი ყველას მოგვეზლო!
წმიდაო ანდრიავე,
წმიდაო ნინო,
ადრეა... ადრეა ზედაშის ღვინო,
დედაში სახულო სიცოცხლის შვილო,
იზარდე, იმრავლე,
მზის ქალიშვილო!

გიორგი ყიფიანი

ბ. ვარდანი

ახალი საქართველო — რესპუბლიკა

საქართველოს დემოკრატიული რესპუბლიკის წარმოშობა

პირველი მსოფლიო ომის განმავლობაში რუსეთის იმპერია წაიქცა და დაიღწა. ტახტიდან გადადგა რუსეთის იმპერატორი და თვითმპყრობელი ნიკოლოზ მეორე, რომლის გვარსა მხოლოდ სამასი წელიწადი იმეფა რუსეთში. იგი შესცვალა დროებითმა დემოკრატიულმა მთავრობამ.

კავკასიაში იმ დროს შეფის წარმომადგენლად ანუ ნამესტნიკად იყო ნიკოლაი ნიკოლაევიჩი... იმპერატორის გადადგომას მისი მოადგილის გადადგომაც მოჰყვა. ამის გამო ჯერ კიდევ რუსეთის დროებითმა მთავრობამ ამიერკავკასიას დაუნიშნა საგანგებო ხელისუფლება — „ამიერკავკასიის საგანგებო კომიტეტი“, ანუ შემოკლებით: — „ოზაკომი“. ამ საგანგებო კომიტეტის თავჯდომარე იყო, რასაკვირველია, რუსი, დეპუტატი ხარლამოვი. წევრებად ერთა წარმომადგენელი; ქართველების მხრივ — კილა აბაშიძე და აკაკი ჩხენკელი.

ხარლამოვის კომიტეტს ნამდვილი ხელისუფლება არა პყრობია. იგი იყო უძალი და უღონო დაწესებულება, ვინაიდან მთელი ხელისუფლება რევოლუციურ ორგანიზაციებს ხელთ ეპყრათ, როგორც იყვნენ: მუშათა საბჭოები, გლეხთა საბჭოები, ჯარისკაცთა საბჭოები და სხვ. ეს რევოლუციური ორგანიზაციები გარდაიქმნენ პოლიტიკურ პარტიათა ბრძოლის ასპარეზად, სადაც სოციალ-დემოკრატები (მენშევიკები), რამოდენიმე ბოლშევიკი და სოციალისტრევოლუციონერები ერთმანეთს ებრძოდნენ.

პეტროგრადში პირველი დროებითი მთავრობა შესცვალა კოალიციურმა მთავრობამ, რომელსაც კრიზისის შემდეგ. მეორე კოალიციური მთავრობა მოჰყვა. ამას კიდევ მესამე და ბოლოს 17 ოქტომბერს ბოლშევიკური გადატრიალება. ამ გადატრიალების ნაყოფი იყო ზავი რუსეთსა და მის წინააღმდეგ მეომარ სახელმწიფოთა შორის და ომი ყველა მათ მიმართ, ვინც ამ ახალ ხელისუფლებას არ ურიგდებოდა. ზავი საგარეო და ომი საშინაო — ასე დაიწყო ბოლშევიკური ბატონობა რუსეთში.

ბოლშევიკებს საქართველოში და საერთოდ კავკასიაში არავითარი მნიშვნელობა არა ჰქონდათ და, რასაკვირ-

ველია, ამიერკავკასიის მუშათა, ჯარისკაცთა და გლეხთა საბჭოების ცენტრმა 20 ოქტომბერს (1917 წ.) სხდომაზე ერთხმად უარყო მოსკოვიდან ბოლშევიკური კომისარის დანიშვნა. „ოზაკომის“ შემქმნელი რუსული მთავრობა აღარ არსებობდა; კერენსკის მთავრობამ სული დალია; ასევე სული დალია მისმა წარმომადგენელმა ამიერკავკასიაში, „ამიერკავკასიის საგანგებო კომიტეტ“-მა. იგი გაუქმდა 15 ნოემბერს 1917 წ.

რა ხელისუფლება უნდა შექმნილიყო მის ნაცვლად? ამისი გადამწყვეტნი იყვენ რევოლუციური ორგანიზაციები და მათი ხელმძღვანელები. რუსეთში უკვე ანარქია მძინვარებდა და იწყებოდა სამოქალაქო ომი. ამიერკავკასიასაც ეს ბედი მოელოდა. საჭირო გახდა ამ ქვეყნის დაცვა არეულობისა და ომისაგან. 1917 წ. 11 ნოემბერს თბილისში მოეწყო რევოლუციურ ორგანიზაციათა საგანგებო თათბირი, რომელმან ერთხმად გადაწყვიტა:

„ვინაიდან ცენტრალური, ყველას მიერ უფლებამოსილად ცნობილი მთავრობა არ არსებობს, და დღითიდღე ძლიერდება მთელ სახელმწიფოში არეულობა, რომელიც მოსალოდნელია ამიერკავკასიაშიც გავრცელდეს, და რადგან საჩქაროდ გადასატრელია მთელი რიგი საზოგადოებრივი, ფინანსური და ეკონომიური კითხვებისა, რომელთა გადაჭრაზე დამოკიდებულია ჩვენი მხარის უახლოესი ბედი, თათბირი ადგენს: — შედგეს ამიერკავკასიის მმართველობა, რომელშიც შევლენ ამიერკავკასიის ცენტრალურ, საზოგადოებრივ, ოფიციალურ და ეროვნულ ყველა რევოლუციურ-დემოკრატიულ ორგანიზაციის წარმომადგენლები. ადგილობრივი მმართველობა თავის მოქმედებაში უნდა ემყარებოდეს ამიერკავკასიის და ადგილობრივ მუშათა, ჯარისკაცთა და გლეხთა დეპუტატების საბჭოებს და ადგილობრივ თვითმართველობათა ორგანოებს“-ო.

მაშასადამე, უნდა დაარსებულიყო ამიერკავკასიის მმართველობა, რომელიც ოფიციალურ ძალებს დაემყარებოდა. ასეთიც დაარსდა 14 ნოემბერს 1917 წ. და მას დაერ-

ქვა „ამიერკავკასიის კომისარიატი“, რომლის თავმჯდომარე იყო ქართველი პოლიტიკური მოღვაწე და სოციალ-დემოკრატიული პარტიის წევრი, რუსეთის სახელმწიფო დღის ყოფილი დეპუტატი, ევგენი გეგეჭკორი..

რევოლუციის დაწყებისათვის ჩაისახა აგრეთვე ორი მნიშვნელოვანი ორგანიზაცია; პირველის დანიშნულება იყო ამიერკავკასიის ერებს შორის დავა-ცილობის მომწესრიგებლობა — ეს იყო „ერთაშორისო კომისიები“. და შეიქმნა აგრეთვე პარტიების შემათანხმებელი კომიტეტი, ეგრეთ წოდებული „ინტერპარტიული კომიტეტი“.

შეთანხმება ერთა შორის; შეთანხმება პოლიტიკურ პარტიათა შორის — ასეთი იყო ამ ორგანიზაციათა დანიშნულება.

ამიერკავკასიის კომისარიატი, ევგენი გეგეჭკორის თავმჯდომარეობით, როგორც ამიერკავკასიის ადგილობრივი მმართველობა, მოღვაწეობას შეუდგა. შემოღებულ იქმნა ერობა ანუ ადგილობრივი, პროვინციული თვითმმართველობა, რომლის გულისათვის ათეულ წელთა მანძილზე ოკეანე მელანი დაისარჯა; გამოიკა განკარგულება მიწის ჩამორთმევის შესახებ; გაუქმდა ბატონყმობის დროის იურიდიული ნაშთები; მოისპო თავდაზნაურული წოდების უფლება და სხვა.

საქართველოს თავდაზნაურობამ თავის მხრივ საკუთარი ნაბიჯი გადასდგა და დაადგინა: — მთელი მისი ქონება, რომელიც ამ წოდებას, როგორც ორგანიზაციას ეკუთვნოდა, გადასცემოდა საკუთრებად ქართველ ერს ამ საკუთრების ღირებულება ოქროს მანეთზე რამოდენიმე მილიონს უდრიდა.

მაგრამ ვინ წარმოადგენდა ამ ქართველ ერს?

ამიერკავკასიის კომისარიატი იყო ამიერკავკასიის მმართველი; ხოლო ქართული რევოლუციური ორგანიზაციები ერის წარმომადგენელად ვერ ჩაითვლებოდნენ. ამიტომ ქართულმა „ინტერპარტიულმა კომიტეტმა“ გადაწყვიტა მოეწვია „საქართველოს ეროვნული ყრილობა“; მის შემადგენლობაში უნდა ყოფილიყვნენ: წარმომადგენელნი თვითმმართველობათა, აღმასრულებელ კომიტეტთა, კულტურულ დაწესებულებათა და პოლიტიკურ პარტიათა..

„საქართველოს ეროვნული ყრილობა“ მოეწყო თბილისში 19 ნოემბერს 1917 წ. და მისი წევრთა რიცხვი უდრიდა 343-ს (აქედან 19 იყო სათათბირო ხმით).

ეს იყო პირველი შემთხვევა რუსეთის ბატონობის 117 წლის განმავლობაში, როდესაც ქართველი ერის წარმომადგენლებმა მოიყარეს თავი; აქ გამოცხადდა მთელი ქართველი ერი თავისი წარმომადგენლებით. ეს წარმომადგენლობა ასე იყო განაწილებული:

1. საგუბერნიო, სამაზრო და სასოფლო აღმასრულებელი კომიტეტების დეპუტატები, რიცხვით — 89.
2. ქალაქთა თვითმმართველობების — 33.
3. მოქმათა და ჯარისკაცთა საბჭოების — 15.
4. კოოპერატივების — 8

5. ვაჭარ-მრეწველობისა და ბანკების — 26.
6. თავადაზნაურობის — 20.
7. საკათოლიკო საბჭოსი — 1.
8. კულტურულ-განმანათლებელი და სხვა ასეთი დაწესებულებების — 43.
9. მასწავლებელთა კავშირის — 9.
10. ქართული პრესის — 9.
11. უცხოეთში არსებულ ქართ. საზოგადოებათა — 6.
12. ქართული ჯარის — 20.
13. ქართველი მაჰმადიანებისა და ქართველი კათოლიკების — 7.
14. ქართველი ებრაელების — 3.
15. აფხაზების — 2.

აი, ამ ფართოდ მოწვეულ ეროვნულ ყრილობას უნდა გადაეწყვიტა და მოეწყო თავისი ორგანიზაცია, რომელიც საქართველოს თავადაზნაურთა მიერ გადაცემულ ქონებას მოუვლიდა.


მაგრამ დრო იყო მეტისმეტად არეული და მძიმე: ომი გრძელდებოდა; რუსეთში დიდი აღრევა იყო გამეფებული და სამოქალაქო ომი ატეხილი.. ამიტომაც საქართველოს ეროვნული ყრილობა თავადაზნაურობისაგან მიღებული ამ ძვირფასი საჩუქარის, ანუ ძღვენის მიღებაზე ვერ შეჩერდებოდა და საქართველოს მომავალ ბედსაც უნდა შეხებოდა.

აკაკი ჩხენკელმა „ინტერპარტიული ქართული კომიტეტის“ სახელით გახსნა „საქართველოს ეროვნული ყრილობა და სხვათა შორის თქვა: — რუსეთში ყველა ერი ჩამოგალიბდა და თავის ინტერესებს იცავს; დრო არის ამიერკავკასიაშიც დაირაზმონ და შეკავშირდნენ ერებიო. მაშასადამე, უნდა დასმულიყო საქართველოს პოლიტიკური სხეობის საკითხიც, და ეს საკითხი მართლაც წარმოადგა. ყრილობის მეორე სხდომაზე ნოე ჟორდანიამ წაიკითხა მოხსენება „ინტერპარტიული კომიტეტის“ სახელით და განაცხადა:

„თქვენ იცით, რომ ინტერპარტიულ საბჭოში შედიან ყველა ქართული პოლიტიკური პარტიების წარმომადგენლები და მათ თუ იცენეს შესაძლებელად ერთი პირისათვის მიენდოთ მოხსენების ვაკეთება, აშკარაა, ყოფილა საერთო ნიადაგი და სწორეთ ამ საერთო ნიადაგზე იქნება ჩემი მოხსენებაც აგებული“—ო.

რა იყო ეს საერთო ნიადაგი? ნოე ჟორდანიას ყრილობას მოახსენებდა:

„თქვენ იცით, რომ ჩვენი ინტერესები შეკავშირებულია რუსეთის ინტერესებთან და როცა ვარკვეთ ჩვენი ერის მდგომარეობას, გამოვდივართ რუსეთის საერთო ინტერესებიდან. ცხადია, დღესაც ვრჩებით იმ ნიადაგზე, რომელზედაც ვიდექით წინათ, ესე იგი, რუსეთთან კავშირის ნიადაგზე. ასმა წელმა განვლო მას შემდეგ, რაც საქართველო რუსეთს შეუერთდა. ეს არ იყო ვისიმე ყინია-



ნობისა, ან უბრალო შემთხვევის შედეგი. ეს იყო ისტორიული აუცილებლობა. მაშინ საქართველოს წინაშე იდგა დილემა — ან აღმოსავლეთი ან დასავლეთი. და ჩვენმა წინაპრებმაც გადასწყვიტეს განშორებოდნენ აღმოსავლეთს და მიემართათ დასავლეთისათვის. დასავლეთითისაკენ კი გზა იდგა რუსეთზე; მაშასადამე, დასავლეთისაკენ სვლა ნიშნავდა რუსეთთან შეერთებას. რუსეთთან შეერთება მოხდა შემდეგი პირობით — ჩვენ უნდა ვყოფილიყავით რუსეთის ჩარჩოში და გვექონოდა თვითმართველობის უფლება შინაურ საქმეებში. მხოლოდ პირველი ნაწილი ამ პირობისა დარჩა ძალაში, მეორე ნაწილი კი აღრვევ იქნა დარღვეული. ბევრი წვალება, ბევრი გაჭირვება გადავიტანეთ ამ ასი წლის განმავლობაში, მაგრამ არც ერთი ქართული პოლიტიკური პარტია არ მოითხოვდა რუსეთისაგან ჩამოშორებას, ვინაიდან ეს იქნებოდა აღმოსავლეთის წინაშე წამოჩოქება. ეს კი არავის სურდა. ახლა, როცა რუსეთის ძველი წყობილება დაიშლავრა, ერებს ეძლევათ საშუალება თვით გამოსკედონ თავისი წყობილება და მომავალი. და ახლაც ჩვენ წინ დაგვიდგა იგივე დილემა, რომელიც ამ ასი წლის უკან ჩვენი წინაპრების წინ იდგა — ან ისევ დასავლეთი და მაშასადამე, რუსეთი, ან აღმოსავლეთი. ამნაირად, ჩვენი თვითგამორკვევა დღესაც ისეთია, როგორც იყო ამ ასი წლის წინეთ. ამ მხრივ ჩვენ შორს ვერ წავედით ჩვენს წინაპრებთან შედარებით“—ო.

ასეთი იყო ნოე ჟორდანიას დასაბუთება საქართველოს საკითხის შესახებ. მისი პროგრამა საქართველოს მომავალზე კი შემდეგი იყო — ყველა ქართული პოლიტიკური პარტია შეთანხმდა მოეთხოვა სრულიად რუსეთის დამფუძნებელ კრებაზე საქართველოს ფართო თვითმართველობა. ანუ მისი სიტყვით:

„უნდა მოვითხოვოთ საქართველოს მიენიჭოს სრული თვითმართველობა, უნდა ჰქონდეს უფლება საკუთარ საჭიროებაზე გამოსცეს კანონები, უნდა ყავდეს თავისი ნაციონალური ადმინისტრაცია, ჯარი, სასამართლო, სკოლა, ერთი სიტყვით, უნდა მოხდეს ყველა დაწესებულებათა ნაციონალიზაცია“—ო..

ამნაირად, საქართველოს თვითგამორკვევა, როგორც ეს ეროვნულმა ყრილობამ გამოამყდა, ფართო და სრულ პოლიტიკურ ავტონომიას არ სცილდებოდა და ამით, ყოველ შემთხვევაში, საბოლოოდ გადაწყდა ის დავა საქართველოს პოლიტიკური სახეობის შესახებ, რომელსაც შეეწირა მრავალი მელანი და ძალა ათეულ წელთა მანძილზე... — ყველა პოლიტიკური პარტია, ბოლოს, შედგა საქართველოს ფართო ავტონომიის საფუძველზე და ქართველი ერის თვითგამორკვევა ამგვარად და ჯერჯერობით, გამოისახა რუსეთის ფარგლებში პოლიტიკური ავტონომიის აღიარებითა და მოთხოვნით. ამიტომ იყო, რომ მთელი ეროვნული ყრილობა ნოე ჟორდანიას აღტაცებით შეეგება.

თბილისში, ეროვნული ყრილობის დროს, (ნოემბერი და დეკემბერი 1917 წ) დიდი და კმაზე სჯა-ბაასი იყო საქართველოს დამოუკიდებლობის გამოცხადების შესახებ. პარტიული თუ არა-პარტიული ხალხი, ბევრი მათგანი, ფიქრობდა, რომ საკითხი უკვე მომწიფებული იყო, ოღონდ ყველას აშინებდა ერთი მოვლენა — **კავკასიის ფრონტზე იდგა რამოდენიმე ასიათასი რუსი ჯარისკაცი, უკვე დისციპლინა-დაკარგული და რუს ბოლშევიკების ყურისმგდებელი.** ბოლშევიკები მათ შორის უკვე გახურებულ ქადაგებას ეწეოდნენ ამიერკავკასიის კომისარიატის შესახებ და მის წინააღმდეგ. ისინი ჯარს ჩასჩიხინებდნენ — კავკასია რუსეთს ჩამოშორდა, კავკასიელები წინააღმდეგი არიან ზავისა და მიწის შიკვმისა; ისინი ბურჟუების მომხრე არიან და თავადაზნაურობა იქ ბატონობსო. ბოლშევიკები უკვე გახრწილ ჯარისკაცებს მოუწოდებდნენ, ნიტოვებინათ ფრონტი და თბილისზე გაელაშქრათ, — იქ საბჭოთა ანუ ბოლშევიკური ხელისუფლების დასამყარებლად. ასეთი ცდაც მართლა იყო, — რუსული ჯარის ერთი დიდი ნაწილი თბილისს მიადგა, მაგრამ ეს საფრთხე მან აცილა.

არსებითად კავკასიის ფრონტზე მყოფ რუსულ ჯარებს მხოლოდ ერთი ინტერესი ამოძრავებდათ — ფრონტიდან მოხსნა და შინ წასვლა... მიწის მისაღებად, როგორც მათ ბოლშევიკები პირდებოდნენ...

საქართველოს ეროვნულმა ყრილობამ მიიღო მრავალი გადაწყვეტილება სხვა და სხვა საჭირობოტო საკითხზე; მან ჩაიბარა საქართველოს თავადაზნაურობისაგან მიძღვნილი ქონება და აირჩია „**ეროვნული საბჭო**“, სამოცი წევრისაგან შემდგარი. ხოლო ამ უკანასკნელმა აირჩია „**აღმასრულებელი კომიტეტი**“, 15 წევრით, რომლის თავმჯდომარე იყო ნოე ჟორდანიას.

აღმასრულებელ კომიტეტში შედიოდნენ: 8 სოციალ-დემოკრატი, 2 სოციალისტ-ფედერალისტი, 2 სოციალისტ რევოლუციონერი, 2 ნაციონალ-დემოკრატი და 1 წარმომადგენელი სამაჰმადიანო საქართველოსი.

ამნაირად, შედგა საქართველოს ეროვნული დაწესებულება, რომელსაც ჯერ ხელისუფლება არ გააჩნდა, მაგრამ ისტორიის მიერ კი მოწოდებული იყო მომავალი საქართველოს დამაარსებელი და შემქმნელი ყოფილიყო.

საერთო არეულობის ხანაში, როდესაც რუსული ჯარები კავკასიის ფრონტს სტოვებდნენ და შიგნით უწესოებაც ხდებოდა, ფრონტის დასაცავად თურქეთის წინააღმდეგ საჭირო იყო სამხედრო ძალა... ეროვნულმა საბჭომ მიმართა ქართულ მხედრობას შედგენილ ყოფილიყო ქართული ჯარი. რათა მაშინდელი მდგომარეობა დავახასიათოთ, მოვიტანოთ ამ მოწოდებიდან ერთი ნაწილი:

„სახელმწიფოს მთლიანობა დაირღვა, ეკონომიური ცხოვრება მოიშალა, რუსეთი გახვეულია სამოქალაქო ომისა და ანარქიის ცეცხლში... დადგა დრო, ყოველმა თქვენთაგან-

მა უნდა დაიკვას ჩვენი პატარა ქვეყანა გარეშე შემოსევისაგან და შინაური არევისაგან!-ო.

ომი გრძელდებოდა. რუსების ჯარები დაიშალნენ და რუსეთს გასწიეს. თურქეთის ანუ ოსმალეთის ჯარები მათ ფეხდა ფეხ მისდევდნენ და უბრძოლველად იკავებდნენ ბრძოლით დაკარგულ თავიანთ ტერიტორიებს და ამასთან უახლოვდებოდნენ სომხეთ — საქართველოს მიწა-წყალსაც. დღეს არა, ხვალ თურქთა ჯარები ამიერკავკასიაშიც შემოიჭრებოდნენ. ვინ უნდა ყოფილიყო ამ საკითხის მონკვაობელი? არსებობდა ხომ ამიერკავკასიის კომისარიატი?, რომელიც არსებითად ადგილობრივ მთავრობას წარმოადგენდა?

ჩვენ უკვე აღვნიშნეთ, 15 ნოემბერს 1917 წ. დაარსებულ იქმნა ამიერკავკასიის კომისარიატი. მისი მოვალეობა იყო: 1. წარმართვა ადგილობრივი საოლქო პოლიტიკისა, რასაკვირველია, რუსეთის დემოკრატიასთან კავშირით, რომელიც არ არსებობდა და რომლის შექმნასაც ეტრ ფუძნენ; 2. ავტონომიური გადაწყვეტილება მხოლოდ ადგილობრივი საკითხებისა; 3. მიყვანა ამიერკავკასიისა მხოლოდ იმ წუთამდე, როცა შეიქმნებოდა ყველასათვის ცნობილი რუსეთის მთავრობა ან მოიწვეოდა სრულიად რუსეთის დამფუძნებელი კრება.

მაგრამ ყველას მიერ ცნობილი მთავრობა რუსეთში არ შექმნილა და დამფუძნებელი კრება კი ბოლშევიკურმა მთავრობამ გარეკა 4 (17) იანვარს 1918 წ.

ამავე დროს კავკასიის არმიის სარდალმა, გენერალ-ლეიტენანტმა ოდიშელიძემ წინადადება მიიღო თურქთა სარდალ ფერიკ - ვეხიზ-ფაშასაგან ზავზე მოლაპარაკების შესახებ. იგი „დამოუკიდებელი კავკასიის მთავრობას“ ომის შეწყვეტასა და მშვიდობის დამყარებას თხოვდა.

ეს მოხდა 1 (14) იანვარს 1918 წ.. ზავისა და მშვიდობის წინააღმდეგი ვინ უნდა ყოფილიყო?!, როდესაც კავკასიის ფრონტი მებრძოლი ძალებისაგან იკლებოდა! მაგრამ საკითხი ის იყო, რომ „კავკასიის (ამიერკავკასიის) დამოუკიდებელი მთავრობა“ არ არსებობდა, არამედ არსებობდა მხოლოდ „ამიერკავკასიის კომისარიატი“, რომელიც ამ ქვეყანას რუსეთის ნაწილად სთვლიდა. ამიტომ ამიერკავკასიის კომისარიატის პასუხი ზავის წინადადებაზე შესაფერი იყო — ზავზე მოლაპარაკებას შევეუდგებით, როგორც კი სრულიად რუსეთის დამფუძნებელი კრება სათანადო უფლებას მოგვცემსო! ეს პასუხი გაგზავნა თურქეთის სარდალს 4 (17) იანვარს და იმავე დღეს ეს სანუკვარი დამფუძნებელი კრება ბოლშევიკების მიერ გარეკილ იქმნა. ამავე დროს კი თურქეთის ჯარები მოიწვედნენ კავკასიისაკენ.

თურქეთის სარდალი ვეხიზ-ფაშა ამიერკავკასიის კომისარიატს ატყობინებს, რომ ბრესტ-ლიტოვსკში შედგა საზავო კონფერენცია რუსეთსა და ცენტრალ სახელმწიფოთა შორის (გერმანია, თურქეთი, ბულგარეთი, ავსტრო-უნგრეთი) და თქვენი წარმომადგენელი გამოგზავნეთო.

თებერვლის ექვსს ამიერ კავკასიის კომისარიატი ვეხიზ-ფაშას უპასუხებდა — „ამიერკავკასიის სეიმი“ გამოიმუშავებს ზავის პირობებს და გაცნობებთო. საიდან გაჩნდა ეს „ამიერკავკასიის სეიმი“?

მას შემდეგ, რაც ბოლშევიკებმა „სრულიად რუსეთის დამფუძნებელი კრება“ გარეკეს და ამგვარად მთლიანი რუსეთის ხელისუფლების შექმნის ცდა უნაყოფოდ ჩატარდა, ამიერკავკასია, შექმნილი პირობების გამო, იძულებული გახდა დამოუკიდებელად ეწარმოებინა თავისი საქმეები. ამიტომ რევოლუციური ორგანიზაციების ცენტრმა გადასწყვიტა 12 იანვარს 1918 წელს: —

„დამფუძნებელი კრების გარეკამ ამიერკავკასია კვლავ თავისი საკუთარი ძალების ამარად მიატოვა... მხარის სასიცოცხლო ინტერესები მოითხოვენ მახლობელ დღეებში მოწვეულ იქმნას კრება დებუტატთა, რომელნიც არჩეულ იქმნენ დამფუძნებელ კრებაში ამიერკავკასიიდან და კავკასიის ფრონტიდან“-ო.

1918 წლის 22 იანვარს ამ დებუტატების კრებამ თავის მხრივ დაადგინა: — „ამიერკავკასიიდან დამფუძნებელი კრებისათვის არჩეულ დებუტატთა სხდომამ განიხილა რა შექმნილი მდგომარეობა, საჭიროდ აღიარა, დროებით, სრულიად რუსეთის დამფუძნებელი კრების ისევ შეკრებამდე, მოწვეულ იქმნას ამიერკავკასიის სეიმი საკანონმდებლო ფუნქციებით, ადგილობრივი ცხოვრების ყველა საკითხში. სეიმის მოწვევისათვის საჭიროდ მიაჩნიათ სამჯერ შემცირებულ იქმნას საარჩევნო მეტრი, ცალკე პარტიების მიერ მიღებული. სეიმის მოწვევის ვადად დაინიშნოს ათი თებერვალი“.

ამგვარად წარმოიშვა „ამიერკავკასიის სეიმი“. სეიმის წევრთა რიცხვი უდრიდა 115-ს. აქედან 32 დებუტატი იყო სოციალდემოკრატიული პარტიისა; 30 აზერბაიჯანული, მუსავატის პარტიისა და მის თანამგრძნობ დებუტატთა; 27 სომხური, დაშნაკუტუნის პარტიისა; 5 სოციალისტ-რევოლუციური პარტიისა; 1 სოციალისტფედერალისტური პარტიისა და 1 ნაციონალდემოკრატი.

ამიერკავკასიის კომისარიატი ეგვენი გეგეჭკორის თავმჯდომარეობით 1918 წლის 10 თებერვალს შეკრებილ სეიმს წარუდგა. სეიმის თავმჯდომარედ არჩეულ იქმნა ნიკოლოზ (კარლო) ჩხეიძე. ყველა პარტიამ სეიმში თავისი განცხადება გააკეთა. ნოე ჟორდანიამ სოციალდემოკრატიული პარტიის სახელით განაცხადა: — ზავისა და მიწის გარდა, ეროვნული საკითხიც არისო მთავარიო. ყველა ამათში — ბრძანა მან — უმნიშვნელოვანესი არისო ეროვნული საკითხი; —

„ამ საკითხს აქვს ორი ფორმა: ჩვენი დამოკიდებულება ცენტრთან და დამოკიდებულება ერთა შორის. პირველი ფორმა დღეს მოხსნილია, რადგან არ ვიცით, როგორი იქნება ჩვენი დამოკიდებულება რუსეთთან ერთი თვის შემდეგ, როგორი წყობილება დამყარდება იქ, ან გვექნება მასთან რაიმე კავშირი თუ არა. ამიერკავკასიაში მრავალი

ერი ცხოვრობს. როგორ უნდა განხორციელდეს ერთი ერის თვითმართველობა ისე, რომ ამით ხელი არ შეეშალოს მტორეს? ერთად ერთი საფუძველი, რომელზედაც შენობა უნდა აეგოს, არის ეროვნებათა თანასწორუფლებიანობა“-ო...

ამნაირად, ამიერკავკასიის სეიმი შეუდგა მუშაობას ისე, რომ მას თავისი საგარეო სახე გამოერკვეული არ დაურჩა.

ამიერკავკასიის მთავრობის შედგენა ისევ ევგენი გეგე-ქკორს მიანდევს და ქართველების მხრიდან ამ მთავრობაში შედიოდნენ — მთავრობის თავმჯდომარე და სამხედრო მინისტრი — ევგენი გეგექკორი; შინაგან საქმეთა მინისტრი — ნოე რამიშვილი; საგარეო საქმეთა მინისტრი — აკაკი ჩხენკელი; მიწათმოქმედების მინისტრი — ნოე ხომერიკი; საზღვაო მინისტრი — ვლადიმერ გობეჩია. დანარჩენი სამინისტროები განაწილებულ იქმნენ სომხებსა და აზერბაიჯანელთა შორის.

1918 წლის 16 თებერვალს სეიმა განიხილა თურქეთთან ზავისა და მშვიდობის დამყარების საკითხი და აირჩია საზავო დელეგაცია აკაკი ჩხენკელის თავმჯდომარეობით. საზავო პირობა იყო: — 1914 წლის საზღვარის დადება და თურქეთის სომხეთისათვის ავტონომიის მოთხოვნა.

როცა ეს ამბები თბილისში ხდებოდა, ამავე დროს ბოლშევიკური ხელისუფლება (ლენინის მთავრობა) ცენტრალ სახელმწიფოებთან ზავზე მოლაპარაკებას ცქეოდა, რაც ე. წ. ბრესტ-ლიტოვსკის ხელშეკრულებით დასრულდა 2 მარტს 1918 წ. ბოლშევიკებმა, რასაკვირველია, ამიერკავკასიის დაუკითხავად, თურქეთს დაუთმეს ყარს — არდაგან — ბათუმის მხარენი.

ამ ამბის თბილისში მიღების შემდეგ შედგა ამიერკავკასიის სეიმის სხდომა, სადაც ეს თავზარდამცემი ცნობა წაკითხულ იქმნა; უხადია, ამიერკავკასიის მთავრობამ ამ ბრესტლიტოვსკის ზავის გამო პროტესტი განაცხადა. სეიმის თავმჯდომარე კარლო ჩხეიძეც პროტესტს აცხადებს. მაგრამ მაინც ამ საქირობოროტო საკითხის გამოსარკვევად ამიერკავკასიის საზავო დელეგაცია აკაკი ჩხენკელის თავმჯდომარეობით გაემგზავრა ტრაპიზონს თურქეთის საზავო დელეგაციასთან მოსალაპარაკებლად.

თურქეთმა, რასაკვირველია, მოითხოვა ბრესტ-ლიტოვსკის ხელშეკრულების განაღდება, ესე იგი: მოსკოვის ლენინური მთავრობის მიერ დათმობილი ყარს—არდაგან — ბათუმის დაცლა და თურქეთისათვის გადაცემა. ამიერკავკასიის დელეგაციამ ამაზე უარი განაცხადა და რადგან არავითარი შეთანხმება შესაძლებელი არ იყო, ამიტომ 1 აპრილს ამიერკავკასიის კომისარიატმა თავისი საზავო დელეგაცია უკან გამოიწვია.

თურქები ამ დროს ამიერკავკასიის ფარგლებში უკვე შემოჭრილი იყვნენ; მათ ერთი საათითაც არ შეუჩერებიათ წინსვლა ამ საზავო მოლაპარაკების დროს! ასე რომ

იმ დღეს, როცა ამიერკავკასიის დელეგაციამ ტრაპიზონის საზავო კონფერენცია მიატოვა, 1 აპრილს, ბათუმი თურქებმა დაიკავეს. ამრიგად დაიწყო ომი ამიერკავკასიასა და თურქეთს შორის.

ამიერკავკასიის სეიმა მოწოდებით მიმართა ამიერკავკასიის ერებს:

„დაჰკრა საათმა, როცა სწყდება ჩვენი სამშობლოს ბედი. თქვენ იცით, რა მოთხოვნილება წამოგვიყენა ოსმალეთმა. ჩვენგან ითხოვდნენ გვეცნო ბრესტ-ლიტოვსკის ხელშეკრულება, რომლითაც მოითხოვდნენ ჩვენგან საუკეთესო ნავთსაყუდელს — ბათუმს. ჩვენგან მოითხოვენ სამი ოლქის დაცლას-განთავისუფლებას. ჩვენ ყოველი ღონე ვიხმარეთ თურქეთთან მშვიდობიანი მოლაპარაკებით მოგვეგარებია საქმე, მაგრამ ოსმალეთი მაინც თავისას ადგა. სამშობლოსა და მომავალ თაობათა წინაშე, ჩვენი დიდი პასუხისმგებლობის შეგნებით, ჩვენ შეურყევლად ვარჩიეთ სამარცხვინო ზავს ხელი არ მოვაწეროთ. ამიერიდან კითხვას სჭრის იარალი. ყველამ იარალს ხელი! ყველანი გაეშურეთ ფრონტისაკენ! გამოდით ყველა სამშობლოს და თავისუფლების დასაცავად!“..

რევულიარული ჯარი არ არსებობდა; დასავლეთის ფრონტიდან, ბრძოლით დაღლილი და თავმოძულებული ქართველი ჯარისკაცები, ნაწილ - ნაწილ ბრუნდებოდნენ უკან; საქართველოში შედგენილი მკირე ქართული ერთეულები, მოხალისენი, პატარა გვარდია და პარტიზანული რაზმები, თუ მილიცია თურქეთის რევულიარულ ჯარს წესიერ წინააღმდეგობას ვერ გაუწევდნენ, თუმცა იყო ბრძოლის აღმაფრენა და თავდადება. თურქეთის წინააღმდეგ იბრძოდნენ მხოლოდ სომხური და ქართული ნაწილები. აზერბაიჯანელები არ აპირებდნენ ბრძოლას ერთმორწმუნე თურქების წინააღმდეგ და ამიერკავკასიის მთავრობას აწვებოდნენ, მას ბრესტ-ლიტოვსკის ხელშეკრულება მიეღო!

1918 წლის 7 აპრილს თურქთა ჯარები უკვე ოზურგეთში იყვნენ! მხოლოდ მეორე დღეს, გმირული თავგანწირვით, ვალოდია გოგუაძის ჯავშნიანი მატარებლის დახმარებით, ქართულმა რაზმებმა შეჩერეს მათი სვლა ჩოლოქიან. ამავე დროს თურქთა აგენტებმა ახალციხის მაზრაში გამოიწვიეს აჯანყება იქ მცხოვრებ თათართა შორის და აჯანყებულებმა 19 ქართული სოფელი დაარბიეს და ააწიოკეს. მათ აიღეს აბასთუმანი, აწყური, ზეკარი; ახალციხეს ალყა შემოარტყეს; ამიერკავკასიის მთავრობის ერთ-წოდებული „მამადიანური პოლიცია“ც ქართული მხედრობის წინააღმდეგ იბრძოდა! ამავე დროს, ბოლშევიკები თავისი აგენტების საშუალებით არეგდარევისა და უწყსოებას ახდენდნენ საქართველოს სხვა და სხვა მხარეში და ხალხს მოუწოდებდნენ თურქეთის წინააღმდეგ არ ებრძოლათ. და რა საბუთით? სულელური საბუთით: სულ ერთია ევროპაში და თურქეთშიც ბოლშევიზმი დამყარდება და საზღვრებს აღარავითარი მნიშვნელობა აღარ ექ-

წებაო! ასე ქადაგებდა ბუღუ მდივანი ქუთაისის ერთ დიდ სამობილიზაციო კრებაზე!

თუ ამ სუსტად დახატულ სურათს შევავსებთ იმ მოვლენით, რომ თვით ამიერკავკასიის მთავრობაში აზერბაიჯანელთა წარმომადგენლები თურქეთთან ომზე უარს აცხადებდნენ და მის გამარჯვებას ხელსაც უწყობდნენ, — მაშინ ნათელი გახდება ის მართლა უნუგეშო მდგომარეობა, რომლის მიხედვით ომის გაგრძელება სრულებით შეუძლებელი იყო, ვინაიდან დამხმარე ძალა არსაიდან ჩანდა და იარაღიც არ მოიპოვებოდა. ერთად-ერთი გამოსავალი იყო — ისევ საზავო მოლაპარაკებების განახლება. მაგრამ ამიერკავკასიის არ შეიძლო ზავზე ლაპარაკი, სანამ იგი ფორმალურად რუსეთის ნაწილად ითვლებოდა! ამიტომ საჭირო შეიქმნა რუსეთისაგან ჩამოშორება, გამოყოფა და დამოუკიდებლობის გამოცხადება.

22 აპრილს 1918 წ. ამიერკავკასიის სეიმმა შემდეგი გადაწყვეტილება მიიღო: —

„აღიარებულ იქმნას ამიერკავკასიის დამოუკიდებელი ფედერატიული, დემოკრატიული რესპუბლიკა და ეს ეცნობოს სხვა სახელმწიფოებს“—ო.

შედგა ახალი მთავრობა, აკაკი ჩხენკელის თავმჯდომარეობით. ამ ახალ, ამ ჟამად დამოუკიდებელ მთავრობაში შემდეგი ქართველები შედიოდნენ — აკაკი ჩხენკელი — ამიერკავკასიის მთავრობის თავმჯდომარე და საგარეო მინისტრი; ნოე რამიშვილი — შინაგან საქმეთა მინისტრი; ნოე ხომერიკი — მიწათმოქმედების მინისტრი; გრიგოლ გიორგაძე — სამხედრო მინისტრი. დანარჩენი სამინისტრონი განაწილებულ იქმნენ სომხებსა და აზერბაიჯანელებს შორის.

მთავრობის თავმჯდომარე აკაკი ჩხენკელმა თურქეთის ჯართა მთავარსარდალს აცნობა, რომ ამიერკავკასიაში სახელმწიფო დამოუკიდებლობა გამოაცხადაო და თხოვა მას სამხედრო მოქმედებანი შეეჩერებინა. იმ დღესვე, 10 (23) აპრილს შეწყდა ომი. ხოლო 15 აპრილს აკაკი ჩხენკელმა მიიღო პასუხი, რომ თურქეთის მთავრობამ აღიარა და სცნო ამიერკავკასიის სახელმწიფოს დამოუკიდებლობა და ეს შეატყობინა აგრეთვე თავის მოკავშირეებსო (გერმანიას, ავტრო-უნგრეთს, ბულგარეთს).

თურქებისა და ამიერკავკასიის საზავო კონფერენცია ახლა ბათუმში ხდებოდა, რომელიც თურქებს უკვე დაკავებული ჰქონდათ. 11 მაისს 1918 წ. შედგა ბათუმის საზავო კონფერენციის პირველი სხდომა. რა გამოიკვავა?

თურქეთის დელეგაცია აღარ დაკმაყოფილდა ყარს — არდავან — ბათუმის წაღებით და მოითხოვა დამატებით: ახალქალაქ — ახალციხის — ალექსანდროპოლის — ეჩმიადინის — სუმარლის მაზრებიც. თურქთა დელეგაციის თავმჯდომარე, იუსტიციის მინისტრი ხალილ-ბეი ამ მოთხოვნას ასე ასაბუთებდა: — ამიერკავკასიის ომი ჰქონდა თურქეთთან და ამის შედეგად დაკავებულ იქმნა ახალი მიწა-წყალი; ამიტომ ბრესტ-ლიტოვსკის ხელშეკრულება

უკვე დამაკმაყოფილებელი არ არისო! და 14 მაისს იგი ულტიმატუმს არდგენდა, რომლის მიხედვით ამიერკავკასიის მთავრობას თურქეთისთვის უნდა მიეცა რკინისგზაც თურქ ჯართა სპარსეთისაკენ გადასაცვანად. აკაკი ჩხენკელმა პროტესტი განაცხადა. საპასუხოდ თურქებმა ალექსანდროპოლი დაიკავეს. 15 მაისს 1918 წ. ხალილ-ბეი კვლავ იმეორებს, რომ ბრესტ-ლიტოვსკის ხელშეკრულება აღარ შეიძლება იყოს ზავის საფუძველად და ისევ ითხოვს: ახალციხე-ალექსანდროპოლის-სუმარლისს. 16 მაისს იკავი ჩხენკელი უბასუხებს: — ჩვენ ვღებულობთ ბრესტ-ლიტოვსკის ზავს და ვერავითარ ახალ ადგილებს ვერ დავითმობთო; ამავე დროს ამიერკავკასიის საზავო დელეგაციის თავმჯდომარე და საგარეო საქმეთა მინისტრმა აკაკი ჩხენკელმა გადასცა თავისი პროტესტი თურქეთის მთავრობის მოთხოვნისათა გამო თურქეთის მოკავშირე სახელმწიფოებს და შათ შორის გერმანიას.

იმ დროს ბათუმში იმყოფებოდა გერმანიის დელეგაცია გენერალ ფონ ლოსსოვის ხელმძღვანელობით. იმავე 1918 წლის 16 მაისს გენერალ ფონ ლოსსოვი ატყობინებს აკაკი ჩხენკელს, რომ გადაეცეო ამიერკავკასიის დელეგაციის პროტესტი გერმანიის ყველა მოკავშირეს. 17 მაისს აკაკი ჩხენკელი პროტესტს აცხადებს იმის გამოც, რომ თურქებმა ალექსანდროპოლი დაიკავესო.

15 მაისს 1918 წ. ბოლშევიკურმა რუსეთმა გამოაცხადა: რომ იგი ამიერკავკასიის დამოუკიდებლობას არა სცნობს და საზავო მოლაპარაკებაში თურქეთთან მონაწილეობის მიღებას მოითხოვს.

18 მაისს თურქეთის წარმომადგენელი ხალილ-ბეი აცხადებს, რომ თურქეთს უფლება აქვს, მას შემდეგ რაც ტრაპიზონის მოლაპარაკება შესწყდა და ომი მოხდა, ახალი ტერიტორიები მოთხოვოს ამიერკავკასიასო.

ასეთ გართულებულ მდგომარეობაში ჩაერია გერმანიის დელეგაციის თავმჯდომარე, ფონ ლოსოვი და იკისრა შუამდგომლობა მოდავე მხარეთა შორის.

26 მაისს უკვე თურქთა ჯარები გაეშურნენ კარაკლისზე, თბილისის დასაკავებლად.

22 მაისს ხალილ-ბეი ისევ დაჟინებით ახალი საზღვრების დაწესებას მოითხოვს.

23 მაისს თურქთა ჯარებმა დაიკავეს ივღირი, შაბარანი. ამიერკავკასიის დელეგაციის თავმჯდომარე ატყობინებს თურქეთის დელეგაციის თავმჯდომარეს, ხალილ ბეის: — ამგვარი მოქმედება ეწინააღმდეგება თურქეთის დაპირებებს და კეთილგანწყობილებას არღვევსო.

24 მაისს თურქეთის დელეგაციამ უარჰყო ფონ ლოსსოვის წინადადება გერმანიის დელეგაციის შუაგაცობის შესახებ.

25 მაისს 1918 წ. აკაკი ჩხენკელი თბილისში საქართველოს ეროვნულ საბჭოს დებეშით აცნობებს: „საქართველოს დამოუკიდებლობის გამოცხადების კიდევ დავციანებას ექნება საბედისწერო შედეგები. გერმანელთა შუაგა-

ცობის ცდამ ამოდ ჩაიარა. ოსმალეთის შემოსევას უნდა დავუპირისპიროთ გერმანიის მიერ ზურგგამაგრებული დამოუკიდებელი საქართველო. გერმანიის წარმომადგენლად ქართულ მთავრობასთან დანიშნულ იქნება გრაფი ფონ შულენბურგი; საქართველოს დამოუკიდებლობა ცნობილი იქნება დაუყოვნებლივ; დროებითი ხელშეკრულებანი გერმანიასთან უკვე მზადდებიან. ველი დაუყოვნებლივ ცნობას დამოუკიდებლობის აქტის შესახებ“—ო.

26 მაისს 1918 წ. თურქეთი ულტიმატუმს არღვენს — 72 საათის განმავლობაში ამიერკავკასიამ დაუყოვნებლივ მიიღოს თურქეთის დელეგაციის მოთხოვნილება ახალციხე - ახალქალაქ - ალექსანდროპოლ - ერზიმიძინ - სუმა რლინის მახრების თურქეთზე გადაცემის შესახებ და გაატაროს თურქეთა ჯარი ამიერკავკასიის რკინიგზებზე.

ვინაიდან ამიერკავკასიის საზავო დელეგაციაში, სადაც სომხებიცა და აზერბაიჯანელებიც შედიოდნენ, ერთსულოვნება არ არსებობდა საზავო საკითხის გამო და კიდევ მეტიც — აზერბაიჯანელები თურქებს მხარს უჭერდნენ, ამიტომ საზავო მოლაპარაკების გაგრძელება აღარ იყო შესაძლებელი, არამედ ფაქტიურად დარღვეული იყო ამიერკავკასიის რესპუბლიკის მთლიანობა და ეს ახლად ნაშობი სახელმწიფო სულსა დაფავდა. ეს მდგომარეობა ყველას კარგად ესმოდა.

26 მაისს მოწვეულ იქმნა ამიერკავკასიის სეიმის სხდომა, რომელზეც სოციალდემოკრატიული ფრაქციის წარმომადგენელმა, ირაკლი (კაკი) წერეთელმა განაცხადა: —

„ჩვენ მუდამ ვიბრძოდით ერთა სოლიდარობა-თანხმობისათვის; ერთობა იყო იდეალი, მაგრამ შეიქმნა ისეთი წდგომარეობა, რომ ჩვენი სურვილის წინააღმდეგ უნდა განვაცხადოთ, რომ როცა დიდი ხნით სწყდება სხვა და სხვა ერთა ბედი, როცა მტერი უკვე შემოიჭრა ჩვენს მხარეში და წინ მოიწევს, ერთობა, სოლიდარობა აღარ არის. (ქართველი ხალხი) დარჩა მარტო; მას მოსწყვიტეს სომხის ხალხი (თითქმის მთელი სომხეთი თურქეთმა დაიკავა); მისგან ამ წუთში წავიდა მუსულმანური მოსახლეობა; და ის გარემოება, რომ არსებობს ფაქტიურად ამიერკავკასიის რესპუბლიკა, რომ არსებობს ფაქტიურად ამიერკავკასიის დელეგაცია, ამ (ქართველ ერს) ართმევს შესაძლებლობას თუნდაც იმ ძალებით, რომელიც მას გააჩნია, შექმნას სახელმწიფოებრივი ორგანიზაცია, რომელსაც შეეძლება თავისი ინტერესების დაცვა. იცოდე (ქართველო ხალხო!), თუ ესურს დაიცვა შენი ინტერესები, გადაიჩინო თავი, შენ უნდა შექმნა შენი სახელმწიფო ორგანიზმი და შენი ოფიციალური წარმომადგენლობა“...

25 მაისს 1918 წ. ამიერკავკასიის სეიმმა, ორი ხმის გამოკლებით, ერთხმად მიიღო შემდეგი გადაწყვეტილება:

— „ვინაიდან ომისა და ზავის საკითხში აღმოჩნდნენ ძირითადი განსხვავებანი იმ ხალხთა შორის, რომელთაც შეჰქმნეს ამიერკავკასიის დამოუკიდებელი რესპუბლიკა, და ამიტომ შეუძლებელი გახდა ერთი ავტორიტეტული ხე-

ლისუფლების გამოსვლა, რომელსაც შეეძლოს ამიერკავკასიის სახელით ლაპარაკი, — სეიმი ადასტურებს ამიერკავკასიის დაშლას და თავის უფლებამოსილობას თავიდან იხსნის“...

ამნაირად, ტრაგიკულად გარდაიცვალა ამიერკავკასიის რესპუბლიკა და იშვა საქართველოს რესპუბლიკა.

26 მაისს 1918 წ. მოწვეულ იქმნა აქამდე მივიწყებული საქართველოს ეროვნული საბჭო, ნოე ჟორდანიას თავმჯდომარეობით, რომელმაც თავის სიტყვაში სხვათა შორის ბრძანა:

— „დღეს თქვენ აქ მოწმე იყავით ერთი ისტორიულის და იწვევ დროს ტრადიციული აქტისა. ამ დარბაზში მოკვდა ერთი სახელმწიფო და აი, ესლა, ამავე დარბაზში, ეყრება საფუძველი მეორე სახელმწიფოს. ამ ორ სახელმწიფოთა შორის, რომელთაგან ერთი მოკვდა და მეორე იბადება, შეუძლებელია ყოფილიყო ინტერესთა წინააღმდეგობა. და თუ ოდესმე პირველი აღსდგება მკვდრეთით, დარწმუნებული უნდა ვიყოთ, მათ შორის მუდამ იქნება ინტერესთა თანხმობა“—ო.

26 მაისს 1918 წლისა 5 საათზე და 10 წუთზე ნოე ჟორდანიას კითხულობს საქართველოს დემოკრატიული რესპუბლიკის დამოუკიდებლობის გამოცხადების აქტს, რომელიც ეროვნული საბჭოს მიერ ერთხმად იქმნა მიღებული.

ეროვნული საბჭოს იმავე სხდომაზე არჩეულ იქმნა საქართველოს ეროვნული მთავრობა შემდეგი შემადგენლობით: — მთავრობის თავმჯდომარე და შინაგან საქმეთა მინისტრი — ნოე რამიშვილი; საგარეო საქმეთა — აკაკი ჩხენკელი; სამხედრო — გრიგოლ გიორგაძე; ფინანსთა და ვაჭრობა-მრეწველობისა — გიორგი ჟურული; განათლების — გიორგი ლასხიშვილი; მიწათმოქმედების — ნოე ხომერიკი; იუსტიციის: შალვა მესხიშვილი; გზათა მინისტრი — ივანე ლორთქიფანიძე.

საქართველოს მთავრობის თავმჯდომარე ნოე რამიშვილმა აუწყა უცხოეთს საქართველოს დამოუკიდებლობის გამოცხადებისა და რესპუბლიკის დაარსების შესახებ.

რევოლუციისა და ომის ქარცეცხლში საშინელი ტკივილებით იშვა დამოუკიდებელი საქართველოს დემოკრატიული რესპუბლიკა.

1917 წ. ნოემბერში წარმოშობილი ეროვნული საბჭო გადაკეთდა „საქართველოს პარლამენტად“.

საქართველოს დამფუძნებელი კრებისათვის არჩევნები მოხდა თებერვალში 1919 წ. და იმავე წელს, 12 მარტს მოეწყო მისი პირველი სხდომა.

21 მარტს 1919 წლ. დამფუძნებელმა კრებამ მთავრობის თავმჯდომარედ ამოიჩინა ნოე ჟორდანიას, რომელიც ამავე დროს იყო „უმაღლესი წარმომადგენელი საქართველოს რესპუბლიკისა“ (პრეზიდენტი). ამ დამფუძნებელმა კრებამ შეადგინა და დაადასტურა 21 მარტს 1921 წლისა, საქართველოს რესპუბლიკის კონსტიტუცია.

რამოდენიმე თვის განმავლობაში ისტორიული მოვლენანი ელვისებური სისწრაფით ვითარდებოდნენ და სრულიად მოულოდნელ მდგომარეობასა ჰქმნიდნენ. საკითხები, რომელთა შესახებ მოაზროვნე და თუგინდ მეოცნებე ადამიანს უწინ სიზმრადაც არ მოეჩვენებოდა, ცხოვრების სინამდვილეში მთელი აავისი სიმწვავეითა და სისასტიკით იჭრებოდნენ და გადაწყვეტას მოითხოვდნენ.

რუსეთში მომხდარმა ბოლშევიკურმა გადატრიალებამ და აღმოხეთქილმა სამოქალაქო ომმა ამიერკავკასია მას ფაქტიურად მოსწყვიტა. დაინგრა არამც თუ მარტო უზარმაზარი სახელმწიფო, რუსეთის იმპერია, და მისი პოლიტიკური ორგანიზაცია, დაირღვა და დაწყდა ის ეკონომიური და ფინანსური რგოლები, რომელიც ამ ვეებერთელა ქვეყანას აერთიანებდა. შედეგი იყო არა მარტო პოლიტიკური, არამედ ეკონომიური, ფინანსური, და კერძოდ სასურსათო კრიზისიც. მძლავრებითა და ძალადობით შექმნილი რუსეთის დიდი იმპერია გასკდა და ეროვნულ ნაწილებად გაიშალა. ერთი ამ ნარღვევთაგანი იყო ამიერკავკასიაც. იგი რუსეთს მალე ფაქტიურად ჩამოშორდა. ეს სინამდვილე დადასტურდა 15 ნოემბერს 1917 წელს, ამიერკავკასიის კომისარიატის შექმნით.

ქართველმა ერმა კვლავ აღიღგინა თავისი სახელმწიფო; საქართველო კვლავ გამოვიდა ისტორიის ფართო შარახე თავისი საკუთარი სახით; თავისი პირადი სახელითა და გვარით; თავისი პასპორტით. მრავალი საუკუნის შემდეგ ეს იყო ჭეშმარიტი აღდგომა საქართველოსი.

სიონის ტაძარის წარებმაც დარეკეს იმ დღეს, როგორც ეს ძველად იცოდნენ. ოდეს მტრისაგან განთავისუფლებულ ქვეყანას თავისუფლებას მიულოცავდნენ ხოლმე.

დამოუკიდებელი საქართველოს პირველი საზრუნავი იყო წავისა და მშვიდობის დამყარება; ამ მიზნით თურქეთთან საერთო ენა უნდა გამონახულიყო და ამისათვის გერმანიის დახმარება აუცილებელი ხდებოდა; ამიტომ საქართველოს რესპუბლიკის მთავრობის პირველი თავმჯდომარე ნოე რამიშვილი და საგარეო საქმეთა მინისტრი აკაკი ჩხენკელი დაუყონებლივ ფოთს გაემგზავრნენ, სადაც იმ დროს გერმანიის დელეგაცია იმყოფებოდა; აქ მათ ხელი მოაწერეს გერმანიასთან შეთანხმებაზე. რომლის ძალით გერმანია საქართველოს რესპუბლიკის საზღვრების დაცვას კისრულობდა; გერმანიას მიეცემოდა საქართველოში ეკონომიური კონცესიები და მონაწილეობას მიიღებდა ქართული ჯარის შექმნაში. გერმანიამ აღუთქვა საქართველოს აგრეთვე სახელმწიფო აღმშენებლობაში დახმარება. ამავე დროს გერმანიამ თავის მოკავშირე თურქეთზე დიპლომატიური დაწოლა მოახდინა, რის შედეგადაც თურქეთმა თავისი ჯარის წინსვლა შეაჩერა. ამასთანავე საქართველოში მყოფ გერმანელ ტყვეებს ჩააცვს გერმანული ახალი ფორმა და საქართველოს საზღვრებზე დააყენეს. ზოგ მოულოდნელ შეტაკებაში არა

ერთი გერმანელი ჯარისკაცი დაიღუპა; თურქეთი შეჩერდა. და 3 ივნისს 1918 წელს გერმანიის რჩევით, საქართველოს მთავრობამ ხელი მოაწერა მეტად არახელსაყრელ ბათუმის საზავო ხელშეკრულებას, რომელიც თურქეთთან ომს ათავებდა

თურქეთ-საქართველოს საზღვარი გადიოდა ძველ. 1828 წლის ხაზზე, აბასთუმანისა და აწყურის გამოკლებით. რომელიც საქართველოს ფარგლებში დარჩა. მაგრამ ეს მძიმე ხელშეკრულება, გერმანიის წარმომადგენელთა აღუთქმით, უნდა გადასინჯულიყო და ახალი საზღვრები დაწესებულიყო.

თურქეთთან ომისა და დავის დროს ბოლშევიკები საქართველოში არცულობისა და შფოთვის გამოწვევით ხელისუფლების დაპყრობას ელოდნენ, მაგრამ ყოველი მათი ცდა ფუჭედ ჩატარდა; რუსი თეთრგვარდიელებიც ებრძოდნენ საქართველოს, მაგრამ ისინიც მარცხდებოდნენ ხოლმე.

თვით სახელმწიფოს აშენებისა და განმტკიცების საქმეში ხელისუფლების სიმყარეს უეჭველად პირველი ადგილი უნდა მინიჭებოდა, და არც შეიძლებოდა, ის გაორება დარჩენილიყო, რომელიც ამიერკავკასიის მთავრობისათვის დამასასიათებელი იყო. საქართველოს რესპუბლიკის ცხოვრების დასაწყისში ერთი მხრივ არსებობდა: საქართველოს მთავრობა და მეორე მხრივ კი მუშათა, გლეხთა და სხვა ამგვარი საბჭოები, რომლებიც ნამდვილ ძალას წარმოადგენდნენ. ორი ხელისუფლების თანაარსებობა სახელმწიფოში შეუძლებელია, ან ერთი ან მეორე უნდა ბატონობდეს, წინააღმდეგ შემთხვევაში, სახელმწიფო მუდამ ტორტმანშია და ხელისუფლების კრიზისი კი მუდმივია. ხელისუფლების საკითხი გადაიჭრა 8 ივნისს 1918 წ. რევოლუციურ ორგანიზაციათა სხდომაზე, ოდეს გამოტანილი იქნა შემდეგი გადაწყვეტილება: —

„განვიხილეთ რა ოსმალეთთან საზავო ხელშეკრულებით შექმნილი მდგომარეობა, კრება რევოლუციურ ორგანიზაციათა აღიარებს, რომ უპირველესი საჭიროება მომენტისა არის შექმნა ძლიერი მთავრობისა, რომელსაც შეეძლება შეაერთოს მთელი დემოკრატია და წინააღუდგეს ყოველგვარ თავდასხმას, საიდანაც უნდა გამოდიოდეს იგი, გარედან თუ შიგნიდან, რომელსაც მიზნად ექნება ჩვენი ქვეყნის დამოუკიდებლობის დანგრევა და რევოლუციის მონაპოვართა წართმევა. არც რევოლუციურ ორგანიზაციებს, რომელთაც აქვთ რეალური ძალა და ასრულებენ მართველობის ზოგიერთ ფუნქციებს; არც მთავრობას, რომელსაც მინიჭებული აქვს სახელმწიფოს ყველა ფუნქცია, მაგრამ საჭირო ძალა არ მოეპოვება, — არ შეუძლიათ ცალ-ცალკე, დემოკრატიული სახელმწიფოს შექმნა. ამ ორი ელემენტის შეერთება, ე. ი. რევოლუციური ორგანიზაციების შენახვა, როგორც მუშათა კლასის ხელმძღვანელი ორგანიზაციების, ხოლო ყველა შეიარაღებული ძალის დემოკრატიული მთავრო-

ბის ხელში გადაცემა, — წარმოადგენს ერთად ერთ სა-
შუალებას ძლიერი მთავრობის შესაქმნელად“.

და ვინაიდან ნოე ყორღანია იყო ამ რევოლუციურ
ორგანიზაციითა ხელმძღვანელი და პატრონი, ამიტომაც
მთავრობის მეთაურობა სწორედ მას დაეკისრა. 24 ივნისს
1918 წ. ნოე რამიშვილის მთავრობა გადავა და ნოე ყორ-
ღანიას მთავრობა შედგა.

ცენტრალ სახელმწიფოთა და მათ მოკავშირეთა
დამარცხების გამო — გერმანიისა და თურქეთის გა-
სვლის შედეგად ბათუმში ინგლისური ჯარები მოვიდნ-
ენ, რომელთა უფროსი შეეცადა პირველადვე საქართვე-
ლოს მთავრობისათვის ანკარაში არ გაეწია, მაგრამ შემ-
დეგ იძულებული იყო მასთან საქმიანი მოლაპარაკებანი
გაემართა. ინგლისელების მისვლამ კავკასიაში სომხებს
ფრთხი შეასხა, ვინაიდან სომხური საკითხი უცხოეთში
კარგად ცნობილი იყო. სომხებს იმედი მიეცათ, თითქოს
მათ მაშველი ძალა გაუჩნდათ და ამ იმედით სომხებმა სა-
ქართველოს თავდასხმა მოუწყვეს. სომხეთა პოლიტიკა
იყო „დიდი არმენიის“ შექმნა, რომელშიც, სხვათა შო-
რის, უნდა შესულიყო საქართველოს ტერიტორია: ახალ-
ციხისა და ახალქალაქის მაზრა და ბორჩალო. მოსურვეს
ბათუმის მიღებაც! ესე იგი, სომხებს სურდათ საქართვე-
ლოსაგან მიეღოთ მთელი მესხეთი და სომხეთი. ბორჩა-
ლოს მაზრას ძველად „სომხეთი“ ერქვა, ვინაიდან იქ,
ქართულ მოსახლეობაში გავრცელებული იყო სომხური,
ანუ გრეგორიანული სარწმუნოება. ბორჩალოში შედიო-
და სამი მაზრა: — თრიალეთი (წალკა), ლორე (ტაშირი)
და ხუნანი (მაზრის ჩრდილო ნაწილი). მეჩვიდმეტე საუ-
კუნეში, ხუნანში სპარსელებმა დაასახლეს თათართა
მომთაბარე, ანუ მოწოწიალე ხალხი „ბორჩალო“ და აქე-
დან მიეღ მხარეს დაერქვა: „ბორჩალო“. ბორჩალო ყო-
ველთვის ქართულ სამეფოს ეკუთვნოდა და მის მოწინავე
სადროშოს შეადგენდა. აი, ამ ბორჩალოს დაკავებაც მო-
სურვეს სომხებმა!

ჯერ კიდევ ოქტომბერში (1918 წ.) სომხური ჯარის
ნაწილები შეიჭრნენ ბორჩალოში და დაიპყრეს ნათერი
და კორინჯი. მერმე მოაწყვეს აჯანყება იქაურ სომხურ
სოფლებში, სანაინ — კობერის გასწრივ. 9 დეკემბერს
(1918 წ.) თავს დაესხნენ ქართულ ჯარებს და სადარაჯო
რაზმებს; ნაწილი ტყვედ ივდეს; ნაწილი ამოხოცეს და
მერმე უკვე აშკარად სომხეთის რესპუბლიკის მთავრო-
ბამ საქართველოს მთავრობას წარუდგინა ულტიმატუმი
ახალქალაქისა და ბორჩალოს დაცლის შესახებ. 18 დე-
კემბერს საქართველოს მთავრობამ მობილიზაციით უბა-
ხა. საქართველოს მთავრობამ ჯერ მშვიდობიან მოლაპა-
რაკებას მიმართა და გავზავნილ იქმნენ სომხეთის მთავ-
რობასთან მოსალაპარაკებლად საქართველოს სომხების
სხვა და სხვა პარტიის წარმომადგენლები, მაგრამ ეს ცდა
ამაო აღმოჩნდა. 17 დეკემბერს 1918 წ. საქართველოს

პარლამენტმა ერთხმად მიიღო შემდეგი გადაწყვეტილება
— „მოსმინა რა მთავრობის მოხსენება შესახებ სამხედ-
რო მოქმედებისა საქართველოსა და სომხეთის რესპუბ-
ლიკების შორის, პარლამენტი აღიარებს: 1. რომ საქარ-
თველოს მთავრობას არავითარი საბაზი მტრული განწყ-
ობილებისა არ მიუცია სომხეთის მთავრობისთვის; რომ
მან მიიღო ყოველივე ზომა ორ მოძმე სახელმწიფოს შო-
რის საქმის მშვიდობიანად გადასაწყვეტად. 2. რომ სომ-
ხეთის მთავრობის ჯარი ვერაფერად შემოიჭრა საქარ-
თველოს საზღვრებში და მოულოდნელად თავს დაესხა სა-
ქართველოს სადარაჯოებს; ამიტომ პარლამენტი იწო-
ნებს მთავრობის ყველა მოქმედებას და მისგან მიღებულ
სამხედრო ზომებს“...

ამ ხნის განმავლობაში სომხებმა დაიკავეს უკვე ჯავა-
ხეთი (ახალქალაქის მხარე) და ბორჩალოში მდინარე
ხრამს მოადგნენ. ასეთმა მზაკვრულმა თავდასხმამ მთელ
საქართველოში აღშფოთება გამოიწვია... მ' ავალი მოხა-
ლისე გავიდა საბრძოლველად... 19 დეკემბერს „სახალხო
გვარდიამ“ ეკატერინოფელდთან სომხეთის ჯარი დაა-
მარცხა და სომხები ჯავახეთიდან გარეკა. დაიწყო ქარ-
თული ჯარის საერთო შეტევა და 29 დეკემბერს ქართვე-
ლებმა შულავერი აიღეს, მერმე სადახლო და ბოლნისი.

ინგლისის ჯარების წარმომადგენლები, რომლებიც
თბილისში იმყოფებოდნენ სომხეთ-საქართველოს დავაში
ერევინ. ინგლისელებმა ჯერ მოითხოვეს ქართველებს
დაეცალათ ბორჩალო და ახალციხის მაზრა, რომელიც
ღრობით მათ გამგებლობაში გადავიდოდა, სანამ საზა-
ვო კონფერენცია ამის შესახებ დადგენილებას მიიღებდა.
ქართულმა მთავრობამ ამაზე უარი განაცხადა, ვინაიდან
ეს მხარე მისთვის სადავო არ იყო და დათანხმდა მხო-
ლოდ იმ წინადადებაზე, რომელიც გამომუშავებულ იქ-
მნა იმ კომისიის მიერ, რომელში წევრებად შედიოდნენ
ინგლისელების, ფრანგების, ქართველების და სომხების
წარმომადგენელი. შეთანხმების პირობა ასეთი იყო: —
ქართველი ჯარი რჩებოდა იმ ხაზზე, სადაც იგი იდგა სა-
მხედრო მოქმედების დაწყების წინ; სომხეთის ჯარი უკან
წავიდოდა და ორივე მხარეს შორის დაწესდებოდა ნეიტ-
რალური ზონა, რომელსაც შერეული მართველობა ეყო-
ლებოდა; ახალქალაქის მაზრაში ქართული მართველობა
იქნებოდა.

გათავდა სომხეთთან შეტაკება გამარჯვებით და მა-
შინვე 1919 წლის იანვარში თურქეთის აგენტების მიერ
შექმნილი რაზმები ფოცხოვის რაიონში შეიჭრნენ, ხო-
ლო თებერვალში მოაწყვეს აჯანყება ახალციხის მაზრა-
ში და მათმა კარგად შეიარაღებულმა რაზმებმა ქართულ
ნაწილებს უკან დაახვენიეს. ახალციხისა და ახალქალა-
ქის მაზრაში, ათაბეგთა ჩამომავალმა, სერვერ ბეგმა აჯან-
ყება მოაწყო და თავისი თავმჯდომარეობით ყარსში
მთავრობა შექმნა. მაგრამ ქართულმა ჯარებმა გენერალ
გიორგი კვინიტაძის სარდლობით მთელი მხარე გასწმინ-

დეს თურქულ-ადგილობრივი ბანდებისაგან და სერვერ - ზეგი, რომელსაც ერთი მხრივ ინგლისელები და მეორე მხრივ თურქები მხარს უჭერდნენ, მალულად თურქეთში გარდაიხვეწა.

ბათუმის ოლქის მმართველობა ისევ ინგლისელებს ეკუთვნოდათ (მუდროსის დროებითი ზავის ძალით), თუმცა მოსახლეობა საქართველოსთან შეერთებას მოითხოვდა. აჭარის მცხოვრებთა წარმომადგენლების ყრილობამ 1919 წ. აგვისტოში, დედა-საქართველოსთან შეერთების მოთხოვნა წარმოადგინა და ოცი კაცისაგან შემდგარი წარმომადგენლობა თბილისს გაავზავნა საქართველს მთავრობისათვის ამ გადაწყვეტილების გადასაცემად. საქართველოს დამფუძნებელმა კრებამ ერთხმად მიიღო დადგენილება ბათუმის ოლქის შემოერთების და აჭარის ავტონომიის შესახებ და 25 დეკემბერს 1919 წ. მთავრობის თავმჯდომარე ნოე ჟორდანიას სამუსულმანო საქართველოს მოწოდებით მიმართავს: —

„რამდენიმე საუკუნის წინ თქვენ, დროთა ვითარების გამო, მოსწყდით ძველ საქართველოს და მას ჭირში და ლხინში გამოეთიშეთ, მაგრამ თქვენი სულიერი კავშირი სამშობლო კერასთან არ შეწყვეტილა; თვით დაუძინებელი მტრებიც კი თქვენ გურჯებათ, ანუ ქართველებათ, გისხნიებენ. მიუხედავად სასტიკი დევნისა, თქვენ დღემდის შეინარჩუნეთ მამა-პაპათა ენა და ადათები. თანა - ხმად მთელი საქართველოს მოქალაქეთა სურვილისა, ყოველივე გაუგებრობის თავიდან ასაცილებლათ, საქართველოს დემოკრატიული რესპუბლიკის მთავრობა საყოველთაოდ და გადაჭრით აცხადებს, რომ სამუსულმანო საქართველოს ის ანიჭებს ავტონომიას; მალე ბათუმში მომხდარი არჩევნებით ქართველებმა ბრწყინვალეთ გაიმარჯვეს და ექვს მაისს 1920 წ. ანტანტის საბჭოს გადაწყვეტილებით, ბათუმი საქართველოსათვის უნდა გადაეცათ. 6 ივლისს ქართული ჯარი ბათუმში შევიდა და 7 ივლისს ინგლისელებმა თავისი დროშა ჩამოხსნეს და საქართველოს დროშა აფრიალდა ქალაქ ბათუმზე. ქალაქი ბათუმი და მისი ოლქი ოფიციალურად საქართველოს შეუერთდა. და ამგვარათ საქართველომ დაიბრუნა აჭარა“...

ბრესტ-ლიტოვსკში, ამიერკავკასიის ერების დაუკითხავად დადებული ხელშეკრულებით ბოლშევიკურმა რუსეთმა თურქეთს დაუთმო ყარს-არდავან-ბათუმის მხარენი — ამით მან დიდი უბედურება დაატეხა თავზე საქართველოსა და სომხეთს! მოსკოვის ბოლშევიკების ღალატისა, მზაკვრობისა, მუხანათობისა და გაიძვერობის შედეგად საქართველოს და სომხეთს დიდი ჭირი ეწვია. ბოლშევიკურმა ბრესტ-ლიტოვსკის ზავმა საქართველოს მიწა-წყალი — სამცხე-საათაბაგო — აჭარა — სადავოდ გახადა, რამაც თურქეთთან ომი გამოიწვია და მთელი ეს მხარე საომარ ასპარეზად გარდაიქცა ორი წლის განმავ-

ლობაში. ამავე ზავის ნაყოფი იყო შემდეგში ინგლისურ-ოკუპაცია, რადგან ინგლისელებმა მუდროსის ხელშეკრულებით თურქეთს ჯარები ოკუპირებულ მხარეებში შესცვალა. რამდენი მსხვერპლი შეეწირა ამ მხარის საქართველოსთან შენარჩუნების ბრძოლას, მსხვერპლი სისხლიერი და ნივთიერი. ბოლშევიკური რუსეთის წყალობით შექმნილი; ამ დუხჭირი მდგომარეობიდან საქართველო ბრძოლით გამოვიდა და მთლიანი სხეული გამოიტანა, დაგლეჯისა და დაფლეთისაგან თავი გადაიჩინა... გაერთიანებული საქართველო კვლავ აღსდგა...

1919 წ. 28 ივლისს თურქებმა აფხაზეთში ჯარი გადასხეს. ქართულმა ჯარმა ფიცხლავ სოხუმის პოზიციები დაიკავა. გერმანელებმა თავის მხრივ მოსთხოვეს თავის-მოკავშირე თურქეთს, მყის აფხაზეთი დაეცალათ და ჯარები გაეყვანათ, რაც პატარა შეტაკებათა შემდეგ, შესრულებული იქმნა.

აფხაზეთში პირველად შექმნილმა ეროვნულმა საბჭომ თავიდანვე განიზრახა შეექმნა კავკასიის მთის მოსახლეობასთან კავშირი. გზიძელი, რთული მოლაპარაკების შედეგად შეთანხმდნენ კიდევ კავკასიის მთის ხალხების კავშირის დასამყარებლად; მაგრამ მთაში ისე აწეწილი იყო მდგომარეობა, რომ აქედან არაფერი გამოვიდა. შემდეგ, როცა ამიერკავკასიამ დამოუკიდებლობა გამოაცხადა, აფხაზეთის ეროვნულმა საბჭომ გადასწყვიტა ამიერკავკასიის ფარგლებში შესულიყო. ამ დროს აფხაზეთს შეესივნენ ბოლშევიკური რაზმები, რომელთა გადასარეკად იქ ქართული რაზმები ჩავიდნენ. ამას მოჰყვა შემდეგ თურქეთა ბერწი მოქმედება აფხაზეთში და მათი ჯარის გადასხმა, რომელმაც აგრეთვე ამაოდ ჩაუარათ. და ბოლოს აფხაზეთის ეროვნულმა საბჭომ დაადგინა საქართველოს მთავრობასთან მოლაპარაკება გაემართა. ამ მიზნით თბილისს გაავზავნეს აფხაზეთა წარმომადგენლობა, რომელმაც მთავრობასთან სრულ შეთანხმებას მიაღწია. ამ მოლაპარაკების თანახმად, აფხაზეთში უნდა მომხდარიყო აფხაზეთის საბჭოს ახალი არჩევნები და ეს ახალი საბჭო გადასწყვეტდა აფხაზეთის მომავალსაც. 1919 წ. 20 მარტს აფხაზეთის ახლად არჩეულმა საბჭომ შემდეგი დადგენილება გამოიტანა: —

1. აფხაზეთი შედის საქართველოს სახელმწიფოს ფარგლებში როგორც ავტონომიური ერთეული;
2. ავტონომიური აფხაზეთის კონსტიტუციის გამოსამუშავებლად და საქართველო-აფხაზეთის ურთიერთობის დასადგენად ამორჩეულ იქმნას შერეული კომისია, რომელშიც თანასწორი რიცხვით შევლენ საქართველოს დამფუძნებელი კრებისა და აფხაზეთის სახალხო საბჭოს წარმომადგენლები.

რასაკვირველია, აფხაზეთის ავტონომიაც მალე გამოცხადდა.

საქართველომ დამოუკიდებლობის დღიდან ქართველი

ეოის სახელმწიფოებრივი ძთლიანობისათვის განუწყვეტელი ბრძოლა აწარმოვა და გამარჯვებული გამოვიდა, — სანამ მას ისევ მზაკერულად ისევ რუსეთი, ამ ქამად წითელი, — მუხანათურად თავს არ დაესხა.

საქართველოს მთავრობამ საგარეო ფრონტზედაც გამარჯვებას მიაღწია. საქართველოს რესპუბლიკა ევროპიული სახელმწიფოებისაგან დე იურედ ცნობილ იქმნა, და თვით წითელმა რუსეთმაც აღიარა — რასაკვირველია მზაკერულად — მისი იურიდიული დამოუკიდებლობა და მასთან 1920 წ. ხელშეკრულება შექრა. მაგრამ როგორც თეთრმა, იმპერატორულმა რუსეთმა არ შეასრულა თავისი იმპერატორული სიტყვა, ისე წითელმა რუსეთმა არ შეასრულა თავისი მარქსისტულ - ლენინური სიტყვა; იგი საქართველოს შეესია მას შემდეგ, რაც ჯერ თურქეთთან მეგობრული კავშირი შეკრა და მას ქართულ-სომხური ტერიტორიები დაუთმო და მიაჩუქა (ბათუმი, ართვინი, არდავანი, ყარსი). გააჩუქა სხვისი მიწა-წყალი! მოცდასუთი ათასი კვადრატული კილომეტრი!

მხოლოდ ამის შემდეგ დაიწყო წითელმა რუსეთმა საქართველოზე თავდასხმა.

იმ დღეს, როდესაც წითელი ჯარები საქართველოს

რესპუბლიკას შეესივნენ (11 თებერვალი 1921 წ.) მოსკოვის რადიომ მთელ მსოფლიოს ამცნო, რომ ქართველი მუშები და გლეხები საქართველოს მთავრობას აუჯანყდნენ და თბილისზე გაილაშქრესო...

ეს უსახიზღრესი ტყუილი წითელმა რადიომ მთელ მსოფლიოს მოსდო. რასაკვირველია, მან დამალა თავისი მუხანათური თავდასხმა და შემოსევა... და დღესაც ყოველ შემთხვევაში ამას იმეორებენ, თუმცა ყველამ კარგად იცის, რომ ეს მხოლოდ ტყუილია, სიცრუე..

ბრძოლები თბილისთან. ბრძოლები დარიალის ხეობაში. ბრძოლები მამისონის უღელტეხილზე. ბრძოლები აფხაზეთში. დაწოლა და მოწოლა თურქთა..

წითელმა რუსეთმა დაიკავა საქართველო და იქ ბოლშევიკური რეჟიმი დაამყარა. ძალითა და ძალადობით.

ქართველი ხალხი მას აჯანყებით შეხვდა, მაგრამ ყველა აჯანყება სისხლში იქმნა ჩახრჩობილი...

ასეთია სრულიად მოკლედ ქართველი ერის სამი წლის მართლაც და ქვეყნობად გმირული, შეუდამიანური, თავგანწირული და დიდი პიროვნობის გამომჭედი თავდასავალი...

ბ ვარდანი

გიორგი ქართველი

სისხლი

შუალამეა. ჩრდილოეთის ქარი ონავრობს.
ლამის წყვილიადმი იკლავნება ელვის გრეხილი.
წვიმის წვეთები წკან-წკარებენ, ფარდა ქანაობს,
თითქოს აფრთხობდეს შორეული მუხის ქუხილი.

არ მეძინება. ხელად ვფურცლავ გაცრეცილ ფურცლებს
და ცაცხლებიან აჩრდილები წარსულ დიდების.
გათავდა აწმყო; აღარ ზარავს ქუხილი ყურებს;
აწ სიტყვები ჰქუხს ათასწლოვან „ქართლის ცხოვრების“

ვხედავ მუხარადს გადაფხრეწილს, ჩაჩქანს დამსხვრეტლს,
სისხლში შეღებილ მეომართა სახეს ამღვრეულს;
ბრძოლის ყიყინა, იერიშზე მისვლის ყივილი
აღიონს ზარავს გამწარებულ დედის კივილი.

ბრძოლის ყიყინა აფოლადებს დროებით ძლეულს,
ახალი წყება აიტაცებს დროშას დაცემულს
და როგორც გუშინ, როს მამალი უხმობს აღიონს,
კვლავ წითელ ფერად შეღებავენ არავს, მტკვარს,
რიონს.

სულ სისხლი, სისხლი, სისხლში ცურავს მთლად ისტორია.

რს სავალალო ამბავია! მაგრამ სწორია:
ერთიც არ ვიცი, წინაპარი თუ სად მარხია,
როს ყოველ ბილიკს მათი სისხლის ლაქა აცხია.

სისხლი, კვლავ სისხლი! სამწუხაროდ, მაგრამ სწორია:
სისხლიანი ხმლით უწერიათ ეს ისტორია!
და როს ყოველი ჟამთ სიაცეს გადაყოლია,
სისხლის ზოლები წარუხიცილად ზედ გასწოლია.

მიყვარს სიცოცხლე. სიკვდილისგან არას მოველი.
სამარის კართან, მწამს, თავდება არსი ყოველი,
მაგრამ მზად ვარ, როს სამშობლო ამას მოითხოვს:
კავკასიონი ჩემს საკუთარ სისხლით მოირწყოს.

თუ შენ მამულო, ჩემი სისხლი გამოგადგება,
მოვალეობა მიკარნახებს, არა დიდება,
როს შენი წყლულნი შვილთა სისხლზე უნდა აიცრა,
დანის ერთ მოსმით, მზად ვარ, ყველა ძარღვი დავიჭრა.

გიორგი ქართველი

1947 წ.

საქართველოს დამფუძნებელი

კრების დადგენილება

(12 მარტი 1919 წელი)

„საქართველოს დამფუძნებელი კრება, — არჩეული პირდაპირი, თანასწორი, საყოველთაო, ფარული და პროპორციონალური საარჩევნო სისტემით ორივე სქემის მოქალაქეთა მიერ, — თავის პირველსავე სხდომაზე, 1919 წ. მარტის 12-ს, ჰმეყენისა და ისტორიის წინაშე აღიარებს, რომ ის სასწავლით იღებს და აღასტუმრებს საქართველოს ეროვნულ საბჭოს მიერ 1918 წ. მაისის 26-ს, ნაშუადღევის 5 საათ. და 10 წ. თბილისში გამოცხადებულს საქართველოს დამოუკიდებლობის შემდეგ აქტს“:

საქართველოს დამოუკიდებლობის

გამოცხადების აქტი

ოცდაექვსი მაისი 1918 წ.

„მრავალ საუკუნეთა განმავლობაში საქართველო არსებობდა, როგორც დამოუკიდებელი და თავისუფალი სახელმწიფო.

ნეტვრამეტე საუკუნის დასასრულს ყოველ მხრით მტრისაგან შევიწროებული საქართველო თავისი ნებით შეუერთდა რუსეთს იმ პირობით, რომ რუსეთი ვალდებული იყო საქართველო გარეშე მტრისაგან დაეცვა.

რუსეთის დიდი რევოლუციის მსვლელობამ რუსეთში ისეთი შინაგანი წყობილება შექმნა, რომ მთელი საომარი ფრონტი სრულიად დაიშალა და რუსის ჯარმაც დასტოვა ამიერკავკასია.

დარჩენენ რა თავისი ძალღონის ამარად, საქართველომ და მასთან ერთად ამიერ-კავკასიამ თავი იღვა თავის სა-

კუთარი საქმეების გაძღოლა და პატრონობა და შესაფერი ორგანოებიც შექმნეს; მაგრამ გარეშე ძალთა შედგავლენით ამიერ-კავკასიის ერთა შემაერთებელი კავშირი დაირღვა და მით ამიერ-კავკასიის პოლიტიკური მთლიანობაც დაიშალა.

ქართველი ერის დღევანდელი მდგომარეობა აუცილებლად მოითხოვს, რომ საქართველომ საკუთარი სახელმწიფოებრივი ორგანიზაცია შექმნას, მისი საშუალებით გარეშე ძალის მიერ დაპყრობისაგან თავი გადაირჩინოს და დამოუკიდებელ განვითარების მტკიცე საფუძველი ააგოს.

ამისდა თანახმად საქართველოს ეროვნული საბჭო, 1917 წლის ნოემბრის 22ს არჩეული საქართველოს ეროვნული ყრილობის მიერ, დღეს აცხადებს:

1) ამიერიდან საქართველოს ხალხი სუვერენულ უფლებათა მატარებელია და საქართველო სრულუფლებოვანი დამოუკიდებელი სახელმწიფოა.

2) დამოუკიდებელ საქართველოს პოლიტიკური ფორმა — დემოკრატიული რესპუბლიკაა.

3) საერთაშორისო ომიანობაში საქართველო მუდმივი ნეიტრალური სახელმწიფოა.

4) საქართველოს დემოკრატიულ რესპუბლიკას სურს საერთაშორისო ურთიერთობის ყველა წევრთან კეთილმეზობლური განწყობილება დაამყაროს, განსაკუთრებით კი, მოსაზღვრე სახელმწიფოებთან და ერებთან.

5) საქართველოს დემოკრატიული რესპუბლიკა თავის საზღვრებში თანასწორად უზრუნველყოფს ყველა მოქალაქის სამოქალაქო და პოლიტიკურ უფლებებს განურჩევლად ეროვნებისა, სარწმუნოებისა, სოციალური მდგომარეობისა და სქესისა.

6) საქართველოს დემოკრატიული რესპუბლიკა განვითარების თავისუფალ ასპარეზს გაუხსნის მის ტერიტორიაზე მოსახლე ყველა ერს.

7) დამფუძნებელი კრების შეკრებამდე მთელის საქართველოს მართვა-გამგეობის საქმეს უძღვება ეროვნული საბჭო, რომელიც შევსებული იქნება ეროვნულ უმცირესობათა წარმომადგენლებით და დროებითი მთავრობა პასუხისმგებელია საბჭოს წინაშე“.

საქართველოს რესპუბლიკის კონსტიტუცია

საქართველოს რესპუბლიკის დამფუძნებელი კრების მთავარი დანიშნულებაა, რა თქმა უნდა, ქვეყნისათვის კონსტიტუციის მინიჭება იყო. ეს კონსტიტუცია დამუშავდა და დამტკიცებულ იქმნა 1921 წლის 21 თებერვალს, როდესაც საქართველოს ნატანჯ და ნაწამებ მიწას რუსეთის შემოსეულ ჯართა ტანკები სთელავდნენ და ზარბაზნები სთხრიდნენ, ხოლო თბილისს ბრძოლის ხმა ესმოდა.

საქართველოს დემოკრატიული რესპუბლიკის კონსტიტუციის ზოგადი საფუძველია:

1. საქართველო სახელმწიფოა — თავისუფალი, დამოუკიდებელი და განუყოფელი. მისი უცვლელი და მარადი პოლიტიკური კონსტიტუცია არის დემოკრატიული რესპუბლიკა.

2. თბილისი საქართველოს დედა-ქალაქია.

3. სახელმწიფო ენა არის ქართული.

4. სახელმწიფო დროშაა — შვინდისფერი, თეთრი და შავი ზოლით. სახელმწიფო ღერბია ცხენოსანი თეთრი გიორგი, შვიდი მნათობითურთ.

5. კანონსა და განკარგულებას ძალა ეძლევა სათანადო განცხადების შემდეგ.

6. სახელმწიფოს მიწა - წყალი არ გაიცემა, არც დაწაფილდება.

7. ადმინისტრაციული დანაწილება და ავტონომიური საზღვრების შეცვლა მხოლოდ კანონით არის შესაძლებელი.

8. კონსტიტუცია არის უზენაესი კანონი სახელმწიფოსი.

9. ყველა ძველი კანონი, რომელიც ამ კონსტიტუციას არ ეწინააღმდეგება. ძალაში რჩება.

10. ეს კონსტიტუცია მუდმივია და განუწყვეტელი, გარდა იმ შემთხვევისა, რომელიც აქვეა აღნიშნული.

11. ეს კონსტიტუცია გამოქვეყნდება დამფუძნებელი კრების ყველა წევრის ხელისმოწერით.

კონსტიტუციის მეორე თავი მოქალაქეობასა და ეროვნობას ეხება:

12. ქართული ეროვნობის მიღება ხდება დაბადებით, ქორწინებით და მოქალაქეობის მიღებით.

13. ქართველი მოქალაქე ამავე დროს არ შეიძლება იყოს სხვა სახელმწიფოს მოქალაქე.

14. ქართველ მოქალაქეს არ შეუძლია უაპყოს თავისი მოქალაქეობა, თუ მან სახელმწიფოს წინაშე თავისი მოვალეობანი არ მოიხდა.

15. დაწვრილებით ამ პირობებს კანონი განმარტავს.

მესამე თავი მოქალაქეთა უფლებას არჩევს:

16. ყველა მოქალაქე კანონის წინაშე თანასწორია.

17. არ არსებობს კლასობრივი განსხვავება.

18. არავითარი ტიტული, გარდა სამეცნიეროსი, არავის არ მიენიჭება.

19. სიკდილით დასჯა აკრძალულია.

20. არავინ არ შეიძლება დაისაჯოს სასამართლოს განაჩენის გარეშე.

21. ყველა მოქალაქე ერთსა და იმავე სასამართლოს პარაცესით გასამართლდება.

22. თვითეული პიროვნება სარგებლობს ხელშეუხებლობით. არავინ არ შეიძლება დატუსაღებულ იქმნას და არავის არ შეიძლება თავისუფლება წაერთვას, და არც დაკითხვა მოეზღინოს სასამართლოს დადგენილების გარეშე.

23. ადმინისტრაციას შეუძლია თავისი პასუხისმგებლობით დაიჭიროს ვინმე მხოლოდ იმ შემთხვევაში, თუ ვინმეს ბოროტმოქმედების ჩადენაში მისაწრეს, ან თუ ვინმე ბოროტმოქმედების ადვილზე ნახეს, თუ მას გამამტყუნებელი საგანი უნახეს, ან თუ ვინმეს ბოროტმოქმედების ნიშანი აღმოუჩინეს, ან მას პირადად, ან მას სახლში.

24. კერძო პირის მიერ ბოროტმოქმედის დაჭერა კანონიერია, თუ იგი მან მოქმედების დროს დაიჭირა და მისალოდნელი იყო მისი გაქცევა, სანამ საჯარო ხელისუფლების წარმომადგენელი მივიდოდნენ.

25. სასამართლოს ბრძანებით ან ადმინისტრაციის მიერ დაჭერილი პირი 24 საათის განმავლობაში სასამართლოს წინაშე უნდა წააყენონ.

26. სასამართლომ 24 საათის განმავლობაში დაჭერილ პირს უნდა დააკავოს; ამას შემდეგ სასამართლო გადასწყვეტს, ან დააკავოს, ან გაათავისუფლოს იგი.

27. სასამართლო ვალდებულია, თუ რომელიმე პირი შემო დადგენილების წინააღმდეგ დაჭერილია, გაარჩიოს ეს შემთხვევა და დაჭერილი პირი, ან გაათავისუფლოს, ან გააგრძელოს მის დატუსაღება.

28. მოქალაქის ბინა ხელუხლებელია, და მისი გაჩრეკა დასაშვებია მხოლოდ სასამართლოს გადაწყვეტილებით.

29. კერძო მიწერ-მოწერა ხელუხლებელია და მისი დაკავება შეიძლება მხოლოდ სასამართლოს გადაწყვეტილებით

30. თვითეულ მოქალაქეს ადგილისა და ბინადრობის გამოცვლის და არჩევის უფლება აქვს.



საქართველოს დამოუკიდებლობა

საქართველოს დამფუძნებელი კრება.—არჩეული პირდაპირი, თანასწორი, სუოგეგმობი, ფერული და პრი-
პორციონალური საარჩევნო სისტემით ორივე სქესის მოქალაქეთა მიერ,—თავის პირველსავე სსდომასზე,
1919 წ. მარტის 12-ს. ქვეყნისა და ისტორიის წინაშე აღიარებს, რომ ის საესებით იღებს და ადასტურებს
საქართველოს ეროვნულ საბჭოს მიერ 1918 წ. მაისის 26-ს. საშუადღევს 5 ს და 10 წ თბილისში გა-
მაცხადებულს საქართველოს დამოუკიდებლობის შედეგ აქტს:

საქართველოს დამოუკიდებლობის აქტი

- 1) მხარს უჭერს საქართველოს დამოუკიდებლობის აღდგენას, როგორც დამო-
უკიდებელი და თავისუფალი სახელმწიფო
- 2) მეთორმეტე საუკუნის დასასრულს ევლეს მხრით მტრისაგან შევიწროებული
საქართველო თავის წებით შეუერთდა რუსეთს იმ პირობით, რომ რუსეთი ვალდებ-
ული იყო საქართველო გარეშე მტრისაგან დაცვა
- 3) რუსეთის დიდი რევოლუციის შესდელობამ რუსეთში იმყოფი მინჯანი წო-
ბილება შექმნა, რომ მიიღო საომარი ფრონტი სრულიად დაიშალა და რუსის
კარმა დასტოვა ამიერკავკასია
- 4) დაჩნდა რა თვისი ძალდონის ახარად, საქართველომ და მასთან ერთად ამიერ-
კავკასიამ ითხო იდგეს თავს საყოფარი საქმების გასაღება და პეტრონობა და შე-
საფარი ორგანიზაციე მუქმურს; მაგრამ კარგე ძალთა ზეგავლენით ამიერკავკასიის
ერთა შეშერთებული კავშირი დაირღვა და ში ამიერკავკასიის პოლიტიკური მოლო-
ნობე დაიშალა
- 5) პიროვლი ერის დღევანდელი მდომარეობა ბუვილებზედ მოითხოვს რომ
საქართველო საყოფარი სახელმწიფოებრივი ორგანიზაცია შექმნას, მისი საშუ-
ალებით კარგე ძალის მიერ დასტრობისაგან თავი უკადარინოს და დამოუკიდებელ
კანფედირაციებს მტყიელ სოფლებელი აკვოს
- 6) ამისდა თანხმდ საქართველოს ეროვნული საბჭო, 1917 წლის ნოემბრის 22-ს
ახრული საქართველოს ეროვნული უბილობის მიერ, დღეს აცხადებს:

- 1) ამიერიდან საქართველოს ხალხი სუკრუნელ უფლებათა პეტარებელი და
საქართველო სრულუფლებოანი დამოუკიდებელი სახელმწიფოა
- 2) დამოუკიდებელ საქართველოს პოლიტიკური უბრამ—დემოკრატიული რეს-
პუბლიკაა
- 3) საქართველოს იმანიობაში საქართველო მუდმივი ნეიტრალური სახელ-
მწიფოა
- 4) საქართველოს დემოკრატიულ რესპუბლიკას სურს საქართველოსი უბიერ-
ობის გველა წყურთან კოლმუხობდური კანწოობლება დააფაროს, კანსაყოფიბო-
ვი მოსაზღვრე სახელმწიფოებთან და ერებთან
- 5) საქართველოს დემოკრატიული რესპუბლიკა თავის საზღვრებში თანას-
წორად უსრუნველსოვს გველა მოქალაქის სამოქალაქო და პოლიტიკურ უფლებებს
კანწრებლად ეროვნებისა სარწმუნოებისა სოციალურ მდომარეობისა და
სქესისა
- 6) საქართველოს დემოკრატიული რესპუბლიკა კანწიბარების თავისუფალ ასა-
რებს კავსნის მას ტერიტორიაზე მოსახლე გველა ერს
- 7) დამფუძნებელ კრების შეკრებზედ შეიღოს საქართველოს მართვა-კანკების
საქმებს უბეჭება ეროვნული საბჭო, რომელიც მტყსებელი იტება ეროვნულ ემპირე-
სობათა წარმომადგენლებით, და დროებითი მთავრობა პასესისტებელია საჭვოს
წინაშე.

Handwritten signatures and names in Georgian script, organized in columns. The text includes names like 'მ. შიგვარია', 'მ. შიგვარია', 'მ. შიგვარია', and various other names and dates.

31. თვითუფლებო მოქალაქეს აქვს სრული უფლება რწმენისა. ყველას აქვს უფლება თავისუფლად აირჩიოს თავისი რწმენა. ამა თუ იმ სარწმუნოების აღიარება მოქალაქის მდგომარეობასა და მის მოქალაქეობრივ უფლებას არა ჰკვეცს.

32. ყველა მოქალაქეს აქვს უფლება გამოსთქვას და გაავრცელოს თავისი აზრი სიტყვით, ბეჭდვით, თუ რაიმე სხვა საშუალებით.

33. მოქალაქეებს აქვთ თავისუფალი კრების უფლება.

34. ადმინისტრაციას შეუძლია დახუროს კრება, თუ იგი უკანონო ხასიათს ღებულობს.

35. მოქალაქეებს აქვთ უფლება მოაწყონ თავისი პროფესიული და სხვა საზოგადოება მთავრობის შეუკითხავად.

36. ინტელექტუალური, კომერციული, სასოფლო-მეურნეობითი და მრეწველობითი სრული განვითარება უზრუნველყოფილია რესპუბლიკის მიერ.

37. პიროვნული თუ საზოგადოებრივი თხოვნის უფლება უზრუნველყოფილია.

38. მუშებს აქვთ გაფიცვის უფლება.

39. ორივე სქესის მოქალაქეს აქვს თანასწორი უფლებიკური, ეკონომიკური და ოჯახური უფლებები.

40. ქორწინება დაფუძნებულია თანასწორ უფლებებზე და საქმრო-საცოლოს ურთიერთ თანხმობაზე. ქორწინების წესი და რიგი სასამართლოს მიერაა დადგენილი.

41. პოლიტიკური მიხეხების გამო შემოხიზნულის გადაცემა აკრძალულია.

42. ყველა პირი, რომელიც ზემო აღნიშნულ კანონს დაარღვევს, კანონის ძალით დაისჯება.

43. შინაური აჯანყებისა ან ომის დროს პარლამენტი უფლება აქვს შეაჩეროს დროებით ყველა ჩამოთვლილი უფლების მოქმედება.

44. თუ პარლამენტი ამ დროს მოწვეული არაა, მთავრობას უფლება აქვს შეაჩეროს კონსტიტუციური უფლებანი; ამ შემთხვევაში მთავრობამ დაუყოლებლივ პარლამენტი უნდა მოიწვიოს და მას თავისი გადაწყვეტილება განსახილველად წარუდგინოს.

45. მთავრობის სენის შემთხვევაში მთავრობას უფლება აქვს შეაჩეროს შემდეგ მუხლთა მოქმედება: 22, 25, 26, და 30, თუ ეს საჭიროა სენთან საბრძოლველად.

46. კონსტიტუციის ზემო ჩამოთვლილი უფლებანი და გარანტიები არ გამოიციხავენ სხვა უფლებათ და გარანტიებს, რომელიც აქ აღნიშნული არ არიან და ამ კონსტიტუციას შეეფერება.

მეოთხე თავში აღნუსხულია პარლამენტის უფლება - მოვალეობა:

47. საქართველოს რესპუბლიკის წარმომადგენლობითი დაწესებულება არის პარლამენტი, არჩეული საყოველთაო, თანასწორი, პირდაპირი, ფარული და პროპორციული არჩევნებით. ყველა მოქალაქე, სქესის განხილვისა და 20 წლის შესრულების შემდეგ არჩევნებში მონაწილეობას ღებულობს. პარლამენტი ირჩევა სამი წლის ვადით. არჩევნების წესი განსაკუთრებულ კანონშია დადგენილი.

48. პარლამენტის წევრი გამოთქმული აზრის გამო პასუხისგებაში არ მიეცემა. პარლამენტის წევრის პიროვნება ხელუხლებელია; გამონაკლისია მხოლოდ მისი ბოროტმოქმედების ადგილზე დაჭერა, რაც დაუყოლებლივ პარლამენტს უნდა ეცნობოს, რომელიც მისი დაკავების ან გათავისფლების შესახებ თავის განაჩენს გამოიტანს.

49. პარლამენტის წევრს შეუძლია უარი თქვას მოწმედ დადგეს იმ ამბავის გამო, რომელიც მას როგორც პარლამენტის წევრს გაანდგეს.

50. პარლამენტის წევრს ეძლევა ჯამაგირი, განსახილველი კანონის მიერ.

51. პარლამენტის წევრობისა და ამავ დროს სხვა სამსახურში ყოფნის საკითხს, თუ რამდენად ეს შესათავსებელია, კანონი გადასწყვეტს.

52. უზენაესობა მთელ ერს ეკუთვნის. პარლამენტი სარგებლობს უზენაესობით კონსტიტუციის მიერ დაწესებულ ფარგლებში.

53. პარლამენტი ხმას აძლევს კანონებს, განკარგულებებს, გადაწყვეტილებებს. მათი გამოცხადების წესი დადგენილია კანონით.

54. პარლამენტის უფლება შემდეგია:

- ა) კანონმდებლობა
- ბ) რესპუბლიკის ჯარისა და საერთოდ ყველა სამხედრო ძალის უმაღლესი ხელმძღვანელობა
- გ) ომის გამოცხადება
- დ) საზავო ხელშეკრულებათა, ან უცხო სახელმწიფოებთან დადებულ ხელშეკრულებათა დამტკიცება
- ე) შეწყალება
- ვ) ხარჯთაღრიცხვა
- ზ) შინაური ან საგარეო სესხის აღება
- თ) მოხელეთა დანიშვნა, როგორც ეს კონსტიტუციის მიერაა აღნუსხული
- ი) აღმასრულებელი ხელისუფლების (მთავრობის) საერთო კონტროლი.

55. პარლამენტის სხდომები არის საჯარო, მაგრამ საჭიროების შემთხვევაში დახურულიც.

56. პარლამენტი თვით სინჯავს თავის წევრთა არჩევნების წესიერებას და ამის შესახებ გადაწყვეტილება გამოაქვს.

57. პარლამენტის ყველა გადაწყვეტილება ხდება უბრალო ხმის უმრავლესობით, თუ სხვა წესი არ იქმნა მიღებული განსაკუთრებული შემთხვევისათვის.

58. პარლამენტის სხდომის გახსნისათვის საჭიროა წევ

ერთა მთელი რიცხვის ნახევარი მაინც.

59. პარლამენტს უფლება აქვს მთავრობას მოხსენება მოახზოვოს და მას შეკითხვა მისცეს. პარლამენტს უფლება აქვს რაიმე საკითხის გამოსარკვევად კომისია დაინშნოს.

60. პარლამენტი კამათის წესრიგს თვითონ არდგენს.

61. პარლამენტის ყოველწლიური სხდომა ნოემბრის პირველ კვირას იწყება. ახალი პარლამენტის არჩევნები შემოდგომაზე ხდება მთელს რესპუბლიკაში, ერთსა და იმავე დროს.

62. პარლამენტის მუშაობა შეიძლება შესწყდეს მხოლოდ თვით პარლამენტის დადგენილების თანახმად.

63. საკანონმდებლო თავისნობის უფლება აქვს:

ა) პარლამენტის თვითეულ წევრს,

ბ) 5 000 ამრჩევლისაგან შემდგარი ჯგუფს.

64. პარლამენტი მოვალეა რომელიმე ახალი კანონი გადააწყვეტინოს თვითონ ხალხს, კენჭის ყრით, თუ ამას ოც და ათი ათასი ამრჩეველი წერილობით მოითხოვს.

65. პარლამენტი თავის ბიუროს ყოველწლიურად ირჩევს.

მეთოხე თავი ეხება აღმასრულებელ ხელისუფლებას ანუ მთავრობას:

66. აღმასრულებელი ხელისუფლება მთავრობას ეკუთვნის.

67. მთავრობის თავმჯდომარეს ირჩევს პარლამენტი, ერთი წლის ვადით. იგივე თავმჯდომარე შეიძლება კიდევ მხოლოდ ერთხელ აირჩეს.

68. სხვა მინისტრებს, მთავრობის წევრებს, ნიშნავს მთავრობის თავმჯდომარე იმ პირთა წრიდან, ვისაც საპარლამენტო არჩევნებში მონაწილეობის უფლება აქვს.

69. მთავრობის წევრებს არ შეუძლიათ სხვა სამსახურში იყვნენ ან სხვა ხელობა შეასრულონ. მათ შეუძლიათ იყვნენ მხოლოდ წევრი პარლამენტისა ან თვითმართველობითი საბჭოსი.

70. მთავრობის თავმჯდომარე არის რესპუბლიკის უზენაესი წარმომადგენელი. იგი ნიშნავს საქართველოს წარმომადგენლებს უცხოეთის სახელმწიფოებთან და მასთან არიან წარმოგზავნილი უცხო სახელმწიფოთა წარმომადგენელი. იმ შემთხვევაში, რაიმე ხელის შეშლის გამო, თუ მთავრობის გადაწყვეტილება მიღებული არაა, მთავრობის თავმჯდომარეს განსაკუთრებული უფლება აქვს მიმართოს რესპუბლიკის შეიარაღებულ ძალას, მაგრამ ამის შესახებ დაუყონებლივ პარლამენტს უნდა აცნობოს. კანონებისა და მათ შესახებ დადგენილებათა აღსრულებისათვის განკარგულებანი გამოიმდინარეობენ მთავრობის თავმჯდომარესაგან, მაგრამ მას უფლება არა აქვს კანონის მოქმედება შეაჩეროს ან მისი აღსრულება დააკავოს. მთავრობის თავმჯდომარეს უფლება აქვს დანიშნოს არჩევნულბრივი კონტროლი სა-

ჯარო და ადგილობრივი ადმინისტრაციისა, ან მოახდინოს განსაკუთრებულ შემთხვევათა რევიზია, კანონის მიერ დაწესებული რიგით. პრეზიდენტს ანუ მთავრობის თავმჯდომარეს არა აქვს იმაზე მეტი უფლება, რაც მას კონსტიტუციის მიერ აქვს მინიჭებული.

71. მთავრობის თავმჯდომარეს ჰყავს მოადგილე. თავმჯდომარის არყოფნის დროს, მისი მოვალეობა მის მოადგილეს ეკისრება.

72. მთავრობის ზოგადი უფლება-მოვალეობა არის:

ა). უზრუნველჰყოს რესპუბლიკის საქმეთა უმაღლესი ხელმძღვანელობა მის კანონთა მიხედვით.

ბ). თვალყური ადევნოს რესპუბლიკის კანონთა განხორციელებას.

გ). წარუდგინოს პარლამენტს თავისი გეგმები კანონთა შესახებ და ამასთანავე თავისი დასკვნები იმ კანონ-პროექტთა შესახებ, რომელიც პარლამენტისაგან ან ხალხისაგან გამოდის.

დ). დაიცვას რესპუბლიკის საგარეო ინტერესები.

ე). უზრუნველჰყოს შინაური წესრიგი. თუ მოულოდნელი ვითარება მოითხოვს, მობილიზაცია მოუხდინოს ქვეყნის შეიარაღებულ ძალას, მაგრამ არა უმეტეს 21 დღისა. ეს ვადა შეიძლება გაგრძელდეს პარლამენტის ნებართვით.

ზ). მოუაროს ფინანსებს; გამოსცეს ფული, კანონის თანახმად; ყოველწლიურად პარლამენტს წარუდგინოს სახელმწიფოს შემოსავალისა და გასავალის აღრიცხვა.

თ). მისცეს პარლამენტს ანგარიში თავისი მოღვაწეობის შესახებ და წელიწადში ერთჯერ მაინც წარუდგინოს მოხსენება საქართველოს შინაური და საგარეო მდგომარეობის შესახებ. მიაწვას პარლამენტს განსაკუთრებული მოხსენება, თუ კი ამას პარლამენტი მოისურვებს.

ი). შეასრულოს ყველა მოვალეობა, რომელსაც მას პარლამენტი ან კანონი აკისრებს.

73. მთავრობის წევრები ინაწილებენ რესპუბლიკის საქმეთა ხელმძღვანელობას; ისინი მთავრობის თავმჯდომარისაგან პირდაპირ დამოკიდებული არ არიან. მთავრობის თვითეული წევრი წარმართავს მისთვის ჩაბარებულ დაწესებულებას დამოუკიდებლად, თავისი პირადი პასუხისმგებლობით. მთავრობის წევრი უნდა გადადგეს, რა-წამს იგი პარლამენტის ნდობას დაჰკარგავს. მინისტრს მხოლოდ მაშინ აქვს უფლება პარლამენტის კენჭისყრაში მონაწილეობა მიიღოს, თუ იგი თვითონ არის პარლამენტის წევრი. მთავრობის თავმჯდომარე პასუხისმგებელია პარლამენტის წინაშე საერთო პოლიტიკისათვის. მთავრობის თავმჯდომარე ვალდებულია პარლამენტის გადაწყვეტილებას დაემორჩილოს და აღსრულოს იგი. თუ საჭიროა, გამოსცვალოს მინისტრი და მთელი შემადგენლობა მთავრობისაც კი.

74. მთავრობის ყველა წევრს უფლება აქვს პარლამენტისა და განსაკუთრებულ კომისიათა სხდომებს დაესწროს. პარლამენტმა და კომისიამ მინისტრს უნდა მოუსმინოს, თუ იგი ამას მოითხოვს. თავის მხრივ მინისტრი ვალდებულია წარსდგეს პარლამენტის ან კომისიის წინაშე და მიაწოდოს მათ საჭირო ცნობები.

75. მთავრობის თავმჯდომარე პასუხისმგებელია კონსტიტუციის დარღვევის გამო. ამ შემთხვევაში მთავრობის თავმჯდომარე პასუხს აცემს უმაღლესი სასამართლოს წინაშე, ხოლო მინისტრები გასამართლებიან ჩვეულებრივ სასამართლოში.

კონსტიტუციის მეექვსე თავი სამართალს ეხება:

76. საქართველოს უმაღლესი სასამართლო არის სენატი, რომელსაც ირჩევს პარლამენტი.

77. სამოქალაქო და სისხლის სამართლის და ადმინისტრაციული საქმეები მუდმივ სასამართლოს მიეკუთვნება; იურიდიქცია და უფლება ამ სასამართლოს განსაზღვრულია კანონით.

78. სასამართლო სწელისუფლება დამოკიდებულია და ემორჩილება მხოლოდ კანონს. განაჩენი გამოიტანება საქართველოს დემოკრატიული რესპუბლიკის სახელით.

79. სასამართლოს მიერ გამოტანილი განაჩენი არ შეიძლება გაუქმდეს, შეიცვალოს ან გადაიდოს რომელიმე საკანონმდებლო, ადმინისტრაციული ან აღმასრულებელი დაწესებულების მიერ.

80. სასამართლოში საქმის გარჩევა ხდება საჯაროდ; ზოგიერთ შემთხვევაში, ზნეობრივი მოსაზრებით, იგი დახურულიც შეიძლება იყოს.

81. ყველა მნიშვნელოვანი საქმე გაიჩევა სისხლის სამართლით.

82. მოსამართლენი აირჩევიან განსაზღვრული ვადით. ეს საკითხი ცალკე კანონითაა გარკვეული.

83. თუ სასამართლო არ გადასწყვეტს ამას, და თუ თვითონ მოსამართლეს ეს არა სურს, არ შეიძლება მის მდგომარეობაში რაიმე ცვლილების შეტანა. მოსამართლე მხოლოდ დროებით შეიძლება გადაყენებულ იქნას, თუ მას სასამართლო ეხება. საბოლოოდ მისი გადაყენება შეიძლება მხოლოდ სასამართლოს დადგენილების ძალით.

მეშვიდე თავი სახელმწიფო ფინანსებს ეხება.

კონსტიტუციის მერვე თავი სახელმწიფო კონტროლს ეხება.

მეცხრე თავი ეროვნულ თავდაცვას განიხილავს.

მეთექვსე თავი თვითმართვლობის საქმეს ეხება.

მეთერთმეტე თავი ეხება განათლების საქმეს.

107. აფხაზეთი (სოხუმის მხარე) სამუსულმანო საქართველო (ბათუმის მხარე) და ზაქათალა (საინგილო), რომელნიც საქართველოს რესპუბლიკის განუყოფელი

ნაწილი არიან, თავის ადმინისტრაციულ საქმეებში ექვემდებარებიან ტონომიით სარგებლობენ.

მეცამეტე თავი სოციალურ და ეკონომიურ უფლებებს შეიცავს:

113. რესპუბლიკა ზრუნავს, რათა თვითელ მოქალაქეს ღირსეული ცხოვრება ჰქონდეს.

114. ძალით ჩამორთმევა ან კერძო წარმოებათა შეკვეცა დასაშვებია მხოლოდ საგანგებო კანონის მიხედვით, რომელიც საამისო წესს ადგენს. იგი შეიძლება მოხდეს სახელმწიფო საჭიროებისათვის და საჯარო სარგებლობისათვის. ჩამორთმეულის პატრონს ფასი აუნაზღაურდება, თუ, რასაკვირველია, კანონში ამის საწინააღმდეგო არაა ნათქვამი.

115. რესპუბლიკას აქვს თავისი კომერციული და ინდუსტრიული ორგანიზაცია. მისი მთავარი მიზანია განავითაროს ეს ორგანიზაცია და შეჰქმნას ერთი და სრული სისტემა სოციალური ეკონომიისა. რესპუბლიკა დაეხმარება თვითმართვლობის დაწესებულებებს, რათა მათ განავითარონ და განამტკიცონ ამგვარივე ეკონომიური ორგანიზაცია. მთავრობას უფლება აქვს მოახდინოს სოციალიზაცია, კანონის თანახმად, კომერციულ, ინდუსტრიულ, აგრიკულტურულ საწარმოთა, რომლებიც ამ მიზნისათვის გამოსადეგი არიან.

116. სახელმწიფო განსაკუთრებულ თვალყურს ადევნებს, რათა წვრილ მწარმოებელთა, მიწათმოქმედთა, მუშათა და შინმოსამსახურეთა და მომუშავეთა ექსპლოატაცია არ მოხდეს. რესპუბლიკა თავის საგანგებო ყურადღებას აქცევს აგრიკულტურის კეთილყოფას; მიწის პატრონს მოვალეობა აქვს საზოგადოების წინაშე: მან მიწა უნდა დაამუშაოს და მიიღოს შესაძლებელი საუკეთესო ნაყოფი.

118. სახელმწიფოს არსებობა დაფუძნებულია შრომაზე და ამიტომ მისი განსაკუთრებული მოვალეობაა მას მფარველობა გაუწიოს.

118. რესპუბლიკის კანონები აღჭურავს თვითმართვლობის დაწესებულებებს დაარსონ მათ შრომის ბირჟა და სხვა ამგვარი ორგანიზაცია, რომელსაც ევალება უმუშევართა აღრიცხვა და მათთვის სამუშაოს მოძებნა. ამგვარ დაწესებულებაში შემავალ პირთა შორის მუშათა კავშირების წარმომადგენელთა ნახევარი მაინც უნდა იყოს.

119. უმუშევართ ეძლევათ დახმარება და მათ უნდა მოეძებნოთ სამუშაო.

126. დედაკაცთა შრომის დაცვა საგანგებო კანონით განსაზღვრება. დედაკაცთა შრომა ისეთ დაწესებულებაში, სადაც მის დედობას საფრთხე მოელის, აკრძალულია. მშობიარობის დროს დედაკაცს ეძლევა ორი თვე შვებულება, ჯამაგირის შენახვით. ძუძუმწოვრობისას დედაკაცს ეძლევა დრო ამ მოვალეობისათვის.

128. რესპუბლიკას და თვითმართვლობას ეკისრება დედათა და ბავშვთა მფარველობა-დაცვა.

მეთოთხმეტე თავი ეხება ეროვნულ უმცირესობათა ფართო უფლებებს.

მეხუთმეტე თავში განხილულია სახელმწიფო მოხელეთა სამსახური და მათი უფლებანი.

141. თვითეული მოხელე პასუხისმგებელია სასამართლოს წინაშე საერთო კანონთა დებულების მიხედვით. თვითეულ მოქალაქეს უფლება აქვს მოხელეს უჩივლოს. თვითეულ მოქალაქეს უფლება აქვს აინაზღაუროს ის ზარალი, რომელიც მას მიაღდა მოხელის მიერ მისი დაწესებულების მოვალეობის ასრულების დროს.

მეთექვსმეტე თავი სახელმწიფოსა და ეკლესიის თიერთობას შეეხება: ...

142. სახელმწიფო და ეკლესია ერთი მეორესაგან გამოფილია და ერთმანეთისაგან დამოუკიდებელი.

მეჩვიდმეტე თავი კონსტიტუციის გადასინჯვას ეხება:
145. სრული ან ნაწილობრივი გადასინჯვა კონსტიტუციისა შეუძლია მოითხოვოს:

- ა). პარლამენტის წევრთა არა უმცირეს ნახევარმა,
- ბ). 50.000 ამრჩეველმა.

ასეთი არის ზოგადად საქართველოს დამფუძნებელი კრების მიერ დამტკიცებული საქართველოს რესპუბლიკის კონსტიტუცია...

ლიკსუხ.

ბ. ბებურიშვილი

დამოუკიდებელი საქართველოს საკითხი უცხოეთში

პირველი მსოფლიო ომი პატარა ერთა განთავისუფლების კიბინით დასრულდა. მოკავშირე სახელმწიფოებმა, ამერიკის შეერთებული შტატების პრეზიდენტ ვუდრო ვილსონის პირობით, მთელ მსოფლიოს ამცნეს ერთა თავისუფლება. პატარა ერებს მღვივე იმედის ფრთები შეესხათ და მათ შორის საქართველოსაც, რომელმაც თავისი სახელმწიფოებრივი დამოუკიდებლობა 1918 წლის 26-ს მაისს გამოაცხადა.

საქართველოს მთავრობამ დაუყოვნებლივ თავისი წარმომადგენლობა გააგზავნა პარიზს, სადაც საზავო კონფერენცია უნდა მომხდარიყო.

1919 წ. იანვრის 12-ს რვა კაცისაგან შემდგარი ქართული წარმომადგენლობა სტამბოლს ჩავიდა. მაგრამ აქ მან ერთ თვეზე მეტი დაჰყო და მხოლოდ შემდეგ, ქართული დელეგაციის მხოლოდ ორ წევრს (კარლო ჩხეიძეს და ირაკლი (კაკი) წერეთელს დართეს ნება პარიზს მისულიყვნენ. ეს ცუდი ნიშანი იყო თავისთავად და არღვევდა იმ აღაქმას, რომლითაც ერებს თავისუფლებას პირდებოდნენ.

შეერთებული შტატების პრეზიდენტი ვილსონის წინადადებით, უნდა დაარსებულიყო „ერთა ლიგა“, ანუ საზოგადოება სახელმწიფოთა, რომელიც ომის თავიდან აცილების მიზნით, ყველა საკითხს მშვიდობით გადასწყვეტდა და პატარა ერთა უფლებებს დაიცავდა.

1919 წლის 28 აპრილს საზავო ყრილობის სახელმწიფო-წევრებმა ხელი მოაწერეს ხელშეკრულებას, რომლის ძალით ერთა საზოგადოება დაარსდა, ცნობილი — „ერთა ლიგა“ —. ეს ხელშეკრულება შეტანილ იქნა, ვით შეადგენელი ნაწილი პარიზის საზავო ხელშეკრულებაში.

პარიზში მყოფმა საქართველოს მთავრობის დელეგაციის თავმჯდომარემ, კარლო ჩხეიძემ 1919 წლის მაისის 21-ს უკვე მიმართა ერთა ლიგის აღმასრულებელ კომიტეტს და ერთა ლიგის საზოგადო კრებას შემდეგი წერილით —

საქართველოს რესპუბლიკის დელეგაციას პატივი აქვს ქართველი ერისა და მისი მთავრობის სახელით მოითხოვოს საქართველოს მიღება ერთა საზოგადოებაში, 1919 წლის 28 აპრილის წესდების თანახმად-ო.

1919 წლის 16 ივნისს ერთა ლიგის აღმასრულებელი კომიტეტის მდივანმა ქართულ დელეგაციას აცნობა, ამ თხოვნით ერთა ლიგის ყრილობისათვის მიემართა. ამ დროის განმავლობაში, სანამ ერთა ლიგა შეიყრებოდა, საქართველოს საერთაშორისო მდგომარეობისათვის მეტად მნიშვნელოვანი ამბავი მოხდა: 1919 წლის 13 სექტემბერს საქართველოს რესპუბლიკის დამოუკიდებლობა არგენტინამ იურიდიულად იცნო.

1920 წლის 7 მაისს, მას შემდეგ რაც წითელმა რუსეთმა საქართველო ვერ გადაჯგვა, მან იცნო რუსეთისაგან გამოყოფილად და აღიარა მისი სახელმწიფოებრივი დამოუკიდებლობა.

1920 წლის 24 სექტემბერს გერმანიამ სცნო დე-იურედ საქართველოს დამოუკიდებლობა. (საქართველოს დე-ფაქტოდ აღიარება კი უფრო ადრე მოხდა).

1920 წლის იანვარს საქართველო დე-ფაქტოდ აღიარეს ინგლისმა, საფრანგეთმა და იტალიამ, ხოლო იმავე წლის 7 თებერვალს: იაპონიამ და 26 აგვისტოს კი — ბელგიამ.

1920 წლის 1 სექტემბერს, კარლო ჩხეიძემ განიმეორა თავისი თხოვნა ერთა ლიგაში საქართველოს მიღებისა და

წევრად გახდომის შესახებ. 18 სექტემბერს, ქართულმა მთავრობამ ერთა ლიგას გადასცა მოხსენება საქართველოს შესახებ. ყველა, საქართველოს შესახები მასალა ერთა ლიგის განსაკუთრებულ კომისიას, მეხუთე კომისიას, განსახილველად გადაეცა. 1920 წლის 14 დეკემბერს, საკითხის განხილვის შემდეგ, კომისიამ თავისი მოხსენება ერთა ლიგის ყრილობას წარუდგინა —

მეხუთე კომისიას პატივი აქვს წარუდგინოს საზოგადო კრებას თავისი დასკვნა საქართველოს ერთა ლიგაში მიღების შესახებ.

კომისია ურჩევს საზოგადო კრებას, აცნობოს საქართველოს მთავრობას:

- 1). რომ მისი თხოვნა განხილულია კეთილი განწყობილებით, მაგრამ გარემოებანი ნებას არ აძლევენ ლიგას მის შესახებ საბოლოო გარდაწყვეტილება მიიღოს და
- 2). რომ საზოგადო კრების მომავალი გარდაწყვეტილების მოლოდინში ამ ახალ სახელმწიფოს (საქართველოს) მიენიჭება უფლება მონაწილეობა მიიღოს ერთა ლიგის ტექნიკურ ორგანიზაციებში, რომელთაც საზოგადო მნიშვნელობა აქვთ.

1920 წლის 16 დეკემბერს საქართველოს საკითხი წარმოადგა ერთა ლიგის ყრილობაზე და მის შესახებ კამათი გაიმართა. ნორვეგიის წარმომადგენელმა ფრ. ნანსენმა და სამხრეთი აფრიკის კავშირის წარმომადგენელმა რობერტ სესილმა საქართველოს ერთა ლიგის წევრად გახდომას მხარი დაუჭირეს.

„ერთა ლიგის“ მეათე მუხლის მიხედვით, თუ რომელიმე მის წევრ-სახელმწიფოს თავს ესხმიან, ლიგის წევრი-სახელმწიფონი ვალდებული არიან მას დახმარება გაუწიონ. სწორედ ამ ნიადაგზე მოხდა ინგლისის მიერ საქართველოს ერთა ლიგის წევრობის უარყოფა, ვინაიდან ინგლისი ფიქრობდა, რომ ბოლშევიკური რუსეთი საქართველოს თავს დაესხმოდა და მას კი არა სურდა ამ ომში ჩარევა, რადგან თვითონ ამ ბოლშევიკებთან სავაჭრო ხელშეკრულებას დებდა.

ინგლისის წარმომადგენელი ფიშერი ამტკიცებდა — ერთა ლიგა ჯერ ნორჩია. ნუ ავიღებთ ახლაც ისეთ მძიმე პასუხისმგებლობას, რომელიც სანანებებელი გაგვიხდებო.

უკანასკნელი სიტყვა ნანსენმა წარმოთქვა —

ჩვენ ვასუსტებთ ლიგის ძალასა და მისდამი ნდობას, როდესაც მას ვაკლებთ ისეთი ერის თანამშრომლობას, როგორიც არისო ქართველი ერი.

ერთა ლიგის ყრილობამ კენჭის ყრით გადასწყვიტა საქართველოს საკითხი. კრებას დაესწრო ამ დროს მხოლოდ 23 სახელმწიფოს წარმომადგენელი. საქართველოს ერთა ლიგაში მიღებას მხარი დაუჭირა ა თ მ ა სახელმწიფომ, ხოლო ცამეტმა უარპყო იგი. არც ბალტიის სა-

ხელმწიფონი მიიღეს მაშინ, რომელიც მხოლოდ ერთი წლის შემდეგ (1921 წ.) გახდნენ ერთა ლიგის წევრები.

1921 წლის 27 იანვარს საქართველოს დამოუკიდებლობა დე-იურედ აღიარა მოკავშირე სახელმწიფოთა უმაღლესმა საბჭომ, რომლის წევრი იყვნენ: ინგლისი, საფრანგეთი, იტალია, იაპონია, ბელგია. ამ უმაღლესი საბჭოს თავმჯდომარე, საფრანგეთის საგარეო საქმეთა მინისტრი არისტიდ ბრიან საქართველოს საგარეო მინისტრ ევგენი გეგეჭკორს სწერდა, რომელიც მას საქართველოს დე-იურედ აღიარებასა თხოვდა: —

„მე დაუყონებლივ ვაცნობე თქვენი წერილი კონფერენციას; ამ უკანასკნელმა ერთსულოვნად გადასწყვიტა საქართველოს მთავრობის იურიდიული ცნობა. მოკავშირე სახელმწიფონი ბედნიერნი არიან, ერთხელ კიდევ დაამოწმონ ამრიგად ის კეთილგანწყობილება, რომლითაც ისინი თვალყურს ადევნებდნენ ქართველი ერის დამოუკიდებლობისადმი მისწრაფებას; და აღტაცებას, რომელსაც აღძრავს მათში საქართველოს მიერ შესრულებული ღვაწლი“-ო.

საქართველომ გაიმარჯვა ევროპაში. საქართველო ზეიმობდა.

მაგრამ ვერაგი რუსეთი უკვე ემზადებოდა საქართველოზე თავდასასხმელად. და 1921 წლის 11 თებერვალს წითელი ჯარები საქართველოს შეესივნენ და დაიკავეს იგი: ბრძოლით.

საქართველოს დამფუძნებელი კრება უკანასკნელად შეიკრიბა ქალაქ ბათუმში (1921 წლის 16 მარტს) და მიიღო გარდაწყვეტილება, რომლის თანახმად საქართველოს მთავრობა უცხოეთს უნდა გახიზნულიყო, რათა იქ განეგრძო ბრძოლა საქართველოს განთავისუფლებისა და სახელმწიფოს დამოუკიდებლობის აღდგენისათვის.

საქართველოს მთავრობამ ბათუმი დასტოვა 19 მარტს და მასთან ერთად გამოსული ემიგრაციაც პარიზში დასახლდა. 1921 წლის აპრილში საქართველოს მთავრობამ მიმართა ევროპის სახელმწიფოებს მოხსენებით საქართველოში წითელი ჯარების შემოსევისა და ქვეყნის ომით დაკავების შესახებ. საქართველოს საელჩომ პარიზში ერთა ლიგის მთავარ მდივანს ერიკ დრუმონს წერილობით თხოვა, რათა მან ერთა ლიგის საბჭოს მომავალ სხდომაზე საქართველოს რუსთა მიერ ოკუპაციის საკითხი განსახილველად წარადგინოს.

1921 წლის ივნისის 13-ს საქართველოს საელჩო, პარიზში, ერთა ლიგის საბჭოსა სწერს: —

მას შემდეგ, რაც ერიკ დრუმონმა წარადგინა საბჭოთა რუსეთის საქართველოში შემოსევის შესახები საბუთები, ერთა ლიგისათვის უცნობი აღარ არის, რომ სრულიად უმიზეზოდ და ომის გამოუცხადებლად, საბჭოთა რუსეთის ჯარები შემოიჭრნენ საქართველოს ტერიტო-

რიაზე, განავრძობენ მის ოკუპაციას და კომუნისმის სახელით მისი მოსახლეობა ბარბაროსულ წესებს დაუმორჩილეს.

თავისი დამოუკიდებლობის, თავისუფლების სამი წლის განმავლობაში საქართველო თავის შინაურს, ისე როგორც საგარეო პოლიტიკაში მუდამ გამსჭვალული იყო წესიერებისა და მშვიდობიანობის აზრებით. ამის საუკეთესო საბუთია ქართველი ერის მიერ გაწეული დეაწლი თავისი პოლიტიკურ, სოციალურ და ეკონომიურ დაწესებულებათა მოწყობისათვის.

საბჭოთა რუსეთის უმსგავსო თავდასხმას, რომლის მსხვერპლი ეს ერი გახდა, სხვა გამართლება არა აქვს, თუ არ სამართალი უფრო ძლიერისა. ეს ერთხელ კიდევ ნათელ ჰყოფს მოსკოვის მთავრობის აღმამფოთებელ იმპერიალიზმს და იმას, თუ რა ფასი აქვს ამ მთავრობის მიერ აღებულ პატიოსნების მოვალეობას-ო.

თავის უკანასკნელ, ენევაში მომხდარ ყრილობაზე ერთა ლიგის დამხმარე საზოგადოებათა კავშირმა, ამ მოვლენით აღელვებულმა, შემდეგი გარდაწყვეტილება გამოიტანა: — აღმფოთებული იმ უბედური მდგომარეობით, რომელშიაც იმყოფება საქართველოს დემოკრატიულად მოწყობილი ერი, რომელსაც შეესია უცხო ჯარი და მის მკვიდრთა სურვილის წინააღმდეგ დაიკავა მისი მიწა-წყალი, და რომელმაც ამნაირად დაჰკარგა თავისი დამოუკიდებლობა და თავისუფლებანი, ყრილობა გამოთქვამს მთელ თავის გულისწყრომას და მტკიცედ მოითხოვს ერთა ლიგის საბჭოსა და საზოგადო ყრილობისაგან, საშუალება იხმარონ, რათა ხალხთა უფლების პრინციპი — თავიანთი ბედის პატრონი თვითონვე იყონ — გავრცელებულ იქნას საქართველოზე-ო.

საქართველოს კანონიერი მთავრობა იმედოვნებს, რომ ერთა ლიგის საბჭოსა, საერთაშორისო სამართლის წმიდა პრინციპთა ერთგული, თავისი ავტორიტეტით აღჭურვილ ხმას აღიმალღებს მომავალ სხდომაზე ამ ბოროტ მოქმედების წინააღმდეგ-ო.

1921 წლის აგვისტოს 29-ს, ერთა ლიგის ყრილობის დროს, ენევაში, საქართველოს საგარეო მინისტრი ევგენი გეგეჭკორი თავისმხრივ მიმართავს ერთა ლიგას და თხოვს მას, სხვათა შორის —

იმ პრინციპის სახელით, რომლითაც არის გამსჭვალული ამ საზოგადოების ხელშეკრულება, საქართველოს მთავრობას პატივი აქვს თხოვოს ერთა ლიგის საზოგადო ყრილობას, რომელიც ამ უმად ენევაშია შეკრებილი, გამოიტანოს პროტესტი და განკიცხვის დადგენილება ბოლშევიკური შემოსევისა და წითელი ჯარების მიერ საქართველოს ოკუპაციის წინააღმდეგ-ო.

ხოლო საფრანგეთის პარლამენტში, 1922 წ. აპრილის 22-ს, რადიკალ-სოციალისტური პარტიის მეთაურმა ბ.

ერიომ საფრანგეთის მთავრობის თავმჯდომარეს, ჰუნკარეს მიმართა: —

ის გარკვეული საკითხი, რომელსაც მე ვარდენ, შემდეგი არის: საქართველოს სუვერენიტეტი თვით რუსეთმა იცნო იმ ხელშეკრულებით, რომელიც არავითარ ეჭვს არ იწვევს. მე ვთხოვ ბ.ნ მთავრობის თავმჯდომარეს, კეთილ ინებოს და განაცხადოს, რომ მისი მთავრობა კვლავინდებურად კეთილგანწყობილია ამ დამოუკიდებლობისადმი. საფრანგეთის სახელით ამისი თქმა, იმ საფრანგეთისა, რომელსაც დეაწლი მიუძღვის პოლონეთისა და ჩეხეთის დამოუკიდებლობათა დამკვიდრებაში, ჩვენ ნებას მოგვცემს ნუგეში ვცეთ ამ უბედურ ჩაგრულ ერს-ო.

საფრანგეთის მთავრობის თავმჯდომარის, ჰუნკარეს პასუხიც გარკვეული იყო: —

პატივცემულმა ბ.ნმა ერიომ მხოლოდ ის გამოთქვა, რაც თვით მთავრობას ჰქონდა აზრად და რაც უკვე მრავალჯერ სმენია ჩვენგან საქართველოს სახელმწიფოს-ო. საფრანგეთის მთავრობა სცნობს საქართველოს მთავრობას. ამ მთავრობას ჰყავს მისი საკუთარი წარმომადგენელი პარიზში და ეს წარმომადგენელი კე-დორსე-ში მისვლა-მიღების უფლებით არის აღჭურვილი-ო.

გენუის ყრილობაზე 1922 წლის აპრილში ბოლშევიკური რუსეთის წარმომადგენლობამ მოითხოვა ეცნოთ იგი საქართველოს წარმომადგენელადაც. ამის საპასუხოდ ინგლისის, საფრანგეთის და იტალიის წარმომადგენელთა წინადადებით გენუის ყრილობამ უარჰყო რუსების მოთხოვნილება. შემდეგ ამის გამო ილაპარაკა (1922 წ. 2 ივნისს) თვით ჰუნკარემ, რომელმაც გამოაქვეყნა ის მითითება, რაც მან გენუის ყრილობაზე მყოფ ფრანგულ წარმომადგენლობას მისცა: —

საფრანგეთის მთავრობას, რომელმაც თავის მოკავშირეებთან ერთად დე-იურედ იცნო საქართველოს წინანდელი მთავრობა, არ შეუძლია დღეს რაიმე მოლაპარაკება გამართოს საქართველოს საკითხის შესახებ იმ წარმომადგენლებთან ფაქტიური ძალაუფლებისა, რომელმაც საქართველოდან გამოაძევა მისი წესიერი მთავრობა-ო.

იგივე ამბავი განმეორდა ლოზანის პირველ და მეორე ყრილობაზე, სადაც ბოსფორისა და დარდანელის საკითხი იხილებოდა (1922 და 1923 წ.წ.). აქ რუსეთის მოთხოვნილებით საქართველო და უკრაინა შეტანილ იქნენ ყრილობის ოქმებში. მაგრამ განმარტებულ იქმნა ყრილობის მთავარი მდივანის მასილის მიერ, ყრილობის თავჯდომარეებთან შეთანხმებით, რომ ეს შეტანა ისე არ უნდა იგულისხმებოდეს, რომ უკრაინა და საქართველო წესიერად არიანო წარმოდგენილნი ყრილობაზე. მასილის წერილი რუსეთის დელეგაციის მდივნის, საბინინის სახელზე მოთავსებულია ყრილობის ანგარი-

შეგზი. როგორც ხედავთ, აქ საქართველოს შესახებ მტკიცე გარდაწყვეტილება ცოტა გაიზარა იმ მოვლენით, რომ საბჭოთა საქართველოსა და უკრაინის ბოლშევიკური წარმომადგენლები მაინც დაშვებული იქნენ, თუმცა არა წესიერ წარმომადგენლებად.

მაგრამ ამავე ყრილობაზე მოხდა მეორე მნიშვნელოვანი ამბავიც. ინგლისის, საფრანგეთის და იტალიის მოთხოვნით სრუტეებზე შეთანხმებას საბჭოთა წარმომადგენლებმა ხელი მოაწერეს მხოლოდ რუსეთის სახელით.

ამას გარდა, სრუტეებისათვის უნდა დაარსებულიყო საკონტროლო კომისია. ამ საკონტროლო კომისიაში უნდა შესულიყო მომავალში საქართველო, როგორც შავი ზღვის სანაპირო სახელმწიფო. ეს შესვლა, რასაკვირველია, შესაძლებელი იქნებოდა მხოლოდ იმ შემთხვევაში, როცა საქართველო რუსული ოკუპაციისაგან განთავისუფლდებოდა.

1922 წლის 26 აგვისტოს საქართველოს ელჩმა, აკაკი ჩხენკელმა ისევ მიმართა ერთა ლიგას და მოუწოდა მას განეხილა ქართული საკითხი; იგი სხვათა შორის სწერდა:

„... უეჭველია, რუსული ოკუპანტების წინააღმდეგ ბრძოლაში ქართველმა ერმა მრავალი თანაგრძნობა მიიღო განათლებული კაცობრიობისაგან. სხვა და სხვა სახელმწიფოთა მთავრობებმა არა ერთხელ გამოუჩინეს მას თავიანთი ზნეობრივი დახმარება. პარლამენტებში წარმოთქმული სიტყვები, ადრესები და რეზოლუციები, მიღებული სხვა და სხვა ქალაქთა თვითმართველობათაგან, პოლიტიკური პარტიებისაგან, სინდიკატებისა და მრავალნაირი საზოგადოებისაგან, დიდი და ძლიერი ნუგეში იყო მისთვის. მაგრამ რა მძლავრის ზარის ხმად გაისმოდა ერთა ლიგის ხმა, ამ ერთა შორის დიდის სამსჯავროსი! ... საქართველოს ეროვნული მთავრობა იმედოვნებს, რომ ერთა ლიგა, საერთაშორისო სამართლის მცველი, ამოიღებს ხმას ბოლშევიკური შესაზარი აქტების წინააღმდეგ და გამოახავს ქართველი ერის წამებათა მოსასპობ საშუალებებს.“

ბელგიის წარმომადგენელმა დე-ბრუტერმა ერთა ლიგას შემდეგი წინადადება წარუდგინა: —

„ერთა ლიგის საზოგადო ყრილობა, აღმფოთებული იმ უსაშველო მდგომარეობით, რომელშიდაც იმყოფება დღეს საქართველო, მტერ-შემოსეული და მის მკვიდრთა სურვილის წინააღმდეგ დაჭერილი, მოუწოდებს ლიგის საბჭოს ყურადღებით ადევნოს თვალი ქვეყნის ამ კუთხის ამბებს, რათა ისარგებლოს ყოველივე შემთხვევით, რომელიც კი მიეცემა, ამ ქვეყნისათვის ნორმალური მდგომარეობის დასაბრუნებლად“—ო.

ეს წინადადება, წესისამებრ გადაეცა მეექვსე კომისიას, და დე-ბრუტერმა თვითონვე დაიცვა იგი. სხვათა შორის მან ბრძანა: —

საქართველოს საკითხი არ ეკუთვნის საკითხთა იმ

რიცხვს, რომელთა განზე გადადება ადვილად შესაძლებელია. გენუამ მოინდომა მისი წაყრუება! მაგრამ ის დასმულია და მუდამ დაისმება...—ო.

კამათის შემდეგ, რომელში მონაწილეობა მიიღეს ინგლისის, სამხრეთი აფრიკის კავშირის, ფინლანდიის და შვეიცარიის წარმომადგენლებმა, მეექვსე, ანუ პოლიტიკურმა კომისიამ ერთხმად გადასწყვიტა მიიღოს დე-ბრუტერის ზემოდ მოტანილი წინადადება შემდეგი სახით: —

„ერთა ლიგის საზოგადო ყრილობა, ითვალისწინებს რა საქართველოს მდგომარეობას, მოუწოდებს (ერთა ლიგის) საბჭოს ყურადღებით თვალი ადევნოს ქვეყნის ამ კუთხის ამბებს, რათა ყოველი შემთხვევით ისარგებლოს, რომელიც კი მიეცემა და დაეხმაროს მშვიდობიანი და საერთაშორისო სამართლის შესაფერი საშუალებით ეს ქვეყანა ნორმალურ მდგომარეობაში დაბრუნოს“.

ერთა ლიგის საზოგადო ყრილობაზე ამ გარდაწყვეტილების დამკველად ისევ ბელგიის წარმომადგენელი დე-ბრუტერი გამოვიდა. მისი შესანიშნავი სიტყვის შემდეგ ერთა ლიგის მესამე ყრილობამ ერთხმად მიიღო შემოაღნიშნული გარდაწყვეტილება.

ასე დასრულდა პირველი დიდი ბრძოლა საქართველოსათვის საერთაშორისო უფლების ასპარეზზე —

ჯერ კიდევ 1922 წლის აპრილში დაარსდა საქართველოში ეკრეთ-წოდებული „დამკომი“, ანუ დამოუკიდებლობის კომიტეტი, რომელში ყველა ქართული პარტია შედიოდა თავისი წარმომადგენლებით. ამ „დამკომმა“ 1924 წლის 5 აგვისტოს შედგენილი მოხსენება ერთა ლიგის ყრილობის სახელზე გადმოგზავნა. „დამკომი“ ერთა ლიგას თხოვდა, დახმარებოდა იგი ქართველ ერს, რომლის ერთად - ერთი მოთხოვნა არის თავისუფალი ცხოვრება და საქართველოდან რუსული ჯარების გაყვანას მოითხოვდა.

ქართველი ხალხის აჯანყების დროს (1924 წელს, აგვისტო - სექტემბერში) საქართველოს მთავრობის თავმჯდომარე ნოე ჟორდანიას მიმართავს ერთა ლიგის ყრილობის თავმჯდომარეს და უთვლის: —

„მოსკოვის გაუგონარმა შევიწროებამ, რომელიც სამი წელიწადი გრძელდება, სასოწარკვეთილებამდე მიიყვანა ქართველი ერი; საქართველო აჯანყდა. ათი დღე არის სწარმოებს ბრძოლა ხალხსა და რუსის ჯარებს შორის და იღვრება სისხლი. სოფლები იწვიან. დიდი ხნიდან დაპატიმრებულ პოლიტიკურ მოღვაწეებს გაუსამართლებლად ხერხტენ. ერი იბრძვის დამოუკიდებლობის აღდგენისათვის, რომელიც მოსკოვის მთავრობამ წაართვა მას, გათელა ფეხ ქვეშ მისი (რუსეთის) და საქართველოს შორის დადებული ხელშეკრულება.“

„ვთხოვთ ერთა ლიგას, რომლის დანიშნულებაა სა-

ერთაშორისო უკმაყოფილებათა და სისხლისმღვრელ შეტაკებათა აცდენა, ჩაერის და წინადადება მისცეს მოსკოვის მთავრობას, შესწყვიტოს სამხედრო მოქმედება საქართველოს წინააღმდეგ და საკითხი საერთაშორისო არბიტრაჟს გადასცეს“.

ერთა ლიგის ყრილობაზე წარადგინეს საქართველოს საკითხი. 1924 წლის სექტემბრის 11-ს საფრანგეთის წარმომადგენელმა ერთა ლიგაში, პოლ ბონკურმა წარმოთქვა სიტყვა საქართველოს აჯანყების შესახებ. საფრანგეთის, ინგლისის და ბელგიის წარმომადგენლებმა ერთა ლიგას წარუდგინეს რეზოლუციის გეგმა. ეს გეგმა წესისამებრ მეექვსე კომისიას გადაეცა, რომელმაც თავის მხრივ აირჩია მცირე კომისია ყრილობისათვის მოხსენების წარსადგენად. ამ მცირე კომისიის მოხსენება მეექვსე კომისიამ ერთა ლიგის საზოგადო კრებას გადასცა. კომისიის მოხსენება შემდეგი იყო: —

„საზოგადო კრება განაახლებს 1922 წლის 22 სექტემბრის, მესამე საზოგადო კრების მიერ საქართველოს შესახებ მიღებულ რეზოლუციას და მოუწოდებს საბჭოს, ყურადღებით თვალი ადევნოს ქვეყნის ამ კუთხის ამბებს, რათა ისარგებლოს ყოველი შემთხვევით, რომელიც კი მიეცემა, და მშვიდობიანი და საერთაშორისო სამართლის საშუალებით ხელი შეუწყოს ამ ქვეყნის ნორმალურ პირობებში დაბრუნებას“.

„მესამე საზოგადო კრებამ, გამსჭვალულმა იმ გრძობით, რომელსაც, დარწმუნებული ვართ, ეხლაც ერთსულოვნად იზიარებენ ჩვენი კოლეგები, დაავალა საბჭოს თვალყურის დევნა მდგომარეობაზე და ყოველივე შემთხვევის გამოყენება ამ მდგომარეობისათვის მშვიდობიანი და საერთაშორისო სამართლის შესაფერი საშუალებით დასახმარებლად.“

„ამ მდგომარეობის ძირითადი მიზეზები არ შეცვლილა და ის ტრადიციული ამბები, რომელიც დღეს ხდება საქართველოში, იმავე წუხილს გვიახლებს, რომელსაც განიცდიდა მესამე კრება. 1922 წლის რეზოლუცია რაკი მიღებული იყო, უფლება გვაქვს გამოვთქვათ იმედი, რომ იმ სახელმწიფოთა მთავრობანი, რომელნიც ლიგის წევრად ითვლებიან, დაეხმარებიან საბჭოს ან ინფორმაციის მიწოდებით, ან თავიანთი გავლენის მიშველებით.“

„კომისია თხოვს კრებას კეთილ ინებოს და ბრძანოს ამ მოხსენების საბჭოსათვის გადაცემა, რათა ამ უკანასკნელს შეეძლოს იმ დროს და იმ სახით, რომელსაც თვითონ მიიმჩნევს ხელსაყრელად, გამოიყენოს შიგ ჩართული დარიგებანი“-ო.

ამ მოხსენების შემდეგ კამათში მონაწილეობა მიიღეს და საქართველოს მხარი დაუჭირეს კანადის წარმომადგენელმა მაკ-დონალდმა, ინგლისისა — პროფესორმა მურეიმ, იტალიისა — ბონინ-ლონგარმა, ბელგიისა — დე-ბრიუკერმა და საფრანგეთისამ — ბონემ.

ერთა ლიგის საზოგადო კრებამ ერთხმად მიიღო შემდეგი გარდაწყვეტილება: —

ერთა ლიგის „საზოგადო კრება არდგენს: მეექვსე კომისიის მოხსენება საქართველოს მდგომარეობის შესახებ გადაეცეს (ერთა ლიგის) საბჭოს, რათა შეეძლოს მხედველობაში მიღება ყველა იმ აზრებისა, რომელთაც შეიცავს მოხსენება, იმ დროს და იმ სახით, რომელთაც თვითონ მიიმჩნევს ხელსაყრელად“.

ამ გარდაწყვეტილებაზე დაყრდნობით, მეორე დღესვე, 12 სექტემბერს 1924 წ. საქართველოს მთავრობის წარმომადგენელმა ერთა ლიგის საბჭოს თავისი მოხსენება მიართვა. ქართ. მთავრობა თხოვდა საბჭოს განეხილა მას საქართველოსა და რუსეთის დავა და მიეღო შესაფერი ზომები ამ დავის ამოსაწურავად.

მეორე მხრივ, საქართველოსათვის მუშაობა მიმდინარეობდა ევროპის საზოგადოებრივი აზრის დასამუშავებლად და ინტერნაციონალურ - სოციალისტურ ასპარეზზე. მთავარი იყო საქართველოს გაცნობა და მისი არსებობის შესახებ ცნობათა გავრცელება, ვინაიდან პოლიტიკური გეოგრაფიიდან მეფის რუსეთის მიერ ამოშლილ საქართველოს ძალიან ცოტა ხალხი იცნობდა. ქადაგება პრესაში, პარტიებში, ყრილობებზე და საპარლამენტო სხდომებზე ამ მიზანს ემსახურებოდა.

1919 წლის დასაწყისში შვეიცარიაში, ქალაქ ბერნში მოეწყო სოციალისტური ინტერნაციონალის ყრილობა, რომელმაც გაიცნო საქართველოს საკითხი და გადასწყვიტა საქართველოს დამოუკიდებლობისათვის მხარი დაეჭირა. 1919 წლის ამსტერდამის სოციალისტურმა ყრილობამ, 1920 წლის ლიუცერნის სოციალისტურმა ყრილობამ, 1920 წლის ჟენევის სოციალისტურმა ყრილობამ, მიიღეს დადგენილება საქართველოსათვის დამოუკიდებლობის მოპოვებაში მხარის დაჭერის შესახებ.

ეს იყო დიდი მოსამზადებელი მუშაობა. ამ დადგენილებებმა მაშინ თავისი გავლენა იქონია ევროპის პოლიტიკაზე საქართველოს იურიდიულად აღიარების საქმეში. მაგრამ მალე ევროპის სოციალისტურ პარტიებს ახალი საზრუნავი გაუჩნდათ და ეს იყო საქართველოს დაკავება ბოლშევიკური რუსეთის მიერ... .

1921 წლის 10 მარტს, პარიზში მყოფმა ირაკლი (კაკი) წერეთელმა და 27 მარტს სტამბოლში მყოფმა ნოე ჟორდანიამ, კარლო ჩხვიძემ, ნოე რამიშვილმა და ევგენი გეგეკორმა მიმართეს ევროპის სოციალისტურ პარტიებს და პროფესიულ ორგანიზაციებს მოწოდებით და თხოვნით მათ დახმარებას, რათა რუსეთს საქართველოდან თავისი ჯარები გაეყვანა და დამოუკიდებლობა აღედგინა. ამ მოწოდებამ დიდი თანაგრძნობა და გამოხმაურება პპოვა და მოსკოვის მთავრობის იმპერიალისტური თავდასხმისა და მის მიერ საქართველოს ოკუპაციის წი-

ნააღმდეგ დადგენილებანი გამოიტანეს: ინგლისის ტრედ უნიონების და მუშათა პარტიის შეერთებულმა კომიტეტმა, გერმანიის სოციალდემოკრატიული პარტიის ორივე ფრთამ, საფრანგეთის, ბელგიის, ესპანეთის, შვეიცარიის, ჩეხოსლოვაკიის, შვეციის, დანემარკის იტალიის, ავსტრიის, იუგოსლავიის, ბულგარეთის, ბალტიის სახელმწიფოთა და პოლონეთის სოციალისტურმა პარტიებმა. ყველა დადგენილება მოითხოვდა რუსეთისაგან, მას საქართველოდან გაეყვანა თავისი ჯარები და ქვეყნის დამოუკიდებლობა აღედგინა.

ეგრეთ-წოდებულმა ვენის ინტერნაციონალურმა ბიურომ 1921 წლის 8 ივლისს, თავისი დადგენილებით მოითხოვა ბოლშევიკური ჯარების საქართველოდან დაუკონებლივ გაყვანა და ქართველი ერისადმი თვითგამორკვევის უფლების მინიჭება.

1921 წელს ივლისში შემდგარმა, კოპენჰაგენში, ინტერნაციონალურ-სოციალისტურმა ყრილობამ წინადადება მიიღო, სოციალისტებისა და კომუნისტებისაგან შემდგარიყო საერთაშორისო კომისია, რომელსაც უფლება ექნებოდა ქართველი ერის სტრუქტურული მმართველობის შესახებ თავისუფალი და საყოველთაო კენჭისყრით გამოეყვანა. ამის შესახებ მოსკოვს მიმართეს, მაგრამ ყოველი ცდა უშედეგო გამოდგა.

1921 წ. მუშათა ინტერნაციონალის აღმასრულებელმა კომიტეტმა მოითხოვა: მოსკოვს გაეყვანა ჯარები საქართველოდან.

1922 წ. 2 აპრილს ბერლინში შემდგარმა სამი ინტერნაციონალის აღმასრულებელმა სხდომამ აირჩია ცხრა პირისაგან შემდგარი კომისია, რომელსაც უნდა მოემზადებინა საერთაშორისო სოციალისტური ყრილობის მოწვევა და ამას გარდა უნდა განეხილა ყველა საბუთი საქართველოს შესახებ. სწორედ ამ დროს საქართველოს ერთ კუთხეში, სვანეთში, იწყება შეიარაღებული ბრძოლები ბოლშევიკების წინააღმდეგ და მეორე ინტერნაციონალის კომიტეტი თხოვს მოსკოვს შეაჩეროს სამხედრო მოქმედებანი და საკითხი გადაეცეს ცხრა-წევრიან კომისიას გასაშინჯად. მაგრამ ამ კომისიიდან ბოლშევიკები გავიდნენ და ამგვარად იგი დაიშალა (1922 წ. მაისში).

1922 წ. 18 ივნისს ლონდონში მეორე ინტერნაციონალის ყრილობამ და 1923 წ. საერთაშორისო სოციალისტურმა ყრილობამ ჰამბურგში დაადასტურა ყველა ის გადაწყვეტილება საქართველოს შესახებ, რაც მიღებული იყო მუშათა ინტერნაციონალისა და ევროპის სოციალისტურ პარტიათა მიერ: —

„ყრილობა ადასტურებს მეორე ინტერნაციონალისა და სოციალისტური პარტიების ვენის გაერთიანების რეზოლუციებს საქართველოს შესახებ; იგი მოითხოვს სა-

ქართველოდან საბჭოთა ჯარების გაყვანასა და ქართველი ხალხის სუვერენობის აღდგენას“—ო.

მაგრამ ევროპის პოლიტიკის ვითარება ისე მიდის, რომ ევროპიული სახელმწიფონი, რომელნიც აქამდე საბჭოთა რუსეთს უარყოფითად უყურებდნენ და სოციალისტური პარტიებიც, რომელნიც აქამდე რუსულ ბოლშევიკურ პარტიას სოციალისტურად მოღვაწეთ არ სთვლიდნენ, ახლა უკვე მზად არიან საბჭოთა რუსეთი სცნონ და კომუნისტურ მთავრობასთან და პარტიასთან თანამშრომლობა გასწიონ. ეს გამოიჭყა უკვე ჰამბურგში ინტერნაციონალის სხდომაზე, მაგრამ საქართველოსათვის მაინც რჩება პირობა მისი დაცვის შესახებ.

1924 წლის თებერვალში, ჰამბურგის გაერთიანებული სოციალისტური ინტერნაციონალის აღმასრულებელი კომიტეტის სხდომა ლუქსემბურგში შემდეგ გადაწყვეტილებას ადგება: —

„იღებს რა მხედველობაში, რომ საბჭოთა მთავრობის იურიდიული ცნობა ევროპის მთავრობათა დღის წასრიგში დგას, აღმასრულებელი კომიტეტი მოაკონებს ინტერნაციონალში შემავალ პარტიებს, რომ თანახმად ჰამბურგის ყრილობის დადგენილებისა, სოციალისტური პარტიები, როცა ისინი მოითხოვენ თავიანთი მთავრობებისაგან საბჭოთა მთავრობის ცნობას, ვალდებული არიან იზრუნონ ამ აქტმა ხელი არ შეუშალოს საქართველოში სამხედრო ოკუპაციის შეწყვეტის შესახებ მოლაპარაკებას. აღმასრულებელი კომიტეტი მოუწოდებს ყველა სოციალისტურ პარტიას, გასწიოს შესაფერი ქადაგება საქართველოდან საბჭოთა საოკუპაციო ჯარების გაყვანის სასარგებლოდ“—ო.

1924 წ. 28 სექტემბერს ლონდონში შეკრებილმა სოციალისტური ინტერნაციონალის ყრილობამ დაჰკმეო ბოლშევიკების მხედური მოქმედება და ტერორი საქართველოში აჯანყებულთა და უბრალო ხალხის მიმართ და კვლავ მოუწოდა სოციალისტურ პარტიებს, რათა მათ ენერგიულად მხარი დაუჭირონ ქართველი ხალხის მოთხოვნილებას რუსული ჯარის საქართველოდან გაყვანის შესახებ.

1925 წ. აგვისტოს დამლევს მარსელში შეიკრიბა სოციალისტური ინტერნაციონალის მეორე კონგრესი, რომელმაც გამოაცხადა, რომ იგი იცავს ერთა სრულ თვითგამორკვევის უფლებას „საბჭოთა კავშირის ერთთვის, რევოლუციის ხანაში მოიპოვოს სახელმწიფოებრივი დამოუკიდებლობა, როგორც სომხეთმა, საქართველომ, უკრაინამ და სხვა“.

რასაკვირველია, ყველა ეს გარდაწყვეტილება, მრავალი დადგენილება, ბევრი წერილი ჟურნალ-გაზეთებში, სიტყვები პარლამენტებში და ყველა ევროპიული ქვეყანის პარტიული აუარებელი რეზოლუცია საქართველოს

განთავისუფლების შესახებ, ამ ქვეყანას დამოუკიდებლობას ვერ მიანიჭებდა, მაგრამ ეს ლაპარაკი და წერა, მოქმედება და ქადაგება საქართველოს საკითხს აფართოებდა, მსოფლიოში მას თანაგრძნობას უწყევდა და მის საერთაშორისო ცნობასა და მდგომარეობას ამავრებდა.

ოღონდ სახელმწიფონი არ ხელმძღვანელობენ გრძნობითა და თანაგრძნობით, სიყვარულით და სიძულელით, არამედ შესაძლებლობითა და ანგარიშით. ხოლო ანგარიში კი იმ დროს მოითხოვდა, რომ ევროპას საბჭოთა რუსეთთან ურთიერობა დაეჭირა და მასთან ვაჭრობა გაემართა. ამ საფუძველზე ჯერ გერმანიამ და მერმე იტალიამ. ხოლო შემდეგ, 1924 წ. ინგლისმა, იცნეს საბჭოთა მთავრობა. მაგრამ ინგლისმა აშკარად ვერ გასთელა საქართველოს უფლება და ამიტომ დიპლომატიურ ხრიკს მიმართა, რაც მერმე საფრანგეთმაც გაიმეორა.

1924 წლის 1 თებერვალს ინგლისის საგარეო საქმეთა მინისტრი საბჭოთა რუსეთის საგარეო საქმეთა კომისარს ასეთ წერილს უგზავნის:—

„პატივი მაქვს ჩემი მთავრობის მითითებათა თანახმად, თქვენს აღმატებულებას ვაცნობო, რომ იგი სცნობს სოციალისტური საბჭოთა რესპუბლიკების კავშირს, როგორც იურიდიულ მთავრობას ძველი რუსეთის იმ ტერიტორიებზე, რომელნიც სცნობენ მის ხელისუფლებას“-ო.

როგორც იუწყებოდნენ, ამით იგულისხმებოდა საქართველო, რომელიც საბჭოთა მთავრობას არა სცნობდა.

საფრანგეთის მთავრობამაც აღიარა დე-იურედ საბჭოთა კავშირის მთავრობა და ამის შესახებ საფრანგეთის მთავრობის თავჯდომარე ერიომ პარლამენტში განაცხადა 1924 წლის 17 ივნისს, ხოლო იმავე წლის ოქტომბრის 28-ს საფრანგეთის მთავრობა სწერს საგარეო საქმეთა კომისარს ჩიხერენს:—

საფრანგეთის რესპუბლიკის მთავრობა, ერთგული იმ მეგობრობისა, რომელიც რუსეთისა და საფრანგეთის ხალხებს აერთიანებს, დღეიდან სცნობს იურიდიულად სოციალისტურ საბჭოთა რესპუბლიკების კავშირის მთავრობას, როგორც მთავრობას ძველი რუსეთის იმპერიის იმ ტერიტორიებზე, სადაც მისი ხელისუფლება მიღებული არის მკვიდრთაგან-ო.

აქაც საქართველოს საკითხი იგულისხმება. თუმცა მიმალულად. მაგრამ ორი ცნობის შედეგად, ლონდონში გაუქმდა საქართველოს წარმომადგენლობა, ხოლო საფრანგეთში კი დარჩა ჯერჯერობით, სანამ მან საბჭოთა კავშირთან თავდაუსხმელობისა და მეგობრობის ხელშეკრულება არ დასდო. ამის დროც მოვიდა. გერმანიით დაშინებულმა საფრანგეთმა გადასწყვიტა საბჭოთა კავშირთან თავდაუსხმელობის და მეგობრობის ხელშეკრულება დაედო. ამ შემთხვევაში უკვე საქართველოს საელჩოს არა ეშველებოდა რა. 1932 წლის 29 ნოემბერს საბჭოთა რუსეთმა და საფრანგეთმა ხელი მოაწერეს თავდაუსხმელო-

ბის პაქტს და 1933 წლიდან საქართველოს საელჩო პარიზში გაუქმდა. ამ საქმის შესახებ საფრანგეთის პარლამენტში კამათის დროს ძალაუფლებურად საქართველოს საკითხი წამოიჭრა და სოციალისტმა მუტემ მხურვალე სიტყვა წარმოთქვა საქართველოს შესახებ, ხოლო მეორე დებუტატმა, სოციალისტმა, პოლ რენოდელმა განმარტა:

„ჩვენ უპირობოდ ვაძლევთ ხმას ხელშეკრულებას, მაგრამ ეს ხმა ცოტა არ იყოს, მელანქოლით არის მოსილი, რადგანაც ის ევაიძულებს იმის დადასტურებას, რომ ზოგჯერ დიდ საზოგადო აქტების წინაშე კაცი იძულებული არის თავის პოლიტიკაში დათმოს ნაკლები მნიშვნელობის მისი ნაწილები, თუმცა ძლიერად ედოს მათთვის გული. თქვენ მიმხედარი იქნებით, რომ საქმე ეხება ის სადარდელს, რომელიც აღნიშნა ჩემმა მეგობარმა მუტემ საქართველოზე.

„საქართველო, თქვენ იცით, პატარა ქვეყანაა. მისი დამოუკიდებლობა ფაქტიური და იურიდიული იცნო სახელმწიფოთა მთელმა რიგმა და მათ შორის საფრანგეთმა. საქართველოს საკითხი ერთა ლიგის მნიშვნელოვან და საქართველოსათვის სასარგებლო მსჯელობის საგანი იყო.

„უნდა ვიფიქროთ, რომ თავდაუსხმელობის პაქტი, სცვლის დღეს საფრანგეთის პოზიციას საქართველოს მიმართ?

„მე კარგად ვიცი, და კიდევ ვუთხარი ეს ჩემს ქართველ მეგობრებს: ცამეტი წლის შემდეგ ძნელია იმის წარმოდგენა, რომ იმ მთავრობის არსებობა, რომელმაც, რა მიზეზითაც არ იყოს, დასტოვა თავისი ქვეყანა, დაუსრულებლად და მუდმივ იყოს ცნობილი და მიმჩნეული.

„მაგრამ მე მსურს... (საფრანგეთის) რესპუბლიკამ არ დაივიწყოს, რომ მას არ უცენია ის მოვლენა, რომელიც ძალმომრეობითი ოკუპაციას წარმოადგენს.

„დავუმატებ, რომ ძალმომრეობა ვერ დაჰფარავს სამართალს, რომელსაც არავითარი ვადა არა აქვს, როდესაც საქმე ეხება ხალხის უფლებას: თავისი ბედი თვითონ განაგოს“-ო.

ასეთი ლამაზი და რაინდული სიტყვით დასრულდა საქართველოს საელჩოს საკითხი საფრანგეთში.

საერთაშორისო პოლიტიკაში ანგარიში და ინტერესი სჭარბობს. მხოლოდ ამ ინტერესთა საქართველოს მხარეზე გადაწევასა და გადასვლას შეუძლია საქართველოს განთავისუფლება და მისი დამოუკიდებლობის აღდგენა.

ანგარიშმა და ინტერესმა მოითხოვა ახლა, რომ საბჭოთა კავშირი ერთა ლიგის წევრად გამხდარიყო. ერთადერთი ქვეყანა, რომელმაც ამ შემთხვევაში საქართველოს უფლება დაიცვა, იყო შვეიცარიის წარმომადგენელი მოტა, რომელსაც მხარი დაუჭირა პოლანდიის წარმომადგენელმა. ერთა ლიგის მეექვსე კომისიის სხდომაზე, სადაც საბჭოთა კავშირის წილების საკითხი ირჩეოდა, მოტამ განაცხადა, სხვათა შორის:—

„როდესაც ის (საბჭოთა კავშირი) იქნება მიღებული (ერთა ლიგაში), საბჭო და საზოგადო კრება (ლიგისა) იქნებიან დაყენებულნი რამოდენიმე ღიად დარჩენილი საკითხის წინაშე. საერთო კრების მიერ საქართველოს დამოუკიდებლობის შესახებ გამოტანილი რეზოლუციები ვერ დაიძინებენ მკვდარის ძილით. სომხეთი, უკრაინა, სხვა ქვეყნები, კიდევ იპოვნიან გაბედულ პირთ, რომელნიც განაგრძობენ მათ ბედ-იღბალზე ზრუნვას. არ შეიძლება ითქვას: აწ ეგ საკითხი არ დაისმებიანო! მთელი მსოფლიოს სიმპატიები თან ახლავთ იმ გმირთ, რომელნიც იცავენ თავის სიცოცხლეს და თავის ბედს. ასეთ კითხვებს ვერ გააბათილებს დროთა მსვლელობა“ -ო.

1924 წ. 18 სექტემბერს ერთა ლიგის ყრილობამ საბჭოთა კავშირი თავის წევრად გახადა, ხოლო დაპყრობილ ერთა წარმომადგენლებმა ერთა ლიგის თავმჯდომარეს, სანდლერს მიმართეს წერილით, რომელშიც ნათქვამია:—

„კავკასიის, თურქესტანის და უკრაინის ხალხთა სახელით ჩვენ პროტესტს ვაცხადებთ საბჭოთა მთავრობის მიღებაზე და უარს ვყოფთ მის უფლებას, ჩვენი ერების წარმომადგენლობა დაიხმოს და მათი სახელით ილაპარაკოს“-ო...“

მას შემდეგ არ ერთხელ დასმულა საქართველოს სა-

კითხი, ოღონდ ამ ისტორიის მოთხრობა ძალიან შორს წაგვიყვანდა...

რა საერთაშორისო მდგომარეობა აქვს საქართველოს და როგორია მისი ვითარება საერთაშორისო უფლების მიხედვით?

ჩვენ აქ უნდა გავიმეოროთ პარიზის უნივერსიტეტის საერთაშორისო უფლების პროფესორის, ლე ფურის აზრი ამ საკითხზე: —

„საქართველო უფლებრივად მუდამ დამოუკიდებელი სახელმწიფოა. ძალადობის ფაქტი მოხდა და დამოუკიდებელ საქართველოს სახელმწიფოებრივი უზენაესობა წაერთვა. უფლებრივად იგი დღესაც მოსილია თავისი სუვერენობით. საქართველო უფლებრივად არსებობას განაგრძობს. იგი მოწოდებულია კიდევ გაცოცხლდეს, როგორც კი მოისპობა ის ფაქტიური დაბრკოლება, რომელიც მას წინ ეღობება“ -ო.

და ამას დაეძინოთ: ეს ფაქტიური დაბრკოლება, რომელიც დღესაც არსებობს, დღეს არა — ხვალ; ხვალ არა — ზევ; ზევ არა — მასზე უეჭველად მოისპობა. ეს გარდაუვალი განაჩენია ისტორიისა.

ბ. ბებურიშვილი

სახელმწიფოთი, რომელთაც საქართველოს დემოკრატიული რესპუბლიკა იურიდიულად აღიარეს და იცვნეს:

თურქეთი	3 ივნისს 1918 წ.
არგენტინა	13 სექტემბერს 1919 წ.
საბჭოთა რუსეთი	7 მაისს 1920 წ.
გერმანია	24 სექტემბერს 1920 წ.
ბელგია	27 იანვარს 1921 წ.
საფრანგეთი	27 იანვარს 1921 წ.
ინგლისი	27 იანვარს 1921 წ.
იტალია	27 იანვარს 1921 წ.
იაპონია	27 იანვარს 1921 წ.
პოლონეთი	28 იანვარს 1921 წ.
ავსტრია	17 თებერვალს 1921 წ.
რუმინეთი	18 თებერვალს 1921 წ.
ლუქსემბურგი	23 თებერვალს 1921 წ.
ჰაიტი	9 მარტს 1921 წ.
ლიბერია	28 მარტს 1921 წ.
მექსიკა	14 აპრილს 1921 წ.
პანამა	26 აგვისტოს 1921 წ.
სიამი	20 ნოემბერს 1921 წ.

არ დასცალდა საქართველოს დამოუკიდებელ რესპუბლიკას ყველა დანარჩენი სახელმწიფოს მიერ ცნობილი ყოფილიყო, რადგან საბჭოთა რუსეთმა მას აღიარებ წარსტაცა დამოუკიდებლობა და თავისუფლება.

3. სარჯველაძე

დამოუკიდებლობის ხანა

სამი წელი იარსება საქართველოს დამოუკიდებელმა დემოკრატიულმა რესპუბლიკამ. მისი არსებობის ეს ხანა იმდენად მდიდარია საზოგადოებრივი ცხოვრების შინაარსით, რომ იგი აუცილებლად აღინიშნება ცალკე ეპოქად ჩვენ მრავალსაუკუნოვან მატთანში...

მას შემდეგ რაც საქართველო მსხვერპლი გახდა გარეშე ძალისა და გადაიჭრა გზა აღმავალი, ქართველი ერის ისტორიის ფალსიფიკატორები ქმნიან ლეგენდებს, ამახინჯებენ ფაქტებს, იგონებენ ჭოჩრებს, რათა ახალ თაობებს მოახევენონ — საქართველოს დამოუკიდებლობის სამი წელი, ვითარცა ქართველ მშრომელთა სატანჯველი, სულშემსუთავი, მჩაგვრელი და მათი ქვეყნის ეროვნული წარმატების შემზღუდავი. ამით მათ სურთ აღმოფხვრან ქართველი ხალხის გულიდან ბრძოლის სურვილი დამოუკიდებელი, თავისუფალი ცხოვრების აღსადგენად.

ეს ცდები წინასწარ განწირულია. ჩვენი ხალხის დაბრკელება ძნელი მისაღწევია. ამისი თავმდება მისი ისტორიული წარსულის მავალითები.

მართალია, მიმდინარე, ატომური და ტექნიკური განვითარების პირობები მოითხოვს განმათავისუფლებელი მოძრაობის ახალ მეთოდებს და ფორმებს, მაგრამ ახალ გარემოცვაში ქართველი ერი შეძლებს გამოჩანოს კულტურულ-პოლიტიკური გზები თავისი ეროვნული სახეობის შესანარჩუნებლად და ხელსაყრელ პირობებში ეროვნული თავისუფლების აღსადგენად.

ნახევარი საუკუნეა, რაც საქართველომ გადაიძრო რუსეთის მონობის უღელი და გამოაცხადა დამოუკიდებლობა... თავისუფლება არც ციდან ჩამოვარდნილა და არც ადვილად დამაგრებულა და განმტკიცებულა...

ეს იყო ნორმალური მოვლენა. ოთხი წლის ომმა გააჩანაგა რუსეთის (რომლის ნაწილი ჩვენ ვიყავით) ეკონომიური დოვლათი, მოშალა სამრეწველო დარგები, ტრანსპორტი და სხვა.

მას შემდეგ, რაც რუსეთმა სიტყვა გასტეხა, მფარველობა დაპყრობით შესცვალა, ჩვენი ქვეყანა ორ გუბერნიად აქცია, რუსული ჯარი და ბიუროკრატია გაუჩინა დარაჯად, — მას მოესპო ყოველგვარი, დამოუკიდებელი ეკონომიური და სოციალური ცხოვრების განვითარების შესაძლებლობანი. რუსეთი დაინტერესებული იყო უზრუნველყო თავისთვის სტრატეგიული პუნქტები და გაეგრძელებინა თავისი გავლენა კავკასიაში და აქედან

წინა აზიაში, ამისთვის მას სჭირდებოდა კავკასიის ხალხების და კერძოდ ჩვენი ხალხის მორჩილება და კეთილსაიმედობა. თუ მაშინდელ კოლონიებში ევროპის ქვეყნებს შეჰქონდათ კაპიტალი და ცოდნა, ეს რუსეთს არ შეეძლო, რადგან არ ყოფილა საქართველოზე უფრო მდიდარი არც ცოდნით, არც კაპიტალით...

ცხადია, ჩვენი ქვეყანა იყო ღარიბი, რუსეთთან ხელოვნურად გადაბმული და ეკონომიურად მისგან დამოკიდებული. საქართველოს საერთო საზოგადოებრივი ეკონომიური ცხოვრების სადავე იმას ეჭირა ხელში, ვინც საუკუნეზე მეტი ხნის განმავლობაში პოლიტიკურად ჩვენში ბატონობდა... ეს იყო რუსის ბიუროკრატიული სამმართველოები.

თუ გავხსენებთ თებერვლის რევოლუციისა და ოქტომბრის გადატრიალების შემდეგ პოლიტიკურ მოვლენებს, სახელდობრ: კავკასიის ერთა სახელმწიფო ორგანიზაციის ჩამოყალიბება, შემდეგ სამ რესპუბლიკად დაყოფა, მეზობელთა შორის დავა და უთანხმოება, ოსმალეთის ჯარების შემოსევა ახალციხის და გურიის საზღვრებში, ტრანსპორტის მოშლა, მწვავე სასურსათო კრიზისი, საქართველო მოწყვეტილი დასავლეთს, საომარი ვითარების გამო, თქვენ წინ წარმოგიდგებათ ჩვენი პატარა ქვეყანა, განკერძოებული, განმარტოებული, — არსაიდან მისი დამხმარე და მშველელი; მიშვებული საკუთარი თავის ამარად, დაყრდნობილი საკუთარ ძალაზე და ღარიბ საშუალებებზე.

და აი, ამ აფორიაქებულ პირობებში უხდებოდა ერს სახელმწიფო ორგანიზმის ჩამოყალიბება.

მთელმა ერმა, მისმა ყველა ნაწილმა განსაცვიფრებელი უსაზღვრო ენტუზიაზმი, აღტკინება, აღფრთოვანება გამოიჩინა.

ეროვნული თავისუფლების სიყვარულმა, საკუთარი ქართული სახელმწიფოს დამკვიდრების და მისი მომავლის აღორძინების იმედებმა გადაავიწყა მოსახლეობას ნივთიერი გაჭირვება; არ შეუღინდა სიმარტოვეს, მრავალ დაბრკოლებას და მხნედ შეუდგა აღმშენებლობის საქმეს.

რა გაკეთდა? რას მივალწივთ? როგორ პირობებში — ყველა ამისი დაწვრილებითი აღწერა მომავალ ისტორიკოსს უნდა მივანდოთ... დავკმაყოფილდეთ ზოგად მოვლენათა აღნიშვნით.

საშინაო პოლიტიკა. საშინაო პოლიტიკის უმთავრეს საზრუნავ საგანს შეადგენდა მონაპოვარი თავისუფ

ფლებს დაცვა, საყოფაცხოვრებო წესების ეროვნულ საფუძველზე დამყარება.

პირველად ყოვლისა საქართველომ უარყო როგორც რუსული, ისე ფეოდალური საქართველო და გადაესვენა კლასიკურ საქარველოს, ესე იგი, იყოს ნაციონალური, მთლიანი, თავისი თავის პატრონი და წინამძღოლი. ამ საფუძველზე აშენდა თანამედროვე ფორმის და შინაარსის ეროვნული სხეული, მოთავსდა ახალ პოლიტიკურ და ეკონომიურ სფეროში. გამოცხადდა სუვერენობა ერისა და ხალხის, დამყარდა ნამდვილი ხალხური მმართველობა. ადგილობრივად ეს გამოიხატა დემოკრატიული ერობის შემოღებით, სამაზრო ერობებს გადაეცათ სახელმწიფოებრივი მართველობის უფლება ადგილობრივ ერობის ძირითადი ორგანო იყო სამაზრო ერობის ხმოსანთა ყრილობა, საყოველთაო ხმის მიცემით არჩეული; მას ექვემდებარებოდა ერობის აღმასრულებელი ორგანო.

ერობები შეუდგნენ სოფლად სკოლების და ბიბლიოთეკების გახსნას, ცხენების გაყვანას, საცდელი მინდვრების შემოღებას, ჭაობების ამოშრობას, საექიმო პუნქტების დაარსებას...

სულ მცირე დროის მანძილზე ჩამოყალიბდა საადმინისტრაციო სამმართველოები. ყველანი ესენი მოწყობილი იქმნენ ეროვნულ ნიადაგზე.

გაჰქა მიწერ-მოწერა უცხო ენაზე; გაჰქა დედა-ქალაქში უცხო წარწერები; თბილისი გაჰართულდა, ქართველი ქალაქის თავით და ქართველ მხოსანთა კრებულებით...

კულტურული მუშაობა. როცა საქართველო რუსეთის ნაწილს შეადგენდა სწავლა-განათლების საქმე არას დროს ყოფილა ჩვენში მოწყობილი. უმთავრესია სკოლების რეორგანიზაცია, განახლება უნდა მომხდარიყო ეროვნულ ნიადაგზე, რაც შესრულებულ იქმნა სწავლა-განათლების მუშაკთა მიერ ფართო მუშაობის გაწევით. მოხდა გაეროვნება როგორც დაბალ და უმაღლეს პირველ - დაწყებით სასწავლებლებში, ისე თვით საშუალო სკოლებშიდაც; შემოღებულ იქმნა საყოველთაო სავალდებულო პირველ-დაწყებითი სწავლა. 1919 წ. სექტემბერში გაიხსნა ახალი 166 პირველ-დაწყებითი სკოლა, ხოლო ამავე წლის დასასრულს რესპუბლიკაში ირიცხებოდა 15.000 პირველ - დაწყებითი სკოლა. გეგმის თანახმად 1923 წლისათვის ჩვენი ქვეყანა უზრუნველყოფილი იქნებოდა სკოლათა სათანადო ქსელით. განათლების სამინისტროსთან დაარსებული იყო საგანგებო კომიტეტი ცნობილ მეცნიერთა და პედაგოგთა მონაწილეობით; გაიხსნა სხვა და სხვა სამაზრო ცენტრებში სამოსწავლო სემინარიები და თვით თბილისში კი უმაღლესი პედაგოგიური ინსტიტუტი; განსაკუთრებული ყურადღება მიექცა აგრონომიულ და ტექნიკურ განათლებას,

რომლის ამოცანა უნდა ყოფილიყო პირველ ყოვლისა ნორჩი ერობების დაკმაყოფილება ინსტრუქტორებით და საქირო ტექნიკური ძალებით... თავისუფალ საქართველოში თვალსაჩინო გამოცოცხლება და წინსვლა დაეტყო მწერლობას, ხელოვნებასა და მეცნიერებას. მწერლობაში ჩნდება შემოქმედების ახალ გზათა ძიება. არავითარი შეზღუდვა! არავითარი ზევიდან დაწოლას არ განიცდიდა ლიტერატურული შემოქმედება; პარიქით, ყველას ენიჭებოდა სრული თავისუფლება.

ყველა პარტიას ეძლეოდა სრული უფლება კრიტიკისა, თავისუფლება წერისა, სიტყვისა, კრების, თვით ბოლშევიკურ პარტიასაც, სანამ იგი არ დაადგა შეთქმულების გზას საქართველოს სახელმწიფოს წინააღმდეგ. დიდი ყურადღება ექცეოდა თეატრებს. ქართული ოპერაც მაშინ ჩაიხსნა და მოკლე დროში თვალსაჩინოდ გაიფურჩქნა.

მოკლედ, საქართველოს მთელ ტერიტორიაზე გაჩაღდა კულტურული მუშაობა.

აგარაული რევოლუცია. მიწის საკითხის გადაჭრა უდიდესი მნიშვნელობის იყო ჯერ თვით რუსეთში „მიწა და თავისუფლება“, აი ლოზუნგი, რომლის განხორციელებაზე იყო დამოკიდებული რუსეთის რევოლუცია. თუ გლეხობას არ მიეცემოდა სამართლიანი დაკმაყოფილება, ის შეეცდებოდა რევოლუციური გზით და შეიძლება ანარქიულ პირობებში მის დაპატრონებას. თუ ასე იდგა საკითხი მთელ რუსეთში, არც კავკასია და მით უმეტეს არც საქართველო არ წარმოადგენდა გამონაკლისს.

ჩვენი გლეხობა, რომელიც შეადგენდა მოსახლეობის 80—90 პროცენტს, იმყოფებოდა ნახევრად ყმურ დამოკიდებულებაში.

სასკოლო, სასოფლო, საერობო, საგზაო, საბალახო გადასახადი მას მიძიმე ტვირთად აწვა. ზოგს ამათგანს ჰქონდა არა რეალური, ან საყოველთაო გადასახადის ხასიათი, არამედ წოდებრივი. მაგალითად, გზის ბეგარას იხდიდა მხოლოდ გლეხკაცობა, თუმცა გზით ყველა სარგებლობდა. გადასახადებისაგან დატვირთული გლეხობა ვერ ახერხებდა სოფლის მეურნეობის შესაფერისად მოვლას და მის გაუმჯობესებას. ამას თან ერთვის მიწის მფლობელობის წესი, მიწის მუშის დიდი უმრავლესობა მოიჯარადრე იყო. ე. ი. გლეხი იძულებული იყო 15 პროცენტი მთელი შემოსავალისა ეძლია ზაზინისათვის, თუ მიწა საზაზინო იყო, ანდა მემამულისათვის მოსავლის ერთი მეოთხედი.

გავიხსენოთ აგრეთვე, რომ ყველაზე მეტი დიდი მემალულე ჩვენში იყო ზაზინა. ქართული სამეფოს გაუქმების შემდეგ რუსული ზაზინა დაეპატრონა ჩვენს სამეფო მამულებს, მაღალი წოდების მიწას, მინდორ-ველებს; მოსპო თუ არა ეკლესიის დამოუკიდებლობა, დაეპატრონა საეკლესიო მიწებს. იყო ასეთი ჩამორთმევა

კანონიერი თუ არა — ამის გამორკვევა ძნელდებოდა. ხაზინასა და კერძო მესაკუთრეთა შორის დავა, საჩივარი ათეული წლები გრძელდებოდა. ამას მხოლოდ რევოლუციამ მოუღო ბოლო, კერძოდ ჩვენში, ქვეყნის დამოუკიდებლობამ.

უნდა ვთქვათ, რომ მმართველი პარტია არ აპყვა სხვა ქვეყნის და კერძოდ რუსეთის სოც.-დემ. პარტიას, რომელიც უარპყოფდა გლეხობის მფარველობას; არ მი-აჩნდა საჭიროდ მათი ინტერესებისათვის ზრძოლა. — საქართველოში კი გლეხობა, წვრილი ხელოსნები და წვრილი ვაჭრები შეადგენდნენ ერის საკმაოდ დიდ ნაწილს, რომელსაც უნდა დაყრდნობოდა ახალი სახელმწიფო ორგანიზმი.

გარდა ამისა, ამ ერის უმრავლესობისათვის, კერძოდ გლეხობისათვის რევოლუცია, რესპუბლიკა, ეროვნული თავისუფლება იქნებოდა ცარიელი სიტყვა, თუ იგი უფლებპრიყად და ნივთიერად იმავე მდგომარეობაში დარჩებოდა რომელშიც იგი წინად იყოფებოდა, თავისუფლებასთან ერთად, რომელსაც იგი მხარს უჭერდა, მოელოდა თავისი მდგომარეობის გაუმჯობესებასაც. გლეხობის გარეშე, გლეხობის მიერ მხარის დაუჭერელად, ვერც ერთი წესწყობილება ჩვენში ფუნქს ვერ მოიმაგრებდა. ასე იყო ყველგან ევროპაში და ჩვენი გლეხობა ამ მხრივ გამონაკლისს არ შეადგენდა.

ყველა ზემომოტანილი მოსაზრების გამო რესპუბლიკის მთავრობის წინაშე დაისვა ღრმა მნიშვნელოვანი რეფორმის გატარების საკითხი და იგი გადაიჭრა ერის ეკონომიური წარმატების სასარგებლოდ, კერძოდ: გლეხობის სამართლიანი მოთხოვნების დასაკმაყოფილებლად. გავეცნოთ თვით აგრარული რეფორმის კანონს იმ სახით, როგორც იგი საბოლოოდ იყო მიღებული —

1. ყველა სახელმწიფო, საუფლისწულო (მეფის გვარეულობის), საეკლესიო-სამონასტრო და კერძო მესაკუთრეთა მიწები (ამ უკანასკნელთა, შვიდი დესატინის გარეშე) ჩამოერთვა უსასყიდლოდ და ჩაირიცხა მიწის განსაკუთრებულ ფონდში. ფაქტიურად ჩამორთმეული რაოდენობა უდრდა მთელ საქართველოში 610. 553 დესიატინას.

2. ამ მიწის ფონდიდან, ტყე, წყალი, საძოვარი, მიწის გული (მადანი) სახელმწიფოს ან ერობას დარჩა.

კულტურული და სანიმუშო მეურნეობები გამოცხადდა სახელმწიფოს საკუთრებად. დანარჩენი მიწა კი ეძლეოდა კერძო საკუთრებად იმ უმიწაწყოლო, ან მცირე მიწის მქონე გლეხებს, ვინც მიწათმოქმედებით ირჩენდა თავს. თვითუღლს ეძლეოდა არსებითად 7 დესიატინა.

3. კანონის მიერ განსაზღვრული იქმნა აგრევე ყოფილ მემამულეებისათვის დასატოვებელი მიწა. (შვიდი დესიატინა).

სახელმწიფო მიწის ფონდი, იმ მიწის გამოკლებით,

რომელსაც სახელმწიფო იტოვებდა და რომელიც შეიცავდა 370 ათას დესიატინას, თუ სავსებით ვერ დააკმაყოფილებდა გლეხობის მოთხოვნილებას, იგი დიდ სამსახურს უწევდა ჩვენი ქვეყნის ღარიბ სოფლის მოსახლეობას. რეფორმა გატარდა უმტყვენეულოდ, ყოველგვარი წინააღმდეგობის გარეშე.

აგრარული რეფორმით ხდებოდა გლეხობის ნაციონალურ ხაზზე დარაზმვა. ეს გარემოება უსათუოდ გაგებული იყო თვით მემამულეთა მიერ.

„ყველა ნაბიჯი იზომებოდა და იყლინებოდა ნაციონალური მომენტიტ, მას დაემორჩილა ყველა კლასი და წოდება, დავა აღარ იყო“ — ამბობს თავის მოგონებაში ნოე ჟორდანია.

სოციალური კანონმდებლობა. შრომა საფუძველია რესპუბლიკის არსებობისა და მისი უზრუნველყოფა რესპუბლიკის განსაკუთრებული მოვალეობაა — ვკითხვლობთ კონსტიტუციის მე-17 მუხლში.

პროგრესიული სოციალურ-ეკონომიური კანონმდებლობა, ზრუნვა მშრომელთა ნივთიერი და უფლებრივი მდგომარეობის გაუმჯობესებისათვის პირველ რიგში იდგა დღიდან დამოუკიდებლობის გამოცხადებისა. მუშა-მოსამსახურენი, რომლებიც დარაზმული იყვნენ პროფესიულ კავშირებში, სრული შეგნებით ერკვეოდნენ არსებულ ვითარებაში; მათ კარგად ესმოდათ, რომ ნორჩი სახელმწიფოს ეკონომიური პირობები არ იძლეოდა უკიდურეს მოთხოვნილების წამოყენების შესაძლებლობას. ბევრ ქვეყანაში, კრიზისების გარდამავალ ხანაში არ ყოფილა იმდენი თავშეკავებულობა, რომელსაც ადგილი ჰქონდა საქართველოში. რატომ? ქროვნიული თავისუფლება მუშებისათვის იყო ძვირფასი და ამავე დროს ისინი დარწმუნებული იყვნენ, რომ რესპუბლიკის ხელისუფლება ზრუნავდა მათზე და მომავლის პერსპექტივები მათთვის იძლეოდა სრულ გარანტიას ადამიანური ცხოვრების დასამყარებლად.

სანამ კონსტიტუცია მიღებულ იქმნებოდა, კანონით გატარდა რვა საათის სამუშაო დღე, დედაკაცთა შრომის შეზღუდვა და მცირე-ეწლოვანთა შრომის აკრძალვა ქარხანაში; ღამის მუშაობის შემოკლება და მოწესრიგება; კოლექტიურ ხელშეკრულებათა დადება; მუშათა დაზღვევა; შრომის ბიუჯე; მომრიგებელი კამერა; სატარიფო პალატა.

კანონმდებლობის გატარება, მისი დაცვა შრომის საზინისტროს ვეალებოდა.

მუშათა პოლიტიკას საქართველოში საფუძველად ედო მშვიდობიანი გზით მოგვარება სოციალური კონფლიქტებისა; ამას მოითხოვდა რესპუბლიკის ფარგლებში დიდი ომისაგან დაშლილი ეკონომიური, თუ ახლად დაწესებული სამრეწველო დაზღვევის ფუნქს დაყენება. ეს შეგნებული ჰქონდათ საქართველოს მშრო-

მელთ; ამიტომაც ისინი მხარში ედგნენ რესპუბლიკის მთავრობას.

ჟურნალის მოცულობა ნებას არ გვაძლევს ფართოდ შევეხეთ ეკონომიური პოლიტიკისა და ვაჭრობა-მრეწველობის სათანადო ნიადაგზე დაყენების საკითხს. აღვნიშნავთ გაკვრით, რომ ერის ხელმძღვანელობამ თავისი ეკონომიური პოლიტიკა შეუფარდა ჩვენი ქვეყნის ეკონომიურ და სოციალურ მდგომარეობას, რამაც ჰარმონიულად შეათავსა პირადი ინიციატივა და ინტერესი საზოგადოებრივ - სახელმწიფოებრივ ინტერესებთან.

საქართველოს ეკონომიკის ქვაკუთხედად გამოცხადდა ორნაირი საკუთრება — ერისა და წვრილი მესაკუთრეებისა, კოლექტიური და ინდივიდუალური.

ამ მხრივ, მთავრობის ორნაირი ეკონომიკის შეთავსება ჰქმნიდა ისეთ პირობებს, რომელიც უზრუნველყოფდა სახალხო მეურნეობის სრულ განვითარებას — სოფლად და ქალაქად. კერძო თავოსნობას ეძლეოდა თავისუფლად გაეშალა თავისი შესაძლებლობა; ხოლო იქ, სადაც რომელიმე დარგის წარმოება მოისუსტებდა, ან არ ჰქონდა მას საკმაო რესურსი, სახელმწიფო ხელისუფლება ცდილობდა მისთვის დახმარება გაეწია. იქ, სადაც საკმაო საწარმოო კაპიტალი იყო, — მთავრობა არ ერეოდა საქმეში; მეორე მხრივ, ახლად ფეხზე დაყენებულ წარმოებას უწევდა დახმარებას კაპიტალის დაბანდებით და წარმოების მოწყობა-მმართველობაში რამოდენიმედ ხელმძღვანელობის გაწევით.

არა თუ ახლად ფეხ-ადგმულ რესპუბლიკას, მძიმე პირობებში ჩაყენებულს, არამედ თითქმის არც ერთ ერს, მით უმეტეს პატარას, არ შეეძლო საგარეო სესხის მიუღებლად საფინანსო მდგომარეობის მყარ საფუძველზე დაყენება. ამიტომ რესპუბლიკის მთავრობამ წარგზავნა ევროპაში საგანგებო მისია, რომელსაც ევალებოდა უცხოეთთან ეკონომიური კავშირის გაბმა და სესხის მიღება. ეს ამოცანა მისიამ ჩინებულად შეასრულა, მიუხედავად იმისა, რომ საქართველო ჯერ კიდევ არ იყო ცნობილი იურიდიულად. მისიამ დასდო ხელშეკრულება ინგლისში, ფრიად ხელსაყრელ პირობებში მილიონ ნახევარი გირვანქა სტერლინგის სესხის მისაღებად, რომელიც მოხმარდებოდა საწარმოო დარგებს და ფულის ტრიალის გაუმჯობესებას. დაიდო ხელშეკრულება იტალიაში ტყვარჩელის ქვა - ნახშირის დასამუშავებლად. საფრანგეთში ლიონის მრეწველებმა — მეაბრეშუმეებმა აბრეშუმის მიღებისა და ადგილობრივ სკოლათა გახსნის ხელშეკრულება დასდევს. ყველა ამ საქმიანობაში უდიდეს მონაწილეობას ღებულობდნენ მთავრობა და ქართველი მრეწველები; სამრეწველო, სააღებ - მიცემო და საერთოდ ეკონომიური ღონისძიებანი იძლეოდნენ დიდ დადებით პირსპექტივებს.

საგარეო პოლიტიკა. როცა საქართველოს რესპუბლიკის დამოუკიდებლობა გამოცხადდა, მისი საზღვრები უკვე დამაზინებელი იყო. ბრესტილიტოვსკის საზავო ხელშეკრულებით მოსკოვმა იყიდა ზავი ოსმალეთთან, საქართველოს და სომხეთის ხარჯზე. მან გადასცა ჩვენი ტერიტორიები — მთელი აჭარა: ქობულეთი, ბათუმი, ართვინის და არტაანის ოლქები, ყარსის მიმატებით. ენერ ფაშა არც ამით დაკმაყოფილდა და შემოიჭრა საქართველოს საზღვრებში, მის დასაპყრობად. აი აქ, ამ კრიტიკულ მომენტში, უჯარო და უიარალო ერს, დამხმარედ მოვევლინა გერმანია და იარაღით ხელში თავისი მოკავშირე ოსმალეთი გააჩერა, მაგრამ მის ხელში მაინც დარჩა ბრესტილიტოვსკში მიღებული ტერიტორიები, ახალის ზედ დართვით.

ნაციონალური მთავრობის მთავარ ამოცანად გახდა ამ დაკარგული პროვინციების დაბრუნება და მით ერის ტერიტორიულად გამართლება. გერმანია - ოსმალეთის დამარცხებას მოჰყვა მათი ჯარების გასვლა საქართველოდან, ოსმალეთი სცლის მის მიერ დაჭერილ ტერიტორიებს და მის ადვილს იჭერს ინგლისი, მუდროსის დროებითი ზავის ძალით. მოსალოდნელი იყო დაკარგული ტერიტორიის დაბრუნება. ეს არ მოხდა.

სოჭის მხრიდან საქართველოს თავს ესხმის დენიკინის ლაშქარი, ხოლო ინგლისის სარდლობა წინადადებას აძლევს ჩვენს მთავრობას: მოურიგდეს დენიკინს, მიიღოს მისი მფარველობა, შევიდეს რუსეთის ფარგლებში. ქართული მთავრობა გადაჭრით უარჰყოფს ასეთ წინადადებას. ომი გრძელდება. საჭირო იყო მიზანშეწონილი საგარეო მუშაობით ჩვენ მოწინააღმდეგეთა პოზიციის შეცვლა და მათგან საქართველოს დამოუკიდებლობის ცნობა. ეს კი შეიძლებოდა ევროპიდან. ამიტომ გაიგზავნა შესაფერი დელეგაცია დასავლეთის ოფიციალურ და საზოგადოებრივ წრეებთან ფართო მუშაობის ჩასატარებლად. ეს იყო საქართველოს პირველი გამოსვლა ევროპის ასპარეზზე და იქ დასმა ქართული საკითხისა. დაიწყო მართლაც ფართო დიპლომატიური მუშაობა და მიზანიც მიღწეულ იქმნა..

თვით წითელმა მოსკოვმაც იცნო ოფიციალურად საქართველოს დამოუკიდებლობა.

ევროპაში პირველად ჩნდებიან ჩვენი ოფიციალური ელჩები. ამ ნაყოფიერი მუშაობის შედეგი იყო ჩვენი საზღვრების საკითხის გარდაწყვეტა ჩვენს სასარგებლოდ. ინგლისი სტოვებს სამუსულმანო საქართველოს და მას უბრუნებს ქართულ მთავრობას. ბათუმის, ართვინის და არტაანის ოლქები ხდებიან ნაწილი აღდგენილი საქართველოსი. ახალმა საქართველომ აღიდგინა ძველი საზღვრები.

საგარეო პოლიტიკის სავანი იყო აგრეთვე ახლად აღდგენილი დამოუკიდებელი სახელმწიფოს დაცვა და გა-

გივი შაორელი

ბებოს

დარჩენა; მისი ნაციონალური ყოფა-ცხოვრების და წყობილების, მისი მატერიალური და იდეური საუნჯის გამდიდრების, აღორძინების და აყვავების უზრუნველყოფა; ამ ხაზზე მის მოქმედებას ახასიათებს ორი დებულება: თავიდან აცილება ავანტურისა და იზოლაციისა, რაც შესრულებული იქმნა დიდი სიფრთხილითა და გამჭრიახობით.

მეორე მხრივ, საგარეო პოლიტიკა ეყრდნობოდა ერთა თვითგამორკვევის უფლების გატარებას საერთო თანხმობით და ურთიერთი გარანტიით. ესე იგი, ხალხთა შეკავშირებით და მათი ურთიერთობის განმტკიცებით.

კავკასიის ფრონტის გარღვევამ დააჩქარა ჩვენი ცდები საერთაშორისო პოლიტიკურ სისტემაში შესასვლელად. ყველა ახლად აღორძინებული ერი გაექანა ევროპისაკენ; ყველამ აქ გაშალა თავისი მუშაობა და დაიწყო ძებნა მფარველისა და დამხმარესი. ამათ შორის ვიყავით ჩვენც. ესე იგი: მიზანი რჩება ურყევი: ნაციონალური თავისუფლება ჩვენს დროშად. ამ მიმართულებით გაწეულმა მუშაობამ მოგვიპოვა იურიდიული უფლებები, რაც უდიდეს გამარჯვებად დარჩება ქართველ ერს.

საქართველო მე-15 საუკუნის შემდეგ პირველად გაერთიანდა პოლიტიკურად, სულიერად; მან შექმნა ერთი მთლიანი ნაციონალური წყობილება, ერთი მთავრობა და მოიპოვა დამოუკიდებლობის ქარტია მტრისაგან და მოყვრისაგან.

ქართველობამ აწარმოვა პოლიტიკა ერთა სოლიდარობისა, საგარეო კავშირებისა და მეგობრობისა, მსოფლიო პოლიტიკურ სისტემაში შესვლისა...

ჩვენი ერის ყველა სასიცოცხლო ძალის აღორძინება, შეუჩერებელი დუღილი, მრავალფეროვანი შემოქმედება და ჰარმონიულად საერთო მიზნისაკენ მიმართვა დარჩება სამუდამო ძეგლად ქართველი ერის ცხოველყოფილობის, კულტურის და პოლიტიკური მომწიფების...

მთლიანად აღებული, ქართული სახელმწიფოს პოლიტიკა იყო ჰუმანური, დამოუკიდებელი, შიგნით და გარეთ, ეროვნებათა და ხალხთა მეგობრობაზე დამყარებული, დემოკრატიის ნებისყოფაზე აგებული, ერის ყველა ნაწილისათვის სოციალური წონასწორობისა და სამართლიანობის გამტარებელი. აი, ამან მოგვცა გაერთიანება, რასაც ადგილი არ ჰქონებდა თამარ მეფის შემდეგ. ეს მოხდა ხალხის ამოძრავებით, მისი დარაზმვით და თავოსნობით.

ქართული სახელმწიფო გახდა მსხვერპლი არა შინაგან ძალთა ამხედრებისა, არა ხალხის უნდობლობის ნიდავზე, არამედ უცხო ძალისა და მისი იარაღისა.

მშენო! ამოდი, ამოდი,
გაშალე სხივთა მარაო...
ბებო, შენ მითხარ: „წამოდი,
გვაგვიანდება, ჩქარაო“...

ვერს შევძელ, გული გახვედა,
ქვევით რიონი დიოდა,
ზეცა ფირუზებს აფრქვევდა,
ველზე სუმბული ცვიოდა.

ლალად მღეროდა კრიხულა
და ხოტეურას ჩქერები, —
აქ მიწა გადატიხრულა
უმშვენეირეს ფერებით!

ჩანან მომწვანო ვაზები,
იქ, სადაც ჩვენი ზვარია,
მტევნები ღვივის ნაზები —
ჯერ კიდევ უმწიფარია...

ვინ მომაცილებს ამ მიწას,
სულ აქ ვიქნები მარადის
და თვით ბუნება დამიცავს,
როგორც წინაპრის ზარადი.

ასე მეგონა მე მაშინ,
როს სამშობლოში ვიყავი,
მასთან ჭირსა და ლხენაში,
უცხოეთს გაუტიყავი.

ბებო, რათ მითხარ „წამოდი,
გვაგვიანდება... ჩქარაო“.
აწ მზე სხვის მთებზე ამოდის
და სხვაგვარად შლის მარაოს.

აწ მენატრება კრიხულა
და ხოტეურას ჩქერები!
მიწა რომ გადატიხრულა
უმშვენეირეს ფერებით...

იმათი ცქერით, ბებიკო,
თუნდ დამდგომია თვალები,
რომ უკეთ მომგონებიყო
ის — რასაც ვენაცვალები.

ნეტავ უფალმან მაღირსოს
ვიხილო კვლავ ის მხარენი
და შემდეგ თუნდაც გამრისხოს —
დღენი მაგემოს მწარენი...

გივი შაორელი

26 მაისი ჩვენთან

ასეთი იყო განსვენებული აკაკი პაპავას ლექსი:

გახსოვთ, გახსოვთ თქვენ თბილისი,
იმ დღეს მოკაშკაშე,
კვლავ აღმდგარი ერი მისი,
სიყვარულით სავსე,
ჭრილობები მორჩენილი,
და იები ხავსზე,
ქართულ კაბით მოხდენილი,
დიადემით თავზე...
აღლადდნენ წარწერები
ათას წლოვან ქვაზე,
ზღვა დროშები, სამფერები,
ძველ ზარების ხმაზე;
მოვლვარე ვაზის ჯვარი
წმიდა ნინოს თმაზე;
ანგელოსნი დაბლა ფრენენ
წმიდა სანთლით მხარზე,
ქალაქს მტრედის ფერსა ჰფენენ,
მღერენ ციურ თარზე;
წინ როკავენ ბანოვანნი
ძველ შაირთა თქმაზე;
რაინდები, ახოვანნი
მწყობრად სდგანან მტკვარზე...
მზე სხივს მოსდევს, — ეშხით, თრობით
ჩამობრძანდა ნავზე,
მთვარე — ყველა ხუთ მნათობით
გადიწვინა მკლავზე...

მე ვლოკულობ იმ მაისზე,
მუხლებს ვიყრი წამსვე;
მიყვარს ხატი მისი ისე, —
ედემს მივამსგავსე;
მათობს იგი გადმორიყულს
აქაც, უცხო კარზე,
მომიოხებს დაფლეთილ გულს,
ნაგებს ეკალ-ნარზე...
სხვა თბილისი სად მენახა
ლალი, მოკისკასე,
შიგ მაისი დამეჯახა,
ლხენით, ჰიმნით სავსე...
ჩვენს აღდგომას მასში ვაქსოვ,
მასში მოვათავსე.
არა! მართლაც არვის გვახსოვს
ჩვენ მაისი ასე...

მახსოვს, მახსოვს, კაკიჩოჯან!
ჩვენი სახლი ვერ იტევდა სტუმრებს.
ახლობლებს, ნათესავებს. მეგობრებს. ჩამოსულთ სხვა
და სხვა კუთხიდან.

ყველა მოუსვენარი იყო. ნერვიულობდნენ. გაისმოდა
ჩურჩული ყოველ კუთხეში. რა იქნება! როგორ იქმნება!
ყველას მოუსვენრობა დაუფლებოდა.

26 მაისს დილით ჩვენი ოჯახიდან ყველანი გაიკრიფ-
ნენ. ყველას მიეჩქარებოდა ქუჩაში გასვლა. ჰაერი არ
ჰყოფნიდათ სახლში.

სახაზინო თეატრის დარბაზი გაქედილი იყო ხალხით.
სადღესასწაულო ვითარებაში საზოგადოება ღელავდა,
როცა ბ. ნოე უორდანი კითხულობდა საქართველოს და-
მოუკიდებლობის გამოცხადების აქტს.

დარბაზში შეუკავებელი ტირილი ისმოდა.
მთელი საზოგადოება, ფეხზე ამდგარი, პრეზიდენტს
უსმენდა.

როცა ბ. ნოე უორდანიამ დაამთავრა კითხვა, „ვამასა“
და შეძახილებს დასასრული არ ჰქონდა, ვიდრე დარბაზის
კედლებში, სიონის ტაძრიდან ზარების გუგუნი არ შემო-
ცურდა.

სიონის ზარებს ხმა მისცა მამა-დავითმა, ანჩისხატმა,
ქაშვეთმა და კალოუბანის ტაძრებმა.

იმ დროს ვლასა მგელაძე, მამა დავითზე ასული, აკაკის,
ილიას, ვაჟის ულოცავდა საქართველოს აღდგომას.

აქ, დარბაზში უფრო მძაფრად გაისმოდა სიხარულის
ქვითინი...

რა იყო ქუჩებში! თბილისის ქუჩებში აუარებელი ხალ-
ხი ირეოდა. ისმოდა ამქრების ზურნა-დუღუკი. დასტა -
დასტა მეზურნეები მიჰყვებოდნენ მოქალაქეებს. აღფრ-
თოვანებული ახალგაზრდობა როკვით, სიმღერით მიემარ-
თებდა რუსთაველის გამზირზე.

მახსოვს! მახსოვს. როგორ არა, მახსოვს!

შინ გვიან დავბრუნდით.

ჩვენი ეზოს ქრთ კუთხეში, ლურჯი სუფრა გაეშა-
ლათ ჩვენს სტუმრებს. პატარა ტიკტორები გვერდზე მო-
ვედოთ და ყელმოღერებულნი, ქეიფს შესდგომოდნენ.
გაისმოდა ას წლოვან კოტე პაპას მეორე ხმა, კახურ
მრავალკამიერს რომ აყოლებდა.

დარბაზში კი გრძელ მაგიდას უსხდნენ ჩვენი დარბაი-
სელი მანდილოსნები: ბებო ნუშო, ბებო ესმა და დედა-
ჩემი შაშა, მრავალი მამიდა და დეიდა.

ხურჯინებისათვის თავი მოეხსნათ და მაგიდაზე ქარ-
თული დოვლათი დაელაგებინათ; დარბაისლურად საუბ-

რობდნენ და დღიურ განცდებს ერთმანეთს უზიარებდ-
ნენ.

— ოლონდაც! ოლონდაც! — იმეორებდნენ.

ჩვენ რომ შევედით, მათ სუფრას მივუსხედით.

— გაუმარჯოს საქართველოს! — ამ ძახილით შე-
მოკვევება ყველა.

ბებო ნუშომ, როგორც უხუცესმა, ბაღდადის ბოლოფ-
ბი გადაიკეცა. კაგიბზე ხელი გაუსვა და შეასწორა. მერ-
მე დაგვლოცა: —

შვილებო! დღეს ბედნიერები ვართ! ღმერთმა აკურთ-
ხოს ჩვენი მიწა-წყალი! ღმერთმა გაუმარჯოს დღევან-

დელ დღეს. გაგიმარჯოთ თქვენცა

— ჯეელებო! აბა შეგვეცვალოთ ჩვენ და გასწიეთ... და-
ილოცოს თქვენი ახალი გზა...

ქალაქს მტრედის ფერსა ჰვინენ

მზის პირველი სხივები...

შორიდან ისმის დუდუცის ჰანგები. ჰაერს მოაქვს დი-
ლის საარის კენესა...

არა! მართლა არვის გვახსოვს

ჩვენ მაისი ასე...

თამარ პაპავა

ევ. აბულაძე

მომგლიურ მხარეს

(ლტოლოვილობის 40 წლის თავზე)

ამ დღილით თრთოლვით მცვეხე ფიქრებს,
შენთან შეხიზნულთ და შეფარებულთ;
ნელი ნიავე ცის პირზე მიჰკრებს
თეთრი ღრუბლების ხუჭუჭა კრებულთ.

მიყვარს ოცნება გათენებისას,
არე ელვარებს და იდენტება;
შენი ცისკარი არ ჰგავს სხვებისას,
სულ სხვანაირი დღე გითენდება.

და მაშინ სოფელს თუ გადახედავ,
ანდა ქალაქებს ბრგე კუნთებიანს,
რას არ ინატრებ, რას არ გაბედავ!
სულში ლამბრები აინთებიან...

შენს გამრჯე მაჯას ღამეც არ სძინავს,
სად გუგუნია და სად კისკისი;
თითქოს მზე ჩასვლის შემდეგაც ბრწყინავს
მართალ ზღაპრების ხარ დასაწყისი.

შენში სჩქევს ძალა დაუნახავი,
ქალღუთი ქურა აფრქვევს ნაპერწკლებს,
გაქვს სიკეკლუცე მუდამ ახალი,
ჟამთა სვლა გბოჭავს, მაგრამ ვერა გძლევს.

იყავ ნაკურთხი, იყავ მარადი
და იმედების სიომ გარწიოს,
გფარავდეს ჯვარი და მუზარადი,
ვერც ერთმა წარღვნამ ვერ წაგაქციოს.

ვკოცნი: შენს მიწას უხვს და ნოყიერს,
შენს შმაგ ნაკადებს და მწვანე ველებს,
შენს ქოჩორა მთებს და მყინვარს ხნიერს,
კავკასიონის ქედს რომ ამშვენებს.

მინდა შენს მკერდზე ვგორავდე შიშვლად,
შენს ჩანჩქერებში ფეხები მედგას,
დღე, ღამე, ტყეში, ყველგან უშიშრად
მე ყურს ვუგაღებდე შენს გულის ფეთქვას.

შენთან ვდგებოდე, შენთან ვწვებოდე,
შენი ტკივილი მსურს მეც მტკივოდეს;
შენი გულისთვის დავიწვებოდი,
რომ შენი შველა შემეძლებოდეს.

ოდეს ვიგონებ ზაფხულის დარებს,
ბედის ვარსკვლავებს ბადით რომ ვსდევდი,
სურვილი სივრცეს გადამატარებს,
იქ, სადაც ბავშვურ დილას ვეძებდი...

ეხლა რაღა მაქვს, რა შემრჩენია,
განუკურნებელ იარის გარდა,
ლადარზე ფეხი დამიბჯენია,
ის განმეძარცვა, რაც რომ მიყვარდა.

და თუ სიცოცხლე შემოვიფერებოხ,
შენთვის ნაცეცხლარ-ნაცრად ქცეული,
გთხოვ: მაშინ მაინც რომ შეიერთო
სული, მაქეთვენ გამოქცეული.

ევ. აბულაძე

საფრანგეთი, 1966 წ.

როგორ იღვესასწაულა

1920 წელს თბილისში

26 მაისი

ღღეს 26 მაისია. ღღე საქართველოს აღდგომისა და მისი ბრწყინვალეებისა.

სამშობლოს ცის ლურჯი თალიდან მზის სხივები, ვით ჩირაღდნები მალლიდან სასოებისა და მხიარულღების მარგალიტებს აფრქვევენ...

თავისუფლების მოედანი ხალხით გაჭედილა. წინა დღით მოსულნი იმერი და ამერი, აჭარისა და შავშეთის, კახეთისა და ჯავახეთის, სვანეთისა და იმერეთის, გარე-კახელნი — სამღვდელოებით — ყველანი მორთულან, მოკაზმულან კუთხურ ტანისამოსში. მათი სახეები გაბრწყინებული გამოიყურებიან... აღტაცების ზვირთებში ჩაფლულან, ჩაძირულან; ქართველთა საუკუნოვანი ტანჯვა-წამება დავიწყებას მისცემია.

მათ მკერდებს ამშვენებს ამ დღისათვის საგანგებოდ მოქარგული პატარა სამფეროვანი დროშები, ხოლო მოედანს გარსერტყმის ფართოდ გაშლილი დროშები.

ლალობს მოედანი, მომცინარ-მომღიმიარი ქა უცდის დიდი ტაძრის ბრძანებას.

და ჰა! სიონის ტაძრის სამრეკლოდან დაიჭებს მძლავრმა ზარებმა; მათ აჰყენენ მთა-წმიდის, ანჩისხატის, დიდუბის და სხვა ეკლესიათა ზარები...

ათიოდე წუთით მთელი ქალაქის ცხოვრება ზარების გუგუნმა შეიპყრო, დაეუფლა მის სულსა და გულს. შეწყდა თუ არა ხმა ზარების, ნაძალადევის მუშებმა საყვირი აუშვეს; მათ ამცნეს საკუთარი სიხარული და ეროვნულ დღესასწაულში მონაწილეობის მიღება; მთელი ქალაქი აღტკინების მორევში შეცურდა. უცებ კვლავ სიჩუმე ჩამოვარდა. მოკრძალება გამეფდა.

ზღვა ხალხი ჯგუფ-ჯგუფად დაეწყო და რუსთაველის გამზირზე გაიშალა.

წინა რიგებს ამშვენებენ გოგონები, თეთრ კაბებში მორთულ-მოკაზმულნი. შავ-მაცვალა, სიცოცხლის საცეს თვალებით, სამფეროვანი თაიგულებით; მათ მოჰყვებიან ყმაწვილების გუნდები...

საქართველოს საკრებულოს წინ აღმართულია დიდი კამარა: ახალ ნორჩ სახელმწიფოს ღერბითა და ალამებით მოკაზმული. მის ახლო ჩამწკრივებულან: 26 მაისის სახელწოდების მომღერალთა გუნდი, ორკესტრი 500 კაცისაგან შემდგარი, მომღერალთა გუნდი გურუ-

ლებისა, გუნდი ცნობილი კაცსაძისა, გუნდი ცხენოსან რაზმელთა...

მოშორებით დგანან ავტოები, მწვანე ბუჩქებით შემოსილნი. ერთზეა წარწერა: „საქართველოს დამოუკიდებლობა“, ზედ გაშლილია შვიდი ნაწილის ემბლემა, ხელში ფართია და შუბით, შვიდი მნათობი ბანოვანით გარშემორტყმული — სდგას მშვენიერებით აღსავსე ქალი ვინმე... მეორეზე წარწერაა: „გაზაფხული!“ — ავტო ყვავილებით მორთულია, ფაქიზი ხელით გაშენებულია, ვარდებისა და ხეხილების შტოებით; ზედ ზის სამი ტურფა ასული; ერთი რთავს; მეორე ქსოვს; მესამე მაკრატლით ბოლოს უჭრის — ემბლემა ძველი დროის ადათ-ჩვეულებისა!

ამ დროს სამხედრო ტაძრის ეზოში ბრწყინვალეებით გამოჩნდა ქათოლიკოსი ლეონიდე, საცეცხლურით ხელში; პარაკლისის გადახდის შემდეგ, ის მიმართავს რესპუბლიკის ახლად შემდგარ ჯარის ნაწილებს. საქართველოს სულიერი მამის სიტყვა დამსწრეთა გულს აფაქიზებს, ქართველურ გრძნობებს აღვივებს, სამშობლოს მარადიულობისა და უცვდავების რწმენას აკაყვებს.

... სასახლიდან გამოდის მთავრობის თავმჯდომარე ნოე ჟორდანი. მის დანახვაზე იგრილა ტაშმა და „გაშას“ ძახილი დიდხანს არ შემწყდარა. მას შეეგება ჯგუფი ქართველობისა კოტე აფხაზის მეთაურობით; ქართული მაღალი კულტურის და ზნეობის წარმომადგენელი გაბრწყინებული თვალებით მისჩერებოდა საქართველოს მიმრქმელს... და მათ შეხვედრაში იქსოვებოდა სახე ქართველთა მთლიანობისა... მთავრობის თავმჯდომარე ლებულობს ჯარის ნაწილებს. ორკესტრის ხმა ჰაერს აპობს; თვითმფრინავები თავს დასტრიალებენ დღესასწაულის ტალღებში შეცურებულ ქალაქს.

სასახლის თავიდან დიდი სამფეროვანი დროშა გადმოჰყურებს რუსთაველის გამზირზე გაშლილ ქართველობას, რომელსაც პირი მიუძღრთავს საბურთალოს სტადიონისაკენ და ნელ-ნელა მიეჭანება. ვერის ამოსავალთან პროცესიას უერთდება ნაძალადევიდან მუშათა გუნდები; წითელი და სამფეროვანი დროშები ერთი-მეორეზე გადახლართულან; შუაზე დიდი ასოებით ამოიკითხება: „გაუმარჯოს დემოკრატიულ რესპუბლიკას!“

ვერის მოსახვევში, დიდი შენობის პირველი სართულიდან, ყურადღებას იპყრობს მოხუცი მანდილოსანი; მას ორივე ხელში პატარა სამფეროვანი დროშები უჭირავს; დროშები მალა ატყპრია, — თითქოს ლოცულობს და ლოცავს ტურფად შემკულ ავტოებსო. მის სახეს თანდათანობით აღელვება იპყრობს, დამკნარ სახეზე თეთრი მარკვლები ჩამოეკიდება... ეს იყო დედა ქართველი, რომლის გულმა ვერ გაუძლო მოზღვავებული სიხარულის გრძობას და ცრემლთა ღვარში დაასველა მისი ლოყების ნაოჭები...

პროცესია ნელა მიემართება. შუაგულში დიდი ავტო განსაკუთრებულ ყურადღებას იპყრობს. სკამზე შემდგარა არწივისებური თვალებით მოელვარე, თიმბ-გაშლილი; ხელებს ხშირად აღაპყრობდა და მისი გულის სიღრმიდან ამონახეთქი: „საქართველოს გაუმარჯოს!“, მალა აივანზე მყოფთ ხედება და ტაშის გრიალი, შეძახილები აყრუებს მიდამოს — ეს იყო პოეტი - რევოლუციონერი ვლასა მგელაძე.

მოშორებით გამოჩნდა ჩვენი სახელოვანი სტუდენტობა; თავშიშველნი ამაყნი, აღზნებული თვალებით, მოაბიჯებენ. შუა გულში დიდი ავტო მოარღვევს. ფეხზე სდვას ახოვანი ჭაბუკი, ჩირაღდანითა და შარით ხელში — სიმბოლო — ქართველ ერს შეაქვს თავისი კულტურა მსოფლიო განათლებაში.

სტადიონის ფართო მოედნის ირგვლივ, ამწვანებულ ფერდობზე ეფინება ხალხი. უცხო საპატიო სტუმრები თავსდებიან მათთვის საგანგებოდ მორთულ კარავებში.

დღესასწაულს ხსნის ფოცხვერაშვილის გუნდი ეროვნული ჰიმნით. ზღვა-ხალხი ფეხზე დგება. დაასრულა თუ არა, შორიდან ერთ-ერთი მომღერალთა გუნდი წამოიწყებს „დიდებას“; მას აჰყვებიან დამსწრენი. წარმტაცი სურათია, კალმით ძნელად ასაწერი. აღტკინების წუთებია, გალაღებულ გულთა დღევა ერთ მისწრაფებად ქცეულა, ერთი აზრით გაჭედოლა, ერთი სიყვარულის ემბაზში შეცურებულა, ერთს ჯადოს შეუპყრია — თავისუფლებას საკუთარ სამშობლოსი...

უცებ ჩონგურთა შეწყობილმა ხმებმა სიჩუმე დაარღვიეს და უცხო სტუმრების განსაკუთრებული ყურადღება მიიპყრეს... ეს ქართველ ქალთა გუნდია, ჩიხტა - კოპით მორთულნი, ფერდობზე რომ ჩამწყრივებულან... მათ სირინოზ ხმებში „სულიკოს“ დამღერებას სმენა დაუტყპრია...

მკორე მხრიდან „სულიკო“, „მრავალ-ჟამიერმა“ შესცვალა; კახელთა მოძახილში მოისმის აღმაფრენა... მათ უბასუხეს ცურულემა, ჯერ „ხასან-ბეგურათი“; შემდეგ „მაყრულით“. მათმა კრიმანჭულმა ჰაერში გაიღვია, თითქოს კოცონი დაანთესო, დამსწრეთა ყურადღება მოიტაცა. შეიძლება მეგრელებმა იფიქრეს: გურულების სიფიცხე შორს არ წავიდესო, და მელოდიურად „ჩელა“

დააფრქვიეს, სიწყნარე გაამეფეს, დამსწრეთ სიტყვობა მოჰგვარეს.

„26 მაისის მომღერალთა გუნდმა“, ჩოხა - ახალუხში მორთულ-მოკაზმულმა, შეასრულა სხვა და სხვა კუთხის სიმღერები და ბოლოს საცეკვაოთი დააბოლოვა:

ფართო მოედანზე წელის რხევით ჩამოუტარა ქალ-ვაჟმა.

განსაკუთრებული ყურადღება დაიმსახურა დიღმელი გლეხების ხალხურმა ცეკვამ.

მოედანი იცლება მოცეკვავეებისაგან... მათ ადგილს იკავებს 400 წევრისაგან შემდგარი „შავარდენი“.

პირველ წყებაში გამოდიან ბავშვები. როცა ისინი მწყობრად მოედებიან — წითელი ყაყჩოებით ხელში, — და იწყებენ ვარჯიშობას, ზღვა-ხალხი მათ ოვაციებს უმართავს.

მათ მოჰყვება მოზარდი თაობა. როგორი რითმული რხევითა და საოცარი წყობით ქანაობენ ასეული ახალგაზრდის ხელები და ფეხები! როგორი ჯადოსნური გაქანებით ერთი მეორეს მიჰყვება თითოული მათი კუნთის მოძრაობა! ცქერად ქცეული საზოგადოება ტაშის დაუბოლოვებელი გრიალით აჯილდოებს საქართველოს „შავარდენს“...

ხევესურთა ფარიკაობით და შემდეგ ფეხბურთით თავდება 26 მაისის დღესასწაული საბურთალოში.

მათელი დღე, ამწვანებულ ფერდობზე თუ საგანგებოდ მორთულ ფანჩატურებში, გაშლილ სუფრასზე საქართველოს სადღეგრძელო იცლებოდა...

დაღამებისას ქალაქი განათდა; ელნათურებზე მოსჩანან დროშები. მრავალი საცხოვრებელი ბინის ფანჯრები ფართოდ გაღებულა. კედლებზე მოსჩანან წარწერები: „გაუმარჯოს 26 მაისს!“

მთა-წმინდის გორაკიდან აშვეტულ მაშხალების კოცონი ეღვარებს; ტაძრის გუმბათი, სინათლის აღში გახვეული, გადმოჰყურებს გაჩირაღდებულ ქალაქს. ბუჩქბუჩქში მიმაღული ბუნბუნელი „სულიკოს“ ხმაზე დამღერის ილიას, აკაკის, ვაჟას და საქართველოს სხვა ბრწყინოალე შეილთა სავლავებს, რათა ამცნოს მათ, მათი ნატვრის აღსრულება.

წყნეთის გორაკი მთა-წმინდას ეჯობრება და ისტრის მაშხალებს. დრო-გამოშვებით გომბორის, თუ კოჯორის მთიდან თეთრი ალი, ცაში ავარდნილი, ქალაქს სწვდება და უცებ ცის სივრცეში იპარება...

რუსთაველის თეატრი ხალხით გაჭედოლა; როგორც იტყვიან, ნემსი არ ჩავარდება. ყველას სახე უღიმის, — ერთი მეორეს ულოცავს; ერთი მეორეს უყვება საბურთალოში მიღებულ შთაბეჭდილებას. მრავალი რჩება გარეთ, მაგრამ კარს არ სცილდება... ხშირად იღება კა-

რი და გარეთ ისმის სცენაზე მომღერალთა გუნდის „დი-
დება“. დარბაზი ფეხზეა ამდგარი და გუნდის ხმას აჰ-
ყვება... გუგუზნი ხშირად ვარეთ ვარდება, სიხარულის
ცრემლებით ბევრს თვალუბი უსველდება..

უცებ დარბაზში სიზნულე ჩამოწვება და მოისმის ხმა
ნარნარი, გულიდან ამონახეთქი —

გასწიე ხარო, გასწიე,
საცაა გათენდებაო...
აღზევანს წავალ ნიკორა,
მარილს მოვიტან ბროლსაო,
ჯერ დედას გადავებხვევი,
მერმე შეილსა და ცოლსაო..

ეს იყო ხმა მშრომელი საქართველოსი, სიხარულსა
და შვებას რომ გვრიდა ყველას..

ნაძალადევის ძმათა სასაფლაოზე დაქათქათებენ ელ-
ნათურები. სინათლის შუქზე მოსჩანან მუშებისაგან
დღისით დარგული ვარდ-ყვავილების თაიგულები, რომ-
ლებსაც გრილი სიო თავს უქოჩრავს, სიმწუხრე რომ
გადაჯრეკია და ცმირთა საპატივცემლოდ თავისებური
დღესასწაული მოუერთავს. ნაძალადევის მუშათა კლუბი
მუშების ოჯახებით გაქედილა; ასეულები ადგილს ვე-
ღარ შოულობენ; მათ ეზოში მოუწყვიათ ცეკვა-თამაში.

კლუბის დიდი დარბაზის სცენის ფარდა ნელ-ნელა
აიხადა. სურათის დანახვაზე მთელი დარბაზი ფეხზე
დგება და ტაშით ეგებება..

ახალგაზრდა, ტანწერწეტა, შავთვალწარბა, რგვალი
პირისახითა და ლოყაზე სილამაზის ნიშნით, თეთრ კაბა-
ში მორთული, ჩიხტა-კობით მოკაზმული ასული... მას
ერთ ხელში უპყრია ჯვარი ვაზისა, მეორე ხელი გაუ-
წოდებია სახე მომღიმარი, ტანად ჩასკვნილი მუშისათ-
ვის, რომლის მეორე ხელი გრდემლს ეყრდნობა.. და
სიყვარული და შრომა ჰარმონიულად შეერთებული,
თვით ასულის ღიმილით ანათებს დამსწრეთ და ძმურ ქარ
თველურ თესლებს აბნევს..

დარბაზის აივნიდან ვილაციის მჭექარე ხმა გაისმის.
თეთრი წვერით შემოსილს, ხაზდაზმულს ხელები მალ-
ლა აღუპყრია ; მის ხმაზე დარბაზში სამარისებური სი-
ჩუმე ჩამოვარდა: „ძმებო და დებო, ქართველებო! მო-
გილოცავთ ჩვენი ქვეყნის თავისუფლებას! მოგილოცავთ
26 მაისს!“.

„შეგვიცოთ, რომ მას დავიცავთ ჩვენის გულ - მკერ-
დით!“..

— „ვვიცავთ“!..

ერთბაშად აღმოხდა ხმა დამსწრეთა გულიდან.. და
მყისვე გაისმა ხმა: „დიდებისა“, რომელსაც მთელი დარ-
ბაზი აჰყვა.

საგანგებოდ ამ დღისათვის შესაქები ლექსები წარმო-
ქვეს პოეტებმა.

ავლაბარმა თავისებურად იდღესასწაულა საქართვე-
ლოს ბრწყინვალე დღე.

ცნობილი შაქრო გელაშვილის სარდაფი ადგილობრი-
ვი მცხოვრებლებით გავსილიყო. კახური „მრავალყამი-
ერი.“ს ხმა მალლა ვარდებოდა და გამკვლელთ დაბლა
ეპატიუებოდა. ღვინის ცეცხლმა აქ ადრე გაიმარჯვა და
ავლაბარელები მხიარულების ზვირთებში ააცურა.

ვილაც დახლზე მიმდგარიყო და ქანაობდა, დროგამო-
შვებით ხელებს დახლზე არტყამდა და ლილინებდა:

„ჩამოასხი, ძმობილო, ღვინო ნაფარეული,
გავიქარვით დარდები, დრო დაგვიდგა ქებული“..

აგერ ჩასუქებული, გრძელ-უღვაშ-გადაგრეხილი, წი-
თელ-გაბუტული ლოყებით, მოვერცხლილ ყანწით
ხელში, წამოიღა და სადღეგრძელო წარმოთქვა:

— ეს მის მარჯვენას გაუმარჯოს, რომელმაც შრომა
გასწია , ბაღში ვაზი მოიყვანა, მისი წვერით ჩვენც გვა-
ზიარა, ერთად თავი შეგვიყარა და დღევანდელ ბედნიერ
დღეს გავამხიარულა. შეილებო! გაიგეთ რომა, დღესა
ჩვენი ტურფა სამშობლოს დღესასწაულია; გაიგეთ, რომ-
მა იგი თავისუფალია და ჩვენც თავისუფალი მოქალაქეე-
ბი ვართ, ვაი, ვაი, ვაი, ეგ რომა ერეკლე მეფემა გაი-
გოს, მის სახესა და წვერ-უღვაშს კი ვენაცვალე, აბა რო-
გორ გაიხარებდა ჩვენი მეფეი. შეგვიცოთ მის ხმალსა,
ჩვენც ახლად მოპოვებულ თავისუფლებას, ყველანი და-
ვიცავთ. ისეც მტერი დაელიოს ჩვენს ქვეყენას, მე ეს სა-
სმისი გამოვცალო..

— კარგადა ვთქვი, ყმაწვილებო?!

— კარგია, კარგია, გაამოს! გაუმარჯოს ჩვენს საქარ-
თველოს..

— ტუში! ტუში! ცეკვაი იყოს, ბიჭებო! ხომ არ და-
ითვერით, დაუკარით რაღა მუზიკანტებო!..

ზურნა აღილინდა. დუღუკი აზუზუნდა. დოღზე ხე-
ლები ათამაშდნენ..

გამოვარდა ახალგაზრდა; ფაჩთე შარვალში კუნთე-
ბის რხევა შეუმჩნევი რჩებოდა; ლურჯი ხალათის კალ-
თები ვერცხლის მსხვილ ქამარზე, ცეკვის დროს ხან ქვეშ
ეშვებოდნენ, ხან მალლა ვარდებოდნენ. მისი წელი ნელ
ნელა ირხეოდა ზურნის ხმაზე და ისიც ლილინებდა. შემ-
დეგ შეფიქრდა, უბიდან დიდი ხელსახოცი ამოიღო, ჰა-
ერში აისროლა, დაიჭირა და განაგრძო:

„თავო, ნუ სტირი, გეთაყვა,
აყვავდა ქართლის ერია,
აღსრულდა ჩვენი ნატურაი,
გვეკუთვნის თავი ჩვენია.“

მხიარულებამ მთელი ღამე დასტანა; შეისვა სადღე-
გრძელო მამა-პაპათა და სახელოვან გმირთა მოსაგონად.

ორთაქალის ბაღში მტკვრის ნაპირების გაყოლებით,
საქართველოს გრძელი სუფრა გაშლილიყო. მაგიდის

თავში ფრიალებდა დიდი დროშა, რომელსაც არხვედა შორით მდებარე ფორაკებიდან მონაბერი სიო. მტკვრის ტალღები ვერცხლის ფერად მოკაზმული, ფრიალებდნენ; სინათლის სვეტებზე წელ-წელა ირხეოდა, თითქოს სურდა მონაწილეობა მიეღოთ საქართველოს დღეობაში. ისრებზე ჩამოკიდებული ფანრები, ფერად-ფერად ქალაქ-დებში გახვეულნი, არე-მარქს ანათებდნენ...

ახლო მრავალი მაგიდა იდგა, გარს შემოსხდმოდნენ: მუსიკოსები, მედიკოსები, მეზურნეები, მეფანდურენი, მედაირენი და უცდიდნენ თამადის ბრძანებას, თითები რომ აეთამაშებინათ...

გაიმართა ზვიმი. სუფრის თამადამ პირველი სადღე-გრძელო დედა-სამშობლოს უძღვნა. მოიხსენია ჩვენი წინაპრების გმირული ბრძოლები, თავდადება, საქართველოსაგან გადატანილი დაპყრობის სუსხი დღეები, უსურვა ახლად აღდგენილ საქართველოს წარმატება და აყვავება.

დაათვა თუ არა სიტყვა, დამწრენი, როგორც ერთი კაცი, ზეწამოდგნენ და „დიდება“... სხამ შეარყია ორთაქალის მიდამოები. მოციმციმე სანთლებით მორთული ცისტალი თითქოს ლოცვა-კურთხევას უგზავნიდა ზევიდან: გულმოდგინედ მომღერალ ქართველობას.

თამადამ მუსიკოსებს ანიშნა: აწკრილდა ჭიანჭური, ამეტყველდა საზანდარი, დაიწყეს თითებმა ცეკვა თარის სიმებზე... მედაირემაც ააფრიალა ხელით დაირა; შემდეგ ხან მაგრად, ხან შეპარვით უბარტყუნებდა ხელებს. უცებ გაისმა:

ხმა პირველი —

„თავისუფლებავ, შენა ხარ
სისხლით და ბრძოლით ნაჭედი,
ზურმუხტოვანი ტახტი ხარ,
ქართულად გამონაჭედი...“

ხმა მეორე —

მოდით, ძმებო, დავამღეროთ,
მამები გვყავს საქები.
მათი ნატვრა აღსრულდა,
გახედით თავისუფლები...

ხმა პირველი —

ვინა სთქვა, რომ ბაღში ვარდი მქეპარია!
ვინა სთქვა, რომ რუსთაველი მკვდარია!
პირველად მას მივულოცოთ დღეობა,
რადგან იგი ქართველთ სანუკვარია.

ხმა მეორე —

ვინ დასთვალოს გამარჯვება თამარის!
თამარ - მეფე საქართველოს თვალის!
დღეს გამრთელდა და მივმართავთ ერეკლეს,
მივულოცოთ! ეს ხომ ჩვენი ვალისა.

ხმა პირველი —

კრწანისის ველს ჩავურბინოთ, ბიჭებო!

და მოვძებნოთ გატეხილი ხმალია!
დღეს გათენდა მისი დიდი მშვენიება, —
ჩვენზე ფიქრით მეფემ სული დალია:
— „პატარა კახო, გმირთა-გმირო,
ქვეყნად მეუფის სახეო!
შენ ჩაიტანე საფლაგში,
რაც გულში გაიძრახეო,
და ეხლაც შენი კურთხევა
მაღლიდან გადმოგვცახეო!“

ხმა მეორე —

ვინც პირველად ზარს ჩამოჰკრა,
ერის დიდი შვილია,
საქართველო ჩვენიასო, —
იყო დიდი ილია.

ხმა პირველი —

ცა ფირუზად გამობრწყინდა,
და ზურმუხტად საქართველო.
აკაკის ჩანგს ვუმაღლოდეთ, —
გაიხარე საქართველო!

ხმა მეორე —

მთის არწივმა ფრთა გაშალა,
ყველა ერთად შეგვყარა,
ვაყას კალამს ვენაცვალეთ,
სამშობლო შეგვაყვარა!

ნაკადულივით ტკბილი ლილინი, დროგამოშვებით, —
ვით მშფოთარე უხუილი ჩანჩქერისა, ან კიდევ ლულუნ
მტრედისა ფიანდაზად ევლებოდა მტკვრის ნაპირებს...

მუსიკოსებმა შეისვენეს; თამადა წამოდგა, ქართველი
ქალის სადღეგრძელო ბრძანა და მუსიკოსებს ანიშნა: —
მათაც არ დააყოვნეს:

ხმა პირველი —

გამშვენებენ გიშრის თმები,
ვარდის ფერი ლოყები,
საქართველოს იმედათა
მულამ თქვენ გვეყოლები...

ხმა მეორე —

ქალო! ქართველთა სულისდგამავ,
ქალო, ქართველთა დედაო,
ტყვილად ამბობენ შენს სიკვდილს,
თამარს ცოცხალსა გხედავო.
შენა ხარ ერის სიცოცხლე,
თავი არ მომიკვდებაო.
მოწყალედ გვექმენ ქართველთა,
ჩვენო ლამაზო დედაო!

თამადა კვლავ წამოდგა, ახალგაზრდობას დააკისრა
დიდი მოვალეობანი, სურვილიც ბევრი უძღვნა. მას
სიტყვა წაართვა მუსიკოსმა:

ქართლის ჭირსა ვერვინ მოსთვლის,
ლხენაც ბევრი ჰქონებიათ,

მშობელ ქვეყნის დასაცავად
დედის ძუძუ შერგებიათ...

ტაშმა იგრილა, კვლავ შეაკრთო და შეანძრია არე - მიდამო. სიბნელე იცრციებოდა. ცისკრის კარის გაღება და ცივი სიოს შემობერვამ ამცნო ქეიფში გართულ ქართველობას — დილის საარი დაჰკრეს — ზეიმის დაბოლოება.

მეორე დღით მახათას მთიდან მოვარდნილი მაისის საამური მზის სხივები მთაწმიდის ზარებს წაეთამაშნენ. ფინანდად გადაშლილ თბილისის გორაკებზე სითბო დააფრქვეს; სეითაბადის, ყარაჩაღლის ციხის კარის მიდამოები გააღვიძეს, მუქ ნისლთა საბნები გადალევს და წინა დღიდან გალაღებულ ქალაქს შრომისაკენ მოუწოდეს.

26 მაისის დღით თბილისიდან ბათუმისკენ და ბაქოსაკენ მქროლავ მატარებელთა მანქანებზე ფრიალედა დროშა სამფეროვანი, ზოლო წინ მიუძღოდა დიდ არშიაზე წარწერა: „გაუმარჯოს დამოუკიდებელ საქართველოს!“

მეორე დღეს საქართველოს ყოველი კუთხიდან: ქალაქებიდან, დაბებიდან, სოფლებიდან მოდიოდა ცნობა ვადანდელი 26 მაისის დღესასწაულის შესახებ.

ცაფირღზ ხმელეთ-ზურმუხტოვან საქართველოს თავისუფლების სხივებით გამთბარმა ხმებმა გადასძახეს მთელ კაცობრიობას — ათასწლოვანი ქართველი ერის ერთი ოჯახში შებრძანება!

3. სარჯველადის ჩანაწერი

როგორ იდღესასწაულეს

26 მაისი 1921 წელს

(ამონაწერი ერთი ბარათიდან; წერილის
თარიღია 9 ივნისი 1921 წ.)

... ვერ წარმოიდგენ, როგორ ჩაიარა 26 მაისმა! ჯერ ერთი თვის წინ ბოლშევიკური მთავრობის მიერ აკრძალული იყო ეს დღესასწაული. მაშინ ჩვენ გადაწყვეტით ჩვენი ეროვნული დროშით გამოსვლა: სტუდენტობამ, მუშების ყველა ორგანიზაციამ და სხვ. როგორც კი გაიგო ბოლშევიკურმა მთავრობამ მუშების გადაწყვეტილება, მაშინვე გამოიკვალა აზრი. ბოლშევიკების რევოლუციურმა კომიტეტმა გადასწყვიტა:

„რაც შეიძლება მეტი ზეიმით იდღესასწაულოს 26 მაისი, მაგრამ არავითარი ეროვნული ხასიათი არ უნდა ჰქონდეს ამ დღესასწაულს; აკრძალულია რაიმე დროშის გამოტანა ან მოფენა, გარდა წითლისა. დღესასწაულის მიზანს უნდა შეადგენდეს განმარტება ფართო მასისათვის, თუ რა არის დამოუკიდებლობა ბოლშევიკური თვალსაზრისით“—ო.

„უნდა ვიდღესასწაულოთ საქართველოს განთავისუფლება მენშევიკური იმპერიალიზმისაგან“—ო და სხ.

ამ დადგენილებამ საოცარი შედეგი გამოიწვია. ჩვენინანების საერთო კრებაზე გადაწყვეტილი იყო, რომ ყო-

ველი ნამდვილი ქართველი და ყოველი სამშობლოს მოსიყვარულე ადამიანი სახლიდან არ გავა 26 მაისს.

მათლაც, 26 მაისს რუსების, სომხების და (რუსი) ურიების გარდა არავინ იყო ქუჩაში. რუსული ჯარები დადიოდნენ, რუსები ზეიმობდნენ, რუსები ლაპარაკობდნენ და ის „ქართველები“, რომლებსაც ჩვენ „რუსებს“ ვეძახით (მახარაძე და სხვანი)...

... ჩვენ ხან იმედი გვეძლევა, ხან სასოწარკვეთილებაში ვვარდებით. სრულიად არაფერი ვიცით, თუ რა ხდება არამც თუ მთელ მსოფლიოში. თვითონ თბილისშიც კი. ვისმეს დახვრეტასაც კი შემთხვევით თუ გაიგებენ ერთი-ორი თვის შემდეგ, ისე აქვთ საიდუმლოება დაცული ბოლშევიკებს. ყველა დიდი შენობა რუსული ჯარით არის დაკავებული. ქალაქის რამოდენიმე ადგილას ჩეკა არის, სადაც „კონტრ-რევოლუციონერები“ არიან მოთავსებული. ძირს სარდაფში კი ხდება მათი დახვრეტა. ამისათვის სპეციალურად ჰყავთ მოყვანილი ჩინელები (უსაზიზღრესი პირუტყვები), ვინაიდან რუსები დახვრეტაზე უარს ამბობენო...

ცხრა ივნისი, 1921 წ.

ნოე ჟორდანიას დაბადებიდან 100 წლისთავი

(1868 — 1968)

† აკაკი პაპავა

ეს წერილი დაბეჭდილი იყო ჟურნალში „მამული“ (იანვარი, 1953 წ.), საქართველოს პრეზიდენტის ნოე ჟორდანიას გარდაცვალების გამო. დღეს ამავე წერილს ვბეჭდავთ, ნოე ჟორდანიას ასი წლის თავზე, დაბადების აღსანიშნავად.

ჩვენნი პრეზიდენტი

(1868 — 1953)



ნოე ჟორდანია. სურათი გადაღებულია ლევილში, 1950 წ. ლ. ზ—ლის მიერ

დიდი ხანია, რაც მტერი მოგვერია და სამშობლო დავკარგეთ, მაგრამ იგი მტერი ჩვენს სულს ვერ მოერია და ქართველობა ვერ დაგვაკარგინა.

ჩვენ დღემდე დავრჩით მრევლად იმ დიდებულ ტაძრისა, სადაც, ილიას თქმით, „უწირავს ერთიანს სულსა ერისას და სადაც აღუმართავს ერს თავის დიდებულ და დიდბუნებოვან კაცთა უწმინდაესნი ბატნი და ზედ წარუწერია დიდთა საქმეთა მოთხრობა, ვითა საშვილიშვილო ანდერძი“.

ეს დიდი ტაძარი ჩვენის ქართულ სულისა ისევ საქართველოში დაშთა, მაგრამ მისი მრევლის ნაწილი უცხოეთში გამოიხიზნა. მას სწადდა დევნილ და გაღახულ ქართველობის „ერთიანი სულის წირვა, თავის დიდბუნებოვან კაცთა და საქმეთა ამბავი“ უცხო ქვეყნებში მაინც შეენახა და განეგრძო.

ამ მრევლს თავისი პატრიარქიც თან გამოჰყვა, რომელიც „არ დაუფარდა, არ დაუძაბუნდა არავითარ ზედმოსეულ უბედურებასა და განსაცდელსა“. იგი განაგრძობდა ეროვნულ წირვას, თავს გვიყრიდა, და „განმსხევებული თავის მამა-პაპის მაგალითითა და ანდერძითა“ იღწვოდა და იბრძოდა და მოუწოდებდა თავის მრევლს.

ეს მოხუცი გამართული და ამაყი ადიოდა ჩვენს ეროვნულ სამრეკლოზე და გვაგონებდა თავისუფალ საქართველოს ზარების ხმას, მუდამ, როცა უცხო ქვეყნებში გაბნეულ ქართველობას 26 მაისი უთენდებოდა.

ეს იყო ჩვენი აღდგომის დღე და ყოველი ქართველი მოწიწებით და იმედით მუხლს იყრიდა ამ ზარის ხმაზე



და იმეორებდა მოკლე ლოცვას: „უფალო, კვლავ მა-
ღირსე ჩვენ ხილვა თავისუფალ საქართველოსი“.

დღეს ამ უცხოეთში გადმოტანილ ქართულ სამრეკ-
ლოზე ცლოვის ზარი გაისმა: ჩვენი პატრიარქი აღ-
სრულდებოდა.

ეს გლოვა საერთოა მთელ ქართველობისათვის.

პატრიარქის მიძინებამ მწუხარებაში შეადგულა ქარ-
თული მრევლი. ყველას დაავიწყდა გუშინდელი დავა,
მიწვევ-მოწვევა, თვისის სიკვდილით ამ კაცმა კვლავ გა-
დააბა საერთო ძარღვი. ეს იმას მეტყველებს, რომ ჩვენ
დიდი ძრის შვილები ვართ, დიდი წარსულის მემკვიდ-
რენი. განა სხვაფრივ შეიძლება ჩვენი სიცოცხლე და
მომავლის იმედი? „ვამ იმ ხალხს“, გვეტყოდა იგივე
ილია, „რომელსაც საერთო ძარღვი გაუწყდა; ვამ იმ
ქვეყანას, სადაც საერთო ძარღვი სისხლი გაშრა, სა-
დაც ყველაში თითო არ არის და თითოში — ყველა..
სადაც „მე“ ხშირია და „ჩვენ“ იშვიათი“..

ჩვენ გვჯერა, რომ ამ გლოვის დღეს, ამ ზარის ხმა-
ზე თვითეული ქართველი — საქართველოში და უც-
ხოეთში — შეიხრება და სიმწარით აღმოიხრება;
ყოველი იგრძნობს, — რა გვარ მძიმეა ეროვნულ პატ-
რიარქის დაკარგვა ამ ურთულესსა და უმწვავეს დრო-
ში.

ჩვენ ყველამ ვიცოდით, რომ ბ-ნი ნოე ჟორდანი-
ა ღრმა მოხუცებულობის საზღვარს გადასცდა, ამ ხანს,
და ისიც ჩვენს პირობებში, იშვიათად თუ მიაღ-
წევს ვინმე, მაგრამ ჩვენ როგორღაც მივეჩვიეთ მას,
ვიცოდით — რომ ის „იყო და სწირავდა“ — და გვჯე-
როდა, რომ იმდენ ხანს მაინც არ შესწყვეტდა იმ წმი-
და შრომას, ვიდრე ჩვენს ეროვნულ დიდ ტაძარში არ
შეგვიყვანდა და იქ ახალ პატრიარქს არ მიგვიჩენდა.

ის წამოვიდა საქართველოდან ძლიერი მტრისაგან და-
მარცხებული, მაგრამ ამაყი.. მოჰქონდა ქართული წმი-
და დროშა ამ გამართულს და თეთრ-წვერა მოხუცს და
დღემდე ის ამ დროშასთან იდგა, ისევ ისე, ამაყი და
გამართული. ეს დიდი კაცი არ შეიძლება და დროშას
მოშორებოდა და წასულიყო. ჩვენ ეგ გვწამდა. რატომ?
იმიტომ, რომ ის იყო საქართველოს პირველი პრეზი-
დენტი და ასეთს მხოლოდ საქართველოში თუ შეეძლო
აღსრულება; ასე გვეგონა და გვჯეროდა

მაგრამ დღეს ზარებმა ცლოვის ხმით გვამცნეს, რომ
დაიღალა და მიიძინა..

ნოე ჟორდანიამ თავისი სამწერლო მოღვაწეობა სწო-
რედ სამოცი წლის წინად დაიწყო (1893 წ.) და ის რო-
გორც მწერალი, პუბლიცისტი და სოც. დემ. პარტიის
ბელადი უეჭველად შესანიშნავი პიროვნება იყო.

ნორმალურ პირობებში ქართული პუბლიცისტური
მწერლობა და მისი პარტია, ალბათ დიდის აზრით გა-
დაუხდიდა მოხუც ნოეს ამ იუბილეს..

და არა მარტო მისი პარტია, არამედ ჩვენიც და მრ-
ვალი მისი მოწინააღმდეგენი, რომელნიც სხვა მიმართუ-
ლებებსა და პარტიებს ვეკუთვნოდით და მარქსიზმს გა-
აფთვებით ვებრძოდით, — ყველა ჩვენ არა ნაკლების
პატივისცემით გადავუხდიდით ბ-ნ ჟორდანიას 50 და
60 წლის თავს სამწერლო ღვაწლისა.

ესლა, როცა ათეულმა წლებმა ცადაიარეს და დიდ
ცეცხლში განვვლეთ, როცა ახალი და უმძიმესი სატყი-
ვარი გაჩნდა, უკვე შორეულის „საზომით“ ვუდგვებით
მაშინდელ ამბებს და დავას; ძველი ვნება დღეს უსაგნო
და მცხრალია.

„მესამე ხანა“, სწერს ნ. ჟორდანიას თვისი წიგნის წი-
ნასიტყვაობაში, „იწყება რევოლუციის დამარცხებით
1906 წლიდან და თავდება მსოფლიო ომით.. ამ ხანაში
სოც.-დემ. ებრძვის მწერლობაში სოც.-ფედერალისტებს
და პოლიტიკაში გამეფებულ რეაქციას“..

ეს იყო გაგრძელება იმ ბრძოლისა, რომელსაც ნ. ჟორ-
დანიას აწარმოებდა სამოციან წლების მოღვაწეებთან და
კერძოდ ილიასთან (ჭავჭავაძესთან).

და ესლა, როცა მიუდგომელი ისტორიკოსი იმ ბრძო-
ლების არქივს ჩაიბარებს, იტყვის და განსჯის, რომ
„უფსკრული“ არც ისე დიდი ყოფილა, რომ „ჩატებილ
ხიღის“ გამრთელება მაშინაც შესაძლო იყო. ამისათვის
საჭირო იყო დიდი პრობლემის პრაქტიკულად დაყენე-
ბა, ვიწრო პერსპექტივიდან განთავისუფლება, და აქ ქა-
რთული ბუნება ეროვნულ კალაპოტში გაიშლებოდა..

26 მაისმა მართლაც გააძღვია ეს ზღუდეები და სა-
ქართველო და ქართველობა ერთობილად ჰყო.

ჯერ ამ არქივთა განქექა ნაადრევია, მაგრამ შეიძ-
ლება ერთი თვალის გადავლებით მაინც ითქვას, რომ
მაშინ ხშირად ვნებათა დღევაც ლაპარაკობდა.

ჩვენ ხანდახან ურთიერთს ბრალს ვდებთ ისეთ რამეში,
რაც სინამდვილეში არ იყო. რით იყვნენ ამ ბრძოლაში
სოც.-ფედერ. ნაკლები დემოკრატები, ან სოციალის-
ტები?

ევროპის სოციალისტურ მოძრაობასთან ახლოს მიკა-
რება გვარწმუნებს, რომ მათ ძალიან ცოტა ჰქონდათ სა-
ერთო რუსულ სოციალისტებთან, რასაც ნილილიზმის
გზით ბოლშევიზმისაკენ მიჰყავდა ეს მოძრაობა.

მეორეს მხრივ უნდა აღვიაროთ, რომ ნოე ჟორდანიას
არასდროს არ ყოფილა ტიპური რუსული სოციალი-
სტი. როცა მის ძველ წერილებს ჰკითხულობთ, რწმუნ-
დებით, რომ ეს კაცი მხნედ და განუზრელად იკავებდა
გზას ევროპისაკენ. მისი ბუნება რუსულს და ბუნტა-
რულს ვერ ეგუებოდა, მისთვის ნუჩაევი ისე შორს იყო,
ვით ბაკუნინი.

იმ კაცის ბუნება, თუმცა მარქსიზმს უხვად ნაზიარები იყო, მაგრამ სულიერად და კულტურულად „მინც ქართველი“ რჩებოდა. ამით აიხსნება მისი კეთილშობილი მიდგომა მესამოცე წლების მოღვაწეთადმი.

„სიყვარული გლახ-კაცობის და სიყვარული სამშობლო ენის შეიქმნა იმ ღერძად, რასაც უნდა გადაეტრია. ლებია ჩვენი ცხოვრება. ეს სავესებით შეიგნეს მესამოცე წლების მოღვაწეებმა და ამ მხრით მიმართეს თავიანთი ძალ-ღონე“... (იხ. ტ. 2).

უფრო ქვევით, ეხება რა რუსეთის ტლანქ პოლიტიკას ჩვენი ერისადმი, ის სწერს: „ამ საუკუნეში ჩვენ სხვანაირ გარემოებაში ჩადექით. მართალია, ომს აღარავინ გვიშვრება, მაგრამ მაგიერში უომრად, უიარაღოდ, ტკბილის სიტყვებით გვიძვრებინან ოჯახში, სკოლაში, საზოგადოებაში... გვიჩხრეკენ გულს, სულს, ყველაფერს და რად იხარჯება ამდენი შრომა? ეგების ქართველობა უარპყასო“... (იხ. ნ. ჟორდანის ნაწერები, ტ. 2, გვ. 168)

ამ ძალადობას, რუსეთის ასეთ დაწოლას ებრძოდა მესამოცე წლების შემდეგ გამოსული დასიც; ახალი ქართული მწერლობა. ეს „მწერლობა ეხება ორ კითხვას“, ამბობს ნ. ჟორდანია: „პოლიტიკურ-სოციალურს და ეროვნულს. ქართველის გავერობილება და ქართველის გაქართველება, — აი დედაბოძი ამ მიმართულებისა... ამ საძირკველზე შენდება კედელი; პირველი წყება ამოშენდა მესამოცე წლებში, ხოლო მთლად აშენება კი ჩვენი წარმატებისაგან არის დამოკიდებული“ (იქვე).

აქედან სჩანს, რომ ნ. ჟორდანია ფსიქოლოგიურად თავის გზებს მაინც ქართულ წინა თაობის ბილიკებს უკავშირებდა. ის სწუხდა, რომ ქართულმა მწერლობამ ისევე რუსეთის ჭოგრიტით დაუწყყო მომავალს ცქერა და ევროპა მას განსე დაჩა...
„მწერლობა იმიტომ დაიბნა“, სწერს ნ. ჟორდანია, „რომ ცხოვრება შეიცვალა; ეს მან ვერ ახსნა, ვერ შეიგნო და ფანტაზიას, უტოპიას მიეცა. ასეთ მდგომარეობიდან მას გამოიყვანდა მხოლო დასავლეთი ევროპის განვითარების გაცნობა, რომელმაც ის ხანა, რომელშიაც დღეს ჩვენ ვიმყოფებით, კაი ხანია განვლო და საკუთარი გზა გაიკვლია. შესწავლა ამ გზის, მისი მიდრეკილების გამოჩვენება, ნიშნავს ჩვენი ცხოვრების გარკვევას და მეურმისის გათვალისწინებას“... და ავტორს სავალალოდ მიაჩნია, რომ ქართველობა და მისი მწერლობა ასცდენია ამ გავერობილების გზას, ესე იგი, წინსვლას, და ჩამორჩენილი რუსეთისაკენ მიჩანჩალებს... ეს კარგს არას გვიქადისო!... „სამწუხაროდ, ჩვენი მწერლობა ამ მიმართულებას არ ადგია. ის ერთნაირად რუსული მწერლობის გავლენის ქვეშ არის, იმ ქვეყნის, რომელიც მოქალაქეობრივად ჩვენსავით ჩამორჩენილია და, მაშასადამე, გზას მერმისისას ვერ გვიჩვენებს“... (ტ. 2, გ. 174)

აქ უკვე მოცემულია ჩანასახი იმ გამიჯვნისა, რომე-

ლიც შემდეგ მან რეალურად გაატარა და რამაც ქართული სათავეებისაკენ მიმართა ნოე ჟორდანისა გეზი: — „დასავლეთის ცივილიზაცია მიჩვენია აღმოსავლეთის ფანატიზმს“-ო, — განაცხად ამან საჯაროდ

ეს ცივილიზაცია მარტო ტენიკას და კაპიტალს კი არ ნიშნავდა, არამედ მაღალ კულტურას, საკაცობრიო ჭეშმარიტარულ იდეალს, საითენაც იწვევდა ძველი საქართველო. ამ ევროპის გზის ძიებამ წარმოშვა ხომ ერეკლეს 1783 წლის ტრაქტატი...
და ვისაც სამართლიანი მსჯავრის დადება სწადია, მან უნდა აღიაროს, რომ ნ. ჟორდანია თავიდანვე ქართველი კაცი ყოფილა და მას ამოძრავებდა ქართული ატავიზმი — ევროპის კარების შეღების ცდა. ამ კაცს კარგად ესმოდა, რომ გავერობილება ეკონომიურ გაღონიერებას და გაკულტურონებას ნიშნავდა.

ჩვენი ვაჭრობა-მრეწველობა იმ ხანებში უცხო ტომთა ხელში იყო, რაიც მას სავალალოდ მიაჩნდა. აბა, რომელი ნაციონალისტი არ მოაწერს დღესაც ხელს იმ მთავარ აზრს, რაიც ჩანერგილია ავტორის სიტყვებში, რომელიც მას ჯერ კიდევ 1896 წელს უთქვამს:

„დღეს რომ ქართველობას საკუთარი პოლიტიკური ძალა ჰქონდეს, უეჭველია, ისეთ ზომებს იხმარდა სომხების წინააღმდეგ, რომ მით თვითონ გამაგრებულყო ეკონომიურ ნიადაგზე“-ო. (იქვე, გვ. 181).

ეს არის პროტექციონიზმის გზა, რასაც დღესაც ფხიზელი სახელმწიფო მოქარბებით იყენებს...
„ვეროვნება და სახელმწიფო“ უნდა ყოფილიყო ნოე ჟორდანისა შემდეგი ზრახვები, რომლებიც მხოლოდ შესაფერ მომენტს უცდიდნენ.
და ეს მომენტი რუსეთის იმპერიის დაშლამ მოიტანა. დიდი რუსეთი და მისი ხალხი ვაჰყვა ნაცად ნილიზმს და ანატიკის გზას...
და ნოე ჟორდანია, დაინახა რა, რომ ფიზიკური საფრთხე ერისათვის აცილებული იყო, ქართველობას ევროპის გზებისაკენ — თავისუფლებისაკენ — მოუწოდა.

ნოე ჟორდანია უყოყმანოდ გაეთიშა რუსობას და ძველებურ, ქართულ სიამაყით განაცხადა:
„ჩვენ ვყოფილვართ თავისუფალნი მრავალ საუკუნეთა მანძილზე და ჩვენ დღეიდან კვლავ ვუბრუნდებით ძველ ისტორიულ გზას; ჩვენ ვხედებით დამოუკიდებელნი და ვით თავისუფალი ერი შევდივართ საერთაშორისო ოჯახში. და თუ ჩვენ აქ გვკითხავენ — რომ მოდიხართ რა მოგაქვთ? ქართველი ერი მათ მიუგებს: „მოგვაქვს ორი ათასი წლის კულტურა“-ო...
ეს ისტორიული სიტყვა წარმოთქვა ნოე ჟორდანია 26 მაისს 1918 წელს და ქართულ მატთანეში „გაგრძელება“ ამით ჩასწერა.
და ეს კაცი ამ დღიდან გახდა არა მწერალი, პოლიტი-

კოსი და პარტიის ლიდერი, არამედ შეიქმნა თავისუფალი საქართველოს პირველი პრეზიდენტი.

სამი ბრწყინვალე წლის ისტორია ჩასწერა მან ძველ ქრონიკებში... მსოფლიოს ამცნო ჩვენი ერის აღდგომა და მშენებლობა. და ეს იმ რღვევისა და ქარ-ცეცხლის ეამს, რაიც რუსეთის ტერიტორიაზე მძვინვარებდა..

მაგრამ რუსეთმა ეს ვერ გვაპატივა, და მოპარვით მახვილი ჩაგვცა, — ქართული სახელმწიფო სისხლში ჩაახრჩო. მაგრამ ერის თავისუფალი სული მან ველარ დაიმონა: საქართველოს მთავრობა და ნოე ყოვლადანია ხელთ ვერ იგდო... ეს კაცი, ვით მეთაური და დესპანი განახლებული საქართველოსი ქართულის სიტყვითა და დროშით თავის საყვარელ ევროპისაკენ გაეშურა. აქ მან მთელ კულტურულ ქვეყანას ამხილა რუსეთის ვერაგობა, საქართველოს წმიდა უფლება და საქმე..

ამ მოხუცმა დაშლილ, დაღლილ ძალებს კვლავ მოუყარა თავი. გული გაუმაგრა. ყოველ წლის თავზე ჩვენის დაპყრობისა ის გვამხნეებდა; ახალ ძალებს ჰკრებდა და რწმენას გვიკაჟებდა: —

„დაეკარგეთ თავის თავის ბატონობა, მარა მივიღეთ თავისი თავის შეგნება; მოგვკლეს, მარა არ მოგვკვდით; დაგვაძინეს, მარა არ გვძინავს. ჩვენთვის მომზადებული სასაფლაო, მათთვის ითხრება“... — მეტყუელებდა ქართული მრევლის წინაშე ეს უდავო პატრიარქი და დასძინდა: —

„... ეს წელიც, „მსხვერპლით და თავის დადებით აღსავსე წელი, არის წელი ჩვენი სულიერი აღორძინების, ხალხის ერთი გადაქცევის. აყდერდა ძველი სიმები, ათასი წლობით დაწული და ჩვენი ჭირ-ვარამის საკრავზე ჩამწკრივებული. გამოჩნდა ვანვლილ სევდათა ნაქსოვი, მტკიცე ნაჭედით და სათუთი გრძნობებით. ხალხმა მას მიაგნო, მას ხელი ჩასჭიდა და ხსნის ბერკეტად გამოაცხადა; ერმა მონახა თავისი თავი და უძლეველი შეიქმნა..“

„ამ წელმა გამოჰკვეთა ახალი ქართველი, აღადგინა ძველი მებრძოლი, უშიშარი და თავის დამდები.“

„გადასახლება, წამება, ხერხემა მას ამამაცებს. მან გააწვილა მოციქული: შიშმა ვერ შექმნა სიყვარული.“

„აქ გადაწყდა ბედი ქართლისა. აქ ჩაიყარა მისი არსებობის ღრმა საძირკველი, მას ველარ გაარღვევს მრისხანე მტერი... მას არღვევდა დიდი სპარსეთი, დიდი ოსმალეთი, დიდი ურდოები... ჩვენი დამრღვევი თვითონ ირღვევა. ამას ვერ ასცდება მოსკოვიც..“

„ხალხი იღუპება, როცა მისი სული და მორალი

ტყდება, მაშინ ის ბრბოდ იქცევა, სარეკ ჯიშს ემსგავსება. ქართველი ერის თესლი ამ გზით არ მიემართება. ის მუდამ წარმოადგენდა დაწყობილ, დარაზმულ ერს, ორგანიზაციულად დაკავშირებულს. ამით გამოიტანა მან თავი ბნელი საუკუნეებიდან..“

„...აქ იქედება ქართველი ხალხის თავისუფლება; მას ეძლევა საფუძველი მძლეთა-მძლეველი. მას აართვის ბატონობა, მარა ვერ აართვის ნამუსი, — მოსტაცეს თავისუფლება, მარა ვერ მოსტაცეს პატიოსნება..“

„გარდაგვხდენია ბრძოლა მრავალი; ტანჯულმა სულმა არ იცის დაღლა..“

აი, სიტყვები მოხუც პრეზიდენტისა. და ეს სიტყვა — საქმე იყო, რამაც აღზარდა ემიგრაციაში მთელი თაობა. მისმა ტანჯულმა სულმა მართლაც არ იცოდა დაღლა; მას საამისოდ არ იცალა; ის წლებს არ ითვლიდა, მაგრამ წლები ითვლიდნენ და ისწონიდნენ მის მიღეულ ძალებს.

და დღეს ემიგრაციის წმიდა სამრევლოზე გლოვის ზარმა ჩამოჰკრა: — მოხუცი, ჩვენი პატივცემული პრეზიდენტი და ემიგრაციის პატრიარქი წაბრძანდა..

ქართულ საგუშავოზე ის აღარ სდგას, მაგრამ მისი საქმე გრძელდება — საქართველოს დროშა იქ ისევ ფრიალებს და ზედ აღბეჭდილია ამ პრეზიდენტის ანდერძი:

„დაგვმარხეს, მარა ავდექით და სიცოცხლის ველზე დავდექით. რით? მხოლოდ ერთი იარაღით :ამაყი სულით და ძლიერი ნებისყოფით.. ჩვენ გვსურს — თავისი თავი ჩვენვე გვეკუთვნოდეს და გვეკუთვნება.. გაქრა ის დრო, როცა ქართველი ხალხი ჩრდილოეთიდან სინათლეს მოელოდა — იქედან მოდის სიბნელე და მან ზურგი შეაქცია მას; იქედან მოდის გათახსირება საზოგადოებრივი, ოჯახური, მეგობრულ - ნათესაური, და მას კარი გამოუკეტა; იქედან აფურთხებენ და ფეხ-ქვეშ სთელავენ წმიდათა წმიდას; მას ჩვენი ერი არ აჰყვას; საქართველომ მოსკოვი არ მიიღო, არც პოლიტიკურად, არც მორალურად. საქართველოს აქვს თავისი საკუთარი პოლიტიკა, საკუთარი კულტურა და ზნეობა. ამ სიმაგრეში ის ჩაჯდა“..

ენლაც ასე იტყოდა ეს მოხუცი, რომელიც 60 წლის წინად ემიჯნებოდა ბარბაროსულ ძალებს და ევროპის ჰუმანიზმისაკენ მიგვიწოდებდა.

ეს მოხუცი გახლდათ ჩვენი პრეზიდენტი და ჩვენ გვევალება მისი ანდერძის წმიდად შენახვა.

† აკაკი პაპავა

† ნოე უორდანი —

ქ ა რ თ ვ ე ლ ე რ ს

ეს მიმართვა დაბეჭდილი იყო უორ. „ბრძოლის ხმა“-ში, 1931 წ. თებერვალი.

სრულდება ათი წელი ქართველი ერის ტყვეობის, საქართველოს დაპყრობის და დამონების; წელნი მეტად მწარე, მეტად სისხლიანი, ტანჯვით და ცრემლით სავსენი.

ქართველ ერს უნახავს უცხო ურდოთა შემოსევა, განუცდია უცხო ძალთა რბევა და ძალმომრეობა.

მაგრამ მას არასოდეს არ უნახავს, არასოდეს არ განუცდია ის ტანჯვა-ვაება, ის სასტიკი უბედობა, რაიცა მას თავს დაატყდა ამ უკანასკნელ ათ წელიწადს.

წინეთ დამპყრობელთა ნიაღვარი გადაივლიდა, ქვეყანა ისევ გამოიღვიძებდა, მისი მზე ამონათდებოდა და თავისუფლების ყვავილები გაიშლებოდა.

დღეს დამპყრობელთა ნიაღვარი დაგუბდა ჩვენს ქვეყანაში; ის ყოველ ცისმარა დღეს ანადგურებს ერის სიმდიდრეს, მის ნივთიერ და სულიერ საუნჯეს; ის ყოველ დღე, ყოველ საათში ცელავს საუკეთესო შვილებს; ერს კვეთს საუკეთესო თავებს; აძევებს სამშობლოდან ხალხის მესვეურებს.

მტერი დაბანაკდა ჩვენს საკუთარ მიწა - წყალზე და შეიარაღებული ეწევა მუღმივ, შეუჩერებელ ომს უიარაღო მცხოვრებთა წინააღმდეგ.

ათი წელია სწარმოებს ეს ბრძოლა საქართველოს დასამორჩილებლად, ქართველი ერის მიუხეზ დაცემულ საწყალთა ბრბოთ გადასაქცევათ.

მოსკოვის ტირანები ათი წელია ძღებთან ქართველი სისხლით და ვერ გაძღენ; იტაცებენ მის სარჩო-საბადებელს და ვერ გაათავეს, ავსებენ თავდადებულ მოღვაწეებით ციხეებს, ბნელ საკნებს, შორეულ გადაკარგულ კუთხეებს და ვერ გაავსეს.

დიდია ქართველი ხალხის ეს მძიმე ტანჯვა, განუზომელია ეს ამოდენა მისი წვალება, მწარეა ეს ხანგრძლივი მისი დევნა.

მაგრამ დიდი აღმოჩნდა ქართველი ერის გამძლეობა, არ შეირყა მისი სულიერი სიმტკიცე და რაინდული მხნეობა. მას მოხტაცეს თავისუფლება, მაგრამ ვერ დაიმორჩილეს, მას წაართვეს თავისთავის ბატონობა, მაგრამ ვერ დაიმონეს.

ქართველი ერი ამ მეთე წელსაც ისე მაგრათ დგას თავის უფლების, თავის სამშობლოს სადარაჯოზე, რომ-

გორათაც ის იღვა თავიდანვე, შემოსევის პირველ წელიწადს. დროთა ბრუნვამ ის ვერ მოხტენა, გზაკვალი ვერ აუბნია, მტერი მოყვარეთ და მოყვარე მტრათ ვერ მოაჩვენა. ის დგას თვალახილული, გონება ნათელი, მტერთან მტრულათ განწყობილი. დევნა მას აკაუებს, თავსდასხმა ავაუკაცებს.

განა ეჭვია, ვინ გაიმარჯვებს! ისტორიის ჩარხს უკუღმა ვინ დააბრუნებს? მოსკოველთა საქმე წაგებულია, ისინი ისტორიის მიერ განწირული არიან. . .

დროს რა მნიშვნელობა აქვს, იქნება აღრე თუ გვიან — ეს დამოკიდებულია მრავალ გარემოებაზე; მთავარია ის, რომ მტერის დამარცხება უეჭველია, მისი დასასრული გარდაუვალია. ქართველი ერი სწორეთ ასე შორს იხედებოდა და ამიტომ ქედი არ მოიხარა გამარჯვებულთა წინაშე. ის დარწმუნებულია მტრის დაცემაში, მის დარღვევაში, მისი ბოროტების აღმოფხვრაში და ეს რწმენა მას ამხნეებს, ასაკლდეებს ეს ათი წელიწადია. (..)

საქართველოს კანონიერი მთავრობა, უცხოეთში გადმოხვეწილი და აქ ერის დაკარგული უფლებებისათვის მებრძოლი, შორიდან უძღვნის სალამს მთელ ქართველობას და მას უთვლის: ჩვენ აქ ძველებურად მაგრათ ვდგევართ ქვეყნის სადარაჯოზე; ჩვენი გული სცემს თქვენ გულთან ერთად. თქვენი სული გვაძღვეს აღფრთოვანებას. მომავალ დიად გადატეხას შევძვედეთ მთლიანად, საერთო ნებისყოფით, საერთო სულისკვეთებით და სხვა ჩვენებრ დატანჯულ ხალხებთან ერთათ აღმართოთ ჩვენი დროშა, დროშა საქართველოს დემოკრატიული რესპუბლიკის აღდგენის, კავკასიის ხალხთა კონფედერატიული კავშირის დაარსების და სხვა საბჭოთა უღლისაგან განთავისუფლებულ ყველა ხალხებთან ძმური დამოკიდებულების და კეთილი მეზობლობის დამყარების.

საქართველოს ეროვნული მთავრობის თავმჯდომარე

ნოე უორდანი

პარიზი, თებერვალი, 1931.

ლევინის სავანე

(ლ. ბ-ლის ხსოვნას)

მოდუნული ცა. შემოდომის მსუბუქი ქარი.
წყლის ნაპირებზე ჩუმი ნისლი ჩამორღვეული;
ზოგჯერ მკრთალი მზე ღრუბლებს შორის გამონაპიო,
თითქოს თოლია მოთენთილი, ქანცმორეული.

თითქოს სამყარო გაყინულა ამ ვიწრო წრეში,
სადაც გვერდები ბებერ ძეგლებს ჩამომტვრევიათ,
რომელთაც ეხლა ემუქრება თოვლი და თქეში,
თუმცა ზამთარი ნოემბერში ნაადრევია..

ვღვევარ საფლავთან, როგორც ბაწრით დაკიდებული,
გული ცრემლებში ამიცურდა, ამიქვითინდა.

ბიჭო! სად გქონდა შენ აკვანი, მამულ-დედული!
იქ მიგიხმობდნენ, მოკვლოდნენ. — აქ შენ რა გინდა!

სიტყვა ვერ ვბოვე, საბუარით ყელ-დათუნულმა,
მოგრეტანდი, მომჩვენა მექა-მედინა;
თითქოს დამსერა, დამაწყლულა ხმაღმა თუშურმა,
ცხელი ნაკადი ცივ ლოყებზე ჩამომედინა.

ამ საუკუნის სიდუხჭირეს ეურჩებოდი,
ფაქიზად გიბურა ტვირთ-მძიმეთა წამოსასხამი,
მაგრამ აუგი, განა მისთვის ვძულდა და გმობდი,
რომ აქ უდროოდ გაგვეთხარა შენთვის საფლავი!

ეხლა რა გითხრა ამ ლოდის ქვეშ ხმა დადუმებულს!
ცბიერ ცხოვრების ნაცარ-ტუტა ან თუ მეტი რა!
ფაწბილებული მოლოდინით დღე გამწარებულს,
ამ შენ საფლავზე მოხუც დედას მაინც ეტირა!

თუმცა საგლოვი, სავაგლახო მას იქაც ჰყავდა;
ის ილეოდა ფერმიხდილი ჩასულ მხესავით,
მეორე შეილიც, შენზე გვიან რომ დაიკარგა,
ისიც იმსხვერპლა ფათერაკმა, სწორედ შენსავით.

აგლეჯილ ტალღას ზნედ სჭირს ზვირთის შორს გადა-
ტყორცნა,

სანაპიროზე ვაზს დასცემს და გაანაფოტებს,
და ქარიშხალი ნორჩ წალკოტებს ეცემა როცა,
გაიფაფხება, გააწოლტებს ყვავილის ტოტებს.

მიმოვიხედე, საფლავები აქ სხვაც ბევრია,
ჩამწკრივებული, ჩაკრული ბაგე-ბორცვები;
აქ საქართველოს ნაფლეთები გაუბნევია,
მისი ნაწილი სხვის მიწასთან შენახორცები.

აქ სიბრალულის ბევრი ცრემლი არის დაღვრილი,
აქ რამდენ მშობლის ძუძუები გაშიშვლებულა,
ქართული სიტყვა, ქართული ხმა, ქართლის ტკივილი,
ამ ქვებს, ამ ეზოს, ამ მიდამოს აჩნია წყლულად.

სიკვდილი ყველგან სასტიკია, მაგრამ აქ უფრო
იგია მეტად სავალალო, საუბედურო;
აქ კაცს სურვილი გებადება მას შეაფურთხო
და უფალს ლამის უგულობა უსაყვედურო.

აქ რომ მარხია: ეს ნაცნობი, ეს მეგობარი,
ეს ახალგაზრდაც ჩვენი ხვედრის თანატოლია,
ჩვენ ერთად გვზრავდა ოცდაერთის ცივი ზამთარი,
გულს გვიფატრავდა ფერეიდან-ანატოლია.

ჩვენც იმ ქართველებს ვათოკილებს დავემსგავსენით,
რომლებსაც ზღურბლი მამულისა გადაუკეტეს,
ჩვენც დავდღურდულვართ მათი კვნესით, ვაებით, სენით,
და არც დასასრულს არ მოველით მათზე უკეთეს.

მაინც ვადეურჩით: ყრუ ყაენებს, სულთანებს, შაჰებს,
ბევრი უღელი დავგილევწავს, გადაგვიგდია,
აწიც ვავუძლებთ ძველი დროის ახალ ყაჩაღებს,
რადგან წარსული — მომავლის გზა და ხილია.

და როს ვუცქერი დაღვრეილი ამ ცივ საფლავებს,
სადაც აქა-იქ ქართლის მიწა გატურევიათ,
შორიდან ვამჩნევ იმ ობოლთა ნამტირალ თვალებს,
რომელთა ბუდე განშორებას დაუნგრევია.

აქ ჩამოდიან, პოვეულობენ თავისიანებს,
ახლო ნათესავს, ან და მშობელს ზოგჯერ უნახავს,
ჩამოაქეთ მათთვის ის განცდები თვალცრემლიანებს,
რასაც სამშობლო სასოებით მათ სულ უნახავს.

ქარი ზმუნდა გაჩეხილი ორღობებში,
ქართველი დედა დაეძებდა დაღუპულ შვილებს,
მზაკერულად შეკრულთ, შემუსრულებთ ზამთრის
დღეებში,

ან და შორეულ ტრამალებში გადახვეწილებს.

განა ეს მარტო ჩვენი დროის თანამგზავრია?

დასაბამიდან ასე მოდის, ასე ყოფილა!

ქართველთა ძვლები რომელ მიწას არ აბარია!

რომელ კუთხეში მათნი თვალნი არ ჩაქრობილან!

მაგრამ ეს არის წმიდა ვალი მამულის მიმართ,

ეს თავდება თვითუფლების და საფუძველი;

ჩვენც დავიმაჩხოთ, თუნდაც აქვე, მათეზო მარტოკად,
ოლონდ სამშობლო იყოს ლალი, იყოს დღეგრძელი.


ლევან ზურაბიშვილი

ნიკო ნიკოლაძის

დაბადებიდან — 125 წლის

და

ბარლაცკალაშიდან — 40 წლისთავამდე



ნ. ნიკოლაძე. სურათი გადაღებულია ლონდონში, 1927 წ.

ნ. ნიკოლაძე დაიბადა ქუთაისში 14 სექტემბერს 1843 წ. — გარდაიცვალა თბილისში: 1 აპრილს 1928 წ.

თავისი სადოკტორო დესერტაცია მან წარადგინა ციურხში; დაიბეჭდა ენევაში 1868 წელს.

«DU DESARMEMENT, ET, DE SES CONSEQUENCES ECONOMIQUES ET SOCIALES».

ნ. ნიკოლაძის ცხოვრებას, რჩეულ ნაწერებს, მსოფლმხედველობას და მოღვაწეობას, საქართველოში უძღვნეს რამოდენიმე მოზრდილი წიგნი და მრავალი საგაზეთო-საჟურნალო წერილი; მისი სახლი, ჯიხაიშში, აქციეს მუზეუმად და მისი პირადი არქივიც აღწესდეს და ეს კატალოგი წიგნად დაბეჭდეს. შეიძლება, მაშ ითქვას, რომ ნ. ნიკოლაძეს საქართველო იცნობს და რომ მას ქართულმა რჩეულმა საზოგადოებამ, შეძლებისდაგვარად, ყურადღებაც და დიდი პატივისცემაც დაუმტკიცა.


არც არაფერი გვექნებოდა დასამატებელი — სათქმელი, რომ ყველა ამას თან არ ახლდეს ერთი დიდი ნაკლი და პირველყოფილი ცოდვა:

ერთი: ნ. ნიკოლაძის ყოველი სიტყვა, თუ მოქმედება სავალდებულოდ განხილულია მარქსისტ-ლენინისტური განამარტულებელი შუშის ქვეშ — იმ ზომად, რომ ლამის ნ. ნ. გამოიყურება ორთოდოქსალურ მარქსისტად და — საქართველოს რუსეთის ხელში დარჩენის მომზრედ! — ეს ხომ ხალხს ვერ შეაცდენს!

რაც უფრო მეტე და სამწუხაროა: ნიკოს ყველა ბიოგრაფიიდან სავსებით ამოშლილია მისი ეროვნული და პოლიტიკური მოღვაწეობა საქართველოს დამოუკიდებელი რესპუბლიკის არსებობის სამი-ოთხი წლის მანძილზე: განდევნილია და დავიწყებას მიცემული 1917 — 1921 წ.წ.

ეს პერიოდი ხომ საერთოდ საჭკოთა ლიტერატურაში ან სრულებით არ იხსენება, ან თუ კი: გაკვრივით, და მაშინ მას აუცილებლად ახლავს ზედსართავი: „მენშევიკური“!

ამრიგად, კომუნისტები ცდილობენ მიჩქმალონ იმდროინდელი, ფეხზე წარმომდგარი საქართველოს ნამდვილი, სახელმწიფოებრივი და ეროვნული სახე. ისინი ცდილობენ ამ საშუალებით დააჯერონ ახალგაზრდები, რომ ეს იყო უმნიშვნელო „ადგილობრივი“ ეტაპი ბოლშევიკ-მენშევიკთა პარტიული ბრძოლისა!



ვფიქრობ, სწორედ ასეთი „გაცენზურება“ ნ. ნიკოლაძის ბიოგრაფიისა და აზროვნებისა, გათვალისწინებული ჰქონდა „რეალისტური“ ციონების პატრონს, „შოქისმჭვრეტელ ბაბუა-ჩემს, როდესაც მან, უცხოეთიდან ოკუპირებულ საქართველოში დაბრუნების დროს, ამჯობინა თან არ წაელო ის რამოდენიმე პირადი დოკუმენტი, რომელზეც ქვემოთ გვექნება საუბარი.

ჩემი განმარტება იქნება მოკლე. უფრო დაწვრილებითი კვლევისათვის არცე საჭირო მასალები მოგვეპოვება.


მაგრამ ვიღაც შევეუფლებოდე ამ მთავარ პერიოდს, ნებას მივცემ ჩემ თავს მოვათავსო აქ ორი მოკლე ცნობა, რომელი ინტერესს მოკლებული არ არის და ვფიქრობ, ნაკლებად გავრცელებულია. ჯერ ის, რომ ლექსიკონის „ლარუს“ის ექსტომიან გამოცემაში (უკვე 1928 წლიდან) სწერია შემდეგი (ტომი 5. გვ. 73):

NICOLADZÉ (NICOLAS): Publiciste et Homme Politique Géorgien, né à Koutaïs en 1843, mort à Tiflis en 1928. Ses Oeuvres: littéraires, économiques, et politiques, écrites en Géorgien, et en Russe, le firent remarquer, mais ce qui lui valut sa popularité, ce furent les grands travaux qui furent, sur son initiative, entrepris au Caucase. C'est à lui qu'on doit la construction du Port de Poti, sur la mer Noire, les canalisations de Tiflis, et le développement de l'industrie de Manganèse de la région de Tschiatour.

რამდენადაც უცხოელ ლექსიკონს შეიძლება მოეთხოვოს, ეს ცნობა სწორიკაა და ზომიერიც.

მეორე ცნობა ენება უფრო შორეულ წარსულს (და თუ არ ვცდები, მხოლოდ ერთ პატივცემულ ქართველ მეცნიერს აქვს აღნიშნული). ეს ის, რომ ჯერ კიდევ 1873 წელში, პარიზში ნიკო ნიკოლაძემ დააარსა პირვე-

უსურათო მოწმობა ნამდვილი არ არის



ლი ქართული გაზეთი, საფრანგეთში, „დროშა“ და რომ მის პირველ ნომერშივე მას დასახული ჰქონდა როგორც საზოგადოებრივი იდეალი: „თავისუფალი ფედერაცია კავკასიური ხალხებისა“...

მაგრამ დავუბრუნდეთ საბჭოთა ცენზურის მიერ ისტორიიდან ამოშლილ წლებს.


ნიკო ნიკოლაძის პოლიტიკური მოღვაწეობიდან ორი, 1918 წლის, მნიშვნელოვანი შემთხვევა აღწერილი აქვს პროფ. ზურაბ ავალიშვილს თავის შრომაში „ნეზავისი. მოსტ გრუხი ვ მეუღუნაროდნოი პოლიტიკე“. (იგივე გამოიცა ინგლისურ ენაზე, ლონდონში (1940 წ.) სათაურით:

«The Independence of Georgia in International Politics». რუსულ გამოცემას ქართულად აწერია მიძღვნა: „საქართველოსთვის აღსრულებულთა ხსოვნას — ახალთ საიმედოდ“).

პროფ. ზურაბ ავალიშვილის მოწმობა მით უფრო ძვირფასია, რადგან ორივე შემთხვევაში ზ. ავალიშვილი თვითონ იყო მონაწილე აღწერილისა.

პირველი შემთხვევა, ეს იყო თურქულ - კავკასიური კონფერენცია ბათუმში, 1918 წ. მაისის შუა რიცხვებში.

მოგესხნებათ: 1918 წლის დამდეგს ჩამოყალიბებულმა დამოუკიდებელმა კავკასიის ფედერაციამ უარი განაცხადა ბრესტლიტოვსკის საზავო კონფერენციაზე დელეგატების ვაგზხვანაზე და აირჩია ომის გაგრძელება თურქეთთან და საკუთარი პროვინციებისა და სამხრეთი საზღვრების დაცვა. (ბრესტლიტოვსკში ხომ ლენინის რუსეთმა ხელი მოაწერა საზავო ხელშეკრულებას ავსტ-



რია - გერმანია - თურქეთთან, და თურქეთს დაუთმო ართვინ - არდაგან - ყარსის ოლქები!)

სამწუხაროდ, კავკასიურ ფედერაციას ძალა არ შეეწევა თურქეთის წინააღმდეგ ომი ეწარმოებინა. კავკასიური ფრონტი მოიშალა და იქიდან მომწყდარი შვიდასათასიანი რუსის ჯარის გასტუმრება რუსეთისაკენ მძიმე ტვირთად დააწვა ნორჩ სახელმწიფოს.

საკვირველი არ არის, რომ ამ პირობებში ჩვენი ფედერაცია ადვილად დამარცხდა და იგი იძულებული გა-

ხდა საზავო მოლაპარაკება დაეწყო თურქებთან ბათუმში (რომელიც მაშინ თურქების ხელში იყო ჩავარდნილი); კავკასიელები აქ იყვნენ პირისპირ თურქებთან, რომელთა მოთხოვნილებაც ბრესტლიტოვსკის შემდეგ არ შემცირებულა, — პირქით, გაიზარდა. თურქებს სურდათ აქ დიპლომატიურად შემომტკიცება იმისა, რასაც ძალით ხელში ივდებდნენ. ამიტომაც მეტად სერიოზულად მოექცნენ ამ კონფერენციას, რაც სჩანს უკვე მათი დელეგაციის შემადგენლობის მიხედვით. მართლაც, აქ ჩვენ ვხედავთ თურქეთის საუკეთესო დიპლომატებს: —



ხალილ ბეი (თურქეთის იუსტიციისა და დროებით საგარეო საქმეთა მინისტრი, შემდეგში პარლამენტის თავმჯდომარე); ჯემალ-ფაშა (საზღვაო მინისტრი); განთქმული ვეზიბ-ფაშა (მთავარსარდალი). გერმანიამ მთავალყურის როლში მიაღწინა ცნობილი ლენერალი ფონ ლოსოვი.

კავკასიის დელეგაციის ქართველი დელეგატები კი იყვნენ: აკაკი ჩხენკელი და ნიკო ნიკოლაძე (ზურაბ ავალიშვილი — მათი საგანგებო მრჩეველი).


კავკასიურ დელეგაციაში არ სუფევდა სრული ერთსულოვნება, ვინაიდან აზერბაიჯანელები, რომელთაც თურქეთისაგან რადიკალურად საფრთხე არ მოელოდათ, ამ თანამორწმუნეებისადმი ერაგვარ ნდობასა და მიმზიდველობას განიცდიდნენ. ამიტომაც ქართველ დელეგატებს შეეჭმნათ საკუთარი მიზანი და გეგმაც მოლაპარაკებისა. ეს უკანასკნელი იყო მიმართული მოლაპარაკების „ვაჭიანურებისაკენ“, რათა მოგებული დრო მოეხმარათ გერმანიის ყურადღების მისაპყრობად; შეეჭმნათ გერმანულ - თურქული ეკონომიური ინტერესების (კავკასიის მიმართ) აქტიური დაპირისპირება. ფაქტებმა ხომ კიდევ ნაწილობრივად გაამართლეს ეს ტაქტიკა.

აი, ამ მოლაპარაკებათა ანალიზთან დაკავშირებით ზ. ავალიშვილი ბრძანებს, ნიკო ნიკოლაძის „ამოუწურავი მეხსიერება, ბრწყინვალე მკვერმეტყველება, ელვარე თვალეზი — თეთრ წვერებთან და წარმოსადგე ტანადობასთან შერწყმულნი, — მეტად სასარგებლოდ ხდიდა მის მონაწილეობას ამ საქმეში“—ო.

მეორე არა ნაკლები მნიშვნელობის შემთხვევა, აგრეთვე საქართველოს საგარეო პოლიტიკას ეკუთვნის. და შეიძლება ჩაითვალოს პირველის გაგრძელებად. ეს ხდება ბერლინში (ივნისი 1918 წ.), სადაც ნიკო ნიკოლა-

ძე და ზ. ავალიშვილი მივიღებულნი არიან უკვე დამოუკიდებლობა - გამოცხადებული საქართველოს რეს. პუბლიკის დელეგატებად, მოსალაპარაკებლად — ჯერ კიდევ არ დამარცხებული გერმანიის იმპერიის — მთავრობასთან. მათი მიზანია იურიდიული ცნობის მიღება საქართველოს დამოუკიდებელი სახელმწიფოსი და ზემოდმოხსენებული ევგემის თანახმად: გერმანიასთან გარკვეული ეკონომიური ხელშეკრულების დადება. (მთავარი მიზანი მაინც რჩება, გასაგებია, თურქეთს კლანჭები გაახსნევიონ!).

საქართველოს დელეგატებს შეხვედრა აქვთ თვით რ. ფონ კიულმანთან (იმპერიის საგარეო საქმეთა მინისტრთან), მის მრჩეველ დრ. სიმონს-თან (რომელიც გახდება 1920 წ. რესპუბლიკური გერმანიის საგარეო მინისტრი), და სხვა გავლენიან პირებთან. ბოლოს ისინი მიართმევენ გერმანიის მთავრობას ქართულ მემორანდუმს. ამის პოლიტიკური ნაწილი (საქართველოს საერთაშორისო უფლებები და საზღვრები) ეკუთვნის პროფ. ზურ. ავალიშვილის კალამს, ეკონომიური მიმოხილვა კი — ნ. ნიკოლაძისაა. ამ უკანასკნელში მოცემულია ცნობები საქართველოს ბუნებრივ სიმდიდრეზე და დასაბუთებული საზღვრობა, რაც საქართველოსთან მოკავშირეობას შეუძლია შესძინოს გერმანიას. ზ. ავალიშვილი აღნიშნავს, რომ გერმანელთა ყურადღება მიიპყრო მაშინ ნიკოს „ბ. ფ. პ.“-ს გეგმამ, ესე იგი, ბერლინ-ფოთი-პეკინის სავაჭრო გზის შექმნის წინადადება. რომ ამ საქმიანობამაც ერთნაირ შედეგებს მიაღწია, ეს ცხადდება ორი კონკრეტული ფაქტის არსებობით: 1). საგარეო მინისტრის, ფონ-კიულმანის სიტყვა იმპერიის რაინისტაგში, საქართველოს საკითხის თაობაზე (ივლისში); 2). ბრესტლიტოვსკის ხელშეკრულების, გერმანულ - რუ-



ებრივი მართვის პრაქტიკა, და ცარიზმის მიერ შექმნილი სტრუქტურა ნაწილობრივ გამოსადეგი აღარ იყო, ახალ პირობებში, ქართულმა ეროვნულმა პარტიებმა სწრაფად მოახერხეს საკუთარი სახელმწიფო აპარატის შექმნა, და თითქმის უმტკივნეულოდ, მეტად რთული მდგომარეობის მოგვარება. ამას უნდა დაემატოთ ის გარემოება, რომ 1914 - 18 წ. ომით სისხლდაცლილმა და ეკონომიურად დასუსტებულმა საქართველომ — თავისი დამოუკიდებელი არსებობის ბოლომდე — გასძლო და თავი დაიცვა თავისი მკვიდრი ძალით: მან ვერც სამხედრო, ვერც ფინანსური დანაშაულის მიღება ვერ მოასწრო (მაშინაც კი, როდესაც — 1921 წ. — ორმოცი დღის განმავლობაში ებრძოდა ოთხი მხრიდან შემოსეულ დაუძინებელ მტერს: ჩრდილოეთ-აღმოსავლეთით — რუსებს, ხოლო სამხრეთით — თურქებს).

საქართველოს სახელმწიფოს ასეთი სწრაფი ფეხზე დადგომა მოწმობს უპირველეს ყოვლისა, ქართველი ხალხის მუდმივ უნარიანობას, გამბედაობას და პოლიტიკურ სიმწიფეს — ვინაიდან მისი პოლიტიკური, ეროვნული **მაჯისცემა** 1917 წლის თებერვლის რევოლუციის მეორე დღესვე გახდა საგრძნობი — ცხოვრების ყველა სფეროში: შეიქმნა ქართული ჯარი, მარტში 1917 წ. ქართულმა სამღვდლოებამ ერთხმად დაადგინა ქართული ეკლესიის ავტოკეფალიის აღდგენა; 1918 წლის იანვარში გაიხსნა ქართული უნივერსიტეტი; საქართველოს სკოლა-გიმნაზიების მეცადინეობა გადაყვანილ იქმნა რუსული ენიდან ქართულზე და სწრაფად გამოიცა საჭირო სახელმძღვანელოები; დაიწყო ქუჩების რუსული სახელების ნაცვლად ქართული სახელებით შეცვლა და ყველა ქუჩის (და მალაზიის) სახელგვარები წაიწერა ქართულად. საორტიულმა საზოგადოებამ „შეგარდენ“-მა ფართოდ გაშალა ფრთები. ოპერაში დაიდგა მაშინ „ბესალომ და ეთერი“, „კოტე და ქეთო“ და ბალეტი „შოთა რუსთაველი“. სახელმწიფო ჰიმნად იზმარებოდა „დიდება“ (კ. ფოცხვერაშვილის მუსიკა). დაიბეჭდა ქართული ფული, საფოსტო და საღებო ქართული ნიშნები.

ევროპის კონფერენციაზე გაიგზავნა დიპლომატიური დელეგაცია. ბევრმა სახელმწიფომ გამოუცხადა იურიდიული ცნობა და საქართველომ მათ მიუგზავნა თავისი ელჩები. საქართველოს მთელ ტერიტორიაზე და მის რამოდენიმე ეკლესიაზე, ფრიალებდა ქართული ეროვნული დროშა: შავი - თეთრი - და - შვინდის ფერი, ესე იგი თამარ მეფის ისტორიული ფერები და საქართველოს შეეძლო ეთქვა შოთას სიტყვები (ტ. 404) — „ავმართე დროშა მეფისა, აღმითა წითელ შავითა“.

1920 წ. ნიკო ნიკოლაძე მეორედ მიემგზავრება დასავლეთ ევროპისაკენ, ისევ ოფიციალური დავალებებით. ეხლა ის მიყვება საქართველოს ფინანსთა მინისტრს. კონსტანტინე კანდელაკს: ეკონომიური - საფინანსო სა-

საქართველოს პრეზიდენტის რწმუნებულების მოწმობა ნიკო ნიკოლაძის სახელზე

სულ დამატების (27 აგვისტო 1918 წ.) მე-13 მუხლი, სადაც „საბჭოთა რუსეთი აცხადებს თანხმობას, რომ გერმანიამ იცნოს საქართველო დამოუკიდებელ სახელმწიფოდ“.

მართალია, გერმანიის დამარცხებამ (ნოემბერი 1918 წ.) ზემოხსენებულ ეკონომიურ ურთიერთობის გეგმებს მომავალი აღუკვეცა, მაგრამ ცხადია, ამ პოლიტიკურმა ნაბიჯებმა თავისი წვლილი შეიტანა საქართველოს დამოუკიდებლობის დე იურე ცნობის მომზადებაში, რაც საქართველომ მიიღო შემდეგში: საბჭოთა რუსეთისაგან (7 მაისს 1920 წ.) და გერმანიის რესპუბლიკისაგან (20 სექტემბერს 1920 წ.).

გერმანიიდან დაბრუნებულ ნიკო ნიკოლაძეს ეროვნულ - დემოკრატიული პარტია აყენებს თავის ცენტრალური კომიტეტის თავში.

დამფუძნებელ კრებაში არჩეული ნ. ნიკოლაძე აქტიურ მონაწილეობას იღებს ამ უმაღლესი ორგანოს მუშაობაში.

საჭიროდ მიმაჩნია — ახალ თაობათა საყურადღებოდ — ხაზი გავუსვა: მიუხედავად იმისა, რომ საქართველოს 116 წლის მანძილზე შეწყვეტილი ჰქონდა სახელმწიფო-

კითხვების მოსაგვარებლად. და ამათ შორის შავი ქვის ექსპორტის მოსაგვარებლად. აქვე ნახავთ თქვენ სახელმწიფო მინდობილობის სიგელის ფაქსიმილეს, ნოე ჟორდანიას ხელისმოწერით.

სრულიად საქართველოს კათოლიკოს-პატრიარქი ლეონიდე, თავის მხრივ ატანს ნიკო ნიკოლაძეს — „წმიდა ნინოს სახელობის საზოგადოების გამგეობის წევრს“ — თავის მინდობილობის სიგელს, საკათოლიკოსო ბეჭედის დასმით. (აქედან სჩანს, რომ ნიკო ნიკოლაძე არა მხოლოდ მორწმუნე ადამიანია, არამედ მეტივ: საქართველოს ეკლესიის საჭიროებანი მას მიაჩნია აქტუალურად და ღირსად მზრუნველობისა).

ვათავებ რა ამ მოკლე მიმოხილვას, ვიმეორებ, რომ იმ რამოდენიმე საბუთის ფაქსიმილეს გამოქვეყნების მიზანი ორმაგია: ერთი მხრივ ნიკო ნიკოლაძის ბიოგრაფიის იმ მომენტების შევსება, რაც საქართველოს დღევანდელ პირობებში — ეს ნათელია — აკრძალულია; მეორე მხრივ, ერთი შუქი მაინც მოვახვედრო იმ ლამაზ სურათს, რაც იქნებოდა ჩვენი სამშობლოს სრული აღორძინების ეპოქა, რომ გაგრძელებულიყო 1918 წელში აღდგენილი მისი სუვერენობა, ძალდატანებით, და მუხანათურად, წართმეული 1921 წლის თებერვალ - მარტში.

ლევან ზურაბიშვილი

გიორგი ყიფიანი

არჩევანი

სამშობლო — დედის სახლი.
საბა სულხანი

მიწა ყველგან ერთი არის
ამ უცნაურ დედამიწის,
მაგრამ რა ვქნა, რო მამ გულში
სწორსპოვარ ჩემი ქვეყნის
სიყვარულის ცეცხლი იწვის!
ჯარისკაცი არ მენახა,

არცა ჩვენი, არცა სხვისი
იქნებ აღარ ამცდებოდა,
ტყემლის თეთრი ყვავილებით
თმა-ხუჭუჭა ქუთაისი.

გერმანელი, ფრანგი, რუსი,
დედის გული ყველგან ხარობს!
სიძულელი ვის ჩვევია?!
მაგრამ რა ვქნა, რომ ამ გულში
დედა-ჩემი მიჩვევია.

გიორგი ყიფიანი

1967 წ. პარიზი.

უ. ფაშალიშვილი

დედის ალერსი

თუმც სიბერეში შევიჭერ უკვე,
მაინც ბავშვი ვარ მე ისევ შენთვის,
შენ შთამავგონე ღრმა სიყვარული,
ჩემ ქვეყნის, ერის და უფალ-ღმერთის.

შენი სიტყვები: „შვილო ძვირფასო,
შენ შემოგველე, შენ გენაცვალე!“,
გულში უცვლელად შემოვინახე,
და სხვა ალერსში არსად გავცვალე.

ისე როგორც სხვებს, უღმობელ დარდმა
მეც დამიღრინა, ხელით შემეხო,

შენი ალერსი კიდევ მჭირდება,
რომ არ დავეცე და არ დავეშხო.

შენს გვერდში ყოფნა დრომ ამიკრძალა,
მუხთალ პირობებს გააქვთ თავისი,
წერით მალღრსე შენი ალერსი,
რომ არ დავეკარგო ბრძოლის ხალისი.

დედი, ჭირიმე, გთხოვ არ იფიქრო,
რომ შენი შვილი სუსტი, ჩვილია,
ვისაც ალერსი დედის არ უყვარს,
ის რა კაცია, ან რა შვილია!

უ. ფაშალიშვილი

ლონდონი, 1966 წ.

რახული პეიზაჟი

(უჩა ჯაფარიძეს)

გაღმა მოჩანს ტყეები დაბურული,
ველ-მინდვრები ფარდაგივით ნართული,
სადღაც მიდის გლეხი ფიქრში გართული
და ჩრდილებში რჩება მოხარატული
წიფლის ოდა, ყავრით გადახურული.

აგერ სუფრა გაუშლიათ განური,
ზედ ლორი და ლავაშები აწყვია,
ქყინტლი ყველი და ხბოს ხორციც აქვია,
ტუჩებზე კი ყველას ღიმი ატყვია,
რადგან მოაქვთ ჩაფით ყიფიანური.

როცა შეთვრნენ — წამოიწყეს „დაღი“,
სუფრის ირგვლივ დაუარეს ფერხისა,
აგრილებდათ ჩეროები ვერხვისა.
მე კი შენი ნახვა აღარ მეღირსა,
სიჭაბუკე შენზე ფიქრს შევალღი.

სიზმარია, თუ არის მოჩვენება:
ასე ტკბილად ვინ იმღერის ნეტავი?
ის გოგონა არის ჩასაკვნეტავი,
ვაყი დნება — გოგონას შემხედავი,
ეკარგება ძილი და მოსვენება.

გივი შაორელი

ეპილეპსია

როცა ერისთავს უღალატეს მუხანათობით:
მოხუცს, შვიდი ძით, ჯარი ურდოდ შემოესია,
როცა თითოზე მიდოდნენ ურცხვნი ათობით, —
იქვე იღვა და ზეიმობდა „ეპილეპსია“...

იომეს მძლავრად, შემართებით ბრძოლასა შინა,
პირდაპირობა რაინდების ძველი წესია;
და როცა იგრძნო მან იანნი ვერ შეაშინა,
შურით გაფრინდა ბრაზიანი „ეპილეპსია“.

დახოცეს ბევრი — მოკლულების აღმართეს ხორა,
უხმობდნენ უფალს, გარნა არსით ჩანდა მესია...
მთავარს უკვირდა: „იფქლი ღვარძლად არ მითესია,
მაშ ყოვლად წმიდამ მოწყალემა რად ამაშორა?“

სძლიეს სიმრავლით, ერისთავებს დასწვეს თვალები,
იტანდნენ ტანჯვას და არცერთს არ დაუკვნესია...
ხოლო რა მათზე ვერ იხილა შიშის რკალები, —
მტყვრში გაგორდა ბრაზიანი „ეპილეპსია“...

გივი შაორელი

1965 წ.

განზორებისას

მძიმე ფიქრებში გახვეული, მწუხარე გულით,
დავდივარ სოფლად, თავდახრილი, მართოდ, უმიზნოდ,
ჩემთვის დასრულდა აწ ზღაპარი ოდეს ნათხრობი
და ვუცდი ჩემს დღეს განკითხვისას, ჩუმად, უსიტყვოდ.

ოხ! როგორ მინდა ისე მძლავრად დავიღრიალო,
რომ ჩემი ხმა განწირულის, ალად ქცეული,
მთელს ამ სამყაროს შემოეფლოს, ფერფლად აქციოს,
რომ დაბოლოვდეს ეს ცხოვრება უმიზნოდ ქმნილი.

მაგრამ მე წავალ ჩუმად ისე, როგორც მოვედი:
ჩემი სიკვდილით არ შეჩერდება ჩარხი ბედისა,
ის ისე ივლის, როგორც მუდამ „მონოტონურად“,
თითქოს არასდროს მხილებოდეს სახე დედისა!

რა კარგი იყო, როს პირველად ვახილე თვალი
და მზემ თვალები დამიკოცნა ოქროს სხივებით!
რა ბედნიერი ვიწექი მკლავზე დედის ძუძუსთან!
რა ალტაცებით მას ვსცქერდი უმანკო ზედვით.

რა სიყვარულით გულს ჩავიკარი ყვავილთა კონა!
რა გატაცებით ყურს მწვდებოდა შრიალი ფოთლის!
რა მიმზიდველი იყო ღამით ცა მოჭედილი,
ჩიტთა ჭიკჭიკით ავსებული დღე გაწაფხულის!

დილის სხივებით დაკოცნილი თვალებს ვიფშენებდი.
წამოვხტებოდი სიხარულით მოუთმენელით,
და აივნიდან მკლავ გაშლილი გადავხტებოდი,
რომ გულს ჩამეკრა კარმიდამო მისი მშვენებით.

დღეს რალას ვხედავ დალილი და განაწამები,
დამრჩა ცრემლებში ჩაღრჩობილი მე მოგონება!
დღეს რალა დამრჩა იმ მშვენების, რაც რომ ვიხილე!
ცრემლითვე მიწა განვიქარვო ამაოება.

დღე აღარ დღეობს, თვით სინათლეს ფერი ეცვალა,
მზე აღარ ბრწყინავს აღრინდულად; მთვარეც სულ
ჩაქრა,
ღამე არ ღამობს რა ვარსკვლავებს მოსწყდა სიტურფე,
რაკი იმედი მომავლისა მოკვდა და გაჭჭრა.

როგორ დავწყევლო დღე გაჩენის — სინათლის ხილვა?
როგორ დავწყევლო გზა ცხოვრების ჩემგან გავლილი?!
მაგრამ თუ მკვდარსაც არ მეღირსოს მშობელი მიწა,
ჩემი გაჩენა, ჩემი ბედი იყოს წყველილი!

გწყველი შენც მზეო, შენც მთვარეო, თქვენც ვარსკვ-
ლავებო!

გწყველით ფოთლებო, ყვავილებო და ჩიტუნებო!
განა არ სჯობდა არ მენახეთ, არ განმეცადეთ,
თუკი რომ უნდა დაგივიწყოთ და მიგანებოთ.

ოხ! რა ძნელია თქვენგან წასვლა, თქვენი არ ხილვა!
ოხ! რა ძნელია მოშორება საყვარელ ბალის!
გთხოვთ მაპატივით, თქვენ რითი ხართ დანაშაული?
თქვენ ხართ უმანკო, ვით ცრემლები საყვარელ ბალის

მწარე სიტყვები მათქმევინა მე განშორებამ;
თვალი ცრემლებმა გადაბურა თქვენთვის დაღვრილმა;
თქვენთან ვიყავი, თქვენ წიაღში მე აღვიზარდე,
ჩემი გრძნობანი ვერ წაშალა ჟამმა განვლილმა.

გთხოვთ დარჩეთ ჩემთან, ნუ დამტოვებთ და ნუ გამ-
წირავთ!
მინდა წასვლისას მეგობრებო, რომ ჩემთან იყოთ,
მიმღეროთ ძველი მე სიმღერა და ჩამომძახოთ:
„იძინე ტკბილად, იავნანა სამარადისოდ!“

ლ. ჭ.

ბუნოს აირეს. 16. 7. 63 წ.

ლ. ჭ.

ფიქრი შეხინდებისას

(ჩემს კულაშს)

მიყვარს სოფელი შელამებისას —
მიღამოს ბინდი მოეფინება;
მთვარე გადმოღვრის ვერცხლის ნაკადებს, —
დაღლილ ბუნებას მიეძინება.

სადღაც, შორს, ისმის ჭოტის ძახილი,
სიო შეარხვეს ალვის ხის ტოტებს, —
და ჩემი გულიც სევდით დაღლილი,
ფოთოლთ შრიალში სიმშვიდეს პოვებს.

მე მომინდება მაშინ მარტოკას,
ნიავის „ძველი“ სიმღერის სმენა;
ის მაძღვეს შვებას, მხოლოდ ის მესმის —
მე მესმის მხოლოდ ბუნების ენა!

რა მარტივია! რა გასაგები
ეს იღუმალი ბუნების კვნესა,
თუკი მას ეტრფი და შენი გულიც
მისსა წიაღში გამოიკვესა!

თუ ერთგული ხარ შენი პირველი
უმანკო ხედვის განცდილ სურათის,
არ დაგივიწყია შენ მწვანე ველის
ყვავილთ სიტურფე ნაირ ფერადის!

თუ არ გამხდარხარ ყოველ-დღიური
ბინძურ ცხოვრების საბრალო მონა —
„ვერცხლში“ გასცვალე ყოფნა ციური
და შენი სულიც მას დაემონა!

შენ ველარა სცნობ მშობელ ბუნებას!
შენ აღარ გესმის მისი ჰანგები.
შენ უღალატე, სოფლის მშვენიერებას
და ვით „ადამი“ დაიარები!

ვერ გამიგია შენი პასუხი,
ენა ბოროტი, ნაღველით სავსე.
ჩემთვის ის მუდამ უცნობი დარჩა
და ნაცნობ ჰანგებს ვერ მივამსგავსე.
სხვაგვარ მეტყველებს მოვარდნილ ქარის
ხის წვეროებში მძლავრი გრიალი;
შებინდებისას გრილი ნიავის
ფოთლებთან ტრფობის ხმა იღუმალი.
როცა მდინარე აზვირთებული,
მოჰქუხს და ანგრევს თავის ნაწირებს,
და ხმა ძლიერი გაშმაგებულის
სოფლის წაღვეკვას თითქოს აპირებს..

და ნაკადულის ნაზი ჟღერტული,
როს მოთამაშეს დახავსილ ქვებზე.
სიცოცხლით სავსე და სიხარულით
მარდად ჩამორბის მთის ფერდობებზე, —
გულის სიღრმეში ჩამარხული მაქვს
ზღვის დაუღლეელი ტალღათა რბენა,
მათი ქუხილი — მძლავრი სულის თქმა,
კლდეებზე შეხლა და გადარბენა.

რა სურათია და რა ფერები,
სველი ტოტები რომ ირხვეიან!
და დაცვნილი „მარგალიტები“
ვით „აკორდები“ დაიმსხვრევიან!

აი ეს ენა ჩაწვდა ჩემს გულში
და მან იქ პოვა გამოძახილი;
დღესაც ჩამწივის, ვით ოდეს ყურში,
ბუნების მღერა და მოძახილი.

ოდეს შეჩერდეს ძვერა ამ გულის,
მაშინ ვამ მედგრად დაიგრილოს,
რომ ამცნოს წასვლა სულით ეულის,
წვიმამ ცრემლებით გამომიტიროს.

მაშინ დაბერავს ნიავი ჩემთვის,
საყვარელ ფოთლებს ამიმეტყველებს,
ჩუმი ზუზუნით „მშვიდობას“ მეტყვის
და უკანასკნელ „ნანას“ მიმღერებს.

ლ. ჭ.

სტიტ კოლეჯ. პენსილ. 12. 1. 62.

მოზონეანი

ვასო წულაძე

მცირე მოზონეანი

ნაციონალური საკითხი სოციალდემოკრატიული

პარტიის ისტორიაში 1905 — 1918 წ.წ.

როცა ვიგონებ, ჯერ კიდევ ჩემი ბავშვობიდან, არსოდეს ჩვენი ხალხისათვის არ შემომჩნევია რუსების, როგორც ხალხის სიძულვილი. რამდენადაც ჩვენ ხალხს ჭირივით სძულდა რუსის პოლიციელები და საზოგადოდ „ჩინოვნიკები“ (ასეთები არც ქართველები უყვარდით!), შეიძლება ითქვას, რომ რუსის უბრალო მცხოვრებლებთან ჩვენს ხალხს კეთილი მეზობლობა ჰქონდა.

აღბათ რამოდენიმედ, რუსეთის თვითმპყრობელობის წინააღმდეგ ჩვენი პარტიის გააფთრებული პროპაგანდის შედეგი იყო ის, რომ ქართველები საერთოდ და ჩვენი წრეები „პორაქენცები“ იყვნენ. რუსეთი - იაპონიის ომის დროს რუსეთისათვის დამამცირებელ სიმღერებს გაიგონებდით, როგორც მაგალითად: „პორტარტური — მანჯურია, რუსის საქმე წასულა!“ — და ეს მაშინ, როდესაც რუსეთმა ამ ომში სასტიკი დამარცხება იგემა იაპონელებისაგან. აკაკი წერეთელმაც კი დასწერა ერთი ალეგორიული ლექსი: „**ოი ამას ვენაცვალე!**“ **ოიამა** იყო იაპონიის ერთ-ერთი დიდი სარდალი, რომელიც კუროპატკინს ამარცხებდა. ამ ლექსს გიტარაზე ამღერებდნენ.

როგორც ცნობილია, 1903 წელს ლონდონის სოც. - დემოკრატიული პარტიის ყრილობაზე საქართველოდან წარგზავნეს სამი პირი (დიომიდე თოფურაძე, არშაკ ზურაბოვი და კუნინანცი). ამ პირებს დავალებული ჰქონდათ ყრილობაზე დაეცვათ რუსეთის ფედერაციის სახით მოწყობის გეგმა. მათ შეუერთდა მაშინ ემიგრაციაში მყოფი ნოე ჟორდანი, თვით ყრილობის ინიციატორთა მიერ მიწვეული.

ჩვენი წარმომადგენლები პარტიულ ყრილობაზე ისეთ ატმოსფეროში მოხვდნენ ნაციონალური საკითხის გამო, რომ მათ თავიანთი დავალება არც კი გაუმხელაიათ. მოხერხდა მხოლოდ ის, რომ ყრილობამ მიიღო ზოგადი

ფორმულა ერთა თვითგამორკვევის უფლების შესახებ. და თუ რას ნიშნავდა ეს ერთა თვითგამორკვევა, განუმარტავი დარჩა.

ნოე ჟორდანიამ ეს თვითგამორკვევა განმარტა თავის საზღვარგარეთ გამოცემულ ბროშურაში, როგორც ერის უფლება სრულ სეპარაციამდე; ასევე განმარტა ეს პლენარულმა 1907 წელს სტოკჰოლმის კონგრესზე. ასეთი იყო ჩვენს პარტიაში, ასე ვთქვათ, ამ საკითხის თეორიული მხარე. პრაქტიკაში, პროპაგანდის დროს, ჩვენ გავუბოღით ამ საკითხის წამოყენებას და ხშირად პრესაში-დაც და მიტინგებზე ვებრძოდით მათ, ვინც ამ საკითხს აყენებდა. მალე დაარსდა სოციალისტ-ფედერალისტური პარტია, რომელიც პირველ რიგში ავტონომიის საკითხს არდგენდა. ამ პარტიაში მოიყარეს თავი მემარჯვენეებმაც და საერთოდ სოციალდემოკრატების მოწინააღმდეგეებმა. და მთავარი საგანი ჩვენსა და მათ შორის ბრძოლისა ეს ავტონომიის საკითხი იყო.

1905-ში სომეხ - თათართა შეტაკებას ჰქონდა ადგილი. მახსოვს, ბათუმში ასეთი შეტაკების თავიდან ასაცილებლად კომენდანტ პაყიდავისაგან სოციალ-დემოკრატიულმა კომიტეტმა მიიღო ნებართვა თავისუფალი მიტინგების მოწყობისა, რომელმაც თავის მიზანს მიღწია, ესე იგი, ბათუმში არ მომხდარა სომეხ-თათართა შეტაკება. ეს მიტინგები თითქმის მთელი კვირა გრძელდებოდა ქალაქის თვითმართველობის ფართო ეზოში. საქართველოს ყველა ქალაქიდან ჩამოვიდნენ, რაც კი ცნობილი ორატორები მოიპოვებოდნენ მაშინ და რაც უნდოდათ, იმას ლაპარაკობდნენ: მთავრობის წინააღმდეგ. და აი, სწორედ იქ პირველად ვნახე სამსონ ფირცხალავა, რომელმაც თავის სიტყვაში ავტონომიის მოთხოვნა წამოაყენა. სიტყვა „ავტონომიის“ გაგონებაზე შეიქმნა ერთი ამბავი! ტრიბუნისაკენ დაიძრა ჩვენი ამხანაგების ერთი ჯგუფი ალექსანდრე დგებუაძის მეთა-

ურობით. — ეხლა რა დროს ავტონომიაა...ო! — და საწყალმა სამსონმა ძლივს დაათვა სიტყვა.

ჩვენი პარტიის რიგებში უსიტყვოდ მიღებული იყო ის აზრი, რომ ავტონომიის დრო ჯერ არ არის; რევოლუცია რომ გაიმარჯვებს, მაშინ ყოველივე გასწორდება! ამ აზრს ხელს უწყობდა პარტიის მეთაურობა.

მაგრამ სოც.დემ. პარტიის ინტელიგენციაში მრავალი არ იყო კმაყოფილი პარტიის ოფიციალური პლათფორმით ნაციონალურ საკითხში და ამის გამო ხშირად პატარ-პატარა „აჯანყებები“ ხდებოდა.

რამდენადაც მახსოვს, პირველი ასეთი „აჯანყება“ მოხდა 1907 წელს: ცნობილი ჩვენი დიდი ამხანაგი ლადო დარჩიაშვილი იყო რედაქტორად, თბილისში, ჩვენი პარტიის ოფიციალური გაზეთისა (სახელი გაზეთისა არ მახსოვს, რადგან მაშინ თითქმის ყოველ ათ დღეში იცვლიდა გაზეთი სახელს, ისე ხშირად ჰკეტავდა მათ მთავრობა). მისი რედაქტორობის დროს გაზეთში დაიბეჭდა ნოე ყორღანიას ფელეტონები სათაურით: „ქართველი ხალხი და ნაციონალიზმი“, სადაც გატარებული იყო ის აზრი, რომ ქართველი ხალხი წინააღმდეგია ნაციონალიზმისა და სხვათა შორის ასაბუთებდა იმითაც, რომ არც ერთ აჯანყებას, რომლებიც თავადაზნაურობამ მოაწყო რუსების წინააღმდეგ 1801 წლის შემდეგ, ხალხი არ აპყვავ და სხვა.

ამ ფელეტონებს ლადო დარჩიაშვილმა გაუკეთა შენიშვნა, რომ რედაქცია მას არ ეთანხმებაო. ამან დიდი ამბავი გამოიწვია პარტიაში. კონფლიქტი იმ ზომამდე მივიდა, რომ დარჩიაშვილი წავიდა და საკუთარი ყურნალი გამოსცა, სადაც იკავდა ეროვნულტერიტორიალური ავტონომიის საჭიროებას და სხვა. ლადო დარჩიაშვილი შემდეგ საზღვარგარეთ წავიდა და გარდაიცვალა გერმანიაში 1916 წელს.

კარგად მახსოვს, მის პატივსაცემად გამართულ პანაშვიდს დავესწარი ბევრი, ნოე ყორღანიას მეთაურობით.

მეორე გამოსვლა ინტელიგენტ ამხანაგებისა მოხდა რამოდენიმე წლის შემდეგ: ქუთაისში გამოიცა ყურნალი „ფონი“, რომელში ივანე გომართელი, გრიგოლ გიორჯაძე და სხვები თანამშრომლობდნენ. ესენიც ერის გაჭრობის საწინააღმდეგოდ საჭიროდ სთვლიდნენ საკუთარი ქართული სახელმწიფოს აუცილებლობას.

აკაკი ჩხენკელიც ეროვნულ-ტერიტორიალური ავტონომიის მომხრე იყო, მაგრამ მისი მოქმედება პარტიის ჩარჩოს არასოდეს გასცილებია.

პირველი ომის დაწყებამდე ბათუმში შვეიცარიიდან მოვიდა პავლე საყვარელიძე და „ბათუმის გაზეთში“, რომელიც სოც.დემ.-ტებს ეკუთვნოდათ, ავტონომიის იდეებს ქადაგებდა.

ნოე ყორღანია, როგორც ეს მისი ნაწერებიდან თავი-

დანვე გამოსჭვივოდა, მუდამ ფიქრობდა, თუ რა ფორმის ეროვნული თვითგამორკვევა მოუხდებოდა საქართველოს. 1910 წ., თუ რაღაც ახლო წელში ნოე ყორღანიამ სცადა ამ საკითხის დასმა ჩვენს პარტიულ პრესაში. მან გადმოქართულა ავსტრიელი სოციალდემოკრატის ოტტო ბაუერის ეროვნულ - კულტურული ავტონომიის პროგრამა და შიგ იხეთი შესწორებები შეიტანა რაც ვითომ საქართველოსათვის გამოსაყენებელი იქნებოდა. მაგრამ ესეც თეორიის სფეროში დარჩა და პირველ საერთაშორისო ომში ისე შევედით, რომ საქართველოს სოციალდემოკრატიულ პარტიას არ ჰქონებია კონკრეტული ნაციონალური პროგრამა.

ომის მსვლელობაში ეროვნული საკითხი თან და თან მწვავდებოდა და პასუხისგაცემას მოითხოვდა.

ჯერ ხომ გერმანიაში დაარსდა ეგრეთ წოდებული „საქართველოს განმათავისულებელი კომიტეტი“, პეტრე სურგულაძის, მიხეილ წერეთლის და სხვათა მეთაურობით. ეს ამბავი ჩვენში მალე გავრცელდა. რამდენადაც მახსოვს, ერთმა, ამ კომიტეტის მიერ გამოგზავნილმა კაცმა მაშინვე მოასწრო ჩამოსვლა (ომის დაწყების პირველ დღეებში). ეს იყო ერთი ჩვენი ყოფილი ამხანაგი, პავლე კალანდაძე (რომელიც მალე გარდაიცვალა). მეორე: სომხურმა გაზეთებმა, რომლებიც რუსეთის ორიენტაციის იყვნენ (ასეთი იყო მაშინ მთელი სომხობა), ერთგვარი დასმენის ხასიათის წერილები მოათავსეს: „ქართველები ხაზაგოცები“, ესე იგი ქრისტეს გამყიდველები, სტამბოლის ქუჩებში დადიან და ემზადებიან საერთო სამშობლოს — რუსეთის წინააღმდეგო!

რუსულ გაზეთებში დაიბეჭდა ვიღაც ყოფილი ტყვის როზენფელდის წერილი, რომელიც სწერდა, რომ ქართულ ლეგიონს რუსეთის წინააღმდეგ აგროვებენ, მაგრამ ქართველი ტყვეები არ ეგებიან ამ ანკესზეო. ამ წერილის გადმოღება ჩვენს გაზეთში ჩვენმა რედაქციამ სასარგებლოდ დაინახა. ჟანდარმერია მეორე დღესვე დაიბარა ლადო ახმეტელი. ჟანდარმერია დიდ ყურადღებას აქცევდა ამ საქმეს.

ქართველ ხალხს ამ შემახვევაში, სწორეთ რომ ვთქვა, ძალიან გამოადგა ოფიციალურად მაინც უარყოფითი პოზიცია სეპარატიზმის წინააღმდეგ. და ისიც რომ პარტიის ლიდერი ყორღანია, პლენხანოვთან ერთად, გერმანიის ბლოკის დამარცხებას უჭერდა მხარს. მართალია, ნოე ყორღანიას ამ საკითხში ძალიან ცოტა ჰყავდა მიმდევარი და ყველა სხვა საოლქო კომიტეტის წევრები, ნოე რამიშვილის მეთაურობით, „პორაჟენცები“ ვიყავით, მაგრამ ეს ჩვენი „პორაჟენცობა“ არც წერაში და არც არავითარ პრაქტიკაში არ გადადიოდა; ასე რომ ის წმიდად თეორიული ხასიათისა იყო: უბრალო სურვილები!

1916 წლის ივნის-ივლისში მეტეხის ციხეში ერთად მოვხვდით მე და ნოე რამიშვილი, ერთ-საკანში; ჩვენს

პირდაპირ საკანში იყვნენ ნოე ხომერიკი და სილიბისტრო ჯიბლაძე.

ციხეში ხშირად ქორები ვრცელდებოდა. ერთ დღით ნოე რამიშვილი მეუბნება: ხმაა, რომ მტრის ჯარს ვლასა მეგლაძე მოუძღვისო; თან დასძინა; არ გაგიკვირდეს, — ვლასა ავანტურისტია და მისგან ეს შესაძლებელი არისო!

მე გამეცინა და ვუთხარი — მერე რა გენაღვლება! თუ საქართველო თავისუფალი გახდა, შენ მინისტრობა არ აგცილდება-მეთქი! სულს ცოდვილო! როგორ შეეწამო! ცოტა ქე შეიფერა მან ეს ჩემი ნათქვამი!

ციხიდან ჩვენ გამოშვებამდე (მე 2 კვირით ადრე გამოვედი) ხშირად ვეჭონდა ლაპარაკი ამ დამარცხებული რუსეთისაგან გამოყოფის შესახებ, მაგრამ საქმე ეხებოდა არა საქართველოს გამოყოფას, არამედ მთელი კავკასიის ჩამოშორებას.

ციხიდან ჩვენი გამოშვების შემდეგ 1 თვე არ გასულა, ვგონებ სექტემბერში, ნოე ჟორდანიასთან მოეწყო ლანჩხუთში საოლქო კომიტეტის გაფართოებული სხდომა (სომხები არ წაგვიყვანია: საოლქო კომიტეტში კი ორი სომეხი შემოდიოდა), მაგრამ ეროვნულ საკითხზე კრინტიკი კი არავის დაუძრავს. ასე მივუახლოვდით 1917 წელს, რომლის დასაწყისში იმავე ლანჩხუთის ახლოს, სოფელ ჯონჯუთაში მოეწყო კონფერენცია, რომელზედაც უკვე სერიოზულად დაისვა ეროვნული საკითხი: კავკასიის (და არა მარტო საქართველოს) შესაძლებელი გამოყოფისა რუსეთისაგან. ამ საგანზე ნოე ჟორდანიამ თვითონ დაივალა სომხებთან და აზერბაიჯანელებთან მოლაპარაკება და აგრეთვე გაზეთში შესაფერი წერილების მოთავსება. ასეთი წერილები მართლაც გამოვიდა გაზეთ „თანამედროვე აზრის“ 17 და 18 თებერვლის ნომრებში, მაგრამ ცენზორის მიერ დამახინჯებული. (მაშინ ცენზორად იყო ისტორიკოსი სარგის კაკაბაძე, კაცი ძლიერ ლიბერალურად განწყობილი, ოღონდ ზომაზე მეტად ფრთხილი. მას ეგზავნებოდა პირველი 15 ცალი დაბეჭდილი გაზეთისა, მაგრამ ბეჭდვა გრძელდებოდა. რამდენჯერ ყოფილა, შუა ღამეზე გაუღვიძებიათ, რათა სტამბაში წავყოლოდი, რადგან, მისი აზრით, მთავრობისათვის „ოდიოზური ადგილები“ შავი საღებავით წაგვეშალა! ეს სხვათა შორის).

და აი. მალე მივიღეთ თებერვლის თავისუფლება. ამ დროს, სხვა საკითხებთან ერთად, ნაციონალურმა საკითხმა ერთი პირველი ადგილი დაიჭირა. ჩვენი პარტიული ინტელიგენციის ნაწილმა საჭიროდ დაინახა ცალკე ორგანოს დაარსება ნაციონალური საკითხის გასაშუქებლად (კალე ქავთარაძე, პავლე საყვარელიძე და სხვ.). საოლქო კომიტეტშიც ირჩეოდა ეს კითხვა. სომხებთან და აზერბაიჯანელებთან მოლაპარაკების შედეგად და თანხმად ჩვენი ჯონჯუთის კონფერენციის დადგენილები-სა, ნოე ჟორდანიამ გამოიმუშავა რაღაც პროექტი კავკა-

სიის მართვა-გამგეობის მოწყობისა, საიდანაც გამოდიოდა, რომ ბაქო, თბილისი და ბათუმი, თავისუფალ ქალაქებად უნდა გამოცხადებულიყვნენ. ეს იყო, თუ არ ვცდები, 1917 წლის აპრილის დასაწყისში. აღდგომა იყო და სწორედ იმ საღამოს აპირებდა ნოე ჟორდანიას ლანჩხუთს წასვლას დასასვენებლად. მან მოიტანა ეს პროექტი საოლქო კომიტეტში. ამ კრებაზე იყო სომეხი ამხანაგი ერზიკიანიც. თუმცა ნოე ჟორდანიას ამ პროექტის წინააღმდეგი თითქმის ყველანი იყვნენ (ნოე რამიშვილი, ალექსანდრე ლომთათიძე და სხვანიც), მაინც ნოეს ყველა მორიდებით ექცეოდა და დუმილი ჩამოვარდა. უმადური როლი, შევატყვე, მე უნდა მეკისრა და პირველი სიტყვა ავიღე და განვაცხადე: ბაქოს და ბათუმს რაც გინდათ იგი უყავით, მაგრამ მე ისეთი საქართველო ვერ წარმომიდგენია, რომლის მთავარი ქალაქი თბილისი არ იქნება-მეთქი.

ბედზე, რასაც არ მოველოდი, სილიბისტრო ჯიბლაძემ მოითხოვა სიტყვა და ნოე ჟორდანიას უთხრა: ნოე! მართლა! რაფერ შეიძლება თბილისი საქართველოს ცენტრი არ იყოს?!

ნოე ჟორდანიამ შეატყო, რომ მის პროექტს ამის შემდეგ ხმას არავინ მისცემდა და ჯერ არაფერი თქვა. სამაგიეროდ გაბრაზდა ამხანაგი ერზიკიანი; მან გვითხრა: რომ ნოე ნიკოლაევიჩის თანხმობით, მე უკვე შევპირდი დაშნაკელებს, რომ პროექტს მივიღებდითო და ესლა კი ვხედავ, გაწბილებული დავჩიო და კრება დემონსტრაციულად დასტოვა. ამან ცოტა არეგ-დარევა გამოიწვია; ნოემ ისარგებლა ამ ინციდენტით, მოხვია თავის ქალაქებს ხელი, თითქოს კიდევაც გაგვიჯავრდაო, და თქვა: მე მეტს ვერ მოვიციდი, მატარებელზე მაგვიანდება და თქვენ რაც გინდათ, ის ქენითო! და დაგვტოვა.

არდადეგები რომ გათავდა, ლანჩხუთიდან ნოე ჟორდანიას დაბრუნდა, სულ სხვა პროექტით, რომელშიც „თავისუფალ ქალაქებზე“ უკვე აღარ იყო ლაპარაკი. მისში მოწვეული იყო პირველი პარტიული ყრილობა, რომელზედაც მისი პროექტი ნაციონალურ საკითხზე ნოემ მიაღებინა. ამ პროგრამით მივედით 1917 წლის ნოემბრის 19-ს ეროვნულ ყრილობაზე, რომელიც აკაკი ჩხენკელმა გახსნა და თავისი სიტყვა ასე დაამთავრა: შეიძლება ეს ყრილობა საქართველოს დამფუძნებელი კრების წინამორბედი გახდესო. (სიტყვა-სიტყვით არ მახსოვს, მაგრამ ეს აზრი იყო გამოთქმული).

ნოე ჟორდანიას ამ ეროვნულ ყრილობაზე იცავდა ეროვნულ თავისუფლებას რუსეთთან კავშირში. ამით მან უნიტარული სახელმწიფოს მომხრედ გამოაცხადა თავი.

მოვლენანი დღითი - დღე სწრაფად ვითარდებოდნენ: ბრესტლიტოვსკის შავი, თურთქა ჯარების მოწოლა, რუსეთის ჯარის მოშლა კავკასიის ფრონტზე... მივედით კავკასიის ჯერ დამოუკიდებლობის გამოცხადებამდე 22 აპრილს 1918 წლისა. როცა ეს საკითხი საოლქო კომიტეტ-

ში გაიჩნა, სომხებმა: ერზიკიანმა და ყარაჯევმა, რასაკვირველია, წინააღმდეგ მისცეს ხმა. ნოე ყორდანიამაც წინააღმდეგ მისცა ხმა და რადგან ოქმს მე ვწერდი, თითოთ მაჩვენა — ჩასწერე მანდ, რომ წინააღმდეგი ვარ კავკასიის დამოუკიდებლობის გამოცხადებისო. ეს მან პირველ პარტიულ კრებაზედაც ხაზგასმით გაიმეორა. მისი მოტივები იყო შემდეგი: როცა რუსეთს ოფიციალურად გამოვეყოფით, თურქეთი ბრესტის ხელშეკრულებით წართმეულ ტერიტორიებს არ დაგვჯერდებო და მეტს მოითხოვსო.

სალამოს, სეიმის სხდომაზე ჩვენი ფრაქციის სახელით დავით ონიანშვილმა განაცხადა: „ ორიენტაცია ნა როსიით, ესტ ორიენტაცია ნა რეაქციუ“. ამის გამო სეიმის რუსმა წევრებმა ისეთი სკანდალი ასტეხეს, რომ მეტი არ შეიძლებოდა. ნოე ყორდანიამ, და როგორც მახსოვს, ირაკლი წერეთელმაც კენჭის ყრის დროს თავი შეიკავეს.

აქ მინდა აღვნიშნო, რომ კაკი (ირაკლი) წერეთელი, დამოუკიდებლობის გამოცხადების მეორე დღესვე, მთელი თავისი ორატორული ხელოვნებით, გააფთრებული იკავდა ჯარისკაცთა და მუშათა კრებაზე ამავე კავკასიის დამოუკიდებლობის გამოცხადებას.

თურქეთის ჯარი დღით-დღე წინ მოიწევდა. ის მართლა არ დასჯერდა ბრესტის ზავს; წამოიწია; აიღო ოზურგეთი და რომ იმ დროს გერმანელები არ მოგვშველებოდნენ, ვინ იცის, რას იზამდნენ.

კარგად მახსოვს, საოლქო კომიტეტის კრება, სადაც ბათუმში ჩამოსულ გერმანელ დელეგაციასთან შეთანხმებით, გადაწყდა გერმანელ ტყვეების ჩაცმა - შეიარაღება საწყობებში არსებულ მათივე ტანსამოსით და ამუნიციით. ასე შედგა ერთი რაზმი, სანამ მთავარი გერმანული ძალა მოვიდოდა. ეს რაზმი საკმარისი აღმოჩნდა, რომ ნატანებში თურქების ეშვლონებს წინ გადაღობებოდა: — დილით გერმანელებს, გერმანიის სახელით, რკინის გზის რელსები აეყარათ და თურქებიც შეჩერდნენ. ამაზე ბევრი დაიწერა და აღარ გავიმეორებ.

ასე ვუახლოვდებოდით 26 მაისს 1918 წ.

თურქებმა იერიში მიიტანეს სომხეთზედაც. იქიდან ცუდი ამბები მოდიოდა. ერთ ღრუბლიან დილას, აღრიანად, საოლქო კომიტეტის ბიუროში შემოვიდა კაკი წერეთელი, ძლიერ მოწყენილი იყო, და მელანქოლიურად მითხრა: ეხლა სხვებს ვერ გადავაყოლებთ ჩვენს თავს; რისი გადარჩენაც კი შეიძლება, უნდა გადავარჩინოთო.

ნოე გავმგზავრა ბათუმს მდგომარეობის გამოსაჩვენებლად; დაბრუნდა სრული დარწმუნებული იმაში, რომ თუ რამის გადარჩენა შეიძლება, ისევ საქართველოს დამოუკიდებლობის გამოცხადებით შეიძლებაო. მას ამ საკითხში გვერდით ამოუდგა კაკი წერეთელი და პარტიულ

კრებაზე ერთხმად ჩატარდა დამოუკიდებლობის გამოცხადება... იშვა 26 მაისის დამოუკიდებელი საქართველოს რესპუბლიკა..

ასეთი იყო ნაციონალური საკითხის პერიპეტიები ჩვენს პარტიაში. რასაკვირველია, ეს ფრიად მოკლე მიმოხილვაა, შეიძლება, ძლიერ ღარიბი, მაგრამ უეჭველად სინამდვილეა.

პარლამენტში სალაპარაკო ენის შესახებ

ჯერ კიდევ სანამ დამფუძნებელ კრებას ავირჩევდით, პარლამენტი არსებობდა, რომელიც შესდგებოდა 1917 წლის ნოემბერის ეროვნულ ყრილობაზე არჩეულ ქართველ დეპუტატებით. ეროვნული უმცირესობის წარმომადგენლობისაგან შევსებული (სომხები, რუსები, ოსები და სხვანი).

ამ პარლამენტში სომხების მხრიდან შედიოდნენ: თარხანოვი, თუმანოვი და სხვებიც, რომელთა გვარი აღარ მახსოვს. ეს ორი დასახელებული პირი კი მუდამ რუსულად ლაპარაკობდა ჩვენს პარლამენტში და რატომღაც ყველა საკითხში ოპოზიციას აწარმოებდა.

პარლამენტის სხვა და სხვა რეგლამენტის შემუშავების დროს წამოიჭრა საკითხი პარლამენტში სალაპარაკო ენის შესახებ. აირჩიეს კომისია რაჟდენ არსენიძის თავმჯდომარეობით. კომისიამ გამოიმუშავა ასეთი ფორმულა: უმცირესობის (ეროვნული) წარმომადგენელს უფლება აქვს წარმოთქვას სიტყვა ერთ-ერთი უმცირესობის ენაზეო. ეს საკითხი გადმოვიდა საოლქო კომიტეტში გასარჩევად. ნოე ყორდანიას თავმჯდომარეობდა. უმაღლურ როლში ყოველთვის მე მიწევდა გამოსვლა. მე ავიღე სიტყვა და უარყვავი წარმოდგენილი ფორმულა. და მოვითხოვე, რომ სიტყვა „ერთ-ერთი“ შეიცვალოს სიტყვით: „თავის სამშობლო ენაზე“. ჩემი ფორმულა არ გავიდა. მაშინ მე მივმართე თავმჯდომარე ნოე ყორდანიას შემდეგი შეკითხვით: „კარგი! ამ ფორმულის მიღების შემდეგ სომეხ თარხანოვს ნება აქვს ილაპარაკოს ქართულ პარლამენტში რუსულად, მაგრამ მინდა ვიცოდდე, შეუძლია თუ არა ქართველ დეპუტატს, ვთქვათ, კაკი წერეთელს მას მასცეს პასუხი რუსულად?“. ერთმა ამხანაგმა ადგილიდან წამოიძახა: „ვოზმოყნო!“. უნდა გვენახათ, ამ წამოძახებაზე როგორ აენტო ნოე ყორდანიას. მან მაგიდაზე ხელი მაგრად დაჰკრა და ხმა-მალლა მიუბრუნდა ნოე რამიშვილს: „ჩტო ვოზმოყნო?“ როგორ შეიძლება ქართველმა დეპუტატმა ქართულ პარლამენტში რუსულად წარმოთქვას სიტყვა?!“

ასე გათავდა ეს საკითხი.

საქართველოს სოციალდემოკრატიული პარტიის გამოყოფა რუსეთის სოც.-დემოკრატიული პარტიისაგან

დამოუკიდებლობის გამოცხადების შემდეგ თავის თავად დაისვა საკითხი ჩვენი პარტიის რუსეთის პარტიისაგან გამოყოფისა. მაგრამ ჩვენ ამხანაგებს, რომლებსაც ეწოთიერებოდათ ეს გამოყოფა და ამის მომხრეებს „ნაციონალისტებად“ გვთლიდნენ. ვალიკო ჯუღელი, რომელიც ასე გმირულად იცავდა ჩვენს საზღვრებს იმ ხანებში დენიკინის წინააღმდეგ, თავის დღიურში („ტიაჟოლი კრესტ“) სწერდა: მივიღივარო ფრონტიდან პარტიულ ყრილობაზე (რომელიც მოწვეული იყო 1918 წლის სექტემბერში) და რომელზედაც პარტიის გამოყოფის საკითხიც იყო დასმული), რათა შევებრძოლო ნაციონალისტურ განხრებს პარტიაში. მან მართლაც შეაჯგუფა 13-მდე ამხანაგი (ყრილობაზე სულ 60-მდე დელეგატი იყო) მათ შორის ვალიკოსთან იყვნენ უმთავრესად გვარდიის შტაბის წევრები, ახლად რუსეთიდან დაბრუნებული დავით საღირაშვილიც, რომელიც ინტერნაციონალურ ჯგუფს ეკუთვნოდა პეტროგრადში (აბრამოვიჩის ჯგუფი). მაგრამ ვინაიდან საქართველოს პარტიის რუსეთის პარტიისაგან გამოყოფა დაიცვა ისეთმა ავტორიტეტმა, როგორც იყო ირაკლი (კაკი) წერეთელი, რომელმაც განაცხადა: სახელმწიფო გამოყავით და ამის შემდეგ პარტიის გამოყოფა თავის თავად ცხადია, — საკითხი უკამათოდ გადაიჭრა. შეჯგუფებულ „მემარცხენეთა“ ჯგუფს მეტი აღარა დარჩათ, რომ შებრძოლებოდნენ „ნაციონალისტურად“ განწყობილ პიროვნებებს, რომ ისინი ცენტრალურ კომიტეტში არ გასულიყვნენ. მათი „სპიკერი“ იყო დავით საღირაშვილი. პარტიურში ვიჯექი, ჩემს წინ იჯდა ნოე ჟორდანი. მას მოუტანა ამ ჯგუფმა სია კანდიდატებისა ცენტრალური კომიტეტისათვის. ნოემ გადახედა სიას, რომელშიც არც მე და არც ზოგი ჩემი ამხანაგი (მაგალითად: ვლასა მგელაძე) არ ყოფილა, გამიცინა და მითხრა: შენ ნამეტანი ნაციონალისტი ხარ და ცენტრში ვერ ავირჩევთ.

— არც კი ვფიქრობ, ჩემი კანდიდატურა წამოვაცემო-მეთქი. — ვუპასუხე, ჩემი კანდიდატურა ძლივს ძლივობით გავიდა, ხოლო ვლასა მგელაძე და კირილე ნინიძე კი გააშავეს. ჩემს წინააღმდეგ მკაცრი სიტყვა წარმოთქვა დავით საღირაშვილმა და ბრალი დამდო „ნაციონალისტობაში“. ეს მეორე შემთხვევა იყო, რომ ერთსა და იმავე დარბაზში (ქალაქის თვითმართვებლობისა) მე „ნაციონალისტად“ მომნათლეს. ამხანაგმა გ. ყარაჯაევმა, რომელიც საოლქო კომიტეტში შემოდითადა, თავის სიტყვაში ასე განაცხადა: „ვასო წულაძე როდღონი სეპარატისტი“. მე არაფერი ვუპასუხე, ხოლო ჩემს გვერდით მჯდომმა აზერბაიჯანელმა ამხანაგმა, ასირ-ბეკოვმა მას თითი მიაშვირა და მიაძახა: „როდღიონი დაშნაკ!“

სტამბოლში ყოფნის დროს ამხანაგი ვალიკო ჯუღელი სინანულით ივონებდა ამ განვლილ ამბებს და ამბობდა: წითელი დროშა საესებით უნდა მოესპოთო!

როგორ იქმნა მიღებული სახელმწიფო ღერბად თეთრი გიორგი

სოციალდემოკრატიულ ფრაქციაში წარმოდგენილი იყო სახელმწიფო ღერბის ემბლემაჲ ორი პროექტი: 1). „მიჯაჭვული პრომეთე“, რომელსაც იცავდა ირაკლი წერეთელი და რომელსაც ფრაქციის უმრავლესობა ემხრობოდა; 2). „თეთრი გიორგი“, რომელს ნოე ჟორდანი თანაურგძნობდა, მაგრამ ოფიციალურად ფრაქციაში არ დაუტავს. ხოლო როცა ფრაქციაში „მიჯაჭვულმა პრომეთემ“ უმრავლესობა მიიღო, მაშინ ნოე ჟორდანიამ წინადადება შემოიტანა, რომ ამ საკითხში (სახელმწიფო ღერბის საკითხში) ნება მისცემოდათ ფრაქციის წევრებს ხმა თავისუფლად მიეცათ. სოც. დემ. ფრაქციამ ეს წინადადება გაიზიარა. ასე რომ პარლამენტის კრებაზე, როცა ეს საკითხი ირჩეოდა, ირაკლი წერეთელი იცავდა „მიჯაჭვულ პრომეთეს“, ხოლო პოეტი კოტე მყაშვილი კი „თეთრი გიორგის“. ჩვენ, ფრაქციაში უმცირესობის წევრებმა, თანახმად ფრაქციის დადგენილებისა, თავისუფლად მივეცით ხმა და სხვა პარტიებთან ერთად „თეთრი გიორგის“ დავუჭირეთ მხარი. ამგვარად „თეთრმა გიორგიმ“ მიიღო უმრავლესობა პარლამენტში.

ეს ერთადერთი შემთხვევა იყო, როცა სოც.დემ. ფრაქციის წევრებს ნება მიეცათ თავისუფლად ხმა მიეცათ.

შავი თებერვლის დღეებში

27 იანვარს 1921 წ. ფრაქციის ოთახში ვისხედით, როცა მოგვიტანეს პარიზიდან მოსული დეპეშა ჩვენი სახელმწიფოს უმაღლესი საბჭოს მიერ დე იურედ ცნობის შესახებ. ვიქტორ თევზაიამ გადმოგვითარგმნა. საერთო სიხარულს საზღვარი არ ჰქონდა — ევროპამ დე იურედ გვიცნო, რუსეთთან 7 მაისის ხელშეკრულებით იურიდიულად ცნობილი ვართ და მეგობრული კავშირიც გვაქვს მასთან. ამ ამბავს მოჰყვა სხვა და სხვა სახეიმო ამბები: ალ. წუწუნავამ სახაზინო თეატრში გამართა საერთაშორისო ხასიათის საღამო, რომელზედაც მოწვეული იყვნენ უცხოელებიც. პროგრამაში რუსული სახალხო ცეკვებიც იყო შესრულებული. საღამო გახსნა მოკლე სიტყვით ალ. წუწუნავამ. მისმა სიტყვამ დარბაზში მყოფნი ბევრი აცინა, რადგან ჩვენი ნიჭიერი რეჟისორი ვერაფერი ორატორი გამოდგა და როცა ოქვა, რომ ჩვენი სამშობლო შევიდა საერთაშორისო ეზოში, ამან დიდი სიცილი გამოიწვია. საღამო საერთოდ ძალიან მხიარულად ჩატარდა.

იმავე დღეებში რუსეთის ახალმა ელჩმა შეინმანმა და მისმა თანაშემწემ სერიოჟა ჭავთარაძემ დიდი ჭათინაურობით შეამკვეს რაუტზე საგანგებოდ მოწვეული ჩვენი მთავრობის თავმჯდომარე ნოე ყორდანია.

მაგრამ დიდ ხანს არ გავრძობებულა ჩვენი სიხარული: 12 თებერვალს ცენტრალური კომიტეტის ბინაზე, დილით, ამხ. კ. ცვარაჯალაძემ მოგვიტანა ამბავი რუსეთის ჯარის მოულოდნელად შემოტევისა სომხეთის საზღვრიდან. მძინარე ჩვენ ჯარისკაცებს ღამით თავს დაესხნენ, დაამარცხეს და წინ მოიწვენო.

ამავე დროს ელჩის შეინმანის სახელზე დებუმა მოსულიყო მოსკოვიდან: „რუბიკონი გადავლახეთ“-ო. ასეთი იყო ეს საშინელი ცნობა. იმ დილასვე მოვიდნენ ცენტრალური კომიტეტის წევრები, რომლებიც იყვნენ აგრეთვე მთავრობის წევრებიც. მაშინვე დასვეს საკითხი მთავარ სარდლად ისევ გენერალ გიორგი კვინიტაძის მოწვევის შესახებ, რომელსაც გამარჯვებული გენერლის სახელი ჰქონდა ჯარში და რომელმაც ერთი წლის წინად სასტიკად დაამარცხა აზერბაიჯანიდან შემოჭრილი წითელი ჯარი.

მთავარსარდლმა სახელდახელოდ შეამაგრა თბილისზე მისასვლელი გზები. მთელი ერი გაერთიანდა მთავრობის გარშემო — ყველა, მემარჯვენე იყო ის თუ მემარცხენე, თავი მთავრობის განკარგულებაში დააყენა, თავდაცვის საქმის უკეთ მოსაწყობად.

ცენტრალური კომიტეტის პრეზიდიუმში ნოე რამიშვილმა წარმოადგინა საკითხი: იმ შემთხვევაში, თუ რუსები ქალაქში შემოიჭრებოდნენ, მათთვის გავემართა ქუჩებში ბრძოლა.

17 თებერვალს დილით მე მან ცამავზავანა რკინის გზის დებოში, რათა მომეხმო მოწინავე ამხანაგები ამ საქმის გამოსარკვევად და მოსამზადებლად. მე ტრამვით გავემგზავრე და როცა სადგურის ქუჩაზე შევუხვიეთ, რას ვხედავ — მოდის მუშების მრავალრიცხოვანი პროცესია ეროვნული დროშით; მოდიან მუშები სასახლეში, რათა მთავრობას ნდობა და ერთგულობა გამოუცხადონ და ბრძოლაში დახმარება აღუთქვან. მე გზა აღარ გავაგრძელე და მათ გამოყვევი; მით უმეტეს, აქ იყვნენ ის პირები, რომლებიც მე უნდა მენახა. აქ ერთი პატარა დეტალიც უნდა მოვიგონო.

ეროვნული დროშა ხელთ ეპყრს ერთ ძველ მუშას, არსენა მახარაძეს. ამას იმიტომ ვიგონებ, რომ არსენა ერთერთ ოპოზიციონერ მუშად ითვლებოდა. მან სასტიკად გაილაშქრა გასული დეკემბრის თვეში მოწინავე მუშათა კრებაზე მთავრობის ხელფასის პოლიტიკის წინააღმდეგ. კრება იყო მოწვეული ქალაქის თვითმართველობის დაზღვევის ნოე ყორდანია უმტკიცებდა კრებას, რომ მართალია, ვაკტირებაში ვართ, მაგრამ ბონები რომ ვებეჭლოთ და ამით ხელფასი გავიზარდოთ, ამით მიზანს ვერ

მივაღწევთ და სხვა. არსენამ ამის წინააღმდეგ დიდი სიტყვა წარმოთქვა და დაიწუნა მთავრობის ხელფასის პოლიტიკა; მაგრამ დღეს ის, ეროვნული დროშით ხელში წითელი თავდამსხმელების წინააღმდეგ გვერდში ამოუდგა მთავრობას.

ქუჩებში ბრძოლის საკითხი მოიხსნა, რადგან იმ დღემს დიდი ბრძოლა მოიგო ჩვენმა ჯარმა გენერალ მაზნიაშვილის ხელმძღვანელობით. და ვალოდია გუგუაძის ჯავშნიანების დახმარებით. 1500-ზე მეტი ტყვე იგდეს ხელში; ღამით სასახლეში ვიყავით; ვიცოდით, ბრძოლა მიმდინარეობდა; ყველა მღელვარებით ვუცდიდით შედეგს. მთელ ამ ამბავს ძალზე განიცდიდა კარლო ჩხეიძე; როცა მას შემოვუსხედით და იმედი გამოვთქვით, რომ უცხოეთის მუშათა კლასი, ჩვენში ნამყოფ ინტერნაციონალის დელეგაციის ზეგავლენით, დახმარებას აღმოგვიჩინს-თქო, კარლო ჩხეიძემ მოკლედ მოგვიგო თავისებური კილოთი: — ჩემი ბატონი თქვენ ხართ! ინგლისელ მუშას რომ უთხრა: ამაღმდეგი ვახშამი დათმე და ამით საქართველოს გადაარჩენო, ის ამაზე არ წამოვყო.

დილით ჩვენი გამარჯვების ამბავი დადასტურდა; სასახლის წინ ხალხმა მოიყარა თავი; დიდი აღფრთოვანება გამოიწვია ფრონტიდან გამოგზავნილმა შიკრიკმა, რომელმაც სასახლის ქუჩით შემოაჭენა ცხენი, საყვირს უკრავდა და თან გაიძახოდა: „საქართველომ გაიმარჯვა“-ო!

მეორე დილით ტყვეები მოიყვანეს და გაამწყრივეს სასახლის წინ. სასახლის კომენდანტმა დათიკო ჭარცივაძემ უკამანდრა ტყვეებს ჩამჯდარიყვენ, რაც მათ მაშინათვე შეასრულეს. თან გაიძახოდნენ: „ჩვენ არაფერ უშაში ვართ, ურიები მოგვდევნიანო („უიდი ნას გონიატ“) ასეთი სულიერი განწყობილებისა იყვნენ ჩვენი გამბედნიერებელნი.

პროვინციიდან მოდიოდნენ და მოდიოდნენ მოხალისეები; ქუთაისის მოხალისეებში დავინახე ცნობილი პირი; მაგალითად: არტისტი ყალაბეგიშვილი. ერთი სიტყვით, მთელი ხალხი გაერთიანდა მთავრობისა და მმართველი პარტიის გარშემო. ცენტრალურ კომიტეტში ნოე რამიშვილთან მოვიდა ორი თვალსაჩინო მოღვაწე: ერთი სოციალისტ - ფედერალისტი, პროფესორი ალექსანდრე წერეთელი და მეორე: სოციალისტ - რევოლუციონერი ისიდორე ვარაზაშვილი; მათ ითხოვეს ფორმალურად სოციალდემოკრატიულ პარტიაში ჩაწერა და თავდაცვის საქმეში რაიმე აქტიური როლის მინდობა, რაც დაკმაყოფილებულ იქნა.

მაგრამ რუსეთმა დიდძალი ჯარი მოაყარა და 24 თებერვალს საღამოს მოხდა თბილისის დატოვება. სურამში რომ შევჩერდით, იქ შემოგვხვდნენ იმერეთის და გურიის მოხალისენი. ბრძოლა გრძელდებოდა. ქართლში ერთი ბრძოლის დროს, როგორც შემდეგ გავიგეთ, თბილისში რუსები პანიკას მიეცნენ, გაქცევას აპირებდნენო. მაგ-

რამ სამშუხაროდ, ამ ბრძოლაში ვალიკო ჯუღელის დაჭრა და ბრძოლის ველიდან გაცლამ, მოშალა გვარდიის ნაწილი, რომელსაც ის მეთაურობდა და რუსებმა საქმე გამოასწორეს. ამ ბრძოლაზე გენერალმა კონიაშვილმა დაწვრილებითი მოხსენება გააკვიკეთა ჩვენ სტამბოლში ყოფნის დროს.

ამავე დროს რუსებმა შავი ზღვის ნაპირიდან შემოგვიტიეს და უხეზმა ძალამ თავისი გაიჭანა :საქართველო დაიპყრეს და მთელ ქვეყანას დებეშები მოსდევს: — ქართველმა ხალხმა „მენშევიკური“ მთავრობა გადააგდო და ჩვენ მიგვიწვია დამხმარე ძალათო!

თითქმის ნახევარი საუკუნეა მას შემდეგ და ამ ტყუილს დღესაც არ ეშვებიან. ახალგაზრდობას ბავშვობიდანვე ამას აგონებენ; მაშინდელი ბრძოლის მონაწილენი ბევრი დახოცეს და ბევრიც ბუნებრივად წავიდა ამა სოფლიდან. თაობა, რომელიც დღეს განაგებს იქაურობას, დარწმუნებულია, რომ „ქართველი ხალხის აჯანყება“ სინამდვილეში იყო და ის მტკიურ ნაწილი რომელსაც საშუალება აქვს სინამდვილის გაგებისა, შეგნებულად ასაღებს ამ ტყუილს სიმართლეთ, რათა თავისი პრივილეგიური მდგომარეობა შეინარჩუნოს და გაამართლოს ეს ტყუილი. ეს ტყუილი ლიტერატურაშიც გადავიდა. მაგალითად, მწერალი ალექსანდრე ქუთათელი თავის მოთხრობებში ხშირად ატარებს იმ აზრს, რომ ქართველი ხალხი აჯანყდა „მენშევიკებს“ წინააღმდეგ და მოიწვია ძმური რუსეთით. მათი ისტორიკოსებიც ამ ტყუილს ისტორიულ სინამდვილედ ასაღებენ.

მაგრამ არსებობს ერთი ურყევი დოკუმენტი, რომელიც ბოლშევიკებისაგან წარმოსდგება და სრულს ქეშმარიტებას ლაღადებს:

ეს არის დოკუმენტი, გამოცემული რუსულ ენაზე, 59 გვერდიანი, დაბეჭდილი თბილისში 1924 წელს, საქართველოს კომუნისტური პარტიის ცენტრალური კომიტეტის მიერ და განკუთვნილი საქართველოს კომუნისტური პარტიის მესამე კონგრესისათვის; წიგნზე აწერია: **მხოლოდ კონგრესის წევრთათვის.** ამ წიგნაკის ავტორი არის ბესო ლომინაძე, რომელსაც შემდეგ კომინტერნში დიდი ადგილი ეჭირა. ამ წიგნაკში იგი ლაპარაკობს კომუნისტური ცენტრალური კომიტეტის სახელით, სრული გულახდილობით და აშკარად. იგი მიუთითებს იმ სიძნელეებზე, რომელიც მათ შეხვდათ ოკუპაციის პირველ ხანაში. იგი აღნიშნავს საქართველოს სოციალდემოკრატიული (მენშევიკების) პარტიის სიძლიერეს, მის უდიდეს გავლენას მშრომელ ხალხზე.

„მენშევიკების ბატონობის დროს სოციალდემოკრატიული პარტია ითვლიდა 80.000 წევრს. ნაწილობრივ რეპრესიებმა 1922 წლის დასაწყისში, სრულიადაც არ დაასუსტა მათი ორგანიზაციები. ეს რეპრესიები მაშინ შემოიფარგლა რამოდენიმე ათეული მეთაურის დაჭე-

რით, მაგრამ მათ სრულიად არ აკლდათ მეთაურები, მათ მრავალი გამოაბძმედილი წევრი ჰყავდათ, რომლებიც მაშინვე სცვლიდნენ დაჭერილებს; რაც შეეხება პარტიის მასსას, ის განაგრძობდა არსებობას. ორი წლის ოკუპაციის შემდეგ, 1923 წლის საქ. კომპარტიის მეორე კონგრესის ხანაში მათი გავლენა **ფართო მშრომელ მასსაში** (ხაზი ყველგან ლომინაძეს ეკუთვნის) თუ მეტი არა, ნაკლები არ იყო ჩვენსაზე“-ო. (ესე იგი ბოლშევიკებზეო). ეს რაც „მენშევიკებს“ შეეხება.

ახლა ვნახოთ, როგორ ახასიათებს ლომინაძე ბოლშევიკებს:

„1919 წელში უარყოფა კომუნისტების მიერ პარლამენტისა და ბოიკოტი დამფუძნებელი კრების არჩევნებისა და მთელი სერია კონსპირატიული აქტიებისა, რათა ხელთ ეკლდოთ ხელისუფლება მასის დაუხმარებლად.

1920 წელში სრული უუნარიანობა და უხასიათობა, რომ დაეარსებინათ ლეგალური აპარატი მათი ლეგალიზაციის შემთხვევის გამო.

1921 წელში არავითარი აქტივობის გამოჩენა საქართველოს წინააღმდეგ წითელი ჯარების შემოტევის დროს.

„ჩვენი რევოლუცია — განაგრძობს ბესო ლომინაძე — 1921 წელში დაიწყო რუსეთის მიერ საქართველოს დაპყრობით წითელი არმიის ხიშტებით, რომელთაც ქართველი ბატონოები სთვლიან გარეშე ძალად. თვით საბჭოთა რევოლუცია გამოიხატა რუსეთის მიერ საქართველოს ოკუპაციაში“-ო. (გვერდი 7.).

აი სინამდვილე ეს არის. მოითხოვონ და წაიკითხონ ეს დოკუმენტი დღევანდელმა ისტორიკოსებმა და საერთოდ ყველა ახალგაზრდამ, ვისაც კი ხელი მიუწვდება და მაშინ აღარ გაიმეორებენ იმ ტყუილს, რომელზედაც ზემოდ იყო ლაპარაკი.

ვასო წულაძე

ნაური

პატარა მოგონება

1905 წელში რომანოვების ტახტი დაინძრა, მაგრამ არ დამსხვრეულა. პრემიერ მინისტრის ვიტტე-ს „კულმოკვეცილმა („კუცია“) კონსტიტუციამ რევოლუცია შეაჩერა. თუმცა ხალხი კიდევ დელავდა. რკინიგზის, ფოსტა-ტელეგრაფის დაფიცვები იყო. მე ახალგაზრდად მიქონდა საოსტატო სემინარია და დანიშნული ვიყავი დაბა ოჩემჩირეში მასწავლებლად. აქ იყო ლამაზი სკოლა, ლამაზ მდებარეობაში. ას ნაბიჯზე ზღვა დელავდა. სკოლისა და ზღვის შორის ნახევარი მილის სიგრძე მინდორი იყო განლილი, რომელზეც შაბათაღამოს და კვირა-

უქმებში ხალხი სეირნობდა. ხანდახან მუსიკა უკრავდა ხოლმე.

სკოლის უკან იყო დეკორატიული ბაღი და მერმე საცდელი ბაღი, რომელიც იყო გაშენებული სკოლის მოწაფეების მიერ, ახალგაზრდა ლევან გობეჩიას ხელმძღვანელობით. მას გათავებული ჰქონდა ქუთაისში საბალოსნო სკოლა. ჩვენ მალე დავმეგობრდით და ვცხოვრობდით ერთად სკოლის ბინაში. სკოლის გამგე იყო ბორის ხორავა, რომელიც რევოლუციის მოწინააღმდეგე იყო. ოჩამჩირის მცხოვრებთა და მის შორის მტრული განწყობილება სუფევდა. მან გადაასახლებინა სოხუმის ოლქის „ნაჩალნიკს“, (რომელიც ხორავას შვილს უნათლავდა) ოჩამჩირის რამოდენიმე მოწინავე მცხოვრები: დავითაია, ვეკუა, ნორაკია და სხვები.

ერთ კვირს დღეს (ორშაბათი უქმე იყო) მე, ლევან გობეჩია და ახლო სოფლის მასწავლებლობა წავედი 15 მილზე მდებარე დედათა ძველი მონასტრის (სახელად „მოქვი“) სანახავად. მონაზონებმა და მათმა უფროსმა ძალიან კარგად მიგვიღეს. გვაჩვენეს ბევრი წმიდანის ხატები, ქვისგან ამოთლილი ქანდაკებანი, მონაზონთა ხელით ნამუშევარი, მოქარგული მუთაქა-ბალიშები... იმ ღამეს არ დამიძინია. არ ვიცოდი, რა მაწუხებდა. დილით ადრე ავდექი და ვთხოვე ამხანაგებს მალე უკან გავბრუნებულიყავით. როცა სკოლაში მივედი, გავიგეთ საზარელი ამბავი; სკოლის გამგე ბორის ხორავა ვილაკამ მოკლაო. გვითხრეს: სოხუმის ოლქის რუსი „ნაჩალნიკი“ ვილაკას დაეჭრაო. მაგრამ სიკვდილს გადაარჩენილი იყო და ამისი პირადი მილოცვა ბორის ხორავას განუხრახავს და როცა გემში შესვლას აპირებდა, ვილაკამ მოკლაო „კომიტეტის“ კარნახითო...

სოხუმის ოლქის სკოლების ინსპექტორმა იზმაილოვმა მე დამნიშნა დროებით სკოლის უფროსად. მაშინ ეს არ იყო სასიამოვნო თანამდებობა. სამეგრელოდან ჩემმა მოაღწია, რომ მასწავლებლები გაფიცვას აპირებნო. მოწაფეები სკოლებს ამტვრევდნ და წვავენო. ბევრი გავხეთი არ გამოდიოდა და უარესი იყო სინამდვილეზე.

ერთ დღეს ადრე ავდექი. სანამ ბავშვები მოგროვდებოდნენ, ვიბანავე ზღვაში და როცა უკან მოვდიოდი, შევამჩნიე, რომ ჩვენ დიდ აივანზე, ასავალი კიბის უკან, დიდძალი ქვები, ზღვიდან მოზიდული, ეყარა. მალე ტანზე ჩავიცვი და მოწაფეებს დავხვდი; ზევით აივანზე დავდექი. როცა მოწაფეები მოდიოდნენ, გროვდებოდნენ ხოლმე აივანის წინ. მე მაშინ ახალგაზრდა ვიყავი; მოწაფეებთან კარგი განწყობილება მქონდა. ხანდახან მათთან ერთად ბურთსაც ვთამაშობდი. როცა თითქმის ყველა მოწაფე მოგროვდა (85 - 90) მე გავიცინე და მოწაფეები კარგ გუნებაზე დავაყენე და მათ დაახლოვებით ასე მივმართე — ვხედავ ქვები მოგიტანიათ ამ სკოლის ფანჯრების ჩასალეწად. რატომ არ მითხარით, რომ ამას

აპირებდით! მეც დაგეხმარებოდით, თუ ეს კარგი აზრი იქნებოდა! ანდა შეგეძლოთ ფანჯრების მტვრევა თქვენი სახლიდან დაგეწყოთ. განსხვავება არაფერია! ეს სკოლა მამა და დედა-თქვენის ოფლით ნაშოვნია ფულით არის გაკეთებული; დღეს თუ დამამტვრევთ, ხვალ -ზეგ თქვენმა მშობლებმა ისევ უნდა ააგონ! ამ დროის განმავლობაში მე შემეძლება სახლში წასვლა და იქ არხვინად ჯამაგირის მიღება. ასე წავებული თქვენ იქნებით. ეს ძალიან უანგარიშო აზრია. სჯობია უმეტესობა ამ ქვებისა მებაღეს მიუტანოთ; ის გაჩვენებთ, სად შეუძლია ის ქვები მოიხმაროს. დანარჩენი ზღის პირას გადაყარეთ.

ხმა არავის ამოუღია. და ჩემი ნათქვამი შესრულეს. სამავიჯროდ მოხდა ის, რასაც არ მოველოდი. ერთ დღეს, როცა აივანზე გამოვედი, რას ვხედავ?! ხელმწიფე ნიკოლოზის და დედოფალის დიდი სურათები სკოლის კედლებიდან ჩამოუტანიათ, ჩარჩოებიდან ამოუღიათ და გარეთ, მინდორზე დახეული დაუყრიათ. დიდად არ მწყენია. ახლა ხელი არ მიხლია. მაშინათვე მეუზოვე გავაგზავნე მაზრის „ნაჩალნიკ“ ჩიგოგიძესთან, რომელიც ახლოს ცხოვრობდა. იგი უმალ მოვიდა ორი „სტრაჟნიკის“ თანხლებით. მოკლე ბაასის შემდეგ, მან „სტრაჟნიკებს“ უბრძანა დახეული სურათები მის კანცელარიაში წაეღოთ. მე კი მითხრა, ეს ამბავი სოხუმის ოლქის „ნაჩალნიკს“ უნდა აცნობო.

ამ შემთხვევის მეხუთე დღეს სოხუმის ოლქის ახლად დანიშნული „ნაჩალნიკი“, ლენუზალი ლევან ჯანდიერი ჩამოვიდა. მან მეკობრულად მიგვიღო მე და ლევან გობეჩია. ავხედ-დავხედა. ალბათ შეგვატყო, დიდი მგლოვიარე არ ვიყავით. და მოგვემართა დაახლოებით ასეთი სიტყვებით: — ჩვენ ძალიან ცვალებად დროში ვცხოვრობთ. ხვალ რა მოგველის, არ ვიცით. და ამიტომ ძალიან დიდი სიფრთხილე გმართებთ. თქვენ ახალგაზრდები ხართ. „ნუ აჩქარდებით“! „ნუ აჩქარდებით“!

ჩვენ მას დიდი მადლობა გადავუხადეთ დარიგებისათვის. ამაზე მეტი მისგან არაფერი გავვიგონია.

შემოდგომა იყო 1905 წლისა. რევოლუციური მოძრაობა ქუჩდა. მიუხედავად გემების, რკინიგზის, ფოსტა - ტელეგრაფის გაფიცვებისა, პროპაგანდისტები ყოველი ჯურისა მიდმოდიოდნენ ოჩამჩირესა და სოხუმს შუა. ჩემი ბინის კარი (სკოლაში) მათთვის მუდამ ღია იყო. მათ შორის იყო სულ ახალგაზრდა, ნიჭიერი, კარგად მომსჯელები, ლადო ემუხვარი. ქალაქ სოხუმის მხარეში სამი პარტია ეჯიბრებოდა ერთმანეთს მსმენელთა უმრავლესობის ყურსდღების დასაპყრობად. სოციალისტ - რევოლუციონერებიდან აქ იყვნენ ძმები: გობეჩია. სოციალისტ-ფედერალისტებიდან თედო სახოკია. სოციალდემოკრატიებიდან, ლადო ემუხვარის გარდა, ვასო გორდელაძე, თუ-

მცა დიდი „აქცენტით“, მაგრამ კარგი ორატორი, ნამდ-
ვილი „ტრიბუნი“.

ამ დროს მთელი სოხუმის ოლქის მასწავლებელთა
კრება იყო ქალაქ სოხუმში, მან სამი დღე გასტანა.. ირ-
ჩეოდა სხვა და სხვა საკითხი სკოლის შესახებ, მათ შო-
რის მასწავლებელთა ჯამაგირი და პენსია. იმ დღეებში
გაზეთების ცნობა იყო, რომ აღმირალი მაკაროვის
ქერიეს მიესაჯა ოცი ათასი მანეთი პენსია წლიურად!
ამის მიხედვით, მე მოვიტხოვდი მასწავლებელთათვის
ხუთას მანეთს წლიურ პენსიას, რაც გადაჭარბებული არ
იყო, თუ მხედველობაში მივიღებთ, რომ მაშინ სოფლის
მასწავლებელი ღებულობდა ჯამაგირს წლიურად 360
— 450 მანეთს... დიდი დავა გამოიწვია საღმრთო სჯუ-
ლის სწავლებამ სკოლაში. მე მოვიტხოვდი, საღმრთო
სჯულს სკოლაში ადგილი არ უნდა ჰქონდეს-მეთქი.
ჩოხა-ახალოხში გამოიწყობილი ვიყავი; თითქმის ყოველ
საკითხზე რამოდენჯერმე ვღებულობდი სიტყვას და გა-
ნუწყებულად ვლაპარაკობდი! ახლა მიკვირს, თუ ვინმემ
ძალით არ ამალაპარაკა, სმენა მირჩევნია!..

როცა კრება თავდებოდა, ცნობა მივიღეთ: დააპატიმ-
რესო თედო სახოკია, ვასო გორდელაძე და ოდესელი

სტუდენტი იასონ კილურაძე. მე კრებაზე შევიტანე წინა-
დადება: აგვეჩრია სამი პირი და გავგეგზავნა „ნაჩალნიკ“
ლენერალ ლევან ჯანდიერთან და გვეთხოვა დაჭერილე-
ბის განთავისუფლება, — მით უმეტეს, ეს იყო შობა -
ახალწლის წინ. კრებამ წინადადება ერთხმად მიიღო და
დელეგატებად არჩეულ იქმნენ: ოჩაჩირის დეკანოზი კ.
მარღანია, მასწავლებელი პლატონ გოგუა და მე.

მოლაპარაკედ ავირჩიეთ დეკანოზი კონსტანტინე მარ-
ღანია. როცა დეკანოზმა ლენერალ ჯანდიერს მოახსენა
მასწავლებელთა კრების სურვილი, ლენერალმა მას ჰკი-
თხა: „იცით, ვინ არის ვასო გორდელაძე? ეს გახლავთ
ის ყმაწვილი, რომელმაც მკვდარი კატა ჩამოჰკიდა ქუ-
თაიასის საყდრის ტრაპეზზე“-ო!

დეკანოზმა გაოცებით ხმამაღლა დაიყვირა: „დასწყევ-
ლოს ღმერთმა! დასწყევლოს ღმერთმა!“ და გაიქცა.

მე და გოგია დავრჩით და განვაგრძეთ თხოვნა. ლენე-
რალმა მე მიცნო და მოიგონა მისი ჩვენ სკოლაში მოს-
ვლა... ბოლოს ლენერალი დაგვიბრდა დაჭერილების გა-
მოშვება... და მართლაც, გაათავისუფლა ისინი.

ნათრი

თამარ პაპავა

ორი კვირა პირთხებთან

12 მაისს 1923 წელს მატარებელი თბილისის სადგურ-
ზე უყვე ჩამომდგარი იყო როცა მე, ჩემი ორი გოგონათი,
(ტურფა და მზია), დედა-ჩემი და ორივე ჩემ დასთან
ერთად, და სხვა გამცილებელი ახლობლებითურთ, ბარ-
გი-ბარხანით ბაქანზე ვიდექით. ვიდექი და ათასი ფიქრი
ირეოდა ჩემს თავში: დავბრუნდებოდი კვლავ? ვნახავდი
მათ და ჩვენს საყვარელ მიწა-წყალს ხელახლა? როდის
შევხედავ კიდევ ამ ნაცნობ სადგურს, ბაქანს, ხალხს?!
ამაზე ვფიქრობდი და სხვა უმნიშვნელო წვრილმანებზე
კი ვლაპარაკობდით ვიცინოდით და ჭირს ვმალავდით...

სრულ ათ საათზე მატარებელში ჩავჯექით; მახლობ-
ლებს ტირილით გამოვემშვიდობეთ და უსულო მანქანაც
დაინძრა. ფანჯარას არ მოვშორებივარ, ვიდრე მშობლი-
ური მიწა და მაისის მშვენიერი ლურჯი ცა კიდევ ჩანდა.

წმიდა დავითის მთა დიდხანს მოგვეყვებოდა ამაყდ.
თითქო ნუგეზის შუქით გვიფენდა გზას... გზა კი მართ-
ლაც გრძელი გველა და ხიფათიანი. წინ აღმართული
იყო მრისხანე მოსკოვი და იქიდან იხსნებოდა კარი ბერ-
ლინისა, სადაც მიგველოდა აკაკი და სადაც ახალი ცხო-
ვრება უნდა დაწყებულიყო. რას გვიმზადებდა იგი? რო-
გორ მიგვიღებდა და რას მისცემდა ბავშვებს? არავინ
იცოდა, მაგრამ მაინც თამამად მივიღოდით რომ თავი-

სუფალი ჰავა გვეყნოსა; რომ სამშობლოს ტკივილი უში-
შრად ამოგვეტირა; ყველაფერი გვეთქვა, თუ რა უყვეს
მას, — აი ეს გვაძლევდა ძალას და უცხო გარემოსთან
და ხალხთან გვარიგებდა..

მოსკოვამდე გზა ოთხი დღე გრძელდებოდა, მოსაწყენი
და ერთფეროვანი; თან ჯერ კიდევ შიშის მომგვრელი.
მადლობა ღმერთს! ბავშვები ამას ვერ გრძნობდნენ. მათ
თავისი დასაწოლი ადგილები ჰქონდათ, თორემ ამ გზას
რა გაუძლებდა!

ჩემი გული საესე იყო ცრემლებით და ბოღმით; თავ-
ში კი უცნაური სიცალიერეს ვგრძნობდი და არ შემეძლო
რამეზე დალაგებით მეფიქრა.. გული კი მეწოდა მწა-
რედ, მტკივნეულად, თითქოს ცეცხლი წაკიდებიაო. გო-
ნებაზე მოვდიოდი მხოლოდ მაშინ, როცა ბავშვებს რამე
დასჭირდებოდათ და მთხოვდნენ; ისე კი ვიყავი გარინ-
დული და გაჩუმებული. თვალ წინ განუშორებლად მე-
დგნენ თბილისი, დედა-ჩემი, დები, სადგურის ერთ კუთ-
ხეში სევდიანად, ლანდებივით თავმოყრილნი; თითქოს
ჩემს განშორებაზე რალაცას საიდუმლოდ ჩურჩულებდ-
ნენ. თან მამა-ჩემის მიტოვებული საფლავი გულს ლო-
დად მაწვა. ჩემი საყვარელი ძმის შალვას სევდიანი სახე,
მოსიყვარულე თვალები თითქოს თან მომდევდნენ და

მეკითხებოდნენ: სად მიხვალ, ან რატომ არ მანახე წასვლისას შენი თავი?... არ მშორდებოდნენ: ჩემი თბილისი, ჩემი სამშობლო, ჩემი გამზარდელი, ჩემი სოფელი საწყულიკიძეო, სადაც ბავშვობა გავატარე.

ისევ თვალ წინ მიდგა მამადავითი, თუთრად შავ მთებზე ჩაკონებულნი... რამდენჯერ მის კედლებზე მიმიკრავს ქვის კენჭი და ჩამითქვამს ჩემი გულის ნადები და ახლაც გზაზე შემდგარი მას ვახოვდი შველას. ვთხოვდი ლოცვითა და ცრემლით... კვლავ მისი ნახვა ელიჩსებინა ჩემთვის...

როგორც იქმნა მივალწიეთ მოსკოვს. ჩავედი: ამ კრულ, ცივ და დიდ ქალაქში, ჩემი მწუხარებით და ორი უსუსულო ბავშვითურთ. აქ, თბილისიდან წამოღებული მისამართებით, ერთ დიდ შენობას მივადექით, „წითელ მოედანზე“, სადაც მკისხანელ და ცივად წითელი კრემლი გამოიყურებოდა... აქ იყო სასტუმრო, თბილისში რომ გვიჩიეს და ჩვენი ეტლიც აქ გაჩერდა... ეს იყო ვეებერთელა სახლი; ძველად აქ იყო ცნობილი სასტუმრო „პარიზი“. აქ ცხოვრობდა ჩემი ნათლია ცუცუნია წულუკიძის ასული, ბუდე მდივანის მეუღლე. და მისი დახმარებით ამ სასტუმროში ერთი დიდი ოთახი მივიღეთ. ამ ოთახში იდგა ერთი ლოგინი, ორი სკამი და ერთი მაგიდა. ეს იყო მთელი ავეჯი და „მოკაზმულობა“. ჩვენ აქ უნდა გვეცხოვრა, ვიდრე მოსკოვის მთავრობა ჩვენს თბილისურ ვიზას დასტურის ბეჭედს დააკრავდა. უამისოდ ბერლინისაკენ წასვლა აკრძალული იყო. ვერავის გავუბედე მეკითხა: მაშ რისი მაქნისი იყო ის ვიზა, რაც ათასი ჩხრეკა-ძიების შემდეგ საქართველოს მთავრობის, ამ ვითომდა „დამოუკიდებელი სახელმწიფოს“ „საგარეო სამინისტრომ მოგვცა?! რაღა შუაში იყო აქ მოსკოვი და მისი დაწესებულებები?! იმ დილამ მოსკოვში მყოფ მამულიშვილთა ჩვენდამი დიდ მზარუნველობაში გაიარა — მოჰქონდათ სურსათი! გვასწავლიდნენ, სად და როგორ უნდა მივსულიყავით, რათა დიდხანს არ დაგვკირვებოდა მოსკოვში ლოდინი! ამისათვის ფულიც ხომ ცოტა გვქონდა! მოაღწია სალამომ და ჩემი გოგოები, დაქანცულები, ლოგინში ჩავაწვინე; ჩემთვის კი ლოგინი აღარ იყო; მეც ორი სკამი ბავშვების ლოგინს მივადგი და ტანთგაუხდეღმა ჩემი პალტო გადავიხურე და თავი მივდე; სასთუმლად ჩვენი ჩემოდანი დავიდე. ნელა დაღლილობამაც მიწია და მივთვლიმე... და უცებ კარებთან რაღაც ხმაური და ფხაკუნის შემომესმა... გიჟივით ჭკვით წამოვარდი. თავში ათასმა საშინელმა აზრმა ელვასავით გამიბრინა... ვიფიქრე: სწორედ ჩემამ გაიგო ჩემი ვინაობა და დასაქვრად მოვიდნენ-მეთქი! ამ პატარებს აქ რა მოუვათ?

კართან ფხაკუნის ვრძელდებოდა... მეც სულგანაბული ყურს ვუკვდებდი; ველოდი, თუ რა მოხდებოდა; იქნება კარს გააღებენ! ან მიბრძანებენ: „გააღეთ“-ო! და აი იმ წუთში დავინახე, რომ ორი დიდი ვირობა კარების ქვეშ

ხერელიდან გამოძვრა და ნელი, დინჯი ნაბიჯით გახიზნა. ჯარისაკენ გაემართა, იქით, სადაც ცენტრალური გათბობის მილები იყო... შიშით აკანკალებული გარეთ გავვარდი და სასტუმროს გამგეს მივაშურე... ვუთხარი აღშფოთებულმა ეს ამბავი და მუდარით ვთხოვე: ჩემთვის სხვა ოთახი მოეცა, რათა მძინარე ბავშვები ვირობებმა არ დამიკბინოს-მეთქი. სასტუმროს გამგემ კი სრულიად დამშვიდებული კილოთი გამომიცხადა, რომ ჩვენ ვირობებისაგან არავითარი საშიშროება არ მოგველოდა, თუ ცოტა საქმელს დავუყრიდით ხერელთან. თან მამცნო, რომ სარდაფში ვირობები მეტად გამრავლდნენ ამ არეულობისა და რევოლუციების დროს და რომ მათთან შებრძოლება შეუძლებელი გახდაო. თან დასძინა, რომ სასტუმროში სხვა ცარიელი ოთახი არ არისო და კიდევაც რომ იყოს, იქაც ვირობებს ნახავთო. რაღა უნდა მექმნა? გამოვბრუნდი სრულიად გაშეშებული და იმ დღიდან მე და ჩემი გოგონები ყოველ საღამოს ვუწლიდით ვირობებს ფანჯარის მოაჯირის ქვეშ სუფრას და ისინიც ყოველ ღამე ისევ ისე დინჯად შემოვიდოდნენ ოთახში და ღუმელებს მიაშურებდნენ ხოლმე. და ასე ხდებოდა, ვიდრე მოსკოვში ვცხოვრობდით, ვირობებთან ერთად.

ჩემთვის ყველაზე საშინელი ის იყო, რომ მე ყოველ დღე დილით ადრე უნდა წავსულიყავი იმ დაწესებულებაში, სადაც ჩემი პასპორტი უნდა დაემზადებინათ; ბავშვებს კი მართო ვტოვებდი ოთახში; ვაჭმევდი მათ საუზმეს, ვუტოვებდი საქმელს, ხილს და სათამაშოებს; ჩავეუკეტავდი ოთახს და მივდიოდი... ქალაქის სხვა და სხვა ადგილებში ნებართვის საქმის მოსაგვარებლად. ბავშვები კი მთელი დღე ფანჯარასთან ისხდნენ, თამაშობდნენ და ასე თმენით მელოდნენ და მეც საღამოთი, მთელი დღის უჭმელი, დაქანცული და განადგურებული ვბრუნდებოდი... და მხოლოდ მაშინ გავიყვანდი ბავშვებს გარეთ, ვატარებდი ქუჩებში; ვჭამდით მახლობელ სასადილოში და ისევ ჩვენს ოთახს და ჩვენს ვირობებს მივაშურებდით ხოლმე.

საკვირველია, როგორ ესმოდათ ამ ჩემს პაწაწინა გოგონებს ჩემი გასაჭირი! როგორი გონიერებით ითმენდნენ მთელ დღეს ოთახში მართო ყოფნას... მათ ყოველ საღამოს ნაყივს ვაჭმევდი. ეს ძალიან უყვარდათ და მუდამ დიდი მოთმინებით ელოდნენ ამ საღამოს...

ჩემს ვიზას საშველი არ ადგებოდა... დღე დღეს მისდევდა იმ დასაქვევ დაწესებულებაში; ჩავდებოდი რიგში და ის ის იყო, რომ ჩემი რიგი მოაწევდა და თითქოს ბოლოს უნდა შევსულიყავი კომისართან და სწორედ ამ დროს კარს მიმიკეტავდნენ ხოლმე. ასე გავიდა მთელი კვირა, ათი დღე, მეტი კიდევ, ამ დაუსრულებელ ტანჯვაში და ლოდინში.

და ერთ დღეს ჩემმა გულმა ამ წამებას ალბათ ვეღარ გაუძლო და რიგში დგომისას იქვე ჩავიკეცე და გონება დავკარგე. და როცა გონზე მოვედი, ვნახე: ორი მოხუცე-

ბული ქალი და კაცი თავზე მადგნენ და ცივ წყალში დასველებულ ცხვირსახოცს თავზე მადებდნენ... ნელ-ნელა მოვსულიერდი და როგორც იყო, წამოვდექი. და აქ ჩემს წინ მდგომმა, ბიბლიური სახის მოხუცმა ვინაობა გამომკითხა და როცა ჩემი ამბავი დაწვრილებით გაიგო, მითხროს: — მომეცით ყველა თქვენი ქალაღი და თვითონ კი გასწიეთ სახლში ბავშვებთან. დილას აქვე მომაკითხეთ და ყველაფერი მზად დაგხვდებათ! ისე ვიყავი გაოგნებული, რომ ამ მოხუცისათვის აღარაფერი არ მიკითხავს, — დაუფიქრებლად მივენდე მას და მკვდარ - ცოცხალი წავედი ოტელში.

აღრე დილით კვლავ მოვიკრიბე უკანასკნელი ძალა და გავსწიე იმ დაწესებულებისაკენ, სადაც ორი კვირა ყოველ დღე უქმად დავდიოდი.

და როგორი იყო ჩემი განცვიფრება, როცა ვნახე, რომ მოხუცი უკვე მელოდა და ბეჭედ-დასმული ჩემი პასპორტი და ყველა საბუთი გადმომცა. ისე გავშრი, რომ მადლობის თქმაც ვერ მოვახერხე. ეს მოხუცი აღმოჩნდა ებრაელი, ხელმძღვანელი მთელი ჯგუფი ებრაელთა ოჯახებისა, რომლებიც ამერიკაში აპირებდნენ გადასახლებას. თურმე მათ ლიბავაში დიდი გემი ელოდებოდათ; მოსკოვი მათ უკანასკნელ ქალაღებს სინჯავდა იმ წყვეულ დაწესებულებაში... ამ პატიოსანმა მოხუცმა ჩემი პასპორტი თურმე თავის სიას შეუერთა და ასე უმტკივნეულოდ მიიღო ჩემი ვიზაც, სხვებთან ერთად. ამ კეთილმა ადამიანმა მე ყველა ქალაღი ჩამაბარა, ჩემი მისამართი გამომკითხა, კეთილი მგზავრობა მისურვა და ტკბილად გამომეშვიდობა.

აღარ მახსოვს ოტელში როგორ მივედი. სასწრაფოდ შევეუდექი ჩვენი ბარგის ჩალაგებას, რათა იმავ საღამოს მატარებელით უკვე გავსულიყავით მოსკოვიდან; გვინდოდა ჩქარა მოვშორებოდით იქაურობას; ის იყო, ბავშვები გამყავდა ქუჩაში, რათა გზისათვის რამე სურსათი შემეძინა, რომ კარზე დააკაკუნეს; გავაღე კარი დიდი შიშით და ოთახში უცებ შემოვიდა ახალგაზრდა კაცი, რომელმაც დატვირთული კალათი და კონვერტი გადმომცა; შემდეგ სწრაფად გაიხურა კარი და გაგვშორდა; ვერაფერი ვერ მოვისაზრე! კალათს თავი ავხსენი და შიგ აღმოჩნდა აჯარებელი სურსათი, ხილი, და ტკბილეულობა; შემდეგ გადავხსიე კონვერტს თავი და შიგ აღმოჩნდა ფულები (კერენსკის ფული) საკმაოდ ბევრი... პატარა ქალაღზე, რომელიც ამ წითელ ფულებს შუა იდო, ეწერა: „კეთილი მგზავრობა!“ — „ებრაელთა გადასახლების კომიტეტი“. სხვა არაფერი. სახტად დავრჩი და უნებურად პირჯვარი გადავიწერე.

ასე მიხსნა სასწაულმა და ის წმინდანი ებრაელი საბუღალბოდ დარჩება ჩემს მეხსიერებაში. თურმე ხდება სასწაულები ჩვენს წაწყმედილ დროშიც! ღმერთმა უშ-

ველოს მათაც, რომლებიც ამ მოხუცს ახალი ბედის ბეჭედებლად ახალ ქვეყანაში მიჰყავთ...


იმავ დღეს, საღამოს 8 საათზე უკვე სადგურზე ვიყავი, ჩემი წყნარი, ჭკვიანი გოგონებით. ჩვენი მატარებელი რიგამდე მიდიოდა და იქიდან კი სწრაფი მატარებელით ბერლინს ჩავდიოდით.

წამოსვლისას გამოვეშვიდობე ჩემს ნათლიას, ცუცუნას, ბუღალბო მდივანის მეუღლეს. რაც მოსკოვში ვიყავი ცუცუნა მარტო ორჯერ თუ სამჯერ ვნახე; ისიც სულ ცოტა ხნით; შევატყვე, მას ერიდებოდა, უფრო კი ეშინოდა ჩემთან შეხვედრა. სხვა ნაცნობი ქართველების ნახვაც სჭირდა; ყველას ეშინოდა ჩემთან მოსვლა, ახლოს გავლაც კი, რადგან საზღვარგარეთ მივდიოდი! მხოლოდ როცა დაბნელდებოდა, მაშინ თუ შემოვიდოდა ვინმე ჩემს სანახავად; ასეთი შიშში იყო ჩემი ცუცუნაც.

არ შემიძლია არ შევჩერდე ამ შესანიშნავი ქართველი ქალის ბედზე, რომელიც მეტად უცნაური და ნაირის ხვეულებით მიდიოდა.

ცუცუნა იყო ერთადერთი ასული ცნობილი თავადის, სამსონ წულუკიძისა. ცუცუნას დედა იყო ეფროსინე ლორთქიფანიძის ასული, იგი იყო და კირილე ლორთქიფანიძის, ცნობილი საზოგადო მოღვაწისა, თერგდალეულთა წევრი და მეგობარი ილია ჭავჭავაძისა. ეს „კნენა“ ეფროსინე, რამდენადაც მახსოვს, შესანიშნავი ქალი იყო; იგი დიდად განთქმული იყო თავისი სილამაზით. ის იყო მალაღი, წერწეტა, შესანიშნავი გრძელი ნაწნავებით; ჰქონდა ამაყი იერი და მკურავი გედის სიარული; ხშირად მოვიგონებ ხოლმე მას და სხვებსაც, თუ როგორი ნაზი რხევით მართლაც მიტურავდნენ წულუკიძეების ეს მშვენიერი ქალები მოლზე, როცა კვირა დღის წირვის შემდეგ, ისინი ბეზია გვრიტიას სადარბაზოდ მოკლე ხნით შემოუვლიდნენ ხოლმე.

ბაბუა - ჩემი, პავლე გოგოლაშვილი, ამ წულუკიძეების კარის მოძღვარი იყო სოველ საწულუკიძეოში (ხონის მახლობლად). იქ თითქმის მარტო წულუკიძეები სახლობდნენ და მათთან ამ თავადების გლეხები, რომლებიც ჩემი ბავშვობის ხანაში უკვე თავდახსნილნი, თავისუფლად ცხოვრობდნენ და მუშაობდნენ. სწორედ იმ დროში იწყებოდა ამ თავადთა ბუდეების ნელ-ნელი დაშლა, ნგრევა... ცუცუნას დედას, ეფროსინეს თავი მუდამ მალაღი ჩიხტა-კოპით ჰქონდა მორთული; ფართე, ქობიანი აბრეშუმის კაბა ეცვა, ნაირ - ნაირი; მუდამ წყნარად და დარბაისლურად დადიოდა სახლში და ასევე წყნარად ბაასობდა; იყო ენა - ტკბილი და თან გონიერი მობასე. ეფროსინეს ჩვენს ოჯახში დიდ ჭკვიან ქალად სთვლიდნენ; განათლებული ქალი იყო



და მწიგნობარი. ბებია ჩემისაგან გამიგონია. ოვითონ თავადი სამსონი წულუკიძე ასეთივე დინჯი და დარბაისელი იყო; პურ-მარილიანი, დიდი სტუმართმოყვარე; გაგონილი მქონდა, რომ ძველად სამხედრო სამსახურში ნამყოფი იყო „პოლკოვნიკის“ ჩინით. ის ქუთაისში მსახურობდა და სახლიდან ხან ცხენით და ხან ეტლით მიდიოდა სამსახურში და სადილად მუდამ შინ იყო; მათ ჰქონდათ უზარმაზარი ეზო და მშვენიერი დიდი ოდა, ანუ როგორც მაშინ იტყოდნენ: სასახლე; ჰქონდა აგრეთვე კარვად მოვლილი ხილის ბაღი, მრავალი ხეივანი, უმშვენიერესი ბაღნარით და ბოსტანით, რა ვიცი, რა არ იყო ამ მშვენიერ ეზოში! და ზრდიდნენ და წრთენიდნენ თავადი სამსონი და კნენია ფეროსინე თავიანთ მზეთუნახავს, ცუცუნისა. მართლაც რომ ჯიშინი და უმშვენიერესი რამ იყო ეს, ყველა ჩვენთვის საყვარელი ცუცუნია; მას აღმზრდელად ფრანგის ქალი ჰყავდა; ხოლო მუსიკის მასწავლებლად გერმანელი ქალი. ცუცუნია იყო ნამდვილი განხორციელება „თავადის ასულისა“, — ეს მშვენიერი და წარმტაცი ცუცუნია!

ამ ოჯახში ხშირად იყრიდა თავს საუკეთესო საზოგადოება, ქუთაისიდან და ხონიდან მოსული, — მთელი გუნდი მშვენიერ ქალწულთა და ვაჟთა საწულიკიძოს „თავადთა ბუდეებიდან“. და აი, ერთი ამ ვაჟკაცთაგანი, ვეფხვივით ლალად ნაზარდი, სწრაფი და მარჯვე, ახალგაზრდული ცეცხლით ანთებული, თურმე თავიდანვე უთვალთვალედა თავად სამსონ წულუკიძის მშვენიერ ასულს ცუცუნისა, შორიდან იწვოდა და დნებოდა. ეს ვაჟკაცი: თავადი კოწია წულუკიძე. სამსონ წულუკიძის ოჯახში ისე მიღებული იყო, როგორც ნათესავი (თუმცა შორეული). ასე აგიზგიზდა სიყვარულის ცეცხლი ამ „ვეფხის“ გულში!

როცა ცუცუნია 17 წლისა გახდა, მისი შვენება-სახის შუქი მართლაც ნათელს აფრქვევდა; მისი „ლეკური“ დიდსა და პატარას აგიჟებდა სასახლის დარბაზში.. მაგრამ სწორედ ამ დროსვე აქვე იყო, თუმცა სხვა ჯიშის ახალგაზრდა, სტუდენტი, ნიჭიერი, ლამაზი და ცეცხლმოდებული ჭაბუკი; თურმე ისიც თავიდანვე იდაგებოდა ამ ასულის სიყვარულით. ეს ყმაწვილი იყო ბუდე მდივანი; მაგრამ შავმა, ეშხიანმა, ჩოხაში და იარაღში ჩასმულმა კოწია წულუკიძემ მას დაასწრო და სძლია ყველას... ერთი დიდი ნადიმის შემდეგ, დილის რიყრაქზე მთელ სასახლეს ეძინა.. აფხაზურ ცხენებზე ამხედრებული მთელი ჯგუფი მეგობრებითა და ერთ-ერთი ძიძიშვილების თანხლებით, კოწია წულუკიძე მართლა ვეფხვივით თავს დაესხა სასახლეს... სროლითა და ყიჟინით სასახლეს ალყა შემოარტყეს... თავადის ასული ცუცუნია ცხენზე შესევს და ელვის სისწრაფით გაიტაცეს. „ცუცუნია მოიტაცესო!“ — გავარდა ხმა.

უცებ ყველა ფეხზე დადგა. მაგრამ ორმოცი დღის განმავლობაში კვალს ვერ მიაგნეს. შესძრა ქვეყანა თავად-მა სამსონმა, მაგრამ ვერას გახდნენ. აფხაზეთის ტყეთა მშვენიერ წიაღში დაიმალა ეს ორი ახალგაზრდა გული. ბოლოს რუსთა დედოფალს თხოვა დახმარება... მთავრობა ენერგიულად ჩაერია „დაკარგულთა ძებნაში“ და ბოლოს, როგორც იყო, ცუცუნია მიჰგვარეს მშობლებს; ჩქარა დატრიალდნენ მშობლები და ცუცუნისა ბუდე მდივანზე ჯვარი გადასწერეს. ვინ იცის, რა ცეცხლი იყო კოწია წულუკიძის გულში, როცა ცუცუნისა ბუდეზე ჯვარს სწერდნენ... გაიარა დრო და ჩვენი თავადი სამსონი შაქრის სნეულებას გადაჰყვა. ამბობდნენ, ჯავრმა მოუსწრაფა სიცოცხლე! მალე მას მიჰყვა საბრალო ეფროსინეც... შეირყა ასე ძველი ბუდე, დაშთა უპატრონოდ და დაეშვა ქვევით.

ცუცუნია კი ახალ გზას გაჰყვა, შვილებით დაიყურწა... სასახლე და მშვენიერი ადგილ - მამული — ამბობდნენ — ბუდე მეზობელ გლეხებს დაურიგაო... ცუცუნია კი ცხოვრობდა თბილისში, ზრდიდა შვილებს და დასდევდა მუდამ აფორიაქებულ და აჯანყებულ ქმარს, ხან ერთს და ხან მეორე საპრობილეში სანახავად და დასახმარებლად; ხშირად ვაჭირვებული, უსახლკაროდ შთენილი შვილებით. ასე დამთავრდა მისი ზღაპარიც...

რაც შემდეგ მოხდა, ეს ჩვენი დროისათვის ხომ ჩვეული ამბავი იყო. შორეული სოციალიზმისათვის — ტანჯვა, ცრემლი, ცხენები, შეურაცხყოფა, ვაჟკაცი შეილის დაკარგვა და ბოლოს თვით ბუდეს დახვრეტა, მისივე მეგობრების კომუნისტების მიერ. იმავე „სოციალიზმისათვის“ ქვრივი ცუცუნია კი ბუდეს მეგობრებმა შორს გადასახლეს და ბოლოს საგიყეთში, სადაც შორს დალია სული, ამ ძველი ქართველის მშვენიერმა განსახიერებამ...

აი, ეს იყო ეს ქალი, მშვენიერი ცუცუნია, ჩემი ნათელია. ეხლა ეს ჩვენი შეხვედრა მასთან, მოსკოვში, იყო უკანასკნელი. ის უკვე დასერილის სახით და დაღლილი თვალებით იდგა ჩემს წინ, ვით ჩამქრალი შვენება. წყნარი, შეშინებული ხმით დამლოცა, გადამეხვია, გულში ჩამიკრა, ცრემლები გადმოყარა, თითქოს უნდოდა უკანასკნელად ეთქვა რაღაც. მაგრამ სიტყვა გამშრალ პირში შეჩა... მხურვალედ მოვეხვიეთ ერთმანეთს...

ჩავჯექი ეტლში ბავშვებითურთ და წავედით სადგურისაკენ გადავავლე მოსკოვს თვალი... ის ახლა სხვა იყო, ვიდრე ჩემს იქ ყოფნის დროს ახალგაზრდობისას, როცა მე იქ ვსწავლობდი. მაშინ მე იქ ვცხოვრობოდი „გრუზინის“ უბანში, სადაც ერთი საუკუნის წინ ქართული „ემიგრაცია“ ცხოვრობდა, უფრო სწორად, რუ-



სეთის ცარიზმის მიერ ძალად გადასახლებული სახელოვანი, წარჩინებული პატრიოტები. მაშინ მე მათი აზრები, საუბედუროდ, არ ვიცოდი; მათი განდგომა და ტანჯვა კარგად არ მესმოდა. დღეს კი რაღაც სიხარულს ვკარგობ გულში, როცა მათ ვიგონებ; როცა ვიცი, რომ მეც იმ მიწას ვტყეპნიდი მოსკოვში, სადაც გადასახლებულები, ჩემი ეს სახელოვანი მამულიშვილები,

ბი, საყვარელ სამშობლოს მოცილებულნი, ამ ბუნებრივად შუკვებში ობოლ ცრემლებსა ღვრიდნენ... ასეა დროება; დღეს ჩვენ მივყევით მათ კვალს, იმავე სამშობლოსათვის, თუმცა ბევრად უფრო პატარანი, მაგრამ იმავე დიდი ტკივილებით.

თამარ პაპავა

სოსიპატრე (ჭიჭიკო) ასათიანი

მცირე მოგონებანი

(იხილეთ „კავკასიონი“, წიგნი მე-12)

23 წლამდე, ესე იგი, ნორჩი ხანა შენი ცხოვრებისა, რომლის განმავლობაში შენი არსება სათუთი არის და მგრძობიარე: წუხილს, ტანჯვას, ბედნიერებას, სიმწარეს თუ სიტკბობას, — ყველას ამათ უსაზღვროდ განიცდი; უსამართლობას ვერ იტან; სამართლიანობას ეთაყვანები, ბევრიც გეჩვენება, ბევრიც სინამდვილეა, ერთი სიტყვით: გინდა რაღაცა ქმნა! სურვილი გაქვს შესწორება შეიტანო იმ ცხოვრებაში, რომელიც შენ დაგხვდა, რომელსაც ბევრი ნაკლი აქვს.. ამ გზაზე შემდგარი, უკვე ხედავ, რომ მართლა სურვილით არა კეთდება რა — საქირია ბრძოლა.. ხან ისე ხარ გატაცებული იდეალით, რომლის განხორციელებისათვის ბრძოლა ერთად-ერთი საქმედ მიგაჩნია, რათა შენი არსებობა გაამართლო ამ ქვეყანად; ხან კი სასოწარკვეთილებამდე მისული, იმედს ჰკარგავ ადამიანის და ცხოვრების გარდაქმნაზე და იქამდე მიდიხარ, რომ სიცოცხლეს უარი თქვა — ასეთია ახალგაზრდობა, რომელიც ჰქმნის შემდეგი ცხოვრების ბაზას; აქ ყველაფერი დამოკიდებულია იმაზე, თუ ვის რამდენად ბევრი აღმოაჩნდა ეგრეთ-წოდებული მორალური დინამიზმი; ამის და მიხედვით, ეს ახალგაზრდობა, რომელიც მე ზევით ვახსენე, ან დადებით ელემენტად იქცევა ცხოვრებაში, ან უარყოფითად; ამას იმიტომ ვამბობ, რომ ბევრი იმათგანი სიყმაწვილეში რომ ქვეყნის გარდაქმნაზე ფიქრობდა — ამ სიყმაწვილის ხანიდან გამოსული ქვეყნის დამაქცევლად და უარყოფით ელემენტად მოგვევლინა. ერთი სიტყვით: იდეალის თანამგზავრობა უარყო და პირადულ ეგოისტურ მიზნებს ჩაებლაუტა — სუსტი აღმოჩნდა ადამიანური და მორალური თვალსაზრისით ცხოვრებაში პირად ნიადაგზე დაწყებულ ბრძოლაში. აი, ასეთი ყმაწვილი მოგხვდით ქუენევაში; საშინელი იყო განსხვავება, რომელიც მე ვიგრძენი: 23 წლის განმავლობაში სხვა ცხოვრებას მიჩვეული, სხვა ცხოვრებაში აღზრდილი, მომქმედი ცხოვრების თითქ-

მის ყოველ სფეროში, ასე თუ ისე მისი განმცდელი — აქ კი, ქუენევაში, ყველაფერი თავიდან უნდა დავიწყო, მაგრამ ისე, რომ ჩემში არ შესუსტდეს სურვილი ბრძოლისა, რამდენადაც ეს შესაძლებელი იქნება სხვა ქვეყანაში, სხვის მიწაწყალზე, იმ მიზნის განხორციელებისათვის, რაც მე და სხვას გვასულდგმულებდა.. რა თქმა უნდა, ეს დიდ სიძნელეს წარმოადგენდა — რისთვის? აი რისთვის.

ქუენევაში ბრძოლა, რასაკვირველია, ადვილი იყო; ან უკეთ: საბრძოლელი არა გექონდა რა — თავისუფლება, რომლისთვისაც ჩვენ რუსეთის იმპერიაში ვიბრძოდით, აქ განხორციელებული იყო. აქ შეგეძლო გეწერა, გეკითხა, როცა გინდოდა, მოგეხდინა კრებები, რამდენიც გინდოდა, ერთი სიტყვით: შეგეძლო გექმნა ის, რაც რუსეთში აკრძალული იყო..

აქ, ქუენევაში პირველად დაისვა მთელი თავისი საშინელებით საკითხი არსებობისა. ახალი ცხოვრება დაიწყო მეტად ცუდ პირობებში: — არავითარი სახსარი ცხოვრებისა! საბუშაოს შოვნა შეუძლებელი! დამხმარე არავინ! სამაგიეროდ იყო სიყმაწვილე, იდეალი, ადამაფრენა, დღეს მშვიერი — ხვალ რაღაცას იშოვნი — და ახლოებით ასეთი იყო ჩვენი ნივთიერი ვითარება. ჩვენი არსებობა უმთავრესად ნისიაზე ემყარებოდა. სანოვავეს გაძლევდა კომერსანტი და გაძლევდა ხშირად თვეობით კი არა, წლობითაც. ხან იმედი გავილიმებდა და თუ მთლიანად არა, ნახევარს ან ნაწილს ნისიისას მაინც ვადაიხდიდი. ეს საკმარისი იყო, რომ კრედიტი არ შეჩერებულყო, რასაც უდიდესი მნიშვნელობა ჰქონდა ემიგრაციის უმთავრესი ნაწილისათვის; ცხადია, ბევრმა კომერსანტმა ათასობით შევიცარული ფრანკი დაჰკარგა, რაც მათ სრულებით არ აშინებდათ! დიდს, მეტად დიდ გაჭირვებას ჰქონდა ადგილი; ბევრმა თავი მოიკლა, — ეს უფრო რუს ემიგრანტთა შორის. ქართველები უფრო მეტ სიმაგრეს იჩენდნენ და რაც უმთავრესია,



ქიქიკო ასათიანი, საელჩოს მდივანი პარიზში

უფრო დაკავშირებული იყვნენ ერთი მეორესთან; დამარცხების მხრით თითქმის გარჩევა არ იყო იმის მიხედვით, თუ ვინ რა მიდრეკილებისა იყო პოლიტიკურად. სეპარატისტი, ფედერალისტი, სოც.დემოკრატი და სხ. თუ ვინმე ფულს ღებულობდა, ან იშოვნიდა, ყველანი მონაწილენი ვიყავით. ეს ასე იყო უმთავრესად — ეს ქართველის თვისებაა — სახლში ერთი მეორის მჭამელნი, გარეთ ერთი მეორის დამცველნი არიან, ყოველი გაჭირვების დროს შენთან მყოფი და შენი დამხმარე... უფრო გასაკვირველი ის იყო, რომ ქართველს, ვთქვათ, სეპარატისტს თავს დაესხა რუსის სოციალდემოკრატი; ქართველი სოციალდემოკრატი ქართველ სეპარატისტს, იდეურად მის მოწინააღმდეგეს, გვერდში ამოუდგებოდა ხოლმე! რუსებს მუდამ მაგალითად მოჰყავდათ ქართველების ასეთი მჭიდრო კავშირი, მიუხედავად იდეური განსხვავებისა. ვინ იცოდა, რომ ქართველის ასეთი თვისება, განსაკუთრებული და თავისებური, ისტორიის მიერ გამოქვედლილი, უმტკიცესი ჩვეულებაა?!

იდეა წარმავალია, ერი მუდმივი და თუ ერი იდეას ანაცვალე, მაშინ ჰქრება შეგნება ერის, ოჯახის, კერის — ეს აღბეჭდილია ქართველში; მან იცის თავისი ისტორიული წარსულით; ჩვენი ხსნა როგორც ერისა სწორედ ამ შეგნებაშია...

ყენევის მაგალითი, პატარა მასშტაბში, ქართველების ცხოვრების, და ერთი მეორეში სოლიდარობის, მიუხედავად მათი პოლიტიკური რწმენისა, დიდად ახასიათებს საერთოდ ქართველის სულს, სადაც არ უნდა იყოს იგი.

მახსოვს ერთი ამბავი ჩემი დიდად გაჭირვებულნი ცხოვრებიდან. ოთხი თვე არის, რაც პატრონისათვის ოთახის ქირა არ მიმიცია; თავს მეტად დარცხვენილად

ვგრძნობდი, მით უფრო, რომ არავითარი იმედი არა მქონდა ფულის შოვნისა. ასეთ მდგომარეობაში მყოფმა განვიზრახე სამზარეულოში შესვლა ერთ დღით, სადაც ბინის პატრონი ბოსტნეულობას არჩევდა სადილისათვის. მივესალმე კარიდან და დავიწყე ფიქრი იმაზე, თუ როგორ იქნება ჩემი საუბარი მასთან ფულის შესახებ. გადახდის დაპირება აღარ შემეძლო, ვინაიდან არც ერთი დაპირება არ გამიმართლდა. უცბად მაგიდაზე დავინახე ოხრახუში. მინდა ვუთხრა დიასახლისს: ოხრახუში დიდად მიყვარს-მეთქი, თითქოს ეს მისთვის დიდად გასახარელი რამ იქნებოდა! უცბად გადავშალე პატარა ლექსიკონი, მოვძებნე შესაფერისი სიტყვა იმი. სი, რისი თქმაც მინდოდა და დარწმუნებულნი, რომ ვამზობდი იმას, რისი თქმაც გავიფიქრე, დავიწყე ლაპარაკი. ვხედავ მანდილოსანის პირი მოიღუშა და მომესმა: გავიგე, რომ სისულელეს ლაპარაკობთ, ბატონო ასათიანო!

რაც მარცხი მომივიდა, ხოლო არ ვიცოდი კი, თუ რაში იყო საქმე. კიდევ გადავშალე ლექსიკონი და ... მივხვდი, სისულელე მითქვამს. მის მაგივრად რომ მეთქვა: ეს ბოსტნეული მიყვარს-მეთქი, სულ სხვა მითქვამს — თქვენ მიყვარხართ-მეთქი! აბა, წარმოიდგინეთ ჩემი მდგომარეობა: ოთხი თვე არის ბინის ფული არ გადამიხდია და რაიმე ნუგუშის, ან იმედის ნაცვლად ამ მოხუცს სიყვარულს ვუცხადებ!

ყენევაში იმ დროს ას ქართველამდე მაინც იყო, უმთავრესად ემიგრაცია; ყველაზე მეტ აქტივობას ქართველები იჩენდნენ; ჩემი ჩასვლის ხანაში ვარლამ შავდია იყო პირველ რიგზე. ის იყო რედაქციის გამგე რუსულ ენაზე გამოცემულ სოც.-დემ. გაზეთისა, რომელიც ითვლებოდა საოლქო კომიტეტის ორგანოდ და სადაც მონაწილეობას ღებულობდნენ: გიორგი პლენანოვი, მარტოვი, აკსელროდი, მარტინოვი, დებორინი და თვითონა. ნაც სწერდა არლოვსკის პუბლიცისტით. ის იყო ამავე დროს საოლქო კომიტეტის (შვეიცარიაში) თავმჯდომარე... იგივე ვარლამ შავდია თავმჯდომარეობდა ფილოსოფიურ დებატებს, რომელსაც მაშინ ადგილი ჰქონდა ყენევაში — ემპირიომონიზმისა და ემპირიოკრიტიციზმის წარმომადგენლებს შორის; — პირველს წარმოდგენდა გ. ვ. პლენანოვი; მეორე მხარისა და ავენარიუსის მომხრენი; უმთავრესად: ბოგდანოვი, ლუნაჩარსკი და სხვ. ლენინს კამათში მონაწილეობა არ მიუღია. მახსოვს გ. პლენანოვის მიერ წამოსროლილი სიტყვები, არ ვიცი რა შემთხვევის გამო: — „თქვენმა ლენინმა — მიმართა მან ბოლშევიკებს — ფილოსოფიის ანბანიც არ იცისო“. მიუხედავად ამისა, ლენინმა დიდი წიგნი დასწერა ფილოსოფიაზე, რომელსაც არავითარი გამოხმაურება არ მოჰყოლია.

როდესაც პლენანოვი ლაპარაკობდა ხოლმე იმ კრე-



1903 წ. ქენეველ სტუდენტთა ჯგუფი. ჟკანა რიგში, ვ. ქავთარაძე, ჭიკიკო ასათიანი, ნ. კიკნაძე, იოსებ სალაცია, გრ. ხოფერია. წინ დგას (გვარი არ წერია). სხედან: ანტონ ჟორჯოლიანი, დათიკო შარაშიძე, ხიღირბეგოვი.

ბას აუარებელი ხალხი ესწრებოდა; მისი გამოსვლა იყო დიდად არტისტიკული. ერთხელ, ლანდვერის ზალა ხალხით იყო გაჭედილი; დერეფანში ხალხი იდგა. იმ დღეს პლენხანოვს უნდა ელაპარაკა. ვ. ვ. პლენხანოვი საშუალო ტანის იყო, ლამაზი სახის, უსათუოდ მომხიბლავი, დიდი მკვევრმეტყველი და საუკეთესო მცოდნე მარქსიზმისა, საერთოდ ლიტერატურისა და განსაკუთრებით რუსული სიტყვაკაზმულ მწერლობისა. თავის სიტყვას, რაც არ უნდა მოსაწყენი ყოფილიყო, სიტყვის ღრმა შინაარსის გამო, ის სხვა და სხვა ციტატებით ისე საინტერესოს გახდიდა, რომ ყველანი დიდის მოწიწებით უსმენდნენ. ბოგდანოვმა (ბოლშევიკი იყო) გაათავა თავისი მოხსენება მახ-ის და ავენარის თეორიაზე, ემპირიკრიტიციზმის შესახებ, რომელსაც არავითარი საერთო არ ჰქონდა, რა ქმა უნდა, პლენხანოვის ემპირიკრიზმის თეორიასთან; ადის პლენხანოვი ტრიბუნაზე. დარბაზში სრული საფლავისებური სიჩუმე დამყარდა; გულზე ხელ დაკრებილი, იგი იწყებს სიტყვას, ირონიით სავსეს მისი მოწინააღმდეგეებისადმი; მთელი დარბაზი იცინის და ასე მისდამი განწყობილი ხალხი ნელ-ნელა შედის მის კლანჭებში, თუ შეიძლება ასე ითქვას.

რუსეთში რევოლუციას არავინ მოველოდით ომის დროს. ამ ამბავმა მთელი ემიგრაცია რაღაც გამოუტყვევ მდგომარეობაში ჩააგდო ფსიქოლოგიურ-პოლიტიკურად. მაინც და მაინც დიდი აღფრთოვანება არ გამოუწვევია სწორედ იმ პირთა შორის, რომელნიც ათი წლით უცდიდნენ ამ რევოლუციას; მაგრამ შინ დაბრუნების სურვილი ყველას ჰქონდა, რასაკვირველია. მივლეთ ზომები გასამგზავრებლად, მაგრამ არც ინგლის

მა და არც საფრანგეთმა არ მოისურვეს ჩვენი გამრეხველი ამ მიზნით ემიგრაციის უმეტესობამ იგივე გზა აირჩია, რომელიც ლენინმა გამონახა. ლენინი, რამოდენიმე კაცი, დასაწყისშივე გაეშურა გერმანიით რუსეთს. ქენევაში წინადადება მოგვცა ავსტრიის შტაბის წარმომადგენელმა: შეგვედგინა კომიტეტი რუსეთის წინააღმდეგ საბრძოლელად და ამასთანავე შემოგვთავაზეს დიდი ფული; რა თქმა უნდა, ჩვენ კატეგორიულად უარ-ვყავით ასეთი წინადადება.

ქართველი ემიგრაციის მემარცხენე ნაწილი დემოკრატიის გამარჯვებიდან მოელოდა რუსეთის თვითმპყრობლობის დაზღვევას და ქართველი ერის ბედსაც ამას უკავშირებდა. ამ მიზნით ემიგრაციის მემარჯვენე ფრთას არ ეთანხმებოდა. ამის შესაფერი განცხადებაც იქნა გაკეთებული, ის განცხადება სავსებით ეთანხმებოდა ქართველი ხალხის პოზიციას იმ უამად.

1915 წელს ქენევას ეწვია ვინმე კიუფერატი, ბელგიის სამეფო აკადემიის პროფესორი, რომელმაც წაიკითხა რედერატი გერმანიაზე; ამ დროს გერმანიის ძლევა მოსილი ჯარი უკვე ბელგიაში იყო. უნივერსიტეტის დიდი დარბაზი სავსე იყო ქენევის ელიტით. მომხსენებელმა დაახასიათა გერმანელები, როგორც უხეში, ველური-უკულტურო და რა ვიცი რა! მთელი ერის ასეთი დახასიათება, რომელსაც მთელმა ხალხმა ტაში დაუტკრა, მე აღმაშფოთა. როგორც კი მივედი შინ, დავეწერე პროტესტის სახით წერილი და სინიდისის დასამშვიდებლად გავაგზავნე ქენევის გაზეთი „სუის“-ში. წერილი დაიბეჭდა სათაურით — „ხმა რაინის ვალმიდან“, თითქოს ვიღაც გერმანელი სწერდა. ამითი ვისარგებლე და დავეწერე მეორე წერილიც. ამას მოჰყვა გამოხმაურება და გაიმართა მთელი კომპანია. შევიცარელმა მეგობრებმა გამაფრთხილეს, რომ ჯაშუსად (გერმანელების) გამომაცხადებენ, თუ ამ კამპანიას არ შევწყვეტდი. გაზეთმა „ლა სუისსმა“ ცველარ გაზეთა შემდეგი წერილების დაბეჭდვა და იძულებული შევიქენი სოც. გაზეთში „ლა სანტინელ“-ში გადავსულიყავი; მე არ ვეცავდი გერმანიის რეჟიმს, არამედ გერმანელ ხალხს და ვასკენიდი: თუ დღევანდელი ომი გამოწვეულია იმპერიალისტების მიერ და იმპერიალისტური მიზნებით, შემდეგი ომი იქნება გამოწვეული ასეთი პროგანდით, რომელსაც კიუფერატი ეწვოდა, ხალხთა შორის დამყარებულ სიძულვილზე, რაც დღევანდელ ომზე უფრო საშინელი იქნება-თქო. ეს წერილები დაიბეჭდა „ლა სუისის“ იანვრის ნომრებში 1915 წ.

1917 წ. დარჩენილი ემიგრაცია, ლენინის წასვლის შემდეგ, საგანგებო მატარებლით გაემგზავრა გერმანიით, სხვა ქვეყნებმა (საფრანგეთმა, ინგლისმა) არ გაგვიშვეს და იძულებული ვიყავით გერმანული დახურული ვაგონებით გერმანიის გზით პეტროგრადს წავსუ-

ლიყავით. პირველ მაისს მივალწიეთ პეტროპოლსად. ამ მგზავრობის შთაბეჭდილება არსსოდეს ჩემი მეხსიერებიდან არ ამოიშლება..

ჩვენი მატარებელი მედიდურად შეიჭრა ფინლიანდიის სადგურზე. სადგური დროშებით იყო მორთული. მრავალ ორგანიზაციათა და დროებითი მთავრობის წარმომადგენელთა გარდა, იყვნენ საბჭოების დელეგატები. სადღესასწაულოდ მორთულ დარბაზში გაისმა მისალმების საპასუხო სიტყვები, რომლითაც მოლაპარაკენი აღნიშნავდნენ მომხდარი რევოლუციის უდიდეს მნიშვნელობას, რომელმაც საუკუნეებით დესპოტიურ პირობებში მცხოვრები 170 მილიონი რუსის ხალხი გაათავისუფლა რაც წინამორბედი უნდა ყოფილიყო ევროპის და მთელი ქვეყნიერების მატერიალურად და სულიერად აყვავების და განვითარებისა..

ჩვენ ჩამოსვლისას პეტროპოლსადში, მაისის პირველ რიცხვებში (1917 წ.), მოხდა ეგ. წოდ. მენშევიკების კონფერენცია. ეს ყრილობა ჩვენ დიდად გვიანტერესებდა. არ დავაყოვნეთ ვწვევოდით იმ ბინას, სადაც კონფერენცია ხდებოდა; მახსოვს, ყრილობის დარბაზიდან გამოვიდა რუსი ეკონომისტი მასლოვი, ემიგრაციიდან ჩვენზე უფრო ადრე დაბრუნებული. შემოვერტყით მას და დავუწყეთ კითხვა სხვა და სხვა საკითხზე კონფერენციის მიმდინარეობაზე და საერთოდ იმაზე, თუ რა ხდებოდა ყრილობაზე, ვინ ილაპარაკა და სხვა. ესაა ეხლა დაასრულა სიტყვა ირაკლი წერეთელმა — გვითხრა მან —. — თქვენი შთაბეჭდილება როგორია ამ ხანაგო მასლოვზე? — ვკითხეთ ჩვენ. და რა გვიპასუხა! — „გოგორილ გლუპოსტი —. შეგვატყო, რომ მისი პასუხი მეტად არა სასიამოვნოდ დაგვიჩინა და გვითხრა: — „სამი ბოლშოვი მისლიტელ სოვრემანოი როსსიი!“ ღიმილით თქვა მან ეს.

მეორე დღეს ყრილობა მოხდა კადეტთა კორპუსის შენობაში. ყრილობა იყო საჯარო. ხმა დაიბნა დღეს გპლენხანოვი ილაპარაკებდა. შემდეგ, პრეზიდიუმში შეიქმნა რაღაც მოლაპარაკება; შემდეგ ყველანი წამოდგნენ და მახლობელ ოთახში გავიდნენ. თუ არ ვცდები, კრების თავმჯდომარე იყო კარლო ჩხეიძე, თუ ევგენი გეგეცკორი. შემდეგში გავიგეთ, რომ ოთახში ირჩეოდა საკითხი: მიეცათ თუ არა სიტყვა პლენხანოვისათვის, ეს საკითხი გადაწყდა უარყოფითად. მიზეზი? მისი ანუ პლენხანოვის მარჯვნივ გადახრა!..

საქართველოში გასამგზავრებლად გავემზადე. ემიგრანტთა გასაგზავნად შექმნილმა კომიტეტმა მომკვა გზის ფული და საჭირო ქაღალდები (ქართველებისათვის კომიტეტიდან დანიშნული იყო აბოლონ ურუშაძე). დანიშნულ დღეს გავეშურე ჩემი ბარგით სადგურზე. იმ დროს ბრძოლით გჭირდებოდა ვაგონში შესვლა. მი-

ვადეკი გამზადებულ მატარებელს, რომელიც ნახევარ საათში უნდა დასულიყო სადგურიდან. ვაგონებთან, სადაც არ მივედი, სავსე იყო ხალხით. მეც ვაყვავობას დავადეკი, მივწი-მოვწიე ხალხი და მივადეკი კიბეს ვაგონში ასასვლელად. როგორც კი შევდგი ფეხი შესასვლელ პირველ საფეხურზე, ყოველი მხრიდან მომაწვნენ; მეც, რაც ძალი და ღონე მქონდა, წავიწიე და მეორე საფეხურზე ავიდი; ცოტა კიდევ გამკლავების შემდეგ, როგორც იქნა, ვაგონის დერეფანში ამოვყავი თავი. მოვიხედე უკან და გამოვიჩინა, რომ კაცი არ ამოდიოდა ზევით, მაშინ როდესაც ამდენი ხალხი იყო ჩემს ირგვლივ, რათა ვაგონში შემოსულიყვნენ ადგილის დასაკავებლად. მხოლოდ ჩემი ბარგის ამტანი იდგა ჩემს წინ. გავისვი ჯიბეს ხელი მისთვის ფულის მისაცემად. თავს ზარი დამეცა! ალაც საფულე იყო, არც ბილეთი! თურმე ნუ იტყვი: ეს მიწოლ-მოწოლა ხდებოდა მხოლოდ ჩემი ჯიბის ირგვლივ; როგორც კი ამოიღეს ჩემი პორტმანი, ყველა გაჰქჩა. ამიტომ იყო, რომ ჩემს შემდეგ ვაგონში აღარავინ შემოსულა! რა თქმა უნდა, ეს ყველაფერი მოწყობილი იყო ჩემი ბარგის გადამტანის მიერ, რომელმაც ბილეთის ყიდვის დროს დაინახა სამგზავროდ მიღებული წითელი თუშნიანები. ჩემი ვედრება, რომ ქაღალდები მაინც დამიბრუნეთ-მეთქი, უნაყოფოდ დარჩა: გაძარცვეს „ღიღი ბურჟუა!“

დიდად გამიჭირდა, მაგრამ იძულებული ვიყავი ისევ მიმემართა კომიტეტისათვის..

ათი წლის განშორების შემდეგ ისევ თბილისში ამოვყავი თავი. ვნახე ძველი ამხანაგები, უკვე თავისუფლად მომქმედნი. ეტყობოდათ, მთელ სიმძიმეს მდგომარეობისას განიცდიდნენ; ისინი იყვნენ გამსჭვალულნი უდიდესი პასუხისმგებლობით; ყველანი იდგნენ თავის პოსტზე, დიდზე თუ პატარაზე, რაღაცას მკეთებლნი, ძველის ადგილას ახლის მშენებელნი... აქ ნათლად ჩანდა ძველი კულტურის შედეგი: აზრი, მისწრაფება, დამოუკიდებლობა, თავგანწირულება, გაბედულება, პასუხისმგებლობა—დიდ განსხვავებას ვხედავდი ამ მხრივ რუსეთსა და საქართველოს შორის.

დალლილი და ნახევრად დაავადმოდებული გავემგზავრე ლეჩხუმს, სახლისა და ჩემიანების სანახავად; დასვენების შემდეგ შემოვიარე ლეჩხუმ-სვანეთი, სადაც ათი წლის წინად ვმუშაობდი. მინდოდა გამეგო, თუ როგორი იყო მდგომარეობა და დამოკიდებულება იმისადმი, რაც ხდებოდა. ყველგან მოხოვეს დამეკავებინა ლეჩხუმ-სვანეთის კომისარის ადგილი, რაზედაც მე ყველაზე ნაკლებ ვფიქრობდი. უარის თქმაც ვერ შევძელი, რადგან იფიქრებდნენ, რომ საზღვარგარეთიდან ჩამოსვლის შემდეგ მე ისინი არ ვიკადრე; მით უმეტეს დავთანხმდი, რომ ქუთაისის ორგანიზაციამ დაჟინებით მომთხოვა, სანამ ვინმეს იშოვნებდნენ, ლეჩხუმ-სვანეთში

დავრჩენილიყავი. მე მივიღე ეს წინადადება, ვინაიდან კარგადაც არ ვიყავი და რომ მშობლიური ჰავა ჩემს შელანძღულ ჯანმრთელობას გამოაკეთებდა.

იმ დროს ლეჩხუმში იყო კომისარის თანაშემწე რაზმაძე, მილიციის უფროსი გოლეთიანი. სასურსათო კომიტეტის თავმჯდომარე — შოთა გელოვანი; აღმასრულებელი კომიტეტის თავმჯდომარე — ლევან დადეშქელიანი. ძალაუფლება აღმასრულებელ კომიტეტს ეპყრა. ნივთიერი მდგომარეობა მაზრის დაწესებულებათა მეტად ცუდი იყო: სასურსათო კომიტეტში — არაფერი! მილიცია — უთანხოდ! რამოდენიმე თვის განმავლობაში მილიციონერებს ჯამაგირი არ ჰქონდათ მიღებული. ცენტრალური სამმართველო არ იყო კარგ მდგომარეობაში. ასეთ პირობებში მუშაობა მეტად ძნელი იყო; ხშირად კვების საკითხს მეტად მძიმედ განვიცდიდით..

სამსახურის წესიერად შესრულების მოთხოვნაც არ შემეძლო, როდესაც ვხედავდი, რომ მოსამსახურეთა უზრუნველყოფა, მინიმალური მოთხოვნების დაკმაყოფილების მხრივ სუსტი იყო. მე როგორც კომისარი, ვიყავი დროებითი მთავრობის წარმომადგენელი (1917 წ.) და მაშასადამე, მთავრობის წინაშე პასუხისმგებელი მაზრაში მომხდარ ამბებისა; აღმასრულებელი კომიტეტი წარმოადგენდა ხალხს და, ცხადია, ჰქონდა პრეტენზიები მართვა-გამგეობისა; ეს დაწესებულება უყურებდა ჩემსას, როგორც აღმასრულებელ ორგანოს მის დადგენილებათა. აუცილებელი იყო დავა ამ ორი დაწესებულების შორის; აღმასრულებელი კომიტეტის დადგენილებათა სისრულეში მოყვანას თუ რაიმე ცუდი შედეგი მოჰყვებოდა, პასუხი მე უნდა მეგო, როგორც მაზრის უფროსს და ისინი არ ჩანდნენ; ეს უხერხულობა დიდად უშლიდა ხელს ქვეყნის მართვა-გამგეობის ნორმალურ კალაპოტში ჩაყენებას.

მახსოვს ერთი შემთხვევა: ერთ საღამოს მომდის დადგენილება აღმასრულებელი კომიტეტისა: დავიჭირო დეკანოზი მარგინი და გავაგზავნე ქუთაისს; არაფერი კი არ ვიცოდი, თუ რისთვის. მე უარი ვთქვი და მოვითხოვე კომიტეტის კრება და ამ საკითხის ჩემი თანადასწრებით გარჩევა; კომიტეტი შეიკრიბა; თავმჯდომარეობდა ლევან დადეშქელიანი; მე მოვითხოვე ფარული ხმის მიცემა კამათის შემდეგ; გამოირკვა შემდეგი — წირვის ფათაგებისას მარგინს წარმოუთქვამს სიტყვა, რომლითაც მას უგინებია სოციალისტები, რომელთაც ღმერთი არა სწამთ და სხვა. ამისათვის, — ამტკიცებდნენ — აუცილებელია მისი დასჯა ციხეში ჩაყენითო! მე განვაცხადე, რომ ამ მიზეზით დეკანოზი მარგინის დაჭერა დაუშვებელია-მეთქი. და ეს ჩემი შეხედულება დავასაბუთე კიდევ. უყარეს კენჭი და ერთი ხმის უმეტესობით გავიდა პირველი დადგენილების სისრულეში მოყვანა; მე მაშინ დავსვი ჩემი გადაგომის სა-

კითხი. თავმჯდომარემ განაცხადა, რომ მე ძალდატანებას ვახდენო მათზე; მაშინ მე გადავწყვიტე მიმელო მათი დადგენილება იმ პირობით, რომ მარგინი გამეგზავნა ქუთაისს და მას, მიღებულ დადგენილებასთან ერთად გავატანდი ჩემს განკერძოებულ მოხსენებას; ამაზე დამეთანხმნენ.. მარგინი მეორე დღეს გავაგზავნეთ ქუთაისს. ქუთაისის მაშინდელმა, გუბერნიის კომისარმა გრიგოლ გიორგაძემ გაინაწილა ჩემი მოსაზრება და დეკანოზი მარგინი, ციხეში ჩასმის ნაცვლად, უკანვე დააბრუნა.

მახსოვს კიდევ ერთი დამახასიათებელი შემთხვევა — ხშირად მეუბნებოდნენ ხოლმე, რომ მათე ცინარიძე აქეზებდა გლეხებს თავადაზნაურთა წინააღმდეგ და ამრიგად მაზრაში არევედარევა შეჰქონდა.

ერთხელ რუბენ ყიფიანმა მთხოვა გამეყოლებინა მისთვის ერთი რაზმელი სენათში, სადაც ის პარტიის დავალებით მიდიოდა; ცინარიძე გავატანე უფრო იმ მოსაზრებით, რომ მას განსაზღვრული საქმიანობა ცხოვრების ნორმალურ კალაპოტში ჩააყენებდა (უწინ უსაქმოდ დადიოდა და უფრო ამას ვაწერდი მის ოინებს). და მის შეუსაბამო ჯამოსვლებს ადგილი აღარ ექნებოდა. რამოდენიმე დღის შემდეგ სენათს გამგზავრებისა, მათე ცინარიძე დაბრუნდა რუბენ ყიფიანის წერილითურთ; რუბენი მწერდა დიდ საყვედურს, ეს რა კაცი გამატანეო. ამის შემდეგ ერთხელ კიდევ დავიბარე ცინარიძე და ვთხოვე დაწყნარებულიყო და მისისიანებისათვის და წაქეზებისათვის თავი დაენებებინა. შემდეგ მილიციის უფროსმა მიმართა; აღმასრულებელი კომიტეტის თავმჯდომარემაც დიდი სიტყვა უთხრა, მაგრამ არაფერმა არ გასჭრა. რა თქმა უნდა, მოთმინებიდან გამოვედი, ვქენი ის, რის ქმნას არას შემთხვევაში ვერ წარმოვიდგენდი. ვეცი მას, ავართვი თოფი, დავალიტე რევოლვერი და ვუბრძანე მილიციონერებს წაეყვანათ ციხეში, რაც უმალვე იქმნა შესრულებული. პირველად ვიგრძენი, რომ თავისუფლების დაცვა ადვილი საქმე არ ყოფილა და ჩემი გრძნობისა და შეხედულების ადამიანმა, ეს იმ დღეს პირველად მწვავედ განვიცადე. ეს შემთხვევა, რაც გრძნობის მხრით ძვირად დამიჯდა, დიდად გამომადლა შემდეგში. ბევრს, განსაკუთრებით აღმასრულებელი კომიტეტის წევრებსაც ეგონათ, რომ მე ვიცავდი თავადაზნაურობასა და სამღვდელეობას. იმ დღეს აღმასრულებელმა კომიტეტმა, მისი ერთი გავლენიანი წევრის სახით, დაინახა, თუ როგორ მოვექეცი ცინარიძეს და სრული თანხმობა გამომიცხადა იმ ზომის მიღებაში, რომელიც მე საჭიროდ დავინახე. მე ვიცავდი წესს; ჩემი მეცადინეობა ის იყო, რომ რევოლუციის მონაპოვარი უფლებები გავვემარებინა და ამისათვის არ დამეშვა არავითარი გამოსვლები, საიდანაც უნდა ყოფილიყო, გლეხებიდან, თუ აზნაუორებიდან, რაც მო-

ძრაობას, ჩვენი სურვილის თანახმად მსვლელობას, ხელს შეუშლიდა.

მეორე დღეს დილით ცინარძე გავაგზავნე ქუთაისს. ცხადია, სათანადო მოხსენებითურთ. ამრიგად ცინარძის საკითხი დამთავრებულად ჩავთვალე.

სალამოს, იმ დღესვე, დაახლოებით შვიდ საათზე, ჩემ ბინაზე სამი საპატიო პიროვნება, დელეგაციის სახით, მეწვია. ამ დელეგაციამ ცადმომცა ერთგვარი პროტესტი მუშებისაგან შემდგარ საჯარო კრებისაგან (სტროვიკას ხეტყის მომუშავენი) და მიხივეს წარვადგინო მიზეზი, თუ რამ გამოიწვია ცინარძის დაჭერა. — თქვენ მუდამ გვეუბნებოდით — მიიხრეს დელეგატებმა — რომ მტარვალ რეჟიმს ებრძვი, თავისუფლების მოსაპოვებლად და ამ თავისუფლების დროს თქვენ იმასვე ჩადიხართ, რასაც ძველი რეჟიმი ჩადიოდა, — მაშინ სადღა თავისუფლება, რომელიც ხალხმა მოიპოვა?! და სხვა. დელეგაციას მე მკაცრად მოვეჩქეცი, რამდენადაც მახსოვს თითქმის კარებიც კი ვუჩინე ამ სიტყვებით — თქვენ გგონიათ, თავისუფლება იმაშია, რომ რაც მოგესურვებთ, ის ჩაიღწიოთ?.. მე წავედი მუშების კრებაზე საკმაოდ აღელვებული და დამსწრეთ ვუთხარი — მე თქვენთან არ მოვდივარ, როგორც ამ ქვეყნის მმართველი, როგორც მმართველი, მე პასუხისმგებელი ვარ მთავრობის წინაშე და არა თქვენ წინაშე; მოვდივარ, როგორც ჭიჭიკო ასათიანი, კერძო პირი, თქვენი მეზობელი და თქვენთან წლობით მომუშავე; მოვედი თქვენთან თანახმად თქვენი სურვილისა, რათა აგხსნათ, თუ რად დავიჭირე ცინარძე და რად გავაგზავნე იგი ქუთაისს, რომელიც თქვენ გზაში გავითავისუფლებით, რის უფლებაც თქვენ არა გქონდათ და ამ სიტყვებთან ერთად მივეცი მათ განმარტება იმის შესახებ, თუ რამ მაიძულა ცინარძის დაჭერა...

ამ დროს მომესმა — ხმა ღვთისა და ხმა ერისა! ხალხს ასე სურს, მაშასადამე, ღმერთსაც ასე უნდა!

— შენ გესმის ზარის ხმა — ვუპასუხე, — მაგრამ არ იცი საიდან მოდის იგი. განა დღევანდელ კრების შესახებ შეიძლება ითქვას: ხმა ღვთისა და ხმა ერისაო?! მილიციის უფროსმა გადასძახა მოქმელს — შენ მთვრალი ხარ და არ იცი, რას ლაპარაკობო!

— ჩამობრძანდი და მნახეო — უპასუხა მან.

მართლაც, მილიციის უფროსი ცოლეთიანი (მგონი ივანე ერჭვა, დიდი გულადი და მასთან ერთგული ჯარისკაცი რევოლუციისა), როგორც კი დაიძრა, ხალხიდან ვილაკამ ისროლა რევოლვერი. ეტყობოდა, მსროლელს მე ვყავდი აღებული მიზანში, ვინაიდან სამჯერ გასროლილი ტყვიები აღმოჩნდა ორ-ორი სანტიმეტრით დაშორებული მარცხნით, მარჯვნივ და ზევით ჩემი თავის ირგვლივ. მეც აღარ დავაყოვნე, ვუბრძანე მილიციის უფროსს ესროლათ, რა თქმა უნდა არა ხალ-

ხისათვის, არამედ მხოლოდ შესაშინებლად. თოფი გავარდა რამოდენჯერმე ერთად. ორი წამის შემდეგ კაცი აღარ იყო მოედანზე; ამ დროს ვილაკ შემომხვია მუხლებზე: — რა ღმერთი გამიწერა! რას ვიფიქრებდი, თუ ასეთი ამბავი მოხდებოდა! უკაცრავად, მაპატივეთ... და სხვა. მე თვითონ მივდივარ ციხეში და ამ სიტყვებით გაიქცა ციხისაკენ; ეს იყო ცინარძე; როგორც შემდეგ გავიგე, ეს ცინარძე შემდეგ ბოლშევიკებს მოეკლათ...

მე აშკარად ვხედავდი და ვგრძნობდი, რომ რევოლუცია ჩვენთვის არა ხელსაყრელ და მოუშნადებელ პირობებში მოხდა; მართალია, სამი წლის ომმა დიდი გაჭირვება გამოიწვია: საერთო სიღარიბე, შიმშილი, გლოვა და ყოველგვარი უბედურება, რაც კი შეიძლება მოჰყვეს ხანგრძლივ ომს, მაგრამ თუ ეს პირობები ჰქმნიდნენ საერთო უკმაყოფილებას, ამავე დროს ჰქმნიდნენ არა საერთო შეთანხმებით ფორმებს საერთო ბედნიერებისათვის ბრძოლისათვის, არამედ უფრო ინდივიდუალურს, რაც თავის თავად იწვევდა ან ჯგუფურ გამოსვლებს, ან პიროვნულს; ერთიცა და მეორეც იხატებოდა თავდასხმაში, ავაზაკობაში, მკვლელობაში და სხ. ეს კი, თავის თავად ცხადია, ხელს უშლიდა რევოლუციის შესაფერ მსვლელობას და განვითარებას. ამიტომ მე მოვითხოვე მაგარი ადმინისტრაციის შექმნა და ამ მიზნით გამოვითხოვე ასი ჯარისკაცი, რაც, რასაკვირველია, იქნებოდა ერთგვარი თავმდეები შედარებითი სიწყნარისა და მშვიდობიანობისა. ჩემი მოთხოვნა დაკმაყოფილებული არ იქნა. და როდესაც ხალხი მომზადდებოდა არ არის, ძალა ადმინისტრაციისა თითქმის არავითარი და საშინელი გაჭირვებაც თან, — ასეთ პირობებში, როგორ შეიძლება დაიცვა წესი! ის, სადაც სანქციის გამტარებელი ძალა არ არსებობს? ლოლიკურად უნდა მომხდარიყო ის, რაც მოხდა: შეუსაბამო გამოსვლები, არეგდარება.

1917 წლის მთელი ზამთრის განმავლობაში, პატარა პატარა გამოსვლები აქა-იქ ლეჩხუმ-სვანეთში არი შეწყვეტილა; მარტში 1918 წ. დაბრუნებული და უკმაყოფილო ჯარისკაცების მოთავეობით მოხდა დიდი გამოსვლა. მახსოვს, ცხენისწლის პირად, სამი ვერსის მანძილზე ცაგერზიდან, დიდი ყრილობა. მას დაესწრო 1500 კაცამდე, — ნახევარი მაინც შეიარაღებული და მოითხოვეს კომისარი, მისი თანაშემწე, მილიციის უფროსი და სასურსათო კომიტეტის თავმჯდომარე. ეს იყო სალამოს ზეთ საათზე; შეიარაღებული ძალა, რაც მე მყავდა, მასწრობა იყო იმ ძალასთან შედარებით, რომელიც ამ ყრილობაზე იყო. მე აღარ დავაყოვნე და გავყვი დელეგაციას, რომელიც ყრილობამ გამომიგზავნა. სურათი არ იყო სასიამოვნო, მით უმეტეს, რომ ვიცოდი, თუ როგორ უარყოფითად განწყობილ ხალხთან მქონ-

და საქმე. ყველანი ისხდნენ ყორნებივით ჩამწკრივებულნი და მოღუშული სახით. გავიდი ძველებურად ქვაზე და მივმარხეთე, მათ.

— ამხანაგებო! სულით და გულით გილოცავთ თქვენ ოჯახებში ჯანმრთელად დაბრუნებას, თქვენი ოჯახებისა და ქვეყნის საკეთილდღეოდ. მესმის თქვენი უცმაყოფილება. ჩვენ შევპირდით: თავისუფლებას, პურს, მიწას; ვერც ერთი ვერ მოგვციოთ და აი, რა არის მიზეზი: თქვენ იცით კარგად, რომ როდესაც სახლს აჩრდევთ მეორე ადგილზე გადასატანად, რამდენი შრომა და დრო სჭირდება და თქვენ წარმოიდგენთ ადვილად, თუ რამდენი დრო და შრომა უნდა ამ ვეებერთელა ქვეყნის, დღეს დანგრეულის, აწყობას და აშენებას. აი, ასეთი მდგომარეობაა დღეს და აი, საით მიდის მთელი ყურადღება და ენერჯია რუსეთის ხალხისა. ვისაც ეს არ ესმის და მარტო თავისი პირადი გაჭირვებით ზომავს დღევანდელი რევოლუციის შინაარსს, ის, რასაკვირველია, საერთო ბედნიერების მტერია. და როგორც ასეთი უდიდესი დამნაშავე რევოლუციის და ხალხის წინაშე, საუკეთესო მომავალისა; რაც მთავარია: დღევანდელი რევოლუციის მოლოდინმა უნდა აგატანინოთ დროებითი გაჭირვება და მთელი ყურადღება და ენერჯია უნდა მოახმაროთ რევოლუციის მონაპოვართა შენარჩუნებასა და განმტკიცებას... რა არის დღეს თქვენი მოთხოვნილება? სიმინდის რეკვიზიცია, სასურსათო კომიტეტის წევრების გაშვება და თქვენი ხალხის ჩაყენება, მილიციონერების გაშვება და თქვენი ხალხის მიღება, მილიციის უფროსის, სასურსათო კომიტეტის თავმჯდომარის და მისი თანაშემწის გადაყენება და სხვა. ამხანაგებო! მე მინდა ვიცოდე, სანამ თქვენს მოთხოვნილებებზე გიპასუხებდით, თქვენ სცნობთ, თუ არა დემოკრატიულ პრინციპებს? ამას გეკითხებით იმისათვის, რომ ვთქვათ, მე მივიღე თქვენი მოთხოვნილებანი; როგორ გინდათ ისინი განახორციელოთ თქვენი ძალით? მაშინ ხომ ჩვენ ტყუილად გვიბრძოლია, ვინაიდან თქვენ, რაც უნდა ბევრი იყოთ დღეს აქ, წარმოადგენთ უმნიშვნელო ნაწილს მთელი მახრისას (ლენინის სუბსტანსის). გამოდის, რომ ჩვენ ხალხს გვერდს კუევილით და იწყებთ ისეთ რამეს, რასაც ჩვენ მუდამ ვებრძოდით. თქვენ, ერთი ჯგუფი მოითხოვთ განხორციელებას იმ მოთხოვნილებათა, რომელიც მთელ ქვეყანას შეეხება...

მათ მიპასუხეს — ჩვენ დემოკრატიულ პრინციპებს უარს არ ვყოფთო!

— თუ ეს ასეა, მაშინ თქვენ უნდა მიაშუროთ თქვენ თქვენს სოფლებს; ჩამოკარით ზარებს; შეუყარეთ ხალხს თავი; საერთო ყურადღებას გააცანით თქვენი მოთხოვნილება; მისი გადაწყვეტილება გამოაგზავნეთ ცენტრში

არჩეული დელეგატების პირით. ასეთია პრინციპი დემოკრატიულად საერთო საქმის წარმოებისა...

დამეთანხმნენ, რომ ასე მოიქცეოდნენ, მაგრამ ამასთანავე განმიცხადეს, რომ ხვალ დილით შემოვიდოდნენ ცაგერში.

მეორე დღეს დილით მოველაპარაკე მათ დელეგატებს, რომლებიც დამეთანხმნენ, რომ ცაგერში არ შემოვიდოდნენ; დელეგატებმა ცაგერის დატოვება ვერ მოასწრეს, რომ შეიარაღებული ჯარისკაცები უკვე ცაგერს მოადგნენ, დაიკავეს ცენტრის ყველა ადგილი და გამართეს მიტინგი, სადაც მე დამიბარეს, შემასხეს ქება და მოხვედეს, რომ მე მათთან დაჭრენილიყავი. მე ამგვარ ვამოსვლებს ვეძახდი ავადმყოფობას, რაც რამოდენიმე დღეში გაჰქრებოდა. ამისდამხედვით შევიმუშავე შესაფერი ტაქტიკა მუშაობის ანუ თანამშრომლობის, თითქმის ყველა ჩემ რჩევას ღებულობდნენ მანამდე, სანამ არ გაიგეს, რომ ქუთაისიდან გამოვიდა ჯარი მათ ასალაგმავად. ამის შემდეგ ყოველივე ნდობა დავკარგე. რა თქმა უნდა, ისინი სცდებოდნენ. ჩემი მიზანი იყო: რაიმე უკიდურეს ვამოსვლებს ადგილი არ ჰქონოდა, არაფერში მათ არ ვატყუებდი და არც ჯარი გამომითხოვია ქუთაისიდან.

რამოდენიმე თვის წინად, სანამ ამ ვამოსვლებს ადგილი ექნებოდა, მე ვთხოვე ქუთაისის გამოეგზავნა ორმოცდაათი ან ასი ჯარისკაცი ცენტრში; ჩემი აზრით, ეს საკმაო იყო, რომ ვამოსვლებს ადგილი არ ჰქონოდა. ეს ქუთაისმა ვერ მოახერხა თავის დროზე, ხოლო ვამოსვლების შემდეგ, მე წინააღმდეგი ვიყავი რაიმე ძალების გამოგზავნისა და განსაკუთრებით ისეთი ჯარისა, რომელიც ქუთაისელი ნოქრებიდან შესდგებოდა. რა თქმა უნდა, ასეთი ჯარი ფრონტზე ნამყოფ ჯარისკაცთა წინააღმდეგ გამოგზავნა დიდი შეცდომა იყო, რაც საშინელი სკანდალით გათავდა; ალბანაში მოსული ქუთაისელი ნოქრების ჯარი განაიარაღეს, ზოგი დაატყვევეს და ბევრიც უკან გაიქცა...

ქუთაისიდან გამოგზავნილ ამ ჯარს ახლდნენ ლევან და დემეტრიანი და რუბენ ყიფიანი. სანამდე ასეთი სამარცხვინო საქმე დაგვემართებოდა (დასახელებული ჯარის განაიარაღება), ლევანმა დატოვა ალბანაში და ბინავებული ჯარი, დილით ადრე გამოეშურა ლაილაშისაკენ, რუბენითურთ, ცოლშვილის სანახავად. ლაჯანტურის ხეობაში მას გადაეღობა ერთი რაზმი; იგი დააკავეს და საყვედურების შემდეგ, თუ რად წამოიყვანა ჯარი ლენინის დასარბევად და სხვა, უთბრეს ცხენიდან ჩამოსულიყო და მათთან დაჩენილიყო; სწორედ იმ დროს, როდესაც აყუანდიდან ფეხი გამოჰყო და გადმოეშვა ცხენიდან, გავარდა თოფი და ლევან და დემეტრიანი, ძირს დაცემის შემდეგ, მხოლოდ ხუთი წამი იცოცხლა.

საკვირველია ამ პიროვნების ისტორია: დიდი გვარის შვილი; შთამომავლობით ბატონი; ლამაზი და მოყვანილი ვაჟი, კარგი კალამის მქონე და სიტყვის ხელოვანი; ნიჭი სავსე; ფუფუნებით ცხოვრებას მიჩვეული, განათლებული, — ხალხს გულწრფელად მიეკედლა; უმწველთა და დაბეჩავებულთა ობტერესების დამცველი, იგი ყველასათვის საყვარელი იყო და განსაკუთრებით მიყვარდა მე...

არა მგონია, იმ ხანაში რაიმეს შეევეწუხებინე ისე, როგორც მისი მკვლელობის ამბავმა შემაწუხა; ვფიქრობ, მეზი რომ დამცემოდა, იმაზე მეტს ვერ განვიცდიდი, რაც ამ საშინელმა ამბავმა განმაცდევინა... მისი მკვლელობა, როგორც გადმომცეს, ორი-სამი თვის შემდეგ მოჰკლეს...

ლევან დადგეშელიანი დაასაფლავეს ქუთაისის სობოროს ეზოში მარჯვნივ, კუთხეში. რამდენადაც გაგებულნი მაქვს, დღეს სობორო არ არსებობს და ალბათ მისი საფლავიც გაჰქარა...

ლენინის აღება ძვირად დაუჯდა ქუთაისს, და ეს იმის წყალობით, რომ თავის დროზე შესაფერი და სულ უბრალო ზომები, ასჯერ ნაკლები ძალის სახით, არ იყო მიღებული და განა ეს პირველი შემთხვევა იყო ჩვენი, ბევრი შემთხვევაში შეუსაბამო მოქმედებისა? იქნებ ეს რევოლუციის თანდაყოლილი თვისებაც იყოს! ვინ იცის!

დაწყებული გუბერნიის კომისარიდან (ივანე ყაუხჩიშვილიდან) ყველა ცენტრალური კომიტეტის წევრებამდე, ვრიზა ურატაძის გარდა, ყველა ჩემი წინააღმდეგი იყო, თითქმის ბოლშევიკობაც კი დამწამეს. დავინახე, რომ ეს ხალხი პარტიული კომიტეტის მუშაობას ვერ გამოირჩებოდა, რომ კომიტეტის მუშაობა და სახელმწიფოს აღმშენებლობისათვის მუშაობა ერთი და იგივე არ იყო. ეს მათ ნაკლებად ესმოდათ.

მე ისევ ლენინს დავბრუნდი ცოტა ხნით, რათა ის სამუდამოდ დამეტოვებინა, ვინაიდან გარდა იმ ძალისა, რომელსაც მე პირადად წარმოვადგენდი (ხალხისა და მოსამსახურეების ჩემდამი კეთილ-განწყობილება) საქმარისი არ იყო ამ ყოველ მხრივად არა ნორმალურ ეპოქაში ლენინი და სვანეთი ნორმალურ კალაპოტში ჩამეყენებინა...

ქუთაისში მაშინ გამოდიოდა ყოველდღიური გაზეთი „სოციალდემოკრატი“. მინდოდა ლენინის ამბავთა შესახებ წერილი დამებეჭდა. კომიტეტში ვიკითხე: ვინ არის-მეთქი გაზეთის რედაქტორი. მიმითითეს ერთ ახალგაზრდაზე და მითხრეს: აი, იქ დგას, ვიქტორ ნოზაძე. — ასეთი ახალგაზრდა არის ჩვენი რედაქტორი? — ზო, ეგ არისო! მივედი მასთან. გავეცანი. ის მე პირადად არ მიცნობდა. მაგრამ ლენინის ამბავთან დაკავშირებით კი მიცნობდა. მან მე დიდი პატივით მიმი-

ლო და როცა ვუთხარი: ლენინის ამბავთა გამოწვევის დაბეჭდვა მინდა-თქო, მაშინათვე მიპასუხა: — როგორ არა! დაბეჭდავ! რას ბრძანებთ. თქვენი წერილი დიდად საჭირო და მნიშვნელოვანი არის ამ საქმის გამოსარკვევად. გამომართვა წერილი და იგი მეორე დღესვე დაიბეჭდა.

ქუთაისში ყოფნის დროს მომივიდა ტელეგრამა, რომლითაც სამტრედიის თვითმართველობა მატყობინებდა, რომ მე ქალაქის თავად ვარ ერთხმად აჩეული და მთხოვდნენ დაუყოვნებლივ იქ წავსულიყავი. მე უარით ვუპასუხე. მივიღე მეორე ტელეგრამა, სადაც დაჟინებით იმეორებდნენ პირველ თხოვნას. იძულებული ვიყავი იქ ჩავსულიყავი და პირადად მადლობის გადახდის შემდეგ განმარტება მიმეცა, თუ რატომ ვამბობ უარს სამტრედიის ქალაქის თავად ყოფნაზე, მაგრამ არაფერმა არ გასჭრა; როგორც იქნა დიდი ამბით დათანხმდნენ იმას, რომ ქუთაისში წავსულიყავი რამოდენიმე საათით. ამით ვისარგებლე და თბილისში ამოყავი თავი. ეს იყო ზაფხული 1918 წლისა. იმ დროს მზადდებოდა დიპლომატიური მისია უკრაინაში, რომლის მდივნადაც მე დამნიშნეს და კიდევაც გავეშურე კიევისაკენ. ამ დროს იქ იყო სკოროპადსკის მთავრობა. უკრაინა დაკავებული იყო გერმანიის ჯარის მიერ... მათ შემოსვლამდე წესრიგს, როგორც ჩვენი ჩასვლისას გვითხრეს, იცავდა ქართული რაზმი ვაჩეიშვილის მიერ შეყენებული; ამ ვაჩეიშვილმა შეუთვალა გერმანიის სარდლობას, გენერალ ეინხორს: კიევში მისი ჯარის შემოსვლა შეეჩერებინა, რაც უკრაინელმა გენერალმა შეასრულა ალბათ იმ მოსაზრებით, რომ ვაჩეიშვილი დიდ ძალას წარმოადგენდა და ბრძოლის მიცემას გაურბოდა. ეს სასაცილო ამბავი ანეგდოტი არ არის. საერთოდ ქართველებს კიევში დიდი სახელი ჰქონდათ და მთელი ორი კვირის განმავლობაში კიევი მათ ხელში იყო... ჩვენი ჩასვლის ცოტა ხნის შემდეგ პეტლიურა მოვიდა კიევში და ძალაუფლება მისი მთავრობის ხელში გადავიდა. ამ ქვეყანას მეტად ძვირად დაუჯდა დამოუკიდებლობისათვის ბრძოლა: ჯერ გერმანიის ჯარი; მერმე ბოლშევიკები; მანხოს ჯარი; მერმე დენიკინი; შემდეგ პეტლიურა; მერმე ისევ ბოლშევიკები...

1918 წლის მიწურულში რუმინეთში (იასსაში) მოხდა „ალიების“ კონფერენცია. საქართველოს მთავრობის მოწერილობით, იქ კიევის მისიის სახით, რაც დაუყოვნებლივ შესრულდა. ბრძანების მიღების შემდეგ ერთი კვირის განმავლობაში მისია შესდგა. (თავმჯდომარე — მე; მდივანი — მარკვეიზი (პოლონელი) და ატაშე — ფალავა). ორი კვირის მოგზაურობის შემდეგ მივალწიეთ იასსაში, სადაც კონფერენცია უკვე დასრულებული იყო. არ მანდა მოგზაურობის სიძნელებზე

შევჩერდე; ვიტყვი მხოლოდ, რომ განვიცადეთ დიდი დაბრკოლებები. იასიდან ბუქარესტში მივედით და რალაქი რუმუნებულების ქალაქის მსგავსი რუმინეთის მთავრობას წარუდგინეთ. რუმინეთისაგან ჯერ ნაცნობი არ ვიყავით; მიუხედავად ამისა ყურადღებით გვეპყრობოდნენ. მე არ დავაყოვნე მთავრობის თავმჯდომარის ფერედის მენახა. (ბრატინე-ს მოადგილე. ამ დროს ბრატინე იყო საზავო კონფერენციაზე პარიზში). შემდეგ ვეწვიე ყველა ქვეყნის წარმომადგენლებს, რომელთაც ვაკაცანი ჩვენი ქვეყნის ეკონომიურ - პოლიტიკური მდგომარეობა, მისი ისტორია, მისი სიძლიერე, ეკონომიკა და საქართველოს მნიშვნელობა, როგორც გზისა ევროპისა და აზიის შემაერთებელი.

ამ ვიზიტებს თითქმის ყოველ თვე ვაკეთებდი; სანამ გერმანელები იქ იყვნენ, მათთანაც მქონდა კავშირი. შემდეგ ფრანგების მისიასთან ვიყავი დამოკიდებულე-ბაში, ისე როგორც ინგლისელების მისიასთანაც.

მასხოვს ერთი არა სასიამოვნო შემთხვევა. ერთ-ერთი დასაზოგბიდან დაბრუნებულს, მეუბნებიან მისიის წევრები, რომ რუმინულმა პოლიციამ გაგხრიკაო. იმ დროს ყველა რუსს იჭერდნენ, ყოველ შემთხვევაში, თუ არ იჭერდნენ, ჩხრეკდნენ მაინც, რა თქმა უნდა, ბოლშევიკების გამო. იმ წამსვე, დიდად აღელვებული, მივადექი მთავრობის თავმჯდომარეს, რომელიც იმ დროს საგარეო მინისტრიც იყო (ფერედის) და მას სასტიკი პროტესტი განვუცხადე, ზრდილობანი ფორმით, რასაც კვირვლია.

— მაგრამ, ჩემო ბატონო, — მითხრა მან — პოლიტიკურად თქვენ რუსებად ითვლებითო!

— სრულებითაც არა — ვუპასუხე. — მე არ დამეწყებია რუმინეთის ისტორია... — გადავკარი მას, რომ რუმინელები 50 წლის წინად სათათრეთის ბატონობის ქვეშ იმყოფებოდნენ. ის გაწითლდა და მითხრა პასუხად, რომ გასცემდა სათანადო განკარგულებას ჩვენს შესახებ.

ამ შემთხვევის ერთი თვის შემდეგ, პარიზიდან ბრატინე დაბრუნდა და შეუდგა მთავრობის თავმჯდომარეობის ფუნქციის ასრულებას. მივედი სადარბაზოდ და სხვათა შორის ზემოაღნიშნული შემთხვევა ვუამბე და თან ვკითხე, თუ როგორ უყურებს იგი საქართველოს მისიას.

— ამის შესახებ მე უნდა მოგიყვებო ჩემი შემთხვევა: იმ დროს, როდესაც რუმინეთი იყო თავისუფალი, მაგჯერ კიდევ არ იყო სავსებით ჩამოყალიბებული, როგორც ყველა სახელმწიფო, ჩვენ ვლბულობდით სხვა ქვეყნებიდან როგორც წარმომადგენლებს, მხოლოდ მინისტრებს. ინგლისმა კი გამოგზავნა დიპლომატიური აგენტი, რომელმაც მამა-ჩემს, მთავრობის თავმჯდომარეს, დაუსვა იგივე საკითხი, რომელსაც თქვენ მე მის-

ვამთ. აი მამა-ჩემის პასუხი: ტიტრი, რომელსაც ჩვენ ვლბულობთ, თქვენ არა გაქვთ!

— ტიტრი, თქვენ რომ გაქვთ, მას ჩვენ არ ვლბულობთ — უპასუხა ინგლისის აგენტმა.

— ბატონო თავმჯდომარე! რასაც თქვენ ბრძანებთ, უნდა მივიღო ის, როგორც პასუხი ჩემს შეკითხვაზე?

— ჩვენ ყოველთვის მეგობრები ვართ-ო! — იყო მისი პასუხი.

სხვა პასუხიც არ შეიძლებოდა; ჩემი მდგომარეობა, როგორც წარმომადგენლის, იყო დამყარებული, ასე ვთქვათ, ჩვენი ქვეყნისადმი ერთგვარი სიმპათიაზე... საზოგადოების დამოკიდებულება იყო საუცხოო; სადაც კი გამოჩნდებოდი, ყველგან დიდი თანაგრძობას უცხადებდნენ საქართველოს: სამინისტროებში, მინისტრებთან, რედაქციებში, თეატრში თუ კრებაზე. რესტორანში, როგორც კი დამინახავდნენ შესულს, დამჯდარი კიდევ არ ვიყავი, რომ ორკესტრი „ალავერდის“ დაუკრავდა! კვირაში სამჯერ, ოთხჯერ და ხანდახან ყოველ დღეს, საქართველოს შესახებ წერილები იბეჭდებოდა: მის ისტორიაზე, კულტურაზე და სხვა. ალბათ ეს იყო მიზეზი, რომ ერთ მშვენიერ დღეს სომხებმა გამოილაშქრეს საქართველოს წინააღმდეგ უმთავრეს გაზეთში: „ადევერულ“, თუ „ლა რუმანი ენდებანდანტ“, კარგად აღარ მასხოვს. წერილი იყებოდა უფრო მაშინდელ მდგომარეობას და განწყობილებას სომეხთა და ქართველთა შორის, რა თქმა უნდა, გადაჭარბებული და საერთოდ ცრუ ცნობებზე დამყარებული. ჩემი პასუხი იმავე ხასიათისა არ ყოფილა. მე ხაზგასმით აღვნიშნე შემდეგი: — იმ დროს, როდესაც სომხეთის და საქართველოს ხალხთა დიდი უმრავლესობა ხელიხელ ჩაკიდებული, დიდ ერთსულოვნობით აღჭურვილნი, მიექანებიან ამ ორი ერის განთავისუფლების გზაზე, რაც უზომო სისხლისა და კრემლის გზა და თავგანწირულ ბრძოლას ეწევიან ამ მათთვის უდიდეს და უმძიმეს ისტორიულ მომენტში, სამწუხაროა, რომ ამ დროს რუმინეთში მოიპოვება ისეთი სომეხი, რომელმაც იკადრა ასეთი გამოლაშქრება საქართველოსა და მისიის წინააღმდეგ-თქო. და სხ. ამის შემდეგ არავითარ გამოსვლებს საქართველოს ან მისი მისიის წინააღმდეგ რუმინეთში ადგილი აღარ ჰქონია სომხების მხრივ.

რუმინეთში ჩვენი ჩასვლის ოთხი დღის შემდეგ მივიღე წერილი რუმინეთის აკადემიის მუდმივი მდივნის, პროფესორ ბიანოდან (დეკემბერი, 1918 წ.) — ბატონო თავმჯდომარე — მწერდა ბიანო — ვესალმები რა თქვენი სახით საქართველოს, მის გმირულ ერს, მაქვს პატივი გაცნობოთ, რომ თქვენ პირველი არა ბრძანდებით, რუმინეთსა და საქართველოს შორის დამოკიდებულების აღმდგენი. გუშინდამ, ომის შემდეგ, პირველი კრება გაიხსნა ძველად საქართველოსა და რუმინეთის

შორის დამოკიდებულებაზე მოხსენებით; თქვენ ალბათ დავიწყებული გაქვთ, თუ ვინ იყო ანთიმოზი ივერიელი (ანტიმ ივერიანულ). ამ შეუდარებელმა პიროვნებამ ითამაშა უდიდესი როლი რუმინეთის ცხოვრებაში და სხვა. მეორე დღეს გავეშურე აკადემიისაკენ; მისმა მდივანმა ბიანომ დიდის ყურადღებით დამათვალისწინებია აკადემია, მისი ბიბლიოთეკა; მაჩვენა სახარება დაბეჭდილი ანთიმოზ ივერიელის მიერ (სხვათა შორის ქართული ასოები ამ ანთიმოზმა ჩამოასხა და იგი ასოთა მწყობებთან და მბეჭდავებთან ერთად ვახტანგ მეფეს გაუგზავნა). მაჩვენა აგრეთვე ბროსეს მიერ ნათარგმნი საქართველოს ისტორია და მირჩია: ეს საუკეთესო შრომა (მისი სიტყვებია) მრავლად გამოგვეცა. მიმითითა ანთიმოზის მიერ აშენებულ ეკლესიაზე. იმ დღესვე ეს ეკლესია ვნახე; შიგნით შესვლისას, მარჯვნივ, ვეებერთელა სურათია კედელზე გამოხატული ანთიმოზ ივერიელის მთელი ტანით და დიდი წვერებით, რაც ძლიერ შთაბეჭდილებას ახდენს. მარცხნივ არის გამოხატული კონსტანტინე ბრაკოვანი, მაშინდელი ვოლახიის-მოლდავიის მთავარი (მე-18 საუკუნეში). ეს ორი პიროვნება უძღვოდა წინ საერო და სასულიერო ცხოვრებას მაშინდელი რუმინეთისას; ანთიმოზი იყო რუმინეთის მღვდელთმთავარი; მას მიუძღვის უდიდესი ღვაწლი რუმინეთის საზოგადოებრივი ცხოვრების განვითარებაში. იგი წმიდანად არის აღიარებული; ყველა სკოლაში მისი ცხოვრების ისტორიას ასწავლიან; ის წამებულ იქმნა თურქთა მიერ. (მის შესახებ წერილი დავბეჭდე „კავკასიონ“-ში).

ჩემი რუმინეთში ყოფნის დროს გზა მოწყვიტეს ბოლშევიკებმა: მათ დაიკვეეს მთელი უკრაინა; კიევს ვეღარ დავრბუნდი; საქართველოშიდაც სხვა გზით ძალიან ძნელი იყო წასვლა. ვიცოდი რა ჩვენი ქვეყნის გაჭირვება სურსათის მხრით, მივმართე თხოვნით რუმინეთის ვაჭრობის მინისტრს დახმარებისათვის. იგი დამპირდა ორმოცი ვაგონი პურის მოცემა შეგვიძლია თუ-თუნაზე გაცვლითო. ეს ამბავი ტელეგრაფით, ინგლისის სამხედრო მისიის საშუალებით საქართ. მთავრობას ვაცნობე. ვიცოდი პასუხი ჩქარა არ იქნებოდა. პასუხის მოსვლამდე გადავწყვიტე პარიზს მისვლა და დელეგაციისათვის მოხსენების გაკეთება. დელეგაციამ უკან აღარ დამაბრუნა და დამტოვა თავის მდივანად პარიზში.

მთელი ჩემი არქივი დამრჩა ბუქარესტში და დაიკარგა. მე უფრო გული მწყდება არქივზე და არა საცვლებ-ტანსაცმელზე, რადგან დღითი დღე ვწერდი ყველა შეხვედრის შინაარსს, თითქმის ათი თვის განმავლობაში.

რუმინეთში დიდი დახმარება გამიწია პროპაგანდისა და კავშირების შექმნისათვის პროფესორმა იორგა-მ; ის იყო ერთი საუკეთესო ისტორიკოსთაგანი ევროპის მსაშტაბით, განათლებული და ამასთანავე დიდი პოლიტი-

კური მოღვაწე; მას ეკუთვნის ერთი საუკეთესო შრომა მათაგანი თურქეთის ისტორიაზე.


რუმინეთმა საერთოდ კარგი შთაბეჭდილება დასტოვა ჩემზე; უარყოფითი ელემენტები რომელ ქვეყანაში არ არის? დღევანდელი რუმინეთის უარყოფით მხარეებს, როგორც სხვაგან, ისე აქაც აქვს ადგილი: ერთი მხრივ, დიდი სიმდიდრე, მეორე მხრით დიდი სიღარიბე; ამას უბრალო გავლის დროსაც ატყობ, მაგრამ რომელ ქვეყანაში არ შეხვდებით ამას! მართალია, პატარა ქვეყანაში ეს ნათლად სჩანს. ჩვენი ორი ერის ისტორია დიდად ჰგავს ერთი მეორეს: ერთი და იმავე ქვეყნებისაგან ვიტანჯებოდით და იმავე ქვეყნებისაგან, ვინ ივის რა ნოვველის, თუ პოლიტიკურ - ეკონომიური რუმინეთის სისტემა ძირიანბუდიანად არ შეიცვალა?! და ამ სისტემის შეცვლა მე მესმის ევროპის სახელმწიფოთა ერთი კონფედერაციის შექმნით..

რუმინეთიდან პარიზს მივედი ნოემბერში 1919 წ. გამოვედი რუმინეთიდან პირდაპირ ეწინააღმდეგეში, სადაც ჩემი შვილი მყავდა დატოვებული იმ მიზეზით, რომ საქართველოში წასვლის დროს ყოველად შეუძლებელი იყო მისი თანწყაყანა. გზაში ეწინააღმდეგე ვასულმა ციურხიდან დავაბრუნე ბავშვი ისევე ეწინააღმდეგეში ქალბატონ ლეონი შამესთან, რომელიც ჩემი შვილის აღმზრდელი იყო. ერთად ერთი სასუგეშეებელი ჩემთვის ის იყო, რომ ჩემი ვაჟი სამშვიდობოში იქნებოდა და იმასაც გავუწიე ანგარიში, რომ ჩემი ბიჭის აღმზრდელი ისე იყო დამწყობებული ბავშვის მოშორების გამო, რომ წასვლისას მიიხრა — თქვენი შვილია, და მოიქცით ისე, როგორც გინდათ; მაგრამ მე თუ მაგას მოვშორდი სიცოცხლე მომეწრაფებო. და სხვა.

ეს მანდილოსანი, წვერი ჩემი ოჯახისა, აღმზრდელი ჩემი სამი შვილისა, ბრიუსელის ბიუროკრატის ქალიშვილი, უაღრესად განათლებული, დარჩა ჩემს ოჯახში 31 წელიწადი. გარდაიცვალა 1940 წ. მაისის 25-ს.

როგორც კი ეწინააღმდეგეში ჩავიდი, გავეშურე ვენისაკენ, (სამი კილომეტრით ეწინააღმდეგეში). ამ სოფელში გადავედსაფლავებულია ბულონ-ბიანკურის სასაფლაოზე და იმედი მაქვს ჩემი შვილები მის საფლავს არ დაივიწყებენ. გარდაიცვალა 83 წლისა.

დი ეწინააღმდეგეში უნივერსიტეტის იურიდიული ფაკულტეტის დამთავრების შემდეგ; იქ ვამზადებდი სადოქტორო შრომას. სახლში მისვლისას, ჩემი ვაჟი როლანი სალონში თამაშობდა; იმ დროს იგი მეცხრე წელიწადში იყო. როგორც კი დამინახა, დაუწყა ძახილი მეორე ოთახში მყოფ მის აღმზრდელს, ქალბატონ შამეს: მუსიო მოვიდაო! ვერ მიცნო, ვინაიდან მეტურა ჩალის ქუდი, ნაპოლეონს რომ ეძახდნენ, — წინ და უკან „კოზირი ჰქონდა. მისი ძახილის დროს მოვიხადე ქუდი თუ არა, მორითო ყვირილი: პაპა! პაპა! ამ სცენამ გვარიანად შემაძმ.



რია, გავიგე ჩემი მეგობარის, ანტონ ჟორჯოლიანის მძიმე პირობებში ყოფნა „უეკს“-ში (საფრანგეთში). ის იმ დროს განაგებდა სამხედრო საავადმყოფოს, 214 ნომერით წოდებულს. ამ ჰოსპიტალის მთავარი ექიმი იყო. მისი მდგომარეობის მოხარბემ ადმინისტრაციას მიაწოდა ცრუ ცნობა, თითქოს მას გერმანელებთან ჰქონოდა კავშირი. იგი დაითხოვეს. მეც მივიღე ზომები მის ენევაში გადმოსაყვანად, სადაც არ უშვებდნენ, რაზედაც ჩემი ახსნა-განმარტების შემდეგ, ენევის მთავრობამ ნება დართო მას მოსულიყო. ამ დროს ენევაში მუშაობდნენ აკაკი ჩხენკელი და ხარიტონ შავიშვილი, რომელთაც დავრჩით მე და ანტონი ნოემბრამდე. ამ თვის ბოლოს კი პარიზში მივედი, შემდეგ ანტონიც გამოწვეულ იქნა დელეგაციაში სამუშაოდ.

ქართული დელეგაციის ბინა იყო პერუზის ქუჩაზე. დელეგაციის თავმჯდომარედ იყო კარლო ჩხეიძე; წევრებად: ირაკლი წერეთელი, ზურაბ ავალიშვილი, კონსტანტინე გვარჯალაძე, იოსებ გობეჩია; შემდეგ დაუმატეს ვარლამ ჩერქეზიშვილი; დანარჩენი წევრების ვინაობა აღარ მახსოვს. დელეგაციაში მუშაობდნენ: ქალბატონი ელენე დემელინი, ბატონი ვიკტორ ბაბე; ქალბატონი ჰელმი (ჯავრიშვილის ქალი); ჯინორია (საინფორმაციო ბიუროში). დელეგაციის სტატუტი ერთი მუხლისაგან შესდგებოდა: ყოველგვარი მუშაობის გაწევა და სათანადო ზომების მიღება, რათა უმაღლეს საბჭოს, რომელსაც ამ დროს პარიზში ჰქონდა კრებები, ამერიკის პრეზიდენტის უილსონის თავმჯდომარეობით, საქართველო ეცნო, როგორც დამოუკიდებელი სახელმწიფო, რაც ფორმალური კონსაკრაცია იქნებოდა მისი 1918 წ. 26 მაისიდან ფაქტიურად არსებობისა. დელეგაციის სხდომები ყოველ კვირაში ხდებოდა, ერთხელ, უფრო ხშირად, თუ ამას საჭიროება მოითხოვდა. ყოველი სხდომის ოქმი იწერებოდა. გასარჩევ საკითხებზე წარმოთქმული სიტყვებითა და დასკვნებით. ეს ოქმები რამოდენიმე ტომისაგან შესდგება, ასე რომ ვისაც დელეგაციის მუშაობის შინაარსი აინტერესებს, მას სრულ სურათს წარმოუდგენს მათი განხილვა. ოქმები გაგზავნილ იქნა თბილისს, გამოუკლებლად, საქართველოს იურიდიულად ცნობის შემდეგ.

დელეგაცია ჩავიდა პარიზს, თუ კარგად მახსოვს, 1919 წლის იანვარში. დელეგაციის ერთი წლის მუშაობის შემდეგ, უმაღლესმა საბჭომ დაიბარა დელეგაციის წარმომადგენლები საქართველოს შესახებ ცნობების მისაღებად; გაემუხაფრნენ საბჭოს წინაშე წარსადგომად: ნიკოლოზ სვიმონის ძე ჩხეიძე (თავმჯდომარე) და ირაკილ გიორგის ძე წერეთელი. — ორივე, არა თუ საქართველოსა და რუსეთის მასშტაბში ცნობილი, არამედ ევროპის მასშტაბითაც კარგად ცნობილი.

თებერვლის რევოლუციის შემდეგ, ენევის გაზეთებ-

ში მხოლოდ ამ პირთა შესახებ სწერდნენ და როდესაც ენეველებს ვეუბნებოდით, ესენი ქართველები არიან — მეთქი, არ სჯეროდათ — როგორ რუსებს არა ჰყავთ თავისი პოლიტიკური მოღვაწეებიო?!


უმაღლეს საბჭოში წასვლის დროს შეიქმნა ტანისამოსის ძებნა; ერთმა ჩემი „ვიზიტკა“ წაიღო! უბრალო ტანსაცმელით წასვლა არ შეიძლებოდა. ეს საკითხი მხოლოდ მაშინ დადგა და, რა თქმა უნდა, ასე ადვილი არ შეიქმნა ამ დიდი შემთხვევისათვის სათანადოდ საჩქაროდ ჩაცმა-დახურვის გამოწყობა. ეს იყო, თუ არა ვცდები, დეკემბერში 1919 წლისა. ათას ცხრასას ოცში უმაღლესმა საბჭომ საქართველოს დე ფაქტოდ იცნო. ეს ამბავი შინაურულად შეგვატყობინა იტალიის დელეგაციის წევრმა გრანდი-მ. 1921 წლის იანვრის 21-ის რიცხვით ამავე საბჭომ, ამ დროს არისტიდ ბრიანის თავმჯდომარეობით, გვიცნო იურიდიულად. ამის შესახებ საგარეო საქმეთა მინისტრს ევგენი გეგეჰკორს, რომელიც იმ ეამად პარიზში იმყოფებოდა, მოუვიდა წერილი, არ. ბრიანისაგან, რომლითაც იგი აცნობებდა: საქართველოს და მისი მთავრობის იურიდიულად ცნობას უმაღლესი საბჭოს მიერ.

თებერვლის დასაწყისში აკაკი ივანესძე ჩხენკელი ჩამოვიდა პარიზს, და მას ჯიბაში ედვა საქართველოს მთავრობის თავმჯდომარის და იმავე დროს რესპუბლიკის პრეზიდენტის, ხელმოწერილი რწმუნების ქალაქი, რომლითაც საქართველოს მთავრობა ნიშნავდა მას საქართველოს საგანგებოდ მიგზავნილ და სრულ - უფლებიან ელჩად საფრანგეთის რესპუბლიკის პრეზიდენტის წინაშე..

ელჩის მოსვლამდე, ანუ უკეთ რომ ვაქვიათ, რწმუნების ქალაქის ჩაბარებამდე, იურიდიულად ცნობის შემდეგ, შეიქმნა ხანა გარდამავალი: არც დელეგაცია იყო, არც საელჩო; დელეგაცია უკვე დაშლილი, მისი წევრები პარიზიდან წასულნი; საელჩო ნაწილობრივად არსებობდა, მაგრამ ფორმალური სანკცია ჯერ არა ჰქონდა; ჩვენი მდგომარეობა იმ დროს იყო „საქართველოს წარმომადგენლობის“ სახელით მონათლული. ამ წარმომადგენლობას თავმჯდომარეობდა საგარეო საქმეთა მინისტრი ევგენი გეგეჰკორი, იმ დროს პარიზში მყოფი. ამ ხნის განმავლობაში თითქმის ყველა სახელმწიფოს დაეგზავნა ნოტები, რომლითაც ვატყობინებდით რა საქართველოს ცნობას უმაღლესი საბჭოს მიერ, ვთხოვდით კეთილ ენებებინათ და ეცნოთ მათაც საქართველოს დამოუკიდებლობა. თითქმის ყველასაგან მივიღეთ დადებითი პასუხი. თუ არ ვცდები, ყველაზე უწინ, უმაღლეს საბჭომდე, გვიცნო არგენტინის რესპუბლიკამ (ეს ქართველმა ერმა არ უნდა დაივიწყოს!), შემდეგ ბოლშევიკურმა რუსეთმა. და ამის შემდეგ უმაღლესმა საბჭომ (ესე იგი: საფრანგეთმა, იტალიამ, ინგლისმა, ბელგიამ,

484

№.....



მ. ს. კობ. 1925-26. ქ. თბილისი.

საქ. ელჩის აკაკი ჩხენკელის ბ-ნ ფუკიერთან ერთად წასვლა პრეზიდენტთან. კარიკ. მხატ. შავლა ქიქოძისა.

იპონიამ). ბევრმა გვიცნო, მაგრამ საქართველოს დამოუკიდებლობა მაინც ვერ შევიპაჩუნეთ. ჩემთვის აშკარა იყო, და ამას არ ვალაპარაკებ, ასე ვქვიათ, პოსტფაქტუმ, რომ რუსეთი ბოლშევიკური, თუ როგორც არ უნდა ყოფილიყო იგი, გარდა უაღრესად დემოკრატიული რეჟიმის მქონე, და მაშინაც კი ეს საკითხი სადავო იქნებოდა, ჩვენს დამოუკიდებლობას ვერ აიტანდა. ბოლშევიკურმა რუსეთმა გვიცნო, მაგრამ ეს იმ დროს, როცა იგი სუსტი იყო, როგორც შინ, ისე გარეთ. მე მწამდა, რომ როგორც კი რუსეთში წესრიგი დამყარდებოდა და გარედანაც მომავრდებოდა, ის არ დააყოვნებდა თავისი თათი ჩვენზე დაედო, რაც კიდევ მოხდა. ამის შესახებ კიდევაც მივწერე ევგენი გეგეჭკორის ლონდონში, კერძო წერილით, სადაც მას ვეუბნებოდი — ჩვენი ტრაგედია მაშინ დაიწყება, როდესაც ჩვენ გვიცნობენ მეთქი. ეს წერილი, როგორც ევდენი გეგეჭკორმა მითხრა, 15 წლის შემდეგ შენახული მაქვსო. ეს მან მაშინ გაიხსენა, როცა დასჭირდა ეთქვა: აი, რა კაცი გვყავდა დიპლომატიურ წარმომადგენლობაშიო. რა თქმა უნდა, ჩემი შეხედულება არ გამომდინარეობდა იქიდან, რომ მე წინააღმდეგი ვიყავი ჩვენი დამოუკიდებლობისა! რომელი იქნება ისეთი გარეწარი, რომ თავისი ერის დამოუკიდებლობისა და თავისუფლების წინააღმდეგი

იყოს?! წერილი მე მივწერე ევგენი გეგეჭკორს, როცა ჩვენ ჯერ კიდევ ცნობილი არ ვიყავით. ეს იყო იანვრის დასაწყისში 1921 წ. მე გამოვთქვამდი აზრს, რომ ცნობის გარდა აუცილებლად საბირო იყო რაიმე, საერთაშორისო აქტი საქართველოს დამოუკიდებლობის დასაცავად. ევგენი გეგეჭკორს ვწერიდი: მოესინჯა ნიადაგი ისეთი საერთაშორისო კომბინაციისა, რომელიც ჩვენი ერის დამოუკიდებლობის დასაცავად გამოდგებოდა. ჩემის აზრით, ეს კომბინაცია, საერთაშორისო, უნდა გამოხატულიყო რუსეთის ირგვლივ მდებარე სახელმწიფოთა სამხედრო, თუ სხვა რაიმე ფორმის კავშირში. ამ კავშირის წევრებად მე წარმომედგინა: პოლონეთი, უკრაინა, თურქეთი, სპარსეთი, თვით ამიერკავკასია. აი, რა იყო საძიებელი, როგორც კი ჩვენი დამოუკიდებლობა გამოცხადდა. შეიძლებოდა, რა თქმა უნდა, სხვა ფორმაც, კიდევ უფრო ადვილი საერთაშორისო შეთანხმება საქართველოს შესახებ მისი ზეიტრალიტეტის დასაცავად, მაგრამ ეს უნდა ყოფილიყო ამიერკავკასიის სახით, როგორც ერთი ფედერატიული სახელმწიფოსი. მაგრამ ასეთი ფედერაციას შექმნა არ მოხერხდა. და ამას ალბათ თავისი მნიშვნელოვანი მიზეზი ჰქონდა.

25 თებერვალს, იმ დროს, როდესაც რუსეთის ჯარი თბილისში შედიოდა, საქართველოს საელჩოს წევრნი ელისეს სასახლეში შედიოდნენ „რწმუნების გრამოტის“ ჩასაბარებლად.

საფრანგეთის რესპუბლიკის პრეზიდენტმა ბატონმა მილიერანმა ძალიან კარგად იცოდა ეს ჩვენი უბედურება და სწორედ ჩვენ მიგვიღო, რომ ამით ერთგვარნი პროტესტი განეცხადებინა საქართველოს დაპყრობის გამო...


მასხოვს ბ-ნი ფუკიერის (ელჩების წარმდგენი, პროტოკოლის შეფი, რა თქმა უნდა, მინისტრის ხაზისხით) მოსვლა ჩვენს ბინაზე (44 ავენიუ ვიკტორ ჰიუგო).

მთელი ქუჩა გაკავებული იყო. ჩავსხედით ორ სავანცებო ეტლში; პირველში საქართველოს ელჩი აკაკი ჩხენკელი და თვითონ ფუკიერი; მეორეში — ბ-ნი მიხეილ სუმბათაშვილი და მე; გაგვატარეს ელისეს მინდვრების პროსპექტი; რა თქმა უნდა, ეს ვეებერთელა პროსპექტიც გაკავებული იყო. ჩვენ ეტლებს აქეთ - იქით მთელი ესკადრონი მოყვებოდა.

რამდენად ტყბილი იყო ეს სურათი, იმდენად მწარე, ვინაიდან ამ თვალწარმტაც სურათში არავითარი შინაარსი აღაჩა იყო...

ასეთი დიდი ამბით საფრანგეთის პრეზიდენტთან მიყვანილი ქვეყნის წარმომადგენლობა არაფერს და არავის არ წარმოადგენდა.

ჩვენ შევეკვივანეს დიდ დარბაზში; ცოტა ხნის შემდეგ გამოჩნდა პრეზიდენტი მილიერანიც, რომელსაც



საქართველოს ელჩის აკაკი ჩხენკელის საფრანგეთის პრეზიდენტთან წავსლა. კარკატურა მხატვარ შალვა ქიქოძისა.

წინ მოუძღოდა ფუციერ; აღნიშნულ ადგილას ჩვენ წინ (ყველაფერი ეს პროტოკოლით არის განსაზღვრული) პრეზიდენტი გაჩერდა; ჩვენ ყველამ თავი მოვიხარეთ; პრეზიდენტმა; ჩვენმა ელჩმა აკაკი ჩხენკელმა ამოიღო ჯიბიდან, დაწერილი სიტყვა. მისი წაკითხვის შემდეგ პრეზიდენტმა უპასუხა იმავე ფორმით. (უხადია, ელჩის სიტყვის შინაარსი პრეზიდენტმა წინასწარ იცოდა; ეს ასე ხდება ყოველთვის (იმპროვიზაციას ადგილი არა აქვს) და პასუხის შემდეგ ყველას ხელი ჩამოგვართვა. ჩამოღწინებე სიტყვის გაცვლა-გამოცვლის შემდეგ, გამოგვემშვიდობა და ჩვენ იმავე ფორმით მიგვიყვანეს საელჩოს ბინაზე..

საელჩოს არსებობა იგაგრძელდა 1933 წ. (1921 — 1933 წ. წ.), სანამ ფრანგებმა არ შეტყვეს ვერეთ წოდებული „საბჭოებისა და საფრანგეთის პაქტი“. ამ პაქტის თანახმად, ხელის მომწერლებს, ე. ი. ამ ორ სახელმწიფოს არ შეეძლო გაეჩერებინა თავის ტერიტორიაზე რაიმე ორგანიზაცია, წინააღმდეგი მეორისათვის. თუმცა საქართველოს საელჩოს შესახებ არავითარი ლაპარაკი პაქტში არ იყო, მაინც მისი დატოვება პაქტიდან გამომდინარე შინაარს არ შეეფერებოდა.

მთელი ამ ცამეტი წლის განმავლობაში ჩვენი საელჩო სარგებლობდა ყველა იმ უფლებით, რაც ასეთ დაწესებულებას აქვს მინიჭებული, მიუხედავად იმისა, რომ ჩვენი ქვეყანა დაპყრობილი იყო.

ამ 13 წლის გასწვრივ უმთავრესი დანიშნულება საელჩოს იყო ლტოლვილების დაცვა; ამ მხრივ, მართლაც, დიდი სამსახური გაუწია ამ დაწესებულებამ ქართველ ლტოლვილებს: ყოველგვარი საჭირო ქალაქის გაცემა,

როგორც დაბადებისა, ისე დაქორწინების ან დასაქორწინებლისა, განათლების დამოწმებისა და სხვა. ავადმყოფების მოვლა, სამუშაოს მოძიება, — ერთი სიტყვით, საელჩო ეწეოდა ერთადერთ საჭირო მუშაობას ლტოლვილების ყოველ მხრივ დასაცავად. პროპაგანდულ მუშაობას და საქართველოს საკითხის დაცვას (სხვა და სხვა კონგრესებზე, თუ პოლიტიკურ წრეებში) ეწეოდა მთავრობა. საელჩო, როგორც ოფიციალური დაწესებულება მას ენმარებოდა, ანუ უკეთ რომ ვთქვათ, საელჩოს იხმარებდა... საელჩო გახდა ცენტრად საზღვარგარედ ჩვენი მუშაობისა.

საელჩოს წევრები იყვნენ: აკაკი ჩხენკელი — ელჩი; მიხეილ სუმბათაშვილი და ზურაბ ავალიშვილი — მრჩეველები; სოსიბატაე ასათიანი — პირველი მდივანი; ილამაზ დადუშქელიანი — მეორე მდივანი; ანტონ ჟორჯოლიანი და ალექსანდრე ქუთათელაძე — ატაშე; ეკონომიური ნაწილის გამგე — მათე სკობელევი, შემდეგში — ნ. ი. ჯაყელი; ინფორმაციული ბიუროს გამგე — ვიქტინსკი. ნივთიერი მდგომარეობა საერთოდ დიდად შევიწროებული იყო...

1933 წლისკვირიკობისთვის დიპლომატიურ სიაში აღარ ვიყავით. ამ ხნიდან საელჩოს არსებობა შესწყდა.

საფრანგეთის მთავრობა დათანხმდა, რომ ჩვენი „ოფისი“ გექნოდა. ეს დაწესებულება, რასაკვირველია, დიდად შორს იყო საელჩოსაგან, მაგრამ მაინც ერთად - ერთი ინსტიტუტი შეიქმნა ლტოლვილთა ინტერესების დასაცავად. „ოფისი“-მა არსებობა დაიწყო ბუალოს ქუჩაზე (ნომ. 38) და აქვე დამთავრდა. 1942 წლის იანვრიდან ეს ოფისი მოისპო. ამას ხელი შეუწყო ომის მიერ შექმნილმა პირობებმა; გერმანელებმა ჩვენი ოფისი გაიხრიკეს. რა უნდა ენახათ?! ამ დაწესებულებაში ხომ არა ვითარი პოლიტიკის გატარება თუ წარმოება არ შეიძლებოდა. ეს იყო ორგანო ქართველ ლტოლვილებისა, მათი ინტერესების დასაცავად შექმნილი და ვისაც სინიდისის ნატამალი აღმოაჩნდება, ის ვერასოდეს ვერ იტყვის, რომ ოფისი, როგორც ასეთი, ერთნაირად არ იცავდა ყველას ინტერესებს განუჩრჩველად პოლიტიკური რწმენისა. ოფისის დირექტორი მე ვიყავი; ოფისის მდივანი იყო სოსო გოგოლაშვილი; მესამე წევრად ითვლებოდა ალიოშა მდივანი (ვიცედირექტორი), რომლის ხარჯითაც ინახებოდა ოფისი. ეს უკანასკნელი ხომ სულ არ ეწეოდა ოფისის მუშაობაში!

გერმანელებმა შექმნეს ახალი ოფისი, ახალი დირექტორით, რომელიც მათ სრულ ნდობას იმსახურებდა. ეს იყო ალექსანდრე დიმიტრის ძე ქორქია. მე წინააღმდეგი ვიყავი ახალი ოფისის შექმნისა, მაგრამ თუ ეს ფაქტი იქნებოდა, მე ვემხრობოდი ბ-ნ ქორქიას: პიროვნება პატი-



საფრანგეთის პრეზიდენტთან დარბაზობისას; წინ: მეორე მარცხნიდან: სოსიპატრე ასათიანი; მესამე — აკაკი ჩხენკელი.

ოსანი და სამართლიანი. მე თვითონ ვთხოვე მას დათანხმებულიყო და მიეღო ეს პოსტი.

ამ ცვლილების შესახებ ვაცნობე საფრანგების ხელისუფლებას, რომელიც მეტად გულდაწყვეტილი დარჩა ჩვენზე ქართველებზე; მი განვეუმატე ხელისუფლებას, რომ ეს ცვლილება შექმნილმა მდგომარეობამ გამოიწვია და ეს არ ნიშნავს იმას, რომ ქართველები საფრანგეთის ხელისუფლების წინააღმდეგი არიან. მე თქვენთვის ძნელია დღევანდელ პირობებში ჩვენი დაცვა, ახალი თაგანო ემსახურება ლტოლვილების საქმეს და სხვა.

საფრანგეთის ხელისუფლებამ, რათა ლტოლვილები არ დარჩენილიყვნენ დაუცველად, ვინაიდან დიდი უმრავლესობა ახალ ოფისებს არ ეკარებოდა, დაადგინა — მოსპოს ყველა ძველი ოფისი (რუსების, სომხების, ქართველების) და შექმნას ახალი დაწესებულება. საფრანგეთის მთავრობამ შექმნა ერთი ბიურო საგარეო სამინისტროში, ლტოლვილებისათვის; ამ ბიუროში მან დააარსა სექციები ლტოლვილთა ცხოვრების და მიხედვით; რუსების სექცია, სომხების, ქართული უქრაინული, აზერბაიჯანულ-მთიელების, ჩეხოსლოვაკების და სხვა.

31. 8. 45 წ. ამ ჟამად ვასრულებ შვებულებას ჩემ მეგობარ ექიმ ანტონ ჟორჯოლიანისას, რომელიც

იმყოფება ნორმანდიაში, სენ - ენფერიერის დეპარტამენტის თავშესაფარში, როგორც ექიმი. მოვლა და პატივი საუცხოვო მაქვს; მინდა მართლა საფუძვლიანად დავისვენო და ამ ექვსი წლიდან დაქანცული ჯანი და აზრი აღვადგინო; ამისთვის ყველა პირობა მაქვს; მოვლის მიხედვით, არა მაკლია რა; ბუნება აქ არის თვალ წარმტაცი რასც დიდად უწყობს ხელს გულის და აზრის სიმშვიდეს; მიდამოები მწვანე ნოხით მოგებული; აქა-იქ გორაკები და ხშირი ხეობა. აქ ერთი რამ მაკლია: ჩემი შვილიშვილები. ხშირად გამიგონია ბევრი რამ შვილიშვილების სიყვარულზე. უწინ ძნელი იყო ჩემთვის ამის შესახებ მეთქვა რამე. ეხლა კი მესმის და მე გამონია ამის ახსნაც მაქვს; მე უკვე მოხუცებული ვარ; ეს იმას ნიშნავს, რომ დღეს არა, ხვალ სამუდამოდ ამ ქვეყნიდან გავალ; ამ ჩვეულებრივ შემთხვევაში ადამიანი რაღაცას სანუქუმოს ეძებს; ძნელია შეურიგდე იმას, რომ შენ აღარ იცოცხლებ, აღარ იქნები. ამ დროს, ამ საშინელი სასოწარკვეთილების ხანაში, პირადი განცდების დროს, ხედავ შენ შვილიშვილს, რომელიც იწყებს სიცოცხლეს, სიცოცხლეს, რომელიც შენ მას გადაეცე; მასში ხედავ გაგრძელებას შენი სიცოცხლისას; შენ რწმუნდები, რომ თუ ფიზიკურად ჰქრები, სულიერად რჩები ამ ქვეყნად; ეს დიდი ნუგეშია და ამ ნუგეშს ეტრფი; თითქმის მასში ხედავ ერთად ერთ აზრს შენი არსებობისას, რაც ბადებს შენში დიდ იმედებს, დიდ სიყვარულს და ამავე დროს შიშსა და მოუსვენრობას იწვევს; ერთი სიტყვით, შვილიშვილებით ცოცხლობ; რა თქმა უნდა, ისინი გიყვარს და გიყვარს გატაცებით, უფრო მეტად, ვიდრე შენი შვილები. ჩემი ახსნა ასეთია; ყოველ შემთხვევაში ის ექვემდებარება ჩემს განცდებს: ეს უნდა იყოს ნორმალური გამოხატულება იმ გრძნობისა, რომელსაც ბაბუა განიცდის შვილიშვილების მიმართ.

ძალიან ბეჭდი რამ გამოვტოვე ამ მოგონებათა რვეულებიდან, რაც ომისა და შემდგომ ხანას ეხებოდა; რადგან დღეს არ არის შესაფერი დრო ყველაფერი დაიბეჭდოს. ხელნაწერი რჩება ბ-ნ ვიქტორ ნოზაძესთან შესახად... მომავალ თაობათათვის...

სოსიპატრე (ქიქიკო) ასათიანი

† შალვა ამირეჯიბი

(შალვა ამირეჯიბის დაუბეჭდავი ლექსები. არქივიდან)

კოტე აფხაზის სიკვდილზე (მისი დახვრეტის გამო)

როს ჩვენი დროის რევოლუციის მწირ ანარეკლად
ჩვენში მატურებს ისე სდაგავენ, ვით თივის ზვინებს,
თავისის ფეხით აღის ბრიყვი კვარცხლბეკზედ ძეგლად
და ჯალათობა სათნობის იწნავს გვირგვინებს,

შენ, მოკლებული საფლავისა მყუდრო სიამეს,
განუბანელი აიაზმით აღის წყლებიდგან,
უცდი, შემოვა მტრის ბანაკში ეტლი პრიამის,
რომ გამოიხსნას შვილის გვამი მტრის ხელებიდან.

და გენატრება შენ საფლავი სადმე მდელიოზედ,
რომ უდგეს ბუჩქი, ზედ ბილიკი ჩაუდიოდეს,
რომ კვლავ შეგეძლოს გადმოხედვა საქართველოზედ
და შენი გული იმის ბედზედ აღარ სჩიოდეს

არ ითაკილებს ჩვენი დრო რომ გაგხადეს ლეში,
ჩვენ მწუხარ გულებს შენი ფიქრი მაინც უნათებს,
და რომ სახელი დიდი გქონდა შენ სიცოცხლეში,
ეხლა შენ ამას ველარავინ დაგამუნათებს!

1923 წ.

კოტე ანდრონიკაშვილს

გახსოვს შენ, წუთი რომ მოგვიფრინდა,
შეკრბა ბედენზედ ჩვენი ლაშქარი,
ბერმა ალამი გვიკურთხა წმიდა
და აჯანყების ზარი დაჰკარი.

და საქართველო აღსდგა უკლებლად,
შეგვექმნა, ძმაო, ომი ჩართული,
წუთით ამადლდა თავისუფლება,
მაგრამ დამარცხდა დროშა ქართული.

მე გამოვიქეც მარცხის მნახველი,
შენ მანდ დარჩენა უფრო გიჟვარდა
და გავიტაცე შენი მახვილი,
დაღლილ ხელთაგან რომ გავივარდა.

არ იცი ბედი სხვას რას გარგუნებს...

მყევხარ მეტეხში გამოკეტილი,
მაგრამ დადგება წუთი კეთილი
და მოყმე კარებს მოგიკაკუნებს.

თავისუფლება აღსდგება მაშინ,
ხალხის გულიდგან მოისმენ სალამს
და ჩვენი დროშა მტრისა შემაშინ,
შენსა მეტეხზედ გადაშლის ალამს.

(უთარილო)

ელენე აფხაზს

თავისი წლები ერთხელ მღიმარი,
ალერსიანი ბედით და ხალხით,
გამოიტირა როგორც სიზმარი
და ცხოვრობს ეხლა მოსილი თალხით,
ვით ჩვენი დროის მისამძიმარი.
მაგრამ ძაძაშიც ვით ანდრომანმა
მან შეირჩინა ძველი მშვენება,
თუმცა მიუწევს მას გული გაღმა
და ფიქრიც იქით მიეხვენება.
არად ახარებს ხანი ყოვლისა
და თავით ნაზად დახრილი მკლავზედ —
სდგას ვით ქანდაკი ცოცხალ ხსოვნისა
თავისი ქმარის კარგულ საფლავზედ

(უთარილო)

ქანდაკი

შეჩერებულა შენი ხედვა ვით ქვა შურდულის,
შენი ბაგენი ხმიერობას ველარა სცემენ,
როგორც პანდორას — ბერწი არის შენი მუცელი
და მაგ ძუძუთაგან რძენი აღარ დაიღვრებიან.

და მაინც ბრძნულის მოთმინებით გქედდა ოსტატი
და დღე და ღამეს ასწორებდა შენსა ძერწვაში...
არ არის სწორი — მარტო სული ელტვოდეს სხეულს,
არაიან ხორცნიც სულებიდგან გამოქცეულნი!

გამუს

სოფელი

მიყვარხარ შენა, ხან ჩაფხუტში, როგორც ხევსური,
ავდარში ნაბლით, ამინდისას ფაღანაებში,
მაშინაც, ოდეს შენი ღვინის მესმის ზევსური,
მაშინაც, ბრძოლის, დახმარობ როს ბანაკებში!
და შორითგანაც, სად კდემილი შენი მშვენება
ისე დამიდის წინ, ვით ხატი და მოჩვენება.

მიყვარს შენ ტყეთა შიფიცული, ღამის მთევარი,
და პაემანი ბრძოლებისა, თიადი ჩვილი,
თავისუფლების როს ღანდისა უქმად მღევარი,
ჩვენ გვატარებდა უკმეხ შუბლით ჩოლოყაშვილი
და ჩვენთა ცქენთა ნატერფალებს მტერი თან სდევდა
და ლტოლვისა გზას გვიმაღავდა მარცხი და სევდა.

ნუ თუ ვერ ვნახო შენი ველის მე უტევანი,
შენს ირიბს გზებზედ ურემი რომ ზანტად ჭრიალებს,
ძირს დეღავს ყანა და ფერდობზედ მომწიფს მტევანი,
და სერებზედაც ჯიხვი ფრთხილად უვლის ფრიალებს,
მალლა ნაზიდი გუმბათები და ჯვარი სადა, ..
ჰაეროვანი ჩარდახები შენ ფირუშ ცათა!

შენთა ასულთა ნუ თუ ვეღარ მხვდეს ალი მწველი,
არა ტრფობისთვის — ჩემთვის უკვე მწარე წაგებისა,
რომ მათ შეუნდო ჭრილობანი გულისა ძველი
და დაგილოცო ახალ მოდგმა ძველის თემისა...
რომ სიკვდილისა მანდ მომემსან მეც ხმანი ბონნი
და იქ დავიფლა, სადაც წვანან მეთანამბოხნი!

(უთარილო)

უსათაურო

ჰაერში გრილა, ტყეს უხდება შემოწითლება,
მზე დგება გვიან, ჯდება აღრე და წვება ნისლი,
დღე მოწყენილი ნაზ ამინდში მოკლეთ ითლება
და ილუნება წყლის ნაპირზედ ქარისგან ისლი.

შენ შორს ხარ ეხლა და იგონებ ზაფხულის დღეებს,
როცა გულს ნატვრა გიყვალდა და ბაღში ვარდი;
როგორც მე ეხლა შენ გიგონებ და სცვივა ხეებს,
კარებზედ მაღლა შემოდგომა და გულში დარდი

ჩემო პატარავ! დროს მაგონებს ჩვენი ეს ქცევა:
ის მიჰქრის უკან და გვაშორებს ერთხელ ნახულებს,
სჩანს, ჩემი გული შენც ისევე ვერ დაგეწევა,
ვით ჩვენი მწყურალი შემოდგომა თავის ზაფხულებს.

(უთარილო)

ვნახავ თუ არა მიდამოებს ჩემგან ნავიწყებს,
ველებს, მოვლებულს კვერხანჭრით, კორომებს შავსა,
სალამოს ნიავს, ჩამონაბერს შორის ქედებით,
როცა დღის მუშა მინდვრებიდან ბრუნდება სახლში

და მენახირე შინ მილაღავს გამაძღარ მოცადს...
ისმის ბლავილი, გოგოები დასდევენ ხბორებს
და დედაკაცი გავესილ ჯიქნებს უდგამენ ქოთახს!
უკანასკნელი ძაღლის ყუფა სწყდება სოფელში

და ნისლოვანი სერის წვერზედ, ვით შუბის ტარზედ,
ღამის მინდვრების დედოფალი ამოდის მთვარე,
და ქრება ცეცხლი ანეულში ღამიხარისა!
ჯადო ქვეყანავ! ჯადო წუთო! ვით მენატრება

თვალის დახუჭვა შენსა კალთაზედ, ისევე ახელა,
რომ მერე ისევე მე უცქირო დღისა ცხადებას,
გავართო თვალი და ნაქეზი მოვქანცო გული,
რომ კვლავ უტიო მიწიერი და ფიქრს შეეძლოს
ღრუბლის იმიერ სივრცეებში განავარდება!

(უთარილო)

შ. შ — ს (შალვა შარაშიძეს)

სატირის სულო, მცინავო გზნებით,
ბატუსის მგზავრო ურძნის ტყეებში,
მითხარ, რომელის დადიხარ გზებით,
თავს რითი ირთობ უგვან დღეებში?

ჩქარა ენდროთი იღებე წვერი,
რქები ნახე და მორთე ფლეიტა,
ხმები გაირქე ყელში უშვერი,
ზედაც ჩლიქები, ბარწყყს ქვეითა

და მოსდე შიში პანური ჭალებს,
რომ აიშალნენ ყველა ჯოგები,
პანი მოჰყავდეთ მხრებით ტყის ქალებს,
ვაზებსაც ძირში ეღვათ დოქები,

ცეკვით, კიჟინით, თავისა რეტით,
ვაცი კვდებოდეს ბოტის ჭერაზედ
აკაკისა და ვაჟას მღერაზედ!
და საქართველო სდგებოდეს მკვდრეთით

(უთარილო)



მოვა თუ არა უამი ნეტარი,
რომ მაგ სოფელში წალამ-ყავრიანს,
სადაც ატარებთ წლებს უკვე გვიანს,
თავისუფლების მხდალი მხედარი,
მე შეგხვდეთ თქვენა ნაზს და ჯავრიანს.
თქვენ ისევ ხალი გშვენოდეთ ყელზედ,
მე სათნოება ძველი რიდობის,
მე მოწიწებით გემთხვიოთ ხელზედ
და გითხრათ, მაღამ, დილა მშვიდობის!
თქვენ მე მიამბოთ დახვრეტილ ქმარზედ,
მან თქვენ სიყვარულს მრავალი სცოდა,
მაგრამ რას იზამთ, მაგ ზნესთან მწარზედ,
მოკვდა ვით გმირი, როგორც სხვა ცოტა.
მითხრათ, რომ ერთ დღეს დაგიწვეს სახლი,
რომ თქვენ იყავით ასე უიღბლო,
თქვენ უჭმელობით მოგიკვდათ ძალი
და დაგელუპათ მთლად თქვენი ბიბლო!
რომ კომისარი გიცქერით ცერად,
ბედლად გიქციეს კარის საყდარი,
და მღვდელი, თქვენ რომ ჯვარი დაგწერათ
დღეს გაკრეჭილი უტაბლოდ არი.
ბალიც აკაფეს ნაგები ვარდით,
სადაც სიონი ამოდ ჰბერავდნენ
და სადაც ისე ნაზად მიყვარდით,
სექტემბერიდგან ოქტომბერამდე!
და თქვენ პვირონაც!.. ვერ იტყვის ენა,
ვით გაუძელით ჯოჯოხეთს ამთელს,
მაგრამ თქვენ ისევ ბევრი გაქვთ თმენა
და დარდით შემცდარს უვლით დედამთილს!

დრონი ჰმუნვებით გულს გვიკოდინან,
საწუთრო გვიზის თაღის გუნებით,
წლები უკულმა აღარ მოგვდიან
და შთენილებიც მივლენ მუნებით,
გითხრათ, რომ უამთა ჭანაკიდებზედ,
მე გულჩვილობა წამერთვა თუმცა,
აღარ დავდივარ პანაშვიდებზედ,
ვაძბობ საძძიძარს აღარ და ხუშცა,
და თუმცა გულზედ სხვა მიჩანს ხაზი,
სხვა სწვავს გუნებას ფიქრი ხნიერი,
მაინც მეძახდა თქვენი ხმა ნაზი
და მსდევდა თქვენი ნაზი იერი!
სალამოს თქვენგან დაკრული ფუგა,
მაგ მხრებზე შალი, ტარტზედ ჯეჯიმი,
მერე ეგ თქვენი მიცვლილი ცუგა,
მე რომ არაფრად მაგდებდა მუდამ
და ერთხელ კიდევ მიკბინა კულამ,

და ერთის სიტყვით, ის წყნარი შუკა,
რასაც დღეს ჰქვიან ძველი რეჟიმი —
ყველა სხვა იყო, ყველა ეს მახსოვს,
ეს იყო თქვენი ცხოვრების ჩარა,
ვით ხელი მქცნარი, ჩვეული საქსოვს,
ფიქრი მათ ხსოვნას ართავს, ვით ჯარა,
მაგრამ იქნება მისმინოთ მეცა,
ვით დატრიალდა ჩემს თავზედ ზეცა?!

გახსოვთ თქვენ ღამე იგი კვიმატი,
ოდეს ტფილისი ჩვენი დაეცა?
თქვენ არ გჯეროდათ მოსვლა იმათი
და მალე წასვლა მჯეროდა მეცა.
გვეგონა, აი, მიდის მთავრობა,
ევროპა ჩვენთვის თალხს ჩაიცვამდა!
მხოლოდ იმაზე იყო ჯავრობა —
გემზე რომელი ვის ჩაისვამდა!
მაგრამ წაგვიხდა ვარაუდები
და მოსპეთ თქვენი თქვენც რაუტები!
განჯინებიდან ვყიდევით თეფში,
მოგვიცდა რთველი, მერე ალოცა,
ჩოლოყაშვილი გაიჭრა მთებში
და ხალხმა მისი კვალი დალოცა!
მაშინ ქვეყნისა ვნახეთ გმირობა,
მაგრამ ტერორმა გაგწვევითა წელში,
ჩვენ ერთმანეთში შევთქვით პირობა
და სულ ავჯანყდით ოცდაოთხ წელში!
მან შეიწირა რაც იყო ნარჩი,
მეც აღსასრული ბევრი მიხვეწე,
მაგრამ, როგორც თქვენ, ცოცხალი დავრჩი
და ბოლოს აქეთ გადმოვიხვეწე!..

გითხრათ, რომ რაც გულს მიანდა სწორად
და რითაც სული იყო შვებული,
ყველა მანდ დამრჩა და დავალ შორად,
ვით კუბო საფლავ მიტოვებული,
რომ ვცხოვრობ მხოლოდ ფიქრით უნდლით
და მარტო ერთი რად მიღირს თუნდა —
თუ რა გუნებით ავდგები დილით,
ის წინაღამით ვიცოდე უნდა.
მაგრამ მაშინაც, საიდან სადა,
ჩვენ ბეჯითნი ვართ მუდამ ამაში,
რაც უნდა სუფრა გვეშალოს სადა,
ადათს არ ვკარგავთ პურის ჭამაში.
დგება თამადა. ჩვენა ვართ ჩუმად.
ღვინოს დაისხამს ერთი სამადა
და სადღეგრძელოს ამბობს ბითუმად
ის დალოცვილი ჩვენი თამადა.
და გველანდება შორი ხეობა,

ნაპირში ციხე, კოშკებ ჩართული,
კოშკებში საბლი, სახლში დღეობა
და თქვენი ღზინი ასე ქართული!
და ვხედავთ, როგორ მოდლილსა ღზინით,
ქალზედ დახრილა ჭაბუკი კოხტა
და სურს თავისი თათბირის ენით
ახალ აღნაგი სულის ამოხდა!
ის კი მდუმარებს სახე ჯავრიან
და წაუღია ფიქრებსა მწარეს,
რომ ზოგნი უკვე აღარ არიან
და ზოგნიც უცხოვს წასულან მხარეს.
და თან ისეთი გვაწვება ელდა,
რომ ვერ აგიწერთ ვერც ამ უსტარით,
ეს სუფრაც ისე გამერიკელდა,
ვით ამერიკას თქვენ გაუსწარით. (...)

(უთარილო)

მ. ფ — ს (ვერა ფალავას)

თქვენ ჯერ იყავით მაშინ პატარა,
მე კი ნაკაში წელთა შავი უღით,
მერე მე ბედმა სხვა გზით მატარა
და მერე სულაც გადამავიწყდით.

ჩვენ ისევ შევხვდით უცხო არეზედ,
თქვენ უკვე დიდი, მეც სხვა ჰაოთი,
თქვენ მოწყენილი მშობელ მხარეზედ,
და მეც იქითგან ახლად ნაოტი!

მე უსწორ ბრძოლის სისხლიან ველზედ
ერთად დამცვივდა ვით ქარს ძახველი
— პოეტის ქნარი, მიბმული ყელზედ
და მეომარის ბასრი მახვილი.

თქვენ კი იმედი გამკობთ აღმგზნობი
და მხიბლავს თქვენი ბედი სვიანი,
სახელიც ჩემთვის ასე ნაცნობი,
საკიც ჩემთვის ასე გვიანი.

(უთარილო)

(უსათაურო)

მიყვარდა თქვენი შლეიფი,
თქვენი კაბები გრძელ ქობა,
თქვენს დღეობაში ქეიფი,
თქვენი უმანკო ცელქობა,

მხრებზე დაყრილი ხშირი თმა,
უბე შებმული დილითა,
სადამოს სიყვარულის თქმა
და გაბუტება დილითა!

ეხლა თქვენ მოკლეთ იკრიბავთ,
მოკლეს ატარებთ კაბებსა,
მკლავი სულ ღია მოგიჩავთ
და იცხებთ ფერად აბებსა!

დრო იყო თითონ გცოდავდით,
თვალი ტანს გხდიდათ ამოსა,
ეხლა უინ დაგიცოტავდით
და თვალით გაცმევთ სამოსსა!

(უთარილო)

თ. ქ.

მშვიდობით მწვანე კიკეთო,
მუხნარო, დიღო ვერხვებო!
ბიჭებო ასეთ-ისეთო,
მაწვენებო, თონლო კვერცხებო!

ქალაქს მივდივარ დილაზედ,
მზე ამწვავს გზაში კეფასა,
ძალი მწოლარე სილაზედ
დამიწყებს ზანტად ყეფასა!

(უთარილო)

რუბაიუბი

მშვიდობით! — მითხრა სინათლემ.
ნახვამდის! — მითხრა წყვილადმა.
ცალკე დადიან — ვინათგან
ერთად არგიან არავის!

მე არ მინახავს მდინარე,
უბრუნდებოდეს სათავეს!
მეც ჩანვლე ჩემი ცხოვრება
და უკან ველარ შევკვები...

ყველა მცონარეს მეძახის;
საკუთარ ნიჭის ურგებსა.
არც მე მინახავს მცენარე
თითონ იკრეფდეს ნაყოფებს!

ამის უკეთეს დროებას
მეგონა წელნი მომგვრიდნენ
და მხვდა სიბერე ხანგრძლივი,
საგონლად მოკლე ყრმობისა!

(უთარილო)

შალვა ამირეჯიბი

ალექსანდრე შათირიშვილი

ემოციური განცდები ვეფხისტყაოსანში

(იხილეთ „კავკასიონი“, ნომ. 10, 11, 12).

3. გრძნობა

ბ). სევდა და სიხარული

ჩემი ძვირფასი მასწავლებლის, ლეწლ-მოსილის, ნიქიერი ქართული ფსიქოლოგის და მეტად კარგი ადამიანის პროფესორ დიმიტრი უზნაძის ხსოვნას, მისი დაბადებიდან 80 წლის, მისი ნაამაგარის, თბილისის ქართული უნივერსიტეტის 50 წლის აღსანიშნავად

ჩემი ძვირფასი მეგობრების, თავდადებული პატრიოტების და ღირსეული საზოგადო მოღვაწეების, სამსონ ფირცხალავას, სიმონ მდივანის, აკაკი პაპავას, სტეფანე კასრადის, ფილიპე შარადის, ვლადიმერ დოლიძის და რუბენ ყიფიანის ხსოვნას, საქართველოს დამოუკიდებლობის გამოცხადების 50 წლის თავზე

სევდიანი, გულითადი მოგონებით.

„საწუთრო კაცსა ყოველსა ვითა ტაროსი უხვდების: ზოგჯერ მზეა და ოდესმე ცა რისხვით მოუქუხდების“ „ვ. ტ.“, სტრ. 705.

ნცდა ერთი პოლიუსის არეში მოკლე დროით, დიდი ხნით, ან სამუდამოდ დარჩეს; ან კიდევ ემოციურობის ნოლის წერტილს მიაღწიოს „გულგრილობის სახე მიიღოს და ამით ინტერესი, მიზიდულობა და ხალისი დაჰკარგოს. მიუხედავად იმისა, რომ ემოციურობის წერტილ ნოლის განცდა გრძნობათა დამახასიათებელ ბევრ სპეციფიკურ თვისებებს იშორებს, იგი, ამ შემთხვევაშიც, ერთგვარი, დაუსრულებელი, ბუნდოვანი, თავისებური ემოციურობის მატარებელია; სწორედ ისე, როგორც ალგებრულ რიცხვთა დაუსრულებელ წყობაში რიცხვი ნოლი განსაზღვრული სიდიდეა და არა უბრალო არარაობა.

ადამიანის ფსიქიკა ორი პოლიუსის, სევდისა და სიხარულის, სიამოვნებისა და უსიამოვნების, შორის მიმდინარეობს. ეს ორი გრძნობა, სევდა და სიხარული, ან სიამოვნება და უსიამოვნება, ადამიანის ყველა განცდას, მეტი თუ ნაკლები სიძლიერით, სრული სინათლით, თუ ბუნდოვანებით, ცნობიერი გამოკვეთილობით, თუ ძნელად მისაწვდომ ქვეცნობიერი დაფარულობით ემოციურობის თავისებურ ხასიათს ანიჭებენ.

ამ მცირედი შენიშვნის შემდეგ ჩვენ შეგვიძლია დავიწყით ჯერ სევდის და შემდეგ სიხარულის ანალიზი.

ადამიანის ყოველი ფსიქიკური განცდა: ინტელექტური, ემოციური, თუ ნებულობითი აუცილებლად სევდის ან სიხარულის, სიამოვნებისა ან უსიამოვნების განსაზღვრულ ნიუანსების გავლენას აღიბეჭდავს.

„ფრანგული დიდი ენციკლოპედია“ ასე განსაზღვრავს სიტყვას „სევდა“:

ადამიანის თვითეული განცდა უკავშირდება გრძნობითი სამყაროს ამ ორი ანტიპოდური პოლიუსის — უაღრესი სიამოვნება, სიხარულის და უაღრესი უსიამოვნება, სევდის — ინტერვალში, დაუსრულებელი გრადაციით განწყობილ ემოციურობის რომელიმე წერტილს.

სევდა არის ფსიქიკური განცდა, რომელიც დაკავშირებულია განსაკუთრებული სახის ორგანიზლ მდგომარეობასთან. ეს ფსიქიკური განცდა უპირველეს ყოვლისა არის გრძნობა დეპრესიისა, ხან ტანჯვით დართული, ხან ტანჯვის გარეშე.

ესა, თუ ის განცდა გადადის ერთი ემოციური პოლიუსიდან მეორე პოლიუსის არეში ან შეუმჩნეველად, თანდათანობით, ნელი გადანაცვლებით, ან უცებ, ერთი მყისი ნახტომით; ისიც შესაძლებელია, რომ ესა თუ ის გა-

სევდის უაღრესად დამახასიათებელი ისაა, რომ იგი ყველა ჩვენს განცდას და ყველა ჩვენს აზრს განსაკუთრებულ განათებას აძლევს; ყველაფერს ნაღვლიან ელფერს ანიჭებს; ჩვენს აწმყოს, ჩვენს წარსულს და ჩვენს

მომავალსაც; სევდის გავლენით ჩვენ თითქმის გვეკარგება ხალისიან მოგონებათა გახსენების უნარი; არა იმ თვალსაზრისით, რომ ჩვენ ვივიწყებთ წარსულში განცდილ სიხარულს; არამედ იმიტომ, რომ სევდის გავლენით ეს სასიხარულო განცდებიც ნაღვლიანი ცნობიერების ელფერს ღებულობენ.

სევდა ხშირად წარმოიშვება იმით, რომ ესა თუ ის მოგონება, ან მოგონებათა მთელი ჯგუფი მოსვენებას არ აძლევს ადამიანს; ასეთები არიან მოგონებები ვინმეს დაშორებისა, ან სიკვდილისა, ან კიდევ რომელიმე მარცხისა.

მოგონებათა ასეთი აკვიატება სევდის წარმოშობისათვის აუცილებელი არაა; სევდით შეპყრობილი ადამიანი ზოგჯერ აღარ ფიქრობს სევდის გამომწვევ მოვლენებზე; იგი დანაღვლიანებულა ყოველგვარ მოგონებათა პირდაპირი შემოქმედების გარეშე; და ბოლოს, ისეთი შემთხვევებიცაა, როცა ადამიანის სევდა არავითარ გარკვეულ მოგონებას არ უკავშირდება, როგორც ამას მელანქოლიის დროს აქვს ადგილი.

სევდის მიზეზი ორგანოა: სურვილი და ფსიქიური.

ხშირად ჩვენ თვით ვამჩნევთ, რომ ჩვენი სხეულის გაურკვეველი ცუდად ყოფნა გვალბობს. ხან კიდევ თავს სევდიანად ვგრძნობთ ყოველგვარი მოტივის, ყოველგვარი შეგრძნებების გარეშე; შთაბეჭდილება გვექმნება, რომ ჩვენი სევდა უსაბაზოა; ექიმის ჩარევას შეუძლია გამოარკვიოს, რომ ამ განუსაზღვრელ, თითქოს უმიზეზო სევდას, სწორედ ჩვენი ორგანიზმის ცუდად მოქმედება იწვევს. ხშირად სევდის წარმოშობი მიზეზი არა ორგანიული, ფსიქიური მოვლენაა. თუ სრულიად ჯანმრთელ, კარგად მყოფ, სასიამოვნო სინესტეზიის მქონე ადამიანს უცებ ცუდ ამბავს აცნობენ, იგი სევდიანი გახდება; ასეთი ფსიქიური ფაქტორები შეიძლება სრულიად ცნობიერი, ან მთლიანად ქვეცნობიერი იყოს.

ზოგჯერ ადამიანმა კარგად იცის, თუ რისთვისაა იგი სევდიანი; ზოგჯერ კი მას არ ესმის, თუ რატომ ნაღვლიანობს იგი; ფსიქოლოგიურ ანალიზს შეუძლია გამოარკვიოს, რომ მისი სევდის მიზეზი ქვეცნობიერია.

ფრანგი ფილოსოფოსი ლუი ლაველი ხაზს უსვამს იმ ფაქტს, რომ ადამიანი ყოველ გრძნობას განიცდის იმის მიხედვით, თუ როგორი განწყობა (ატიტიუდი) აქვს მას ალბუტულ მომენტში: უარყოფითი თუ დადებითი (პასივური, თუ აქტივური).

ამ განწყობის მიხედვით ტკივილი, ტანჯვა, მწუხარება და სევდა შეიძლება წარმოდგენილ იქნან ან როგორც უდიდესი მანერობის, ბოროტების წყარო, ან უდიდესი სიკეთის საწყისი.

როცა იგივე უნე სამართლიანად გვარწმუნებდა, რომ არიან ადამიანები, რომლებიც თავს დამარცხებულად არა-

ვითარ პირობებში არ გრძნობენ და ბრძოლას ყოველგვარი პირობების მოცემულობის გარეშე აგრძელებენო, იგი დადებითი, ანუ აქტიური განწყობის გამოვლენას აღნიშნავდა.

განვიხილოთ სევდა ჯერ უარყოფითი, პასივური განწყობის განათებაში: სევდა, მისი ხასიათი და მისი გავლენა ადამიანზე ბევრმა ფსიქოლოგმა აღწერა; უკანასკნელთა დიდი უმრავლესობა, თითქმის ყველა ისინი, სევდას ნეგატიურ ხასიათს ანიჭებენ.

სევდა, როგორც ასეთი, ადამიანის გონებრივი და მოქმედებითი გამოვლენის, აქტივობის დამაბრკოლებელია. სევდა ადამიანის სულიერ ცხოვრებაზე მძლავრად მოქმედებს, ყველა ფსიქიური ფუნქციის დასუსტებით და გამრუდებით. სევდით შეპყრობილ ადამიანს ყოველ დღეში შემდეგი სახით წარმოგვიდგენს:

„სევდის დამკვიდრების შემდეგ ჩვენ ნათლად აღმოვაჩინეთ, მიუხედავად ამ სევდის წარმოშობი მიზეზების სხვაობისა, მრავალ მეტად, თუ ნაკლებ შერეულ გრძნობას, რომელთა შორის მათში ყველაზე ძლიერია გრძნობა უძლურებისა (ემპუსისა) და იმედის დაკარგვისა (დეკურაჟმანი); „მე აღარაფრის ხალისი არ მაქვს; მე აღარ მაქვს აღარავითარი გამბედაობა (კურაჟი); მე დამტვრეული ვარ (ბრიზე) და სხვა“. ასეთია ფრაზები, რომელიც სევდით შეპყრობილთ წამ და უწუმ პირზე აკერიათ; ასეთი ფრაზები, ჭეშმარიტად, ნამდვილ განცდებს ასახავენ; ამას თვით მოქმელთა გარეგნობაც ადასტურებს..

როცა სევდა ღრმა არის, ადამიანს ებადება ბუნდოვანი შეგრძნება იმისა, რომ სევდის შექმნაში მონაწილეობას იღებს მთელი მისი სხეული; ადამიანი გრძნობს სევდას თავში, რომელიც მიწისაკენ იხრება; ფეხებში, რომელიც მას ეკეცებიან; ხელებში, რომლებიც მას ძირს ეშვებიან; მთელ ორგანიზმში, რომელიც ყოველგვარ აქტივობას ჰკარგავს; სევდით შეპყრობილი გრძნობს, რომ ყველა მისი მოძრაობა შენელებულია; რომ იგი ვეღარ ახერხებს ადვილად გათბობას; რომ მას ხელები გაყინული აქვს; რომ იგი მთელი ტანით კანკალებს“. 1). გვ. 357.

დარუინი კიდევ მეტი ფიზიოლოგიური დეტალებით გადმოგვცემს სევდის თვისებებს:

„სულიერი ტანჯვის ძლიერი კრიზისის შემდეგ, როცა ამ ტანჯვის გამომწვევი მიზეზები კიდევ მოქმედებენ, ჩვენ ვვარდებით დავრდომის (აფესმანი) მდგომარეობაში; ეს დავრდომა და სასოწარკვეთა (დეკურაჟმანი) ზოგჯერ აბსოლუტური არიან. ამ შემთხვევაში, სისხლის შიმოქცევა ნელდება; სახე ფერს ჰკარგავს, კუნთები გრძელდება, თვალის ქუთუთოები ძირს ეშვებიან, თავი მკერდისაკენ იხრება, სუნთქვა ნელდება და ხანგამოშვებით ღრმა ამოხვნეშით წყდება. ზოგჯერ კი ტანჯვა წყვეტოვანებით (პარ აკსე) აღიძვრება და მწუხარების ნამდვილ პაროქსიზმად იქცევა; ეს უკანასკნელ-

ლი იწვევს სასუნთქი კუნთების სპორადულ შეკუმშვას, ან კიდევ ყელისაკენ მიმართულ „გლობუს ჰისტერიკუს“-ის მსგავს მოვლენას“.

ჟორჟ დიუმა ამბობს:

„ყველა დაკვირვება აღნიშნავს სევდით შეპყრობილთა ემოციურ უძლურებას, მათ სიზანტის ყოველგვარი სახის ინტელექტურ დაძაბულობის და ნებისითი მოქმედების ყოველგვარი ფორმის მიმართ... რაც შეეხება იდეების, წარმოდგენების, ხატების მოძრაობას, საერთოდ ძალიან ნელი და მეტად ღარიბია; აზროვნებაც და წარმოსახვაც სუსტნი ხდებიან“ . 1). გვ. 356-356.

სევდის თვისებების აღწერის უბრალო გათვალისწინებაც კი საკმარისია იმ დასკვნისათვის, რომ სევდით შეპყრობილი ადამიანი მოქმედებისა და აქტივობის მიმართ ვერ არის ხელსაყრელად განწყობილი.

სევდის ფსიქიური განწყობა არა თუ აბრკოლებს ადამიანის ადეკვატურ მოქმედებას: საჭირო მომენტში გარემოებისათვის შეგუებულ საჭირო აქტების წარმოებას, არამედ ხშირად ეს განწყობა მთლიანად ამრუდებს ამ აქტებს. ადამიანი სევდის მიერ ყველა მისი ფიზიკური და ფსიქიური ფუნქციის დასუსტებით ან ზოგი მათგანის ალკვეთით უშინდობა მოქმედებათა სიძნელეს და სიმძიმეს.

ამავე დროს სევდის გავლენით საკუთარ სამყაროში ჩაკეტვით, იგი გარემო სინამდვილეს შორდება. სევდის მიერ შექმნილი სულიერი განწყობილება თავისი ხასიათით მარცხის კომპლექსს უკავშირდება, რაც ადამიანს წარმატების მიღწევის ყველა საშუალებას ართმევს და ამით ბრძოლისათვის გამოუსადეგარად ხდის, ამ გარემოებას სწორად ასახავს მეზონავი, როცა იგი გვეუბნება:

„სევდა თავისი პოსტის დატოვება... იგი უტყუარად ადამიანს ყველაფერზე ხელის აღების, აბსოლუტური სასოწარკვეთილების გზისაკენ მიაქანებს. რამდენადაც ეს სევდა უფრო შორს მჭვრეტია, მით უფრო ადვილად არწმუნებს იგი ადამიანს, რომ მან ბძროლაზე ხელი უნდა აილოს; სევდა უფრო მავნეა, ვიდრე ტყვილი, რადგანაც იგი ადამიანის მიერ თავისად მიჩნეულია... და (რადგანაც იგი არაფერს აყურებს), სევდა სრულყოფი ნეგატიური ქცევია; იგი ამ თავითვე სიკვდილის და არარაობის მიღება... სწორედ ამიტომ მორალისტებმა იგი სამუდამოდ დაჰკმეს; იგი ერთად ერთი გრძობაა, რომელიც სპინოზამ აბსოლუტურად უნაყოფოდ აღიარა“ . 2). 58

ჩვენ რომ ეხლა „ვეფხისტყაოსანი“ გავშალოთ და იქ სევდის დახასიათება მოვნახოთ, დავინახავთ, რომ ძირითადადში რუსთაველის გაგება და აღწერა ამ გრძობისა მჭიდროდ ეგუება თანამედროვე ფსიქოლოგების მიერ მოცემულ სევდის სურათს.

ვეფხისტყაოსანში ჩვენ ვპოულობთ სევდის ყველა იმ ფსიქიურ და ფიზიკურ ნიშნებს, რომლებსაც თანა-

მედროვე ფსიქოლოგები სევდას განუყრელად ანიჭებენ: პასივობას, მის მიერ ადამიანის აქტივობის შენელებას და გამრუდებას, მისი აზროვნების და წარმოსახვის დასუსტებას, მისი ნებელობის დაძაბუნებას: ბრძოლაზე და მოქმედებაზე ხელის აღებას; თავისი თავის ნდობის დაკარგვას; იმედის გაცრუებას; უილაჯობის და უძლურების დამკვიდრებას; გარეშე სამყაროს გავლენის შემცირებას და შინა-სამყაროსაკენ მიბრუნებას; ხალხისა და საზოგადოებისაგან გათიშვას. იქ ვხედავთ აგრეთვე სევდის ყველა ფიზიკურ ნიშნებს, როგორც მაგალითად: მკრთალი ფერი, მოღუნებული კუნთები, ჩამქრალი, უტემბრო ხმა, ზანტი მოძრაობა, ცრემლთა ფრქვევა, მოღუშული სახე, თვალების და თავის მიწისაკენ დახრა, გულის ტოკვა კანკალი, გულის წასვლა, დაბნედა; შეგრძნებათა გამოვლენის დასუსტება, უიმედობა, უძილობა, მოწყენა, უხალისობა, დაუდევრობა, მოუთმენლობა და მრავალი სხვა.

საერთოდ, სევდის ნამდვილი ნასიათი უარყოფითი, ანუ პასიური განწყობით განცდილი სევდაა.

ასეთი სევდა ამ განცდის ნამდვილი სახეა; დადებითი, ანუ აქტიური განწყობის სევდა კი ადამიანის მიერ გადამუშავებული, დაქვემდებარებული, საკუთარი აზროვნების ბრძმედში და საკუთარი ნების გავლენის ამსახველი განცდაა. ამ ნამდვილ, უშუალოდ განცდილ პასიური სევდის აღსანიშნავად რუსთაველი განსაკუთრებული სიძლიერით ორ მაგალითს გვაძლევს: მეფე როსტევეანის და ტარიელის სევდას.

მეფე როსტევეანის სევდა განდიდებული, განებივრებული მოხუცის სევდაა; იგი უფრო მეფის კაპრიზი და მოხუცის ნერვიულობის შედეგი არის; ამ სევდის მიზეზი ერთ და იმავე დროს სხეულებრივიცაა და ფსიქიურიც; იგი ცნობიერიცაა და ქვეცნობიერიც.

თინათინის ტახტზე აყვანის და მეფის მიერ თინათინისათვის ბრძნულ რჩევათა მიცემის შემდეგ „ნადიმად მსხდომთა ლაშქართა მუნ დიდი შემოყრილობა“; უცებ მოულოდნელად შეამჩნევს: ამ დრომდე მეტად მხიარული და ბედნიერი როსტევეანი ძალზე დაღონებულია:

მეფემან თავი დაჰკიდა და ჰქონდა დაღრუჯილობა; თქვეს, თუ: „რა უმძიმს მეფესა, ანუ რად ფერი ჰკრთო-მა“. სტრ. 56.

თქვეს, თუ: „**მეფე ცუდსა რასმე გონებასა ჩავარდნილა, თვარა აქა სამძიმარი მათი ყოლა არა ქმნილა“.** „ნეტარ, რა უმძიმს, რა სჭირსო?“ შექმნეს ამისი ცილობა. სტრ. 56-58.

ჯერ ეგონათ, რომ ამისი მიზეზი ის იყო, რომ როსტევეანის რჩევა: „რასაცა გასცემ, შენია; რას არა დაკარგულია“, თინათინმა გადაჭარბებული გულმოდგინებით შეასრულა და ამით მეფის ქონებას დიდი ზიანი მი-

აყენა. შემდეგ თვით მეფის პირით გაიგეს, რომ როსტე-
ვანის სევდის მიზეზი სულ სხვა იყო:

„ეგე არ მიმძიმს, ვაზირო, ესეა, რომე მწყენია:
სიბერე მახლავს, დავლიენ სიყმაწვილისა დღენია,
კაცი არ არის, სითვანცა საბძანებელი ჩენია,
რომე მას ჩემგან ესწავლნეს სამამაცონი ზნენია“. სტ. 62
„ერთაი მიზის ასული, ნაზარდი სათუთობითა;
ღმერთმან არ მომცა ყმა-შვილი, — ვარ საწუროსა თმო-
ბითა, —

ანუშცა მგვანდა მშვილდოსნად, ანუ კვლა ბურთობითა,
ცოტასა შემწვეს ავთანდილ ჩემგანვე ნაზარდობითა“. 63.

მეფის სევდის მიერ გამოწვეული არე-დარევა და აფე-
ქტი ჯერ კიდევ მთლიანად გამქრალი არ იყო, რომ მეომ-
რებმა წყლის პირას ფიქრებში და ტირილში გართული
ტარიელი აღმოაჩინეს. ეს სიურპრიზიც საბაზი გახდა
იმისთვის, რომ როსტევანი ხელმეორედ დასვედიანებუ-
ლიყო. უცნობი ტარიელის ვინაობის არ ცოდნა და გან-
საკუთრებით ტარიელის მიერ მეფის კაცთა დახოცვა და
ტარიელის უცები გაქრობა, როსტევანს პირველზე უფრო
ღრმა სევდაში აგდებს.

კვალი ძებნეს და უკვირდა ვერ-პოვნა ნაკვალევისა,
აგრე კვალ-წმიდად წარხდომა კაცისა, ვითა დევისა;
ლაშქარნი მკვდართა სტიროდეს, სწრაფვა აქეს წყალულ-
თა ხვევისა.

მეფემან ბრძანა: „ენახეთ მიზეზი ლხინთა ლევისა“
ბრძანა: „ღმერთსა მოეწყინა აქანამდის ჩემი შებვა,
ამად მიყო სიამისა სიმწართა დაწავლლება,
სიკვდილამდის დამაწყლულა, ვერვის ძალუც განკურნება.
მასვე მადლი! ესე იყო წადილი და მისი ნება“.

ესე თქვა და შემობრუნდა, დაღრეჯილი წამოვიდა,
არცალა ჰკრა ასპარეხსა, ვამი ვამსა მოურთვიდა;
ყველაკაი მოიშალა, სადაცა ვინ მხეცთა სრვიდა:
ზოგთა თქვეს, თუ: „მართალია!“, ზოგი: „ღმერთო!“ უზ-
რახვიდა. სტრ. 98, 99, 1000.

მეფე საწოლს შემოვიდა სევდიანი, დაღრეჯილი;
მისგან კიდევ არვინ შეჰყვა, ავთანდილ უჩნს ვითა შვილი.
ყველაყაი გაიყარა, ჯალაბი ჩანს არ-დაჯრილი,
გაბედიოდა სიხარული, ჩაღანა და ჩანგი ტკბილი. ს. 100.

ეს სევდა ისეთი სიმძიმით დააწვა მეფე როსტევანს,
რომ მან მის დასამშვიდებლად მოსულ თინათინს უთხრა:
... უცილოდ ღმერთსა მოვქულდი, აქამდის მე მხიარული.
ტკბილნი მისნი წყალობანი ბოლოდ ასრე გამემწარნეს,
დაშავიწყდა, რაცა დღენი მხიარულსა წამეარნეს,
ყოველმან პირმან ვაგლახ მიყოს, ველარავინ მინეტარნეს,
საღამდისცა დღენი მესხენ, ველარამან გამახარნეს!“.

ასეთი იყო მეფე როსტევანის სევდა.

როსტევანის სევდაზე უფრო ძლიერია ტარიელის სევ-
და. ტარიელის ვეფხისტყაოსანში პირველივე გამოჩენა

პასიუტი სევდის სრულ და ცოცხალ განსახიერებას გვა-
ძლევს; იგი ამ გრძობის თვისებებს თვალ-დასანახავად
და თითქმის ხელშესახებად გვივლინებს.

ნახეს უცხო მოყმე ვინმე ჯდა მტირალი წყლისა პირსა,
შავი ცხენი სადავითა ჰყვა ლომსა და ვითა გმირსა,
ხშირად ესხა მარგალიტი ლავამ-აბჯარ-უნაგირსა,
ცრემლსა ვარდი დაეთრთვილა, გულსა მდულრად ანა-
ტირსა. სტრ. 84.

წავიდა მონა საუბრად მის ყმისა გულ-მდულარისად,
თავ-ჩამოგდებით მტირლისა, არ-ჰვრეტიო მოლიზდარისად
მუნვე წვიმს წვიმა ბროლისა, ჰგია ვიშრისა ლარი სად:
ახლოს მივიდა, მოსცალდა სიტყვისა თქმად აღარისად.
ვერა ჰკადრა საუბარი, მონა მეტად შეუზარდა,
მოახსენა: „გობრძანებსო“, ახლოს მიდგა, დაუწყნარდა.
იგი ტირს და არა ესმის მისგან, გაუშემცარდა.
მის მონისა არა ესმა სიტყვა, არცა ნაუბარი,
მათ ლაშქართა ზახილისა იყო ერთობ უგრძნობარი;
ცრემლსა სისხლი ერეოდა, გასდის ვითა ნაგუბარი.
სხვაგან ქრის მისი გონება, მისმან თავისა წონამან!
ესე მეფისა ბრძანება ერთხელ კვლა ჰკადრა მონამან.
არცა დაავდო ტირილი, არცა რა გაიგონა მან.
არცა გახლიჩა ბაგეთათ თავი ვარდისა კონამან. სტ.85.

ტარიელი თავის სევდიან ოცნებაში იმდენად გარ-
თული იყო, რომ მას გარემო სინამდვილის აღბეჭდვის
უნარიც აღარ ჰქონდა, ტარიელი სინამდვილის მიმართ
ყრუ და ბრმა გახდა: მას აღარაფერი ესმოდა: არც მო-
ნათა ლაპარაკი, არც ლაშქართა „ზახილი“; ტარიელი
იხედებოდა, მაგრამ ვერაფერს ხედავდა.

მისი გონება მთლიანად სევდასთან დაკავშირებული
ოცნებით დახშული, გარემო სინამდვილის ფაგებისათვის
აღკვეთილი იყო.

რუსთაველი იძლევა აქ მკაფიო სურათს იმ ადამიანისა,
რომელიც სევდის გავლენით მთლიანად თავისი შინა -
სამყაროსაკენ მიბრუნებულა, ინტროვერსიის ნამდვილი
მსხვერპლი გამხდარა.

არა ნაკლები გამოკვეთილობითა წარმოდგენილი სევ-
დის მეორე თვალთახედვითი ნიმუშებში გამოსახული სუ-
რათიც: ავთანდილმა ტარიელი პირველად შორიდან
იხილა და შორიდანვე საკუთარი თვალებით ნათლად და-
ინახა ტარიელის სევდის სიმწარის სიღრმე, რომელიც ტა-
რიელის გარეგნობაში და მის ქცევაში გამოსჭვივოდა და
რომელიც თავისი სიძლიერით ტარიელის სულს ღრღნი-
და; დასვენების, ძილის და ჭამის საშუალებას ართმევდა,
მის სხეულს ასუსტებდა: ჯანით და სისხლით საყვე ვაჟ-
კაცს ზაფრანის ფერს აძლევდა; მუდამ „გა, მეს“ აძახებდა.
ავთანდილ სარკმლით უჭკრეტდა, ტყვე, საჭნით ნააზა.
ტები. სტრ. 267.

მან ქალმან ხელ-ყო კვესითა გზება ცეცხლისა ნელისა,

ეგონა ჭამა ხორციისა შემწვრისა, შეუქნელისა; მიუპყრა, ერთი ახლიჩა, ქმნაა საქმისა ძნელისა; ძალი არ ჰქონდა, დაუწყო გამოყრა უცოხნელისა. ს. 268 ცოტად მიწვა, მიიძინა, თუცა ყოლა ვერა მეტი; შეკრთა, დიდნი დაიზახნა, წამოიჭრა, ვითა რეტი, იზახდის და წამ-წამ იკრის გულსა ლოდი, თავსა კეტი. ცალ-კერძ ზის და პირსა იხოკს ქალი, მისი შენაჭვრეტი

მრავალი წლის განმავლობაში, რომელიც მის სულს და სხეულს ჰფიტავდა, რომელიც მის სიცოცხლეს ტანჯვით და ვაებით აცხვებდა, ისეთი სიძლიერით იყო გამოვლენილი მის გარეგნობაში, რომ ფრიდონი, ტარიელთან პირველად შეხვედრისას, მას განცვიფრებით და აღელვებით ეუბნება:

პირველ მითხრა: „არა ვიცი, რა ხარ, ანუ რას გამსგავსო? ანუ ვერა რამ დაგლია, ანუ პირველ რამ გაგავსო? რამან შექმნა მოყვითანოდ, ვარდ-გიშერი რომე, ჰრავავსო? ღმერთმან მისგან ანთებული სათელიცა რად დაგავსო? სტრ. 599.

ჩვენ კარგად ვიცით: ის, რამაც ტარიელი „დალია“, „მჭლედ“ გახადა, მას ყვითელი ფერი მისცა და „სანთელივით დასადნო“, სევდა იყო; ტარიელის ღრმა, განუშორებელი, მტანჯავი სევდა.

მიუხედავად ამისა ტარიელი არაა ეგოისტი, სხვათა თანაგრძნობის, სხვისი გაგების, სხვისთა გაწეული ამაგის დაფასების შესაძლებლობას მოკლებული არასდროს არ გამხდარა. მის საშველად მოსულ ავთანდილს ტარიელი სიყვარულით, მადლობით და თავდავიწყებით ეუბნება: ტარიელ იტყვის: „რად უნდა სიტყვისა თქმა მრავალისა? რაცა შენ ჩემთვის ვიქმნია, ღმერთი მზღველია ვალისა; კმა ზენაარი ზენარად, არ ნაქმარია მთრუვალისა, არ-დავიწყება, მოყვრობა მოყვრისა წარმავალისა.

აწ შემიხვეწე, ნუ დამწვავ კვლა წვითა უცხელესითა; მე რომე ცეცხლი მედების, არ ნავზებია კვესითა; ვერ დამზრეტ, შენცა დაიწვი სოფლისა ქმნისა წესითა. წადი, დაბრუნდი, შეიქეც მუნითვე, შენი მზე სით პ.

ის, რაც ჩვენ სევდაზე აქამდე ვთქვით, სევდის ზოგად თვისებებს აღნიშნავს.

ლაველი არ კმაყოფილდება ასეთი ზოგადი განხილვით; იგი შეეცადა გაერკვია განწყობის ცნების გამოყენებით, სევდის, ტკივილის, ტანჯვის და მწუხარების ყველა თვისების და განსაკუთრებით, სევდის სხვა და სხვა მომენტები; მართალია, ლაველი უფრო ხშირად ტკივილზე და ტანჯვაზე ლაპარაკობს; იგი სევდას და მწუხარებას ნაკლებად ასახელებს; ხოლო, რადგანაც ტანჯვა და ტკივილი, აუცილებლად, სევდის და მწუხარების შემცველი არიან, ლაველის მიერ ტკივილზე და ტანჯვაზე, თქმული სევდა - მწუხარებაზე გაავარცხელეთ. ლაველი იხილავს ტკივილსა და ტანჯვას


(მაშასადამე, სევდასაც), ჯერ, უფრო ვრცლად უარყოფითი (პასიური) განწყობის და შემდეგ, უფრო მოკლედ, დადებითი განწყობის თვალსაზრისით; ასეთი ასიმეტრია დამოკიდებულია იმაზე, რომ სევდა - მწუხარების და ტკივილი - ტანჯვის უარყოფითი გავლენის მიხედვით, განცდა უფრო ზოგადია; დადებითი განწყობა კი უფრო იშვიათია; იგი თითქმის გამოწველია. ჩვენ შევეცდებით, ლაველის ანალიზების რაც შეიძლება მეტი სისწორით, ავტორის ტექსტთან მეტი დაახლოვებით გადმოცემას.

„უარყოფითი განწყობა, — ამბობს იგი, — თავის თავად ისახება ოთხი, ერთმანეთისაგან განსხვავებული ფორმით, რომელთაც შევგიძლია დავარქვათ: ა). სულიერი დაცემა (აბატმან), ბ). ამხედრება (რევოლტი) გ) განდგომა (სეპარაციონ) და დ). აყოლა (კომპლენსანს) 4). გვერდი 94.95.

ა). სულიერი დაცემა. „როდესაც ტკივილი (ტანჯვა და სევდა) მეტად ძლიერი ხდება, ადამიანის ფსიქიური და ფიზიკური ძალები ჰკარგავენ ყველა თავის რესურსს და ვეღარ ახერხებენ საზრთანად მოქმედებას. ტანჯვის ატანის სიმძიმე და სიმწარე ადამიანის ძალების დასუსტებას, ზოგჯერ ნამდვილ პარალიზს, სრულს დაუძლურებას (პროსტრაციონ) იწვევენ. ზოგჯერ ტანჯვა (სევდა) ისე ეუფლება ადამიანის ფსიქიკას, რომ იგი სრულიად აღკვეთს იმ დიალოგს, რომელიც ჩვეულებრივ, მსჯელობის სახით მას თავის თავთან აქვს; იგი სპობს ადამიანის თვითპატრონობას და თავისი საკუთარი თავის პირად განკარგულებაში ქონებას, რაც აუცილებელი საჭიროებაა ადამიანის აზროვნებისა და ნებელობის გამოვლენისათვის... სულიერი დაცემა ის შინაგანი ზღვარია, რომლის იქით ტანჯვის ამსახავი ცნობიერება უზენაესი წმიდა პასივობაა... არავის არასდროს შეუძლია დარწმუნებით თქვას, რომ მან მთლიანად დახარჯა თავისი ძალები, რომ იგი სრულიად გამოიფიტა; არავის არასდროს შეუძლია შეუტყდომლად დაამტკიცოს, რომ ტკივილისა და ტანჯვისათვის მთლიანი დაქვემდებარებისა და დამორჩილების მომენტში მას მართლაც აღარ გააჩნდა თავისი არსის სიღრმეში აღარავითარი მცირედი რესურსი, რომელიც მას გაძლებისა და წინააღმდეგობის გაგრძელების საშუალებას მისცემდა“. 4). გვ. 95.96.

მწუხარება, სევდა და დარდი ყოველგან და ყოველთვის უპირატესად მარცხს ხედავენ და ყველა მოვლენას მარცხის განათებაში აღიქვამენ; ამით ისინი კაცს მოქმედებაზე ხელსაღებინებენ, დაბრკოლებათა წინაშე უკუ აქცევენ და მოქმედების მიღწევითი წერტილამდე მიყვანას შეუძლებლად ხდიან.

სწორედ ამიტომ ტარიელმა ყველაფერზე ხელი აიღო: თავისი სატრფოს ძებნაზეც!



ტარიელის ასეთი სასოწარკვეთილი უმოქმედო განწყობილება დიდ ხანს გაგრძელდა: თითქმის ათი წელიწადი (რამაზი ტარიელს: „დაიკარგენით, წახვედით თქვენ წელნი მეათენია“). სტრ. 1610.

ამ სევდიანობის ხანაში ტარიელი სრულიად ინერციული იყო.

ილია ჭავჭავაძე ამ პერიოდის ტარიელზე სრულიად სამართლიანად, მისთვის დამახასიათებელი ავტორიტეტული გამჭრიახობით ბრძანებს: „გულისთქმამ ცნობა წაართვა, ცნობის წართმევამ — ღონე და უღონობამ მჩვარადი აქცია ეს ახოვანი კაცი“-ო. 3). გვ. 424.

ამ პერიოდში ტარიელი ყოველგვარ ინიციატივას, სწორ განჭვრეტას, სინამდვილის გაგებას და გონიერ ქცევას მოკლებული იყო; მისი გონება დაბნეული და მისი გრძნობათა სამყარო შეკუმშული; მართალია, იგი მუდმივი გაუნელებელი სიყვარულით ფიქრობდა ნესტან-დარეჯანზე, ხოლო მას ერთ-ერთი სიტყვითაც არ გაუხსენებია თავისი ძვირფასი სამშობლო, თავისი თავდადებული ყმები, თავისი თანამებრძოლნი, თავისი გულითადი მეფე - მამობილი და დედოფალი - დედობილი. **სულიერად დაცემულმა ტარიელმა დაღლის, იმედის დაკარგვის გავლენით უცებ გადასწყვიტა, რომ მას აღარ გააჩნდა არც ძალა და არც საშუალება ნესტანის პოვნისათვის; ყოველივე ამით ტარიელი სასოწარკვეთილებას მიეცა:**

ვთქვი, თუ: ჩემგან აღარა ხამს სიარული, ცუდი ცურვა, ნუთუ მხეცთა სიახლემან უკუმყაროს გულსა ურვა. მონათა და ამა ასმათს სიტყვა ვუთხარ შვიდი თუ რვა: „ვიცი რამე დამირჯიხართ, დია გმართებს ჩემი მღურვა აწ წადით და მე დამავდეთ, ეტერუნით თავსა თქვენთა, ნულარ უჭვრეტთ ცრემლთა ცხელთა, თვალთა ჩემთათ მონადენთა!“ მითხრეს: „ჰაი, რასა ბრძანებ, ნუ მოასმენ ყურთა ჩვენთა!“

მეფე როსტევანიც თავისი სევდის ორივე შემთხვევაში სულიერად დაეცა ისე, რომ თვით მას არც განსჯა შეეძლო და არც დამოუკიდებლად მოქმედება; მან სრულიად დაჰკარგა თავისი საკუთარი გონიერების განჭვრეტა; იგი უილაჯო ადამიანივით სხვისაგან ელოდა თავისი გზის გაშუქებას და სევდისაგან თავის დაღწევის საშუალების პოვნას: თვით მას აღარა ჰქონდა არც პირველი და არც მეორე სევდის გაქარვების შესაძლებლობათა გამონახვის ძალა და უნარი; იგი უმწეო გახდა, როგორც სუსტი ბავშვი.

როსტევანი სრულიად ცნობიერი იყო ამ თავისი უმწეობისა და უძლურებისა; სწორედ ამიტომაც საშველად თინათინი იხმო:

უბრძანა, თუ: „წადი, უხმე! უმისობა ვით გავძლეო? მოახსენე: „რად დაჰბრუნდი შენ, მამისა სიცოცხლეო?“

მოდი, ჭმუნვა გამიქარვე, გულსა წელულსა მეწამლეო, გითხრა ჩემი სამიზეზო, მე თუ ღონითა რად დავლეო“.

თუ პირველი სევდა ავთანდილმა სანადირო მოედანზე გაუქარვა; მეორე სევდა თინათინის გონიერებამ გაანიავა:

ქალმან ჰკადრა: „ხელმწიფეო, დაღრეჯილსა ვინცა გცნობდეს, ვინცა განახა კადნიერად, რაზომ გინდა ამაცობდეს! თქვენნი აგრე დაღრეჯანი მნათობთაცა დაამხოძდეს! **კაცმან საქმე მოავაროს, ვეჭვ, ჭმუნვასა ესე სჯობდეს**“ სტრ. 107.


„მე ამას ვარჩევ :მეფე ხარ, მეფეთა ზედან მფლობელი. შორს არის თქვენი საზღვარი, ბრძანება-მიუთხრობელი. გაგზავნე კაცი ყოველგან მისთა ამბავთა მცნობელი, ადრე სცნობ, არის იგი ყმა შობილი, თუ უშობელი“.

ბ). ამხედრება. სევდის მეორე მომენტია ამხედრება, რომელიც გარეგნულად სულის დაცემას ეწინააღმდეგება და მისგან ძირითად განსხვავდება; ნამდვილად კი სევდიანი ამხედრების შინაარსი სულიერ დაცემას ენათესავება; ერთიც და მეორეც პასიური სულიერი მდგომარეობაა; განსხვავება ისაა, რომ სულიერი დაცემა წყნარად მიმდინარეობს; ამხედრება კი ზოგჯერ ბევრი ხმაურობის გამომცემია.

ადამიანს ტკივილი და ტანჯვა უცხო ელემენტად მიაჩნია, რომელიც მის დაუკითხავად შემოჭრილია მისი პიროვნების არცში და მის ცნობებებს, მის ნებისყოფას, მთელ მის არსს, იპყრობს; ამიტომ სრულიად ბუნებრივია, რომ ადამიანი უმხედრდება თავის საკუთარ ტკივილს და ტანჯვას, რომ მას სურს მათი თავიდან მოშორება. მაგრამ რადგან სევდიანი ამხედრება ნეგატიური განწყობის, ესე იგი, უკვე დაქვემდებარებულ, სულიერად დაცემულ ადამიანის „მე“-ს გამოძახილია, იგი ნამდვილ, შედეგის მქონე, კონსტრუქციულ აქტებს ვერ იწვევს: იგი ტკივილის და ტანჯვის (მაშასადამე, აგრეთვე სევდის) მიზეზების წინააღმდეგ კი არ მიემართება, არამედ მხოლოდ თავის თავს, თავის გარემოცულობას და მთელ ქვეყანას ესაყვედურება; ერთი სიტყვით, იგი პასიურად უმხედრდება ყველა მათ, ვინც და რაც ამ ტანჯვის მოსპობისა და შებრძოლებისათვის უძლურნი არიან.

ეს მიმართება, უბრალო, პასიური პროტესტი, ჩივილი, თავისი თავის სხვის მიერ შეცოდება, უსამართლოდ მიყენებული ტანჯვის და ამ ტანჯვის სიმძიმის აღიარებაა. 4). გვ. 97-98.

ეს ამხედრება იმას უდრის, რასაც ე. დიუმა აქტიურ სევდას უწოდებს, რომელიც მისივე თქმით, „პროტესტობს, ყვირის, ნანობს, და წუწუნებს... აქტიური სევდის ამხედრება მუდამ თანამორჩილების განუწყრელია. იგი ორმაგი ბუნების მქონე სასოწარკვეთილების აფექტია, რომელიც ამხედრების გრძნობასთან ურთად შეი-



ცავს აგრეთვე ერთგვარი უძღურების გრძობას“. 1). გვერდი 359. სწორედ ამიტომ უ. დიუმა თვითვე აღიარებს, „რომ, ამ შექმნევაში, ტერმინი „აქტიური“-ს ხმარება ნაძალადევა; და, თუ მან იგი იხმარა, იმიტომ, რომ ხმაურთან და უხმო სევდათა შესაფერი და უფრო სწორი ტერმინი არ ჰქონდა; დიუმა ნათლად აღნიშნავს, რომ მის მიერ „აქტიურად“ აღნიშნული სევდა არსებითად და უდავოდ „პასიურია“-ო. 1). გვ. 359.

ლაველიც ხაზს უსვამს იმ გარემოებას, რომ სიტყვა „ამხედრების“ „აქტიურმა“ შარავანდელმა არ უნდა მოგვატყუოს და არ უნდა დაგვაიწყოს, რომ ტკივილის და ტანჯვის, მწუხარების და სევდის ამხედრებითი განწყობა ნამდვილად პასიური, ნეგატიური ხასიათისაა; იგი ანგრევს, ასუსტებს და არაფერსა ჰქმნის; არაფერს ახალს, თავისებურს არ აშენებს.

როცა ტარიელი თავისი თავგადასავალის მოთხოვნის დროს მიაღწევს იმ მომენტის გახსენებას, სადაც ნესტანმა საყვედურებით აავსო თავისი მოტრფე „რჩევაზე“ დასტურის მიცემისათვის, ტარიელი თავის საკუთარ თავს და მთელს ქვეყანას აძაგებს:

აწ დავკარგე, რად არ გიკვირს, რად ცოცხალ ვარ, რად ვარ რეტად?
ვა, სოფელი უხანოო, რად ჰზი სისხლთა ჩემთა ხვრეტად? სტრ. 529.

როცა ფრიდონი სვირნობის დროს ტარიელს უამბობს, რომ მან შემთხვევით ნესტან დარეჯანის გამტაცებელი ნავი და თვით ნესტან დარეჯანი შორიდან დაინახა და შემდეგ ყოველივე ეს მან მხედველობიდან დაკარგა, ტარიელი თავისი უძღურების გამო თავის საკუთარ თავს უმხედრდებდა:

ესე მესმა ფრიდონისგან, მომემატა ცეცხლი, სიცხე, ცხენისაგან გარდავიჭერ, თავი სრულად ვავიციცხე, ჩემთა ღაწვთა დანადენი მე ჩემივე სისხლი ვიციხე. ელთხარ: „მომკალ, უჩემოსა ენახამცა ვისცა ისც ხე!“.

ასეთი ამხედრება ხშირია ტარიელის ცხოვრებაში; ზოგჯერ მისი ამხედრება მეტად ამალეღვებელია.

როცა ტარიელმა დაამთავრა თავისი ამბავის ავთანდილისათვის მოყოლა, იგი ერთხელ კიდევ მოიგონებს ნესტანის არა ჩვეულებრივ სილამაზეს და თავისი მდგომარეობის აუტანლობას:

მისსა ვერ იტყვის ქებასა ყოველი ბრძენთა ენები; მას დაკარგულსა ვიგონებ მე, სიცოცხლისა მთმენები; მას აქათ ვახლავ ნადირთა, თავსა მათებრვე მსხენები; სხვად არას ვიაჯ ღმრთისაგან, ვარ სიკვდილისა მქენები

ამ მწარე მოგონების მიერ გამოწვეული სრული უილაჯობის შეგნების გამო ტარიელი ისევ თავის საკუთარ თავს უმხედრდებდა:

პირსა იცა, ვახიეთქა ღაწვი, ვარდი ახეწა, ლალი ქარვად გარდაიქცა, ბოლო სრულად დაიღეწა.

ეს უმწეო ამხედრება თავისი თავის წინააღმდეგ ისე თი ამალეღვებელი იყო რომ: ავთანდილსცა ცრემლი წასდის წამწამთავან ერთ სახე, წა; მერმე ქალმან დაადუმა, მუხლ-მოყრილი შეეხვეწა.

მეფე როსტევეანის ამხედრება ერთგვარ წუწუნში, თავისი თავის შეცოდებაში, ღმრთის მიერ მისი უწყალოდ, დაუნდობლად და უღირსად აღნიშვნაში გამოიხატება:

უცილოდ ღმერთსა მოვძულდი აქამდის მე მხიარული... ტკბილნი მისნი წყალობანი ბოლოდ ასრე გამემწარნეს, დამავიწყდა, რაცა დღენი მხიარულსა წამეარნეს.

ყოვლმან პირმან ვაგლახ მიყოს, ველარავინ მინეტარნეს, სადამდისცა დღენი მესხნენ, ველარავინ გამახარნეს.

ბუნებით აქტიური ავთანდილიც განსაკუთრებული მტკივნეულობის დროს მსგავსი პასიური ამხედრებით რეაგირობს მოწოლილი სევდის მიმართ: ავთანდილის მეორეჯერ ტარიელთან მისვლისას, ტარიელი, თავისი დაპირების საწინააღმდეგოდ სახლში არ აღმოჩნდა; იგი სადღაც წასულიყო; ამ გარემოებამ ავთანდილი ძალიან შეაწუხა და ძალიან გააჯავრა:

ყმა დაჭმუნდა ვითამც რამე ჰკრეს ლახვარი გულსა შუა; ქალსა ეტყვის: „აჰა, დაო, ეგეთიმცა კაცი ნუა, იგი ფიცი ვით გატება! არ ვეცრუვე, ვით მეცრუვა! ვერ იქმოდა, რად მიქადა? თუ მიქადა, რად მიტყუა?

გამოდიოდა მისი სიტყვიდან, რომ ტარიელმა არ ასრულა თავისი დანაპირები და ამით ავთანდილი უსაზღვროდ შეაწუხა, დასტანჯა, თავისიანები უბრალოდ აფორიაქებინა, თავის ძირითად დანიშნულებაზე და ფუნქციებზე ხელი ააღებინა; მეფე როსტევეანი და თვით სახელმწიფო საფრთხეში თუ არა, ვასაჭირში ჩაადგებინა; სატრფო გრძელი ვადით დაატოვებინა; ერთი სიტყვით, ავთანდილის მიმართ მჩატედ, დაუფიქრებლად, ანგარიშის გაუწეველად, მოუწიდეზღად მოიქცა. ამან ავთანდილი ძლიერ ააღელვა, წყენით, ბრახით და სევდით აავსო; მიუხედავად ამისა, ავთანდილი მაინც ცდილობს როგორმე ტარიელი იპოვნოს:

ყმა გაემართა საძებრად მტირალი, ცრემლთა მფრქვეველი, ეძებს უსახის, უყივის, დღეებარ ღამეთა მთეველი სამ დღემდის მოვლო მრავალი ხევი, შამბნარი, ტყე, კელი;

ვერ პოვა, მივა მჭმუნვარე, ვერას ამბისა მცნეველი.

რასაკვირველია, ამ მომენტში ავთანდილი სრულიად უმწეო და სისოწარკვეთილი იყო; ეს სულიერი განწყობილება სწორედ პასიური ამხედრებით გამოვლინდა:

იტყვის: „ღმერთო, რა შეგცოდე, ეგზომ დიდი რა გაწყინე; რად შემასწარა ამა ბედსა, რა სასჯელი მომივლინე! გამეკითხელო, გამიკითხე, აჯა ჩემი შეისმინე, დამმოკლენ დღენი ჩემნი, ჭირი ამით მომიღხინე!“

გ) განდგომა. სევდის მესამე მომენტი განდგომა. ტკივილი და ტანჯვა მძლავრად იჭრება ადამიანის უაღრესად საიდუმლო ინტიმობაში, თუ შეიძლება ითქვას, მისი „მე“-ს შუაგულში; მას მთლიანად იპყრობს და პირადი მეობის შეგნების ჰიპერტროფიას ახდენს.

ამის გამო ტკივილი და ტანჯვა ადამიანის მთელ ყურადღებას მისი საკუთარი პიროვნებისაკენ და ამ პიროვნების მიერ განცდილ მოვლენებისაკენ მიმართავს; ამიტომ ეს უკანასკნელი მის პიროვნებასაც და მის განცდებებსაც სხვებისაგან განსხვავებულად, სხვისი გაგებისაგან მიუწვდომელ მოვლენებად წარმოიდგენენ.

ტკივილი და ტანჯვა იმდენად იპყრობს ადამიანის სულსა და სხეულს, რომ იგი ტკივილის და ტანჯვის გარეშე იმდენად სუსტი, იმდენად უმნიშვნელო არიან, რომ მას აღარ ძალუძს ადამიანის ინტერესი გააღვიძოს; სწორედ ამიტომ ადამიანს შთაბეჭდილება ექმნება, თითქოს მისი განცდები, მათი ხასიათი, მათი სიმძლავრე ისეთი არა ჩვეულებრივი არიან, რომ ისინი მათ განმცდელ პიროვნებას სხვებისაგან ძირითადად განსხვავებულად, რიგს გარეშე თვისებების მქონედ ასახავენ.

თანდათანობით, ტანჯული ადამიანი ეთიშება თავის გარემოცულობას; თვით იგი სხვებისათვის და სხვები მისთვის გაუგებარი, საერთო საზომის, საერთო ინტერესების მოკლებულად ხდება. იბადება გაყრა ტანჯული ადამიანისა და ყველა სხვა ადამიანთა შორის; იმათი ჩათვლით, ვისაც ამ ადამიანისათვის თანაგრძნობის, სიყვარულის მიტანა და მისი ტანჯვის სიმწარის შემსუბუქება სურს; ისე, რომ, ბოლოს, ადამიანი ჰკარგავს სხვებთან კავშირის და ურთიერთობის სურვილსაც კი და ამრიგად ეთიშება იგი ყველა თანამომძიებებს, თავის ქვეყანას და მთელს მსოფლიოს. 4). გვ. 99,100,101.

ტანჯვით შეპყრობილი ადამიანი მასთან თანაგრძნობით და დანმარების განზრახვით მისულ მეგობრებს და მის მიმართ ვალდებულებათა მქონე პირთ ეუბნება; — „თქვენ არ შეგიძლიათ გაიგოთ ჩემი ტანჯვა და ჩემი ტანჯვის ხასიათი. დამანებეთ თავი“-ო. 4). გვ. 101. სწორედ ისე, როგორც ამას სიკვდილის პირად ტანჯვით შეზარებული ტარიელი ეუბნება მის საშველად მისულ ავთანდილს:

რა ადვილად გიჩნს მოთმენა ჩემთა სასჯელთა თმენისა. მაწყენ, არა მცალს, დამეხსენ, არცალა ვახლავ თმობასა.

საშიში და მავნე აქ ის კი არ არის, რომ ტანჯვა და მწუხარება ადამიანს თავისი თავის „მე“-სკენ მიმართავს და თავისი შინა სამყაროსაკენ მიაბრუნებს; სავალალო და სამწუხარო ის არის, რომ ადამიანი მიეჩვიოს ასეთი განდგომით ცხოვრებას; იგი მიიღოს სასიამოვნოდ, თავის სასურველ იდეალად გაიხადოს; საბოლოოდ დაშორდეს ქვეყანას და ამით აბსოლუტურ ეგოიზმში ჩაიძიროს. რასაკვირველია, განდგომა ყოველ-

თვის ასეთ უკიდურესობამდე არ მიდის; მრავალხარისხეულობა: იგი ხან მეტად მოკლე ხნისა და ზერელეა; ხან კი მეტად, თუ ნაკლებად, გრძელი ხანიერობისა და მეტად, თუ ნაკლებად ძლიერებისა.

მეფე როსტევიანის განდგომა მოკლე ხნისა და არა ღრმა არის; იგი მის ოთახს არ გასცილებია:

ესე თქვა და შემობრუნდა, დაღრეჯილი წამოვიდა.

მეფე საწოლს შემოვიდა, სევდიანი დაღრეჯილი; ყველაკაი გაიყარა, ჯალაბი ჩანს არ დაჯრილი. გაბედიოდა სინარული, ჩაღანა და ჩანგი ტკბილი.

ასეთივეა დრო-გამოშვებით ავთანდილის სევდაც.

როცა ტარიელის ძებნის დაწყების წინ ავთანდილი თინათინს გამოეთხოვა, იგი მეგობრებთან, ჯარში კი არ წასულა, არამედ თავის საწოლ ოთახში; მას სურდა განმარტოვება, ფიქრთა მოკრება, თავის საკუთარ თავთან ყოფნა; აგრეთვე თავისი ცრემლების, სევდის სხვებისაგან დამალვა და, შეიძლება, თავისი სევდის გამოვლენისათვის გზის გახსნა:

ბროლი და ლალი გასრულვარი ქარვისა უყვითლესად-რე ბროლო და ლალო გასრულვარი ქარვისა უყვითლესადრე მაშინ რალა ექმნა, ვერ-ჭვრეტა რა მომხვდეს კვლა უგრძესად-რე. სტრ. 139.

საწოლს დაწვა, ტირის, მტირალსა ცრემლი ძნელად ეხოცების; ვითა ვერხვი ქარისაგან, ირხევის და იკეცების რა მიჰლულნის, სიახლევე საყვარლისა ეოცების, შეკრთის, დიდნი დაიზახნის, მით პატიჟი ეოცების.

განდგომა ზოგჯერ განსაკუთრებულად გაზვიადებულ ფორმას იღებს და ადამიანს ქვეყნისა და საზოგადოებრივობისაგან სთიშავს. ტარიელი თვით ამბობს:

სევდად მეცა კაცთა ნახვა, ცეცხლი უფრო გავიაღე, არ მიუფე ახლოს შეყრად, თავი ჩემი შევიწყაღე, . . . მათგან მკრთალი შემოვბრუნდი, ტყესა შიგან დავიმაღე; ვთქვი, „ნუთუმცა უკუმრიდა, რა გათენდეს, წავალ ხვალე“. სტრ. 271.

იმისთვის, რომ ეს განდგომა ტარიელს აბსოლუტურად გაეხადა, იგი, როგორც ჩვენ უკვე ვიცით, გადაიკარგა მხეცებით გავსილ და ძნელად გასავალ ტყეებით შემოქალტულ უდაბნოში, რომლის მიკვლევა ავთანდილს აგრე რიგად გაუჭირდა. აქ ტარიელმა, ასმათთან ერთად, მრავალი წელი გაატარა ისე, რომ ტარიელს არასდროს უსურვებია ამ უდაბნოდან გასვლა და ადამიანთა წრეში დაბრუნება. აქ ტარიელმა იპოვა თავის სულიერ მდგომარეობასთან შეფარდებული გარემო, სადაც იგი თავისუფალ გასავალს აძლევდა თავისი სევდის კულტივირებას.

ვინ იცის, თუ როგორ დამთავრდებოდა ტარიელის ასეთი გაზვიადებული განდგომა, ავთანდილს იგი რომ არ მიეგნო და თავისი აქტივობით არ დაეხსნა ამ ნებსითი ტყვეობისაგან!

დ). აყოლა. ტანჯვის აყოლა ლაველს ერთგვარ პარადოქსად მიაჩნია; იმის ნაცვლად, რომ ადამიანი მოიშოროს, გარიყოს ტკივილი და ტანჯვა, იგი მათ ურიგდება და ეგუება. ტანჯვასთან, ტკივილთან შეგუება მწუხარე, სევდიან ცნობიერებაში იწვევს საკუთარ პიროვნების განსაკუთრებული მნიშვნელობის და ღირსების შეგნებას: რადგანაც ტანჯვა მეტად ძლიერი, თავისებური, ექსკლუზიური ფაქტორია, მისი მზიდველი პიროვნება ამ პიროვნების თვალში მეტად თავისებური და დიდ ბუნებოვან არსად ისახება. ასეთი ადამიანის შეგნებაში მწუხარება და ტანჯვა განარჩევენ მის პიროვნებას მისთვის განსაკუთრებულ, არა ჩვეულებრივ ღირსების მინიჭებით; ყოველ შემთხვევაში, მისი ბანალური პიროვნებათა დაშორებით და გამონაკლისობის, უნიკუმიობის, თავისებურობის კატეგორიაში აყვანით.

ტანჯვა - მწუხარებით მოცულ ადამიანის შეგნება თანდათან იმ აზრს ექვემდებარება, რომ მისი პიროვნება უფრო ფაქიზი განცდებით უფრო მდიდარი, თავისებურობით მეტად განსხვავებულია; რომ ტანჯვა-მწუხარება მას სხვებისაგან განარჩევს და აკეთილშობილებს. და ამრიგად ადამიანი იწყებს (რასაკვირველია, არა ყველანი, არამედ ზოგი მათგანი) თავისი ტკივილის, ტანჯვის, მწუხარების, სევდის კულტივირებას; თავისი თავის ტანჯვითი შარავანდედით შემოსვას (კიულტიურ დე სუფრანს). ასეთ ადამიანს ეჩვენება, რომ ყველას არ შესწევს ძალა დიდი ტანჯვა აიტანოს და, თუ კი იგი ამას ახერხებს, ეს შეუცდომელი ნიშანია მისი პიროვნების ღირსებისა; მისი რწმენით, ადამიანის გრძნობიერობის საზომია არა სიამოვნება, არამედ ტანჯვის ატანის მოცულობა (კაპასიტე დე სუფირი).

საშიშროებაც აქ სწორედ ისაა, რომ ადამიანი ასეთი წარმოდგენით თავის საკუთარ თავს ყველა სხვა ადამიანთ უპირისპირებს და ასეთი დაპირისპირებისთვის ამავე წარმოდგენაში გამართლების საბუთს პოვულობს. 4). გვერდი 102, 103, 104. სევდის ეს უკანასკნელი მომენტია, „აყოლა“, ვეფხისტყაოსანში ნაკლები სიძლიერითაა მოცემული; ხოლო ზოგი სტროფის ინტერპრეტაცია საშუალებას გვაძლევს, რომ ეს მომენტიც ვიგულისხმოთ, განსაკუთრებით, ტარიელის სევდაში; ყოველ შემთხვევაში, ტარიელის სევდის უკანასკნელ პერიოდში.

ტარიელი თავის სევდასთან თითქმის ათი წელი განუშორებლად ცხოვრობდა; იგი მისი პიროვნების ძირითადი გრძნობა და მისი განცდების განუწყვეტელი, განუკვეთელი ფონი გახდა. ტარიელისათვის სევდა მისი წმიდათა წმიდა ქონებად ისახებოდა; და ამიტომაც მისი უვნებლად შენახვა, მისი კულტივირება, ტარიელისათვის ცხოვრების იდეალიც და აზრიც უნდა ყოფილიყო; სწორედ ისე, როგორც ნესტან დარეჯანის პიროვნების მოგონების უნაკოდ მეხსიერებაში შენახვა ტარიელისა.

თვის ცხოვრების აზრი და იდეალი იყო. ეს განუხლებელი, მრავალ-წლებული ტანჯვა მას თავის დაკარგულ სატრფოს მოგონების შენახვას ემსახურებოდა; უკანასკნელ წუთებში, სიკვდილის მოახლოების მომენტში, სწორედ ამ ტანჯვის სიმძიმე უსახავდა ტარიელს იმედს საიქიოში ნესტანის ხილვისას.

თუ ეს, ტარიელისათვის მწარე და ამავე დროს წმიდა ტანჯვა არ იქნებოდა, არც ნესტანის მოგონებაც არ იარსებებდა ასეთი ცოცხალი სახით. ამიტომ ტარიელის თვალში მის ტანჯვას ერთგვარი სიწმინდე, ღირებულება და აზრი ჰქონდა; ტარიელი თავის ტანჯვას მთლიანად არასდროს შერიგებია; იგი მას მთლიანად არასდროს აპყობია; ხოლო ამ ტანჯვის საიხლოვე და ინტიმოზა მას ნესტანის საიხლოვეს და ინტიმოზას აგრძნობინებდა; ამდენად ტარიელი თავის ტანჯვას ნაწილობრივ იწყნარებდა, იგუებდა და ითვისებდა. თუ ტარიელი ამ მძიმე ტანჯვას სიამოვნებით „მწარე ტკუნებით“ არ განიცდიდა, იგი, უდავოდ, მას არ ეწინააღმდეგებოდა; მისი დაშრეტის დაშუალებებს არ ეძებდა. იმდენად, რამდენადაც ტარიელი ნესტანის მოგონებას, ხსოვნას კულტივირებდა; იმდენად, რამდენადაც ეს მოგონებები ტარიელის ტანჯვას უკავშირდებოდნენ, ცხადია, ტარიელი ამ ტანჯვას იწყნარებდა; მას სასურველად სთვლიდა. ამის მოწმეა ვეფხისტყავე, რომელსაც იგი განუშორებლად ატარებდა და აგრეთვე ასეთივე ვეფხისტყავე, რომელსაც ასმათი მას ქებაში მისვლისას დასაჯდომად და დასაწოლად უგებდა. აი, ასეთი არის სევდის, ტკივილის, ტანჯვის და მწუხარების განვითარების მომენტები.

საინტერესო და აღსანიშნავი ჩვენთვის ის არის, რომ ვეფხისტყაოსანში სევდა მარტო ზოგადი ნიშნების მსგავსებით კი არ ეგუება თანამედროვე ფსიქოლოგიის აღწერას სევდის ხასიათისას, არამედ აგრევე თითქმის ყველა დეტალებით.

აქ ჩვენ შეგვეძლო გაჩერება და სევდის ნეგატიური, პასიური განწყობის განათებაში განხილვით დაკმაყოფილება. ჩვენ ეს შეგვეძლო, ერთი იმიტომ, რომ ვეფხისტყაოსანში მთავარი და უდიდესი სევდა ტარიელის სევდა არის, რომელიც უკვე ვიცით, ნეგატიურ, პასიურ განწყობის განათებაშია განცდილი. მაგრამ საკითხის უფრო მეტი სისრულის თვალსაზრისით უკეთესია. რომ განვიხილოთ აგრეთვე დადებითი, აქტიური განწყობის გავლენაც სევდის განცდაზე. ამისთვის ჩვენ მივმართავთ ლუი ლაველთან ერთად მაქს შელერს.

დადებითი განწყობა ტკივილს, მწუხარებას, ტანჯვას და სევდას არ სცვლის, მათ ბუნებას და მათ ხასიათს არ ასხვავებებს; ეს განწყობა მათ იმორჩილებს, იქვემდებარებს და სძლევს; ეს განწყობა მათ გარკვეულ აზრს, შინაარს ანიჭებს; და ყოველივე ამით ადამიანის სული.

ერი არსის ამოღებას, მისი ფსიქიკის გამდიდრებას, გაზღდას და გაფურჩქინას იწვევს; მისი მოქმედების და ცხოვრების სიძნელეთა გადალახვის ახალ, მძლავრ საშუალებებს ანიჭებს. ამ მოსაზრებას ლუი ლაველი შემდეგნაირად ასახულებს:

ლაველის აზრით, ყოველგან, სადაც ტკივილი, მწუხარება, ტანჯვა ან სევდა არსებობს, არის აგრევე საშიშროება (პერილ), რომელიც ადამიანს ემუქრება. ტკივილი ადვილად ჰქმნის ადამიანის ფსიქიკაში უარყოფითი განწყობას ყველა მისგან გამომდინარე შედეგებით; ამის მიზეზია ის, რომ ადამიანი ტკივილს და, მაშასადამე, ტანჯვას, მწუხარებას და სევდას წარმოიდგენს როგორც სრულიად დასრულებულ, დამთავრებულ ფაქტს. იგი ფიქრობს, რომ ტკივილის და ტანჯვის წინააღმდეგ ჩვენ არაფერი შეგვიძლია გარდა იმისა, რომ ტანჯვა მწუხარება განვდევნოთ, თავიდან მოვიშოროთ აქ მთლიანად დავეკვემდებაროთ მათ. ნამდვილად კი ადამიანმა უნდა ისწავლოს არა მარტო ტკივილის და მწუხარების ატანა, არამედ აგრეთვე მისი შეღწევა, მისი ჩაწვდომა (პენეტრე) და მისი დასაკუთრება (ა ლა ფერ სიენ); ტკივილი - ტანჯვა არ არის მხოლოდ ადამიანის არსის აღკვეთა (პრივასიონ დე ლეტრ) ინ მისი შემციობება; იგი გულისხმობს აგრეთვე პოზიტიურ ელემენტს, რომელიც ადამიანის ცხოვრებას ერთვის (ს ენკორპორ) და მას სახეს უცვლის.

ყოველი ადამიანი სცდილობს ტკივილის (ტანჯვა, მწუხარების, სევდის) თავიდან მოშორებას იმ მომენტში, როცა ტკივილი - ტანჯვა ადამიანზე მოქმედებს; ხოლო წარსულის პერსპექტივაში იგი დადებითად ჩანს; ადამიანი ამჩნევს, რომ წარსულში განცდილმა ტანჯვამ მასზე უდიდესი გავლენა მოახდინა; რომ მან მის ცხოვრებას სიღრმე და სერიოზულობა მიანიჭა; რომ ტანჯვა - ტკივილმა მას ღირებული, ძირითადი ცოდნა მისცა იმის შესახებ, თუ რას წარმოადგენდა მისი გარემოცულობა და მისი ხვედრი.

ლაველი გვიმტკიცებს: ჩვენ რომ დავაკმაყოფილოთ ყოველი ადამიანის უდიდესი კანონიერი, ბუნებრივი სურვილი — თავიდან აიცილოს ყოველი ტკივილი, ტანჯვა, მწუხარება, ბევრნი მეტს დაჰკარგავენ, ვიდრე მოიგებდნენ. აქ მთავარი იმდენად ის კი არ არის, თუ რის მოცემა შეუძლია მას ადამიანისათვის, როცა ადამიანის ნებელობა ტანჯვა-ტკივილის მიმართ განსაკუთრებული სახით მოქმედებს.

უდავოა, რომ ტკივილი, მსგავსად მწუხარებისა, სევდისა და ტანჯვისა, წარმოადგენს ერთგვარ გახევას (დე-შირიურ), ადამიანის „მე“-ს ორად გაყოფას, ადამიანთა არსის სფეროში კონფლიქტის წარმოქმნას და მისი არსის გაბზარვას (ეკლატმან). ტკივილი-ტანჯვა ადამიანის პიროვნების მთლიანობას სპობს, რადგანაც ადამიანი

ერთ და იმავე დროს არის არსი, რომელიც იტანჯება და არის, რომელსაც ტანჯვა არ სურს.

მაგრამ განა მართალია ის აზრი, რომ ყოველივე ეს ადამიანის არსის დაღარობებს წარმოადგენს, როგორც ამას ზოგნი ფიქრობენ?

ლაველის მიხედვით, ეს აზრი სწორიცაა და ყალბიც.

„იგი, მართალია, იმდენად, რამდენადაც ტკივილი და ტანჯვა მხოლოდ იქ არის, სადაც დაზიანება და ჭრილობა არის; მაგრამ იგი აგრეთვე მცდარია, რადგანაც ტკივილი და ტანჯვა ანიჭებს ადამიანის განცდებს საოცარ აგზნებას და არა ჩვეულებრივ რელიეფს; ადამიანის პიროვნებას შესაძინებ გაფაქიზებას და გაღრმავებას, მისი შინაბუნების განწმენდის იარაღს და აგრეთვე სხვებთან ერთობის (კომუნიონ) დამყარების საშუალებას (დადებითი განწყობის შესახებ 4)). გვერდი 105.6-10.

ამავე საკითხს ეხება აგრეთვე მაქს შელერიც. იგი გამოდის იმ ძირითადი დებულებიდან, რომ ყოველი გრძობა განსაზღვრული მნიშვნელობის, აზრის მატარებელია.

„ცოცხალ ქმნილებათა ყოველგვარი ტკივილი და ყოველგვარი ტანჯვა, — ამბობს შელერი, — შეიცავენ რაიმე აზრს (მნიშვნელობას), ყოველ შემთხვევაში, ამა, თუ იმ ობიექტურ აზრს, როგორც ეს არისტოტელმა აღნიშნა: სიამოვნება და უსიამოვნება წარმატებას, ან დაბრკოლებას აღნიშნავენ“.

შელერი ამტკიცებს, რომ ტკივილი და ტანჯვა დამოკიდებულია იმაზე, თუ როგორი ხედება მას თვით ადამიანი, თუ როგორი სულიერი განწყობით იღებს იგი მათ; რასაკვირველია, ადამიანს არ შეუძლია ტკივილსა და ტანჯვას თავისი სპეციფიური ხასიათი გამოუცვალოს; ტკივილი და ტანჯვა მუდამ ისეთი რჩებიან, როგორც ისინი თავისთავად არიან. ხოლო ადამიანს შეუძლია თავისი განწყობის საშუალებით მათ გარკვეული აზრიანობა, გარკვეული მნიშვნელობა მისცეს და ამით ტკივილის და ტანჯვის ატანა გააძნელოს, გააადვილოს, ან სასურველად გახადოს. როცა ადამიანმა იცის, რომ მისი შემაწუხებელი პატარა სიმსივნე კიბოს ქონების ნიშანია, ადამიანი განუზომელად დამწუხრებულია, რადგანაც იგი ამ მცირე ტკივილიდან სიკვდილს მოელოს. ადამიანი ოპერაციის შემდეგ მაგარ და მწვავე ტკივილს სიხარულით იღებს, იმიტომ, რომ დარწმუნებული არის: ოპერაცია წარმატებით და ავადმყოფობის სრული აღკვეთით დამთავრდა. აქ თვით ტკივილის ხასიათი, სიძლიერე და ხანგრძლივობა კი არ არის მთავარი, არამედ ის მნიშვნელობა, რომელიც მას აქვს ტკივილის განმცდელ ადამიანისათვის.

ამას შელერი შემდეგნაირად განმარტავს:

„ჩვენ შეგვიძლია აღვნიშნოთ ის, რომ ადამიანის „მე“ ერთ და იმავე ემოციურ განცდას სხვა და სხვა მომენტში სხვა და სხვა სახეს აძლევს: ჩვენ შეგვიძლია ტანჯვას

„მთლიანად მივენდოთ“; ან მას წინააღმდეგობა გავუწიოთ; ჩვენ შეგვიძლია იგი „მოთმინებით ავიტანოთ“, ან და უბრალოდ ვიტანჯოთ; ჩვენ შეგვიძლია აგრეთვე მისით დაეტკბეთ, როგორც ალგოფილის დროს. ეს ტერმინები ყოველთვის იმას აღნიშნავენ, რომ აქ საქმე გვაქვს შეგრძნების ცვალებად მოდლობასთან და ამ შეგრძნებისაკენ მიმართულ ნებელობასთან... ამ „ემოციურ„ფუნქციების“ ზევით ჩვენ ვვდებით ჩვენი პიროვნების აქტებს, რომელთაც შეუძლიათ მისცენ ჩვენს გრძნობებს... სრულიად სხვა და სხვა გვარი ხასიათის სიდიდე, აზრი.. ნაყოფიერება ჩვენი კონკრეტული ცხოვრების მთლიანობაში“.. 5). გვ. 4.

ამ ცოტა ბუნდოვანი გამოთქმით შელერს იმის თქმა სურს, რომ ყოველი გრძნობა, როგორც ყოველი განცდა, განისაზღვრება უარყოფითი ან დადებითი, პასიური ან აქტიური განწყობით; სწორედ ისე, როგორც ამას საფრანგეთში სხვებთან 12) ერთად ლუი ლაველი და საქართველოში დიმიტრი უხნაძე და მისი ღირსეული მოწაფეები ფიქრობენ.

„ტკივილის, როგორც ობიექტური მოვლენის, ნებსით გამოწვევა უაზრობაა; ასეთივე სისულელე იქნებოდა, რომ ადამიანი ეძებოს და ელოდოს ისეთ მოვლენას. რომელიც მას ტანჯვას მოუტანს; ასეთი ქცევა პათოლოგიურ ხასიათს აღიბეჭდავდა“. 5). გვ. 13.

მაგრამ როცა ტკივილი ადამიანს იპყრობს, იგი ტკივილს განსაზღვრულ, დადებითი ან უარყოფითი, მნიშვნელობას ანიჭებს; ზოგჯერ იგი, მისი ნებისაგან დამოუკიდებელ ტკივილს და ტანჯვას სასურველად იღებს.

ტანჯვა ადამიანისათვის მაშინ არის დადებითი და სასურველი, როცა იგი რომელიმე სხვა დადებითი მოვლენის „სიმპტომი“ და მათუწყებელია ან თანამგზავრია (მაგალით.: მშობიარობა). როცა ტანჯვა რომელიმე ღირებული მიზნის განხორციელებას გულისხმობს და წინ უსწრებს, როცა იგი „სხვისი“ სამსახურის შედეგია; როცა იგი თავისი თავის სიკეთისათვის შეწირვას გამოსახავს. შელერი ამ თავშეწირვას დიდ მნიშვნელობას აკუთვნებს; მისი აზრით, თავშეწირვა (საკრიფის) თამაშობს დიდ როლს ტკივილისა და ტანჯვის დამორჩილებისა და კეთილად ატანისათვის.

თავშეწირვა ტანჯვისა და ტკივილის გააზრების მთავარი ფაქტორია. ტკივილს და ტანჯვას მაშინ აქვს აზრი, იგი მაშინ არის სასიამოვნო და ადვილად ასატანი, როცა ისინი ნებსითი თავშეწირვის შედეგი არიან. ხოლო თავშეწირვა სიყვარულის აქტი არის; იგი გულისხმობს სიხარულს იმისათვის, რომ იგივე ადამიანი თავის სიცოცხლის ერთ, ზოგჯერ უდიდეს ან უკეთეს ნაწილს იმას უთმობს, ვინც მას უყვარს. ამიტომ „თავშეწირვას იანუსის მსგავსად ორი სახე აქვს: ერთი ილიმება, მეორე

კი ტრის. იგი იხედება ერთ და იმავე დროს ცრემლების სამყაროსკენ და სიხარულის სამფლობელოსკენ“. 5. გ. 20

ამ მოსაზრებას ზედმიწევნით გვიდასტურებს ნამდვილი იდეური პოლიტიკური მოღვაწის, ან რომელიმე სხვა იდეალისათვის მებრძოლი ადამიანის ტანჯვა; უდავოა, რომ პოლიტიკური დევნილის ტანჯვა დიდია: ციხე, გადასახლება გაძევება, არა ლეგალური ცხოვრება, ოჯახის და თავისი სოციალური წრის დაშორება, სოციალური მდგომარეობის და ზოგჯერ კულტურული დაქვეითება, თავისიანების და თავისი ქვეყნის ნატერა, მრავალი გაჭირვება სიძნელეები, შიში საშიშროება, საფრთხე და მსგავსი ასატანად მეტად ძნელი არიან. ხოლო ეს ტანჯვა და ეს ტკივილები არ გამოირიყბავენ დევნილის ცნობიერებაში სიხარულს, ზოგჯერ დიდ განუზომელ სიხარულსაც და სიამაყეს იმ შეგნების შეგავლენით, რომ ყოველივე ამას თავისი ერის, კლასის, სარწმუნოების ან რომელიმე სხვა მაღალი იდეალის საკეთილდღეოდ ნებაყოფლობით იტანს; იგი ესალმება კიდევაც ამ ტანჯვას, რადგანაც იგი მის მიერ დასახული მიზნის განხორციელების პირობაა. რაც უფრო დიდია მისი შეგნება თავისი ღირებულება, ნაკლებოვანებათა სიმრავლით ავსილ, თითქოს უშედეგოდ დაკარგული ცხოვრების ნამდვილი, ხალასი ღირება და შინაარსი.

ადამიანის დადებითი განწყობის მნიშვნელობაც სწორედ იმაშია, რომ იგი ტანჯვას და სევდას მიზანს უსახავს, აზრს და მნიშვნელობას ანიჭებს; რომ იგი უარყოფით, ბერწ, უნაყოფო მოვლენებს, სევდას და ტანჯვას, დადებით, პოზიტიურ, აქტიურ განცდებად გარდაქმნის; რომ აბსურდობის განმსახიერებელ, ყოველგვარ საზრიანობას მოკლებულ განცდებას, სევდას და ტანჯვას, აზრს, მნიშვნელობას და შინაარს უპოვის. იმდენად, რამდენადაც ტანჯვა და სევდა ადამიანის მიერ დასახულ მიზნის სიძნელეებთან ან კიდევ „სხვისი“ ცხოვრების გაადვილების, გაუკეთესების და გამდიდრების ნებსითი ცდასთან არიან დაკავშირებულნი, ტანჯვა და სევდა სასურველად, სანდომად ისახებიან; და ამის შემწეობით სევდის და ტანჯვის მიერ გამოვლენილ შემწეებას, ტკივილს, სიამოვნებას და მტრობას სიმანვილე, სიმძიმე და სიმწარე ეკარგებათ და ზოგჯერ სასიამოვნოდაც ხდებიან.

ჩვენ უკვე დავინახეთ, რომ ვეფხისტყაოსანი სრულქმნით წარმოგვიდგენს უარყოფითი განწყობის განათებაში მოცემულ სევდას.

ვეფხისტყაოსანი ასეთივე სისრულით გვისახავს პოზიტიურ, აქტიურ განწყობის სევდას.

ავილოთ თუნდაც ავთანდილის მიერ ტარიელის ძებნა. ამ გზაზე მას მრავალი, თითქმის დაუძლეველი სიძნელე შეხვდა; თვითელი მათგანის ზემოქმედებით წარმოშო-

ბილი სევდა ისეთი მძლავრი იყო, რომ ზომაზე მეტი გა-
მძლეობის მქონე ადამიანის სულის გატეხაც შეეძლო;
ავთანდილმა კი თავისი აქტიური განწყობის შემწეობით
მოახერხა თავისი თავის სასოწარკვეთილებისაგან დაცვა.
ავთანდილის სულიერი მდგომარეობა ამ ხანაში, მართ-
ლაც, დიდად მძიმე, მისი სევდა განუწყობელი და განუ-
შორებელი იყვნენ; ამ სევდის მიზეზებიც მრავალნი იყ-
ვნენ. **პირველი:** ავთანდილს ძალიან აღონებდა თავისი
სატრფოს, თინათინის დაშორება სწორედ იმ მომენტში,
როცა მისი დაფარული სიყვარულის თინათინის მიერ
გაზიარება ავთანდილმა თვით სატრფოს პირით მოის-
მინა.

ავთანდილ იგი მინდორი ოთხ-ახმით გარდაიარა,
დაავდო მზღვარი არაბთა, სხვათ მზღვართა არე იარა,
მაგრა მის მზისა გაყრამან სიცოცხლე გაუზიარა. სტრ.178
**ახალმან ფიფქმან დათოვა, ვარდი დათრთვილა ,დანასა,
მოუნდის გულსა დაცემა ,ზოგჯერ მიმართის დანასა;
თქვის: „ჭირი ჩემი სოფელმან ოთხმოცდაათი ანასა, . .
მოვშორდი ღზინსა ყველასა, ჩანგსა, ბარბითსა და ნასა!“
თქვის: „საყვარელო ,მოვშორდი, გული შენ დაგრჩა,
ვთქვა ვისად?**

შენთვის სიკვდილი მეყოფის ღზინად ჩემისა თავისად“.

მეორე — ავთანდილი „უცხო უცხოთა ადგილთა სა-
ძებრად იარებოდა, მგზავრთა, ჰკითხვიდის ამბავთა, მათ
თანა ემოყვრებოდა“. სტრ. 180.

მაგრამ შემდეგ იგი გადაეყარა „ქვეყანასა უგემურ-
სა მეტად მქისსა“; აქ უკვე იგი ველარავის ხვდებოდა;
ველარავის ჰკითხავდა ამბებს და ველარავისაგან მიი-
ღებდა დახმარებას და ცნობებს; ავთანდილი, რომელ-
საც ადამიანებთან ურთიერთობის, კავშირის, თანაზი-
არობის სურვილი და უნარი ჰქონდა; რომელიც დიდად
გულზიარი იყო და რომელიც ადამიანებს, რუსთაველის
სიტყვებით, ადვილად „თანა-ემოყვრებოდა“, მეტად უნ-
და გასტირებოდა იმ ქვეყანაში მგზავრობა, სადაც იგი
თვეში ერთ კაცსაც ვერ შეხვდებოდა. მართლაც, ავთან-
დილს ეს გარემოება ისე უჭირდა, რომ რუსთაველი მის
შესახებ შეწყალებით ამბობს: „იგი ჭირი არ უნახავს არ
რამინს და არცა ვისსა“. სტრ. 183. რასაკვირველია, ასეთ
პირობებში თინათინის სევდა მას უფრო და უფრო
გულზე აწვეებოდა; ავტორი იმასაც გვიდასტურებს; იგი
ამბობს: „ღლე და ღამე იგონებდა საყვარელსა მასვე მის-
სა“ და ყოველივე ეს მის სულიერ მდგომარეობას კიდევ
მეტად ამძიმებდა. **მესამე:** ამ ტყე-ღრეებში და ჯდაბნო-
ებში სიარულის დროს მას დასვენების და თავისი და-
ხარჯული ფიზიკური ძალების აღდგენა არ შეეძლო; ეს
დაღლა აუცილებლად ასუსტებდა მას ფიზიკურად და
სულიერად —

მუნ ეძებს, ცრემლი მტირალსა სდის ზღვათა შესართა-
ვისად, უჩნდის ქვეყანა ტახტად და მკლავი სადებლად

თავისად. სტრ. 181. **მეოთხე** — მიუხედავად ამდენი
წვალებისა, ტანჯვის და დიდ მწუხარების შემდეგ ავთან-
დილმა ტარიელის კვალი ვერ მიაკვლია და მის შესახებ
ვერაფერი გაიგო: ყოვლი პირი ქვეყანისა მოვლო, სრუ-
ლად მოიარა, ასრე რომც ცასა ქვეშე არ დაურჩა, არ
იარა, მაგრა იგი მის ამბისა მსმენელიცა ვერ მიმხვდარა.
ამაშიგან წელიწადი სამი სამ თვედ მიიყარა. სტრ. 182.
ეს კი ავთანდილისათვის ნამდვილი ფიასკო იყო; მთელი
მის მიერ გაწეული არა ჩვეულებრივი დამაძაბუნებელი
შრომა უშედეგოდ იკარგებოდა; ასეთი სასოწარკვეთილი
მდგომარეობა წამოწყებაზე ბევრს ხელს ააღებინებდა.
მიუხედავად ყოველივე ამისა, ავთანდილი მაინც ახერ-
ხებს თავისი სულიერი სიმტკიცის პოვნას და წამოწყე-
ბის ბოლომდე მიყვანისათვის საჭირო სულიერ და ფი-
ზიკურ ძალებს. ამას უკარნახებდა მას მისი დამახასია-
თებელი სულიერი განწყობა, მისი პოზიტიური, ანუ აქ-
ტიური განწყობა, რომლის გავლენა ნათლად სჩანს ყვე-
ლა მის ქცევაში: გაპარვის წინ მეფე როსტევეანისათვის
დაწერილ ანდერძში ავთანდილი ნათლად ამჟღავნებს თა-
ვის სახელმძღვანელო სამოქმედო იმპერატივებს: —
არას გარგებს სიმძიმელი, უსარგებლო ცრემლთა დენა;
არ გარდავა გარდუფალად მომავალი საქმე ზენა,
წესი არის მამაციისა მოჭირვება, ჭირთა თმენა,
არვის ძალ-უც ხორციელსა განგებისა გარდავლენა.

ასეთივე თვალსაზრისითვე არივებს ავთანდილი შერ-
მადინს: **ხამს მამაცი გაგულოვნდეს, ჭირსა შიგან არ და-
ლონდეს; მძულს, რა კაცსა სააუგო საქმე არა არ შეს-
წონდეს.** სტრ. 795, 785.

ტარიელის სანახავად მეორედ გამობრუნებული ავ-
თანდილი, ტარიელის ქცევით გაჯავრებული და დალო-
ნებული, ასმათთან შელაპარაკების შემდეგაც თავს ამ-
ხნევებს: „კვლა იტყვის: მიკვირს ნავლელი კაცისა ჰკუი-
ანისასა, რა მჭმუნვარებდეს, რას არგებს ნაკადი ცრემლ
**თა ბანისა? სჯობს გამორჩევა, აზრობა საქმისა დასაგვა-
ნისა, აწ მეცა მიჯობს მონახვა მის მზისა, ლერწამ -
ტანისა“.** სტრ. 863. უფრო მოგვიანებით, ფრიდონისკენ
მიმავალ გზაზე, მოწოლილი სევდის გასაქარებლად ავ-
თანდილი თავის თავს ამხნევებს: აწ გულსა ეტყვის: „ვი-
თამცა გდის ცრემლი, არ გაგზმობია, რას გარგებს მოკლე
თავისა? ეშმა ძმად თურე გძმობია; მეც ვიცი, ჩემსა ხელ
მქნელსა თმად ყორნის ბოლო სთმობია, **მაგრა თუ ჭირსა
არ დასთმობ, ღზინი რა დასათმობია!“** სტრ. 965.

ეს გამძლეობა, მხნეობა და სულიერი სიმტკიცე ავთან-
დილისა იმდენად დიდი იყვნენ, რომ იგი თავისთავსაც
ამხნევებდა და სხვების დაიმედებასაც ახერხებდა:
ცოცხალ-მკვდარს, სიკვდილისაკენ მიბრუნებულ ტარი-

ელს იგი გულწრფელად და დარწმუნებით ეუბნებოდა:
„თუ ბრძენი ხარ, ყოველნი ბრძენნი აპირებენ ამა პირსა:

ხამს მამაცი მამაცური, სჯობს, რაზომცა ნელად ტირსა; ჭირსა შიგან გამაგრება ასრე უნდა, ვით ქვიტკირსა. თავისისა ცნობისაგან ჩავარდების კაცი ჭირსა“. სტ. 875

ავთანდილის ძირითადი სევდა, რასაკვირველია, პირადი ხასიათისა იყო: მას ღრმად უყვარდა თინათინი და მისი დაშორებით იტანჯებოდა; ხოლო თვით ეს დაშორება გამოწვეული იყო იმით, რომ ავთანდილი თავდადებით და თავშეწირვით სამსახურს უწევდა თვით მეფე როსტევეანს და თინათინს: ავთანდილი თინათინის დავალებას ასრულებდა და როსტევეანის სიამოვნებას სცდილობდა; ამავე დროს ავთანდილი თავდავიწყებით ტარიელის სატრფოს პოვნისათვის ზრუნავდა.

ავთანდილი ადისტურებს შეღერის მოსაზრებას, რომლის მიხედვით, „თავანწირვა კვლისხმობს სიხარულს სხვათა სიყვარულისათვის და ტკივილს თავისი სიცოცხლის ერთი ნაწილის იმისთვის დათმობით, ვინც მას უყვარს“. ავთანდილმა მსხვერპლად შესწირა თავისი სიცოცხლის ერთი მნიშვნელოვანი ნაწილი მეფე როსტევეანის, თინათინის, ტარიელის და ნესტანის სიკეთეს. სწორედ ამ თავის შეწირვაში ჰპოვა მან თავისი სევდის დაქვემდებარება, მისი სიკეთის და სიხარულის საწყისად გარდაქმნა. სწორედ ამ თავშეწირვამ გააკეთებინა ავთანდილს ყოველივე ის, რამაც ავთანდილი ცოდნით, გრძნობებით და გამოცდილებით გაამდიდრა; რამაც ავთანდილი მიიყვანა ყველა დასახული მიზნის მიღწევასა და თავისი საკუთარი თავის სრულ დაკმაყოფილებასა და გახარებასთან. ის, რაც მისთვის ყოველივე ამას შესაძლებლად ხდიდა, ეს მისი სულიერი განწყობა იყო, მისი პოზიტიური აქტიური განწყობა.

მეტად საინტერესოა ამ მხრივ ნესტანიც; ამ დიდებული ქალის ბედი მწარეა; მისი ტანჯვა დიდია. ნესტანის განუზომელ სევდას და ტანჯვას ფატმანი ასე აგვიწერს: „ვით ვიამბო საკვირველი მე, გლახ, მისი ყოფა-ქცევა, დღე და ღამე გაუწყვედლად ტირილი და ცრემლთა ფრქვევა! შევხევეწი: „დადუმდიო“, წამ ერთ ჰქონდის ჩემი თნევა. აწ უმისოდ ვით ცოცხალ ვარ, ჰაი ჩემთვის, ვაგლახ მე, ვა!. შინა შევიდი, მას წინა ედგის ცრემლისა გუბები, შიგან მელნისა მორევსა ეყარის გიშრის შუბები, მელნისა ტბათათ იღვრების სავსე სათისა რუბები, შუა ძოწსა და აყიყსა სჭვირს მარგალიტი ტყუბები. ჟამი ვერ ვპოვე კითხვისა ნიადგ ცრემლთა ღვრისაგან, თუმცა მეკითხა: „ვინა ხარ, ეგრე გასრული რისაგან? მჩქეურად სისხლისა ნაკადი მოსდის ალვისა ხისაგან. მას ხორციელი ვით გასძლებს სხვა, კიდევანი ქვისაგან! არად უნდის საბურავი, არცა წოლა საგებლითა. მიწყვი იყვის რიდითა და მით ერთითა ყაბაჩითა, მკლავი მისი სასთა. ულად მიიდვის და მიწვის მითა, ძლივ ვაჭამი ცოტა რამე, ათასითა შეხვეწითა“. სტრ. 1145-1148.

თვით ნესტანიც თავის ტანჯვას მეტად მწარე, დამაღონებელი, ემოციით აღსავსე სიტყვებით, ტარიელისადმი მინაწერში იგამცნობს:

ხედავცა, ჩემო, სოფელი რათა საქმეთა მქმნელია!
რაზომცა ნათობს სინათლე, ჩემთვის ეგრეცა ბნელია!
ბრძენნი იცნობენ, სწუნობენ, მით მათგან საწუნელია;
უშენოდ ჩემი სიცოცხლე, ვამე, რა დიდი ძნელია!
სხვად, ჩემო, ჩემი ამბავი ჩემგან არ მოგეწერების:
ენა დაშვრების, მოსმენით არვისგან დაიჯერების.
ფატმან წამგვარა გრძნეულთა, ღმერთიცა მას ეტერების!
აწ კვლა ქმნა იგი სოფელმან, რაცა მას შეეფერების.
აწ სოფელმან უარესი ჭირი ჭირსა მომისართა,
არ დასჯერდა ბედი ჩემი მათ პატიჟთა მრავალ გვართა,
კვლაცა მიმცა შესაპყრობლად ქაჯთა, ძნელთა საომართა
ბედმან გვიყო ყველაკაი, ჩემო, რაცა დაგვემართა!“

მიუხედავად ასეთი შეუზღველებელი, განუზომელი სევდისა ნესტანი არ ექვემდებარება თავის სევდას; მართალია, დრო გამოშვებით, როცა მისი სევდა და ტანჯვა განსაკუთრებული სიმძიმით დააწვება მას, იგი ძალაუხერბურად საყვედურის სიტყვებით მიმართავს თავის ბედს; ხოლო ეს საყვედურიც მხნეობით და ტანჯვის ატანის მზაობით არის სავსე. ფატმანი ამბობს: მან მითხრა: „დაო, ნუ გიკვირს, ეგე რაზომცა ძნელია! ბედი უბედო ჩემზედა მიწყვი ავისა მქმნელია. **კარგი რამ მჭირდეს, გიკვირდეს, ავი რა საკვირველია! სხვა და სხვა ჭირი ჩემზედა არ ახალია, ძველია“.**

ნესტანის ასეთი „სისუსტე“ წამიერი იყო. იგი მას არ აბნევდა და არც საჭირო თავდაჭერის უნარს ართმევდა; საყვედურის გამოთქმასთან ერთად იგი ყოველ ახალ გასაჭირს განსაცვიფრებელი სიმტკიცით და მხნეობით იტანდა.

ნესტანისათვის მარცხის გარდაუვალობა არ არსებობდა; მას სურდა თვითონ გამოეჭედა თავისი ბედი. ამიტომ იგი უიმედო არასდროს ყოფილა; თითქმის განწირულ მდგომარეობაშიც იმედს ინახავდა; ყოველ ახალ გასაჭირს ვაჟკაცურად, მხნეობით ხვდებოდა: —

ქალი პირ-მზე ბედსა ეტყვის: „რა ბედი მიც ჩემი მკვლელი! სადაური სად მოსრულ ვარ, ვის მივჰხვდები ვისთვის ხელი. რა ვქმნა, რა ვყო, რა მერგების, სიცოცხლე მჭირს მეტად ძნელი!“ სტრ. 1190.

კვლაცა იტყვის: „ნუ დავაჰნობ შეენებასა ვარდთა ფერსა, ვეცადო რას, ნუთუ ღმერთმან მომართოს ჩემსა მტერსა! **სიკვილიამდის ვის მოუკლავს თავი კაცსა მეცნიერსა! რა მისჭირდეს, მაშინ უნდან გონებანი გონიერსა!**“ სტრ. 1191.

განსვენებული ნოე ჟორდანია ნესტანის ხასიათის ანალოზის დროს სამართლიანად და მოხდენილად ამბობს: „ეს ულამაზესი ქალიშვილი ამდენ ხიფათში გაბმული თავის ბედს იტანს დიდის ენერგიით, მტკიცე ნების

ყოფით, ვაჟაკურად. მას „თავი მუდამ თან ახლავს“. მან არ იცის სულიერი წაბორძიება, სასოწარკვეთილება...

როგორ შეხვდა ის ისეთ საფრთხეს, როგორიცაა უსენის მიერ მისი სასახლეში გამყლავენება და მეფისაგან მისი გამოთხოვა? მეტად მამაცურად:

თვალთა ვითა მარგალიტი გადმოყარა ცრემლი ხშირი, ალვა ასრე გულუშიშრად, ვეფხი იყო ანუ გმირი, ლხინი ლხინად არად უჩნდა, მართ აგრეთვე ჭირად ჭირი.

გაჭირვება მას ზღის, ასალკლდეებს, ვეფხად აქ. ცვეს. როცა ის მეფეს გაექცა, მარტოდ, კაცურად ჩაცმული და ცხენით მიმავალი, ქაჯეთის ჯარს შეეხეჩება, შიშს არ განიცდის. თავს ხელმწიფის შიკრიკად აცხადებს და მათ უტყვის: გზა მომეციო!

„ვინ ხართ, ცხენოსანო, თქვენ სახელი თქვენით თქვენით. გულანშაროთ მოციქული, ქაჯეთს მივალ, მერიდენით“...

ერთი სიტყვით, არც ერთ მომენტში ის სულიერ წონასწორობას არ კარგავს; ის დასრულებული ტიპია მებრძოლისა“. 10). გვ. 43, 44.

ეს სულიერი სიმტკიცე, თავისი პირადი გრძნობების დამორჩილება, საკუთარი სევდის და ტანჯვის „სხვისი“ სიკეთისათვის გაყუჩება და დავიწყება, თავისი განსჯის უზადოდ შენახვა, მოწოლილი უბედურების წინაშე თავისი გონების სალი მოქმედების გადარჩენა არა ნაკლები სიძლიერით და სინათლით სჩანს ნესტანის ტარიელის მიმართ სასიყვარულო განწყობილებაში, რომელიც არსებითად, სხვის მიმართია და არა თავისი თავის მიმართი (ეს ორი კარგი ტერმინი ამოვიღე პროფ. ნორაკიძის წიგნიდან. 13). გვ. 385.

ნესტანის სასიცოცხლო მიზანია ტარიელის ხილვა, მასთან შეერთება, მისი სიახლოვის მუდმივი, განუწყვეტელი შეგრძნობა. ნესტანის მუდმივი ოცნებაა:

მუნა განახო, მადვე გახანო, განმინათლო გული ჩრდილი.

ნესტანის უდიდესი ტანჯვაა იმაზე ფიქრი, რომ იგი ტარიელისაგან დაშორებული და მოწყვეტილია:

ჰხედავ, ჩემო, ვით გაგყარნა სოფელმან და ყამმან კრულმან?! **ველარ განახე საყვარელი მხარული მხარულმან, ნეტარ რა ქნას უშენომან გულმან, შენგან დალახვრულმან!** გავიცხადა დამალული გონებამან დაფარულმან. სტრ. 1305, 1295.

ეს ტანჯვა მით უფრო დიდია, რაც უფრო ხშირად იკონებს ნესტანი თავის მოტრფეს: **მომეგონოს მოშორება, მემატების წყლული წყლულსა!** სტრ. 1306.

აქედან უთქმელადაც ნათელია, რომ ნესტანის უდიდესი სიხარულია ყოველივე, რაც ტარიელის სიკეთეს და კარგად ყოფნას ამცნობს მას:

„შენმან მზემან, აქანამდის შენ ცოცხალი არ მეგონე; ჩემი მეთქვა: გარდასრულდა სიცოცხლე და ყოვლი ღო-

ნე; აწ რა მესმა, შემოქმედი ვადიდე და ღმერთსა ვაშო. ნე; ჩემი ყველა აქანამდის ჭირი ლხინსა შევაწონე. შენი სიცოცხლე მეყოფის ჩემად იმედად გულისად, გულისა ერთობ წყლულისა და ასრე დადაგულისად! მომიგონებდე, გახსოვდე მე შენთვის დაკარგული სად; ვზი მზრდელი სიყვარულისა, მის ჩემგან დაწერგული-სად“. სტრ. 1296, 1297.

ნესტან-დარეჯანის ყველა ფიქრი იქით არი მიმართული, რომ თავისი მოტრფე დაამზედოს, სულიერი წონასწორობა აღუდგინოს, საცხოვრებელი ენერგია გაუღვიძოს და სატრფოს სამუდამო დაკარგვას შეარიგოს: ყოველივე ამისათვის საჭიროა ტარიელის დახსნა მისი სატრფოს დაკარგვით გამოწვეული მგლოვიარობისაგან და სწორედ ამიტომ ეუბნება იგი მას:

შენ, საყვარელო, ნუ სჭმუნავ ჭმუნვითა ამისთანითა, ჩემი თქვა: სხვათა მიჰხედაო იგი ალვისა ტანითა. არამ სცოცხლე უშენოდ! ვარ აქანამდისცა ნანითა; ან თავსა კლდეთა ჩავიქცევ, ანუ მოვიკვლავ დანითა. შენმან მზემან, უშენოსა არვის მიჰხედეს მთვარე შენი, შენმან მზემან, ვვრვის მიჰხედეს, მოცავიდედნ სამნი მზენი! აქათ თავსა გარდავიქცევ, ახლოს მახლვან დიდნი კლდენი; სული ჩემი შეივადრე, ზეცით მომხვდენ ნუთუ ფრთენი. სტრ. 1302. 1303.


მე სიყვდილი აღარ მიმძიმს, შემოგვედრებ რათგან სულსა მაგრა შენი სიყვარული ჩავიტანე, ჩამრჩა გულსა; მომეგონოს მოშორება, მემატების წყლული წლულსა; ნუცა მტირ და ნუცა მიგლოვ, ჩემო, შენთვის დაკარგულსა. სტრ. 1306.

ნესტანის სიყვარულის არა ჩვეულებრივი სიმძლავრე და სიღრმე კიდევ უფრო მეტი სიმკვეთრით გამოსტკვივის იმ ფაქტში, რომ ნესტანი ყოველთვის სკდილობს ტარიელს ხელი აალებინოს მის დასახსნელად წამოსვლაზე და ამით თავისი სატრფო საკუთარი თავის შეწირვით სასიკვდილო საფრთხეს ააცდინოს.

როცა ნესტანმა გაიგო, რომ ტარიელი და მისი მეგობრები მზად არიან მის დასახსნელად მოვიდნო, მისი სიხარული მეტად დიდი იყო: არა იმით, რომ მისი მეგობრები მისი გათავისუფლების ბრძოლისათვის ემზადებოდნენ, არამედ მხოლოდ იმით, რომ ტარიელი ცოცხალი იყო. ამ მომენტში მას საკუთარ თავზე ერთი წუთითაც არ უფიქრია; მისი ზრუნვა სხვებს: ტარიელს, ინდოეთის მეფე და დედოფალს ეკუთვნოდა...

ნოე ყორდანია ნესტანის სულიერ განწყობილებას სწორედ ასახავს, როცა იგი ამბობს:

„... ის ტარიელს თავისკენ არ იბარებს, არ ემუდარება ცრემლით, მოდი და მიხსენიო; ის კვლავ ფიქრობს თვით ტარიელის სიცოცხლეზე და სამშობლოზე; ტარიელი ქაჯეთს ვერ დაამარცხებს, თვით გახდება ქაჯთა ნსხვერპლი; არ გაბედო აქეთ წამოსვლა“-ო. 10). გვ. 43.



მართლაც, ამ მომენტში ნესტანის პირველი ფიქრი და აზრი ის იყო, როგორც ამას ნოე ჟორდანიას აღნიშნავს, რომ ტარიელისთვის უეჭველი სიკვდილის საფრთხე და საშიშროება აეცდინა.

ნესტანი ფატმანს ემუდარება თავის საპასუხო წერილში:

გეაჯები, საყვარელსა შემხვეწე, შემებრალე, ნუ წამოვა ძებნად ჩემად, მიუწერე, შე-ცა-სთვალე. მე რომ მჭირს, კმარის, ნუ მომკლავს ამისთავე სწორითა: მას მკვდარსა ვნახავ, მოკვდები მე სიკვდილითა ორითა. ვერას ვერ მარგებს, დასტურად ვიცი, არ რამე ჭორითა, არ დაგმორჩილდეს, დამქოლვე შავითა ქვისა ყორითა.

თვით ტარიელს კი სწერს:

წადი ინდოეთს, მიჰმართე, არგე რა ჩემსა მშობელსა, მტერთაგან შეიწრებულსა, ყოვლგნით ხელ-ალუბპრობელსა; გულსა აღხინე ჩემისა მოშორებებისა მთმობელსა, . მომიგონებდი მტირალსა, შენთვის ცრემლ-შეუშრობელსა! სტრ. 1289. 1290. 1307.

და სწორედ ეს ქალი, ტარიელისადმი ასეთი ძლიერი სიყვარულით გამსჭვალული, ტარიელს ემუდარება: მოგშორდი, დამთმე გულითა, კლდისაცა უმაგრესითა!

ნესტანის ასეთი, მისი გულის სიღრმეიდან წრფელად ამონახეთქი, ტარიელისაკენ მიმართული რჩევა და მუდარა, თავშეწირვის და თავდავიწყების უბადლო მაგალითია. ვიდრე იგი ტარიელის კარგად ყოფნას გაიგებდა, ნესტანი თავის სიცოცხლეს გათავებულად, თავის ძალებს განიავებულად და თავის ცხოვრებას უაზროდ სთვლიდა. ხოლო ამ საამო ცნობის შემდეგ ნესტანი სულიერად გაცოცხლდა; მისი წარსული და აწმყო სევდა, „ჭირი ღზინად გადაექცა“; მისი უღრმესი სურვილები ამიერიდან ყოველივე, რაც მას პირადად: რაც მის თავისუფლებას, მისი ტანჯვის შემსუბუქებას ეხებოდა, მეორე ხარისხიანი გახდა; რა კი ტარიელი კარგად იყო, რაკი ტარიელს ნესტანი არ დავიწყებია და რაკი მისი სიყვარული ნესტანისადმი არ დასუსტებია, ნესტანს სხვა პირადი აღარაფერი აღარ აწუხებს; იგი ამიერიდან ყველაფერს ხალისით და კმაყოფილებით აიტანს:

ნესტანი აქ ერთ დიღემის წინაშე იდგა: ტარიელის მოქმედების მიზნად დაესახა ან თავისი საკუთარი თავის მძიმე, ხანგრძლივ ტყვეობიდან გათავისუფლება ტარიელის მიერ საექვო, საშიშ რისკის გაწვევით; ან კიდევ, ამ მოქმედების მიზნად დაესახა ტარიელის, სამშობლოს და თავისი მშობლების კეთილდღეობა საკუთარი თავისი სრული შეწირვით და, მაშასადამე, საკუთარ თავისუფლებაზე სრული და სამუდამო ხელის აღებით; ნესტანმა ამ საკითხის გადაწყვეტისათვის საჭირო არჩევანი უყოყმანოდ გააკეთა. ეს არჩევანი ნესტანმა სინამდვილის შეგნებულ, კარგად განსჯილ და დაფიქრებულ, ობიექტურ მდგომარეობის შესწავლით მოახდინა და არა უფუ-

ლობით ან შიატე, საფუძველს მოკლებულ ნაჩქარევად დაწვეტით; სტრატეგიის არ მცოდნე ფატმანს ზღბ შიკვეთისა ლედ სწერს:

რასა ჰქვიან ძებნა ჩემი? არ ეგების, დაიჯერე. სტრ. 1287

სარდალ ტარიელს სამხედრო განწყობის დეტალების აღწერით უხსნის

„ციხეს ვზი ეზომ მალალსა, თვალნი ძლივ გარდასწვდებიან; ჭზა გვირავითა შემოვა, მკველნი მუნ ზედა დგებიან; დღისით და ღამით მოყვენი ნობათსა არ დასცდებიან; დღისით და ღამით მოყმენი ნობათსა არ დასცდებიან. ნუთუ ესენი გეგონენ სხვათა მებროლთა წესითა?! ნუცა მე მომკლავ ჭირითა, ამისგან უარესითა; შენ მკდარსა ვნახავ, დავიწვი, ვითა აბედი კვესითა; მოგშორდი, დამთმე, გულითა კლდისაცა უმაგრესითა“.

ნესტანმა კარგად იცის, რომ ეს არჩევანი მისი საკუთარი, გარდაუვალი სასიკვდილო განაჩენია; ხოლო ეს არჩევანი ნესტანმა გააკეთა სრული შეგნებით, თავისი საკუთარი თავის დავიწყებით, ყველა აქედან გამომდინარე, ნესტანისათვის მომავლდინებელ, შედეგების მიღებით. საკვირველი რამაა! ნესტანი უმწეო მდგომარეობაშია: მისთვის ყოველივე სიკეთე აღკვეთილია; მისთვის შვიანი დღეც სიბნელით მოცული სჩანს; ყველა საყვარელი ქმნილება მისგან უიმედოდ მოწყვეტილი; ყოველ გვარ თანაგრობის, დახმარების და გულითადობის შესაძლებლობანი აღკვეთილნი; ყველა თავისუფლებისაკენ მიმავალი გზა დახშული არის; მისი ხორცი და სული განუკურნებელ, აუტანელ ტანჯვაშია.

ასეთ ჯოჯოხეთში მოქცეული ნესტანი მაინც ახერხებს თავისი საკუთარი თავის, თავისი მწვალებელი ტკივილების დავიწყებას და სწვებზე: ტარიელზე, ინდოეთზე, საკუთარ მშობლებზე ზრუნვას, ფიქრს, მსჯელობას.

ნესტანი ტყვეობაში ყოფნისას, ყოველგვარი სიმპათიის და რეალური დანმარების სრული უქონლობის პირობებში, ახერხებს ყველა ამათზე ზრუნვას და მათი მდგომარეობის, მათი საჭიროების სწორად გათვალისწინებას. განსაკუთრებით აღსანიშნავი აქ ისაა, რომ ნესტანს თავისი მოყვარული მამის სიმკაცრე სრულიად დავიწყებია და დედ-მამის მიმართ მხოლოდ ნაზი გრძობები შეუნახავს: იგი ტარიელს თავისი მშობლებისათვის ავალებს არა მარტო საქმიანი პოლიტიკური თანამშრომლობის განახლებას, არამედ აგრეთვე ადამიანური, მამა-შვილური წრფელი, უპირობო სიყვარულის მიტანას; ნესტანის დაკარგვის სიმწარის და, შეიძლება, მოსალოდნელი გლოვის სიმძიმის ყოველგვარი საშუალებით მათთვის შემცირების, გაქარვების ცდას; ერთი სიტყვით, შესაძლებლობის ფარგლებში, მისი დედ-მამის „დალხენას“ და „დატკობას“; სწორედ ისე, როგორც ამას ნორმალურ პირობებში თვით ნესტანი იქმნა.

ნესტანის ფსიქოლოგიის თავისებურება ისაა, რომ იგი

არა თუ მუდამ პოველობს საშუალებას თავის ღუბჭირ ცხოვრებაში გზა გაიკაფოს, ყოველი მძიმე მდგომარეობიდან წამოსავალი იპოვოს, არამედ ისიც, რომ თავისი საკუთარი თავი, თავისი საკუთარი პიროვნება და სხეული არ დაამდაბლოს, არ დაადარიბოს, არ დაავლახოს და არ წაახდინოს. ამ მხრივ მეტად სიმპტომატიურია ნესტანის, ჩემ მიერ უკვე ნახსენები, სიტყვები:

კვლაცა იტყვის: „ნუ დავაქნობ შვენებასა ვარდთა ფერსა; ვეცადო რას, ნუ თუ ღმერთმან მომარიოს ჩემსა მტერსა“. სტრ. 1191.

ეს სურვილი, ანუ უფრო სწორედ, ეს მტკიცე განზრახვა, ნესტანის ნებელობის ძირითადი სამოქმედო სტიმული, ნესტანის პირად ბედნიერებას არ ჰგულისხმობდა; იგი ტარიელისადმი განცდილ სიყვარულის გამოძახილი, ალტრუისტული, სხვისკენ, სხვის მიმართ, სახელდობრ, ტარიელისაკენ, სამშობლოსაკენ მიმართული, მის აქტიურ განწყობიდან გამომდინარე ქცევაა.

დადებითი განწყობის დახასიათებისათვის ჩვენ ვახსენებთ აგრეთვე უბრალო, მაგრამ მდიდარი პიროვნების მქონე ასმათს.

ასმათის სევდა გამოწვეულია სამი მიზეზით: ნესტანის უკვალოდ გადაკარგვით, ტარიელის გულის მოსაკლავი სევდის ჭვრეტით, ტარიელის სევდის გაქარვებისათვის ხმარებულ ცდების უშედეგობით. ამრიგად, ასმათი სევდით ძლიერ დატვირთულია. ასმათის სევდის სიღრმე მრავალ სტროფში სჩანს; განვიხილოთ ისინი:

შეუმჩნევლად ტარიელის უკან მავალი ავთანდილი, ტარიელის ბინაზე მისვლისას ნათლად დაინახავს ასმათის დიდ სევდას —

რა ტყენი გავლნა მან ყრმამან, მოსილმან ვეფხის ტყავითა, ქებაისა კარსა გამოდგა ქალი ჯუბითა შავითა, ატირდა მალლად ცრემლითა, ზღვათაცა შესართავითა. იგი ყმა ცხენსა გარდახდა, ყელსა მოექდო მკლავითა. სტრ. 221. ყმამან უთხრა: „დაო ასმათ, ხილნი ზღვასა ჩავეცივედეს: ველარ მივჭხდით ჟამიერად, ჩვენ ვისნიცა ცეცხლნი გეწვიდეს! ესე თქვა და მკერდსა ხელნი იკრა, ცრემლნი გარდმოსწვიმდეს. ქალი შებნდა, მოეხვია, ერთმანერთსა სისხლი სწმიდეს. სტრ. 222.

იგი ტვერი გაეხშირა დანაგლეჯსა მათსა თმასა, ერთმანერთსა ეხვეოდეს: ყმა ქალსა და ქალი ყმასა; იზახდიან, მოთქმიდიან, მოსცემდიან კლდენი ხმასა, ავთანდილ სჭვრეტს გაკვირვებით მათსა ეგრე ქცევა-ზმასა. სტ. 223

ტარიელის მიერ ხელახლად ბინის მიტოვების მომენტშიც ავთანდილს ასეთივე სევდით აღსავსე სურათი ემლება თვალ წინ:

ქალი ტირს და მკერდსა იცემს, თმისა ტვერსა გაიგლეჯდა; ერთმანერთსა მოეხვიენეს, აკოცა და ცხენსა შეჯდა: ასმათ აგრე დაღრეჯილი, კვლა უფრორე დაიღრეჯდა. სტრ. 226.

როცა ავთანდილი ტარიელის წასვლის შემდეგ ვერ მოახერხებს ასმათისაგან ტარიელის ვინაობის გაგებას, იგი ასმათს სიკვდილით დაემუქრება: გიჯობს, მითხრა; ამის მეტი მართა აღარა არ გაწყინო, თვარა ღმერთმან მტერი ჩემი მოკლას, ვითა მოგაკვდინო“. სტრ. 239.

ასმათს ეს მუქარა სრულებით არ აშინებს, რადგანაც ცხოვრება მას უმძიმეს და სევდა მას წამებით სტანჯავს: კვლა ეტყვის: „ყმაო, რად მპოვე, ვინ მეუბნები მე ვინო? მე თავი ჩემი ნებითა ჩემითა მოგაკლვევინო, ვითა უსტარი ბედითი ადვილად დავახვევინო. ჩემი სიკვდილი შენ ჩემად პატიჟად ნურად გგონია, მით რომე დამხსნი ტირილსა, შემშრების ცრემლთა ფონია; ჩალად მიჩნს ყოველი სოფელი, მისთვისვე შემიწონია. ვერ გიცნობ, ვინ ხარ, ვის გითხრნე სიტყვანი მისანდონია? სტრ. 241. 242.

ავთანდილის ბოდიშის, თვისი მიჯნურობის გახელის, და იმის ახსნის შემდეგ, თუ რატომ ეძებს იგი ტარიელს, ასმათი აღვლებით და თანაგრძნობით ეუბნება მას:

„გიოხრა, თუ ცოდნა გწადიან ჩვენისა შენ სახელისა: ტარიელ არის სახელი იმა მოყმისა ხელისა; მე ასმათ მქვიან, რომელსა წვა მაქვს ცეცხლისა ცხელისა, სულ-თქმა სულთქმისა ბევრისა, მაშ თუ არ ერთხელისა.

ყველა ჩვენ მიერ მოტანილი სტროფი გვარწმუნებს, რომ ასმათის სევდა მართლაც მრავალმხრივი, ღრმა განუწყვეტელი იყო. მიუხედავად ამისა, ავთანდილის და ნესტანის მსგავსად, ასმათი სევდას არ დამორჩილებია; პირიქით, თავის სევდას იგი სხვების სამსახურისათვის საჭირო ენერჯის, სულიერი სიმტკიცის და, უფრო გვიან, თავისი უდიდესი სიხარულის საწყისად აქცევს.

ასმათი იმ პირთა კატეგორიას ეკუთვნის, რომელთაც თავისი საკუთარი სიცოცხლე არ გააჩნიათ და მთლიანად სხვა სიყვარულს და სამსახურს ეწირებიან.

ეს თავშეწირვა არის ის მთავარი ფაქტორი, რომელიც თანახმად შელერისა და ლაველისა, სევდას, ტანჯვას, მწუხარებას და ტკივილს ადამიანის აქტივობის და სიხარულის საწყისად აქცევს.

ასმათს ნესტანი საკუთარი შვილივით უყვარდა; ნესტანის დაკარგვა მისთვის უდიდესი სევდა და გულის დაწვა იყო; ასმათის დისებრი სიყვარული ტარიელისადმი დიდი იყო; ტარიელის წამების ყოველდღიური ხილვა მას გულს უკლავდა; ასმათის შეგნებული ცხოვრების დიდი ნაწილი ნესტანის დაკარგვისა და ტარიელის ტანჯვის შემცირებაზე ზრუნვას შეეწირა; შეეწირა ყოველგვარი გამორჩენის, უკანა აზრის, კომპენსაციების მოლოდინის გარეშე... უსასყიდლოდ, თავისი თავის დავიწყებით და სხვისთა მძიმე ზვედრის შემსუბუქების საშუალებათა გამუდმებული, დაუღალავი ძიებით.

ასმათმა თავისი სევდა მთლიანად დაიმორჩილა, რადგანაც თავისი თავი სრულიად დაივიწყა და ნესტან - ტა-

რიელის ინტერესს თავისი თავი დაუზოგავად შესწირა.

რუსთაველმა ასმათს „შავოსანი“ უწოდა არა მარტო იმისთვის, რომ იგი სევდის სიმბოლოს, შავ სამოსს, არ იცილებდა, არამედ იმიტომაც, რომ ასმათი ვეფხის - ტყაოსანში ალტრუისტულ სევდის ნამდვილ, ცოცხალ განსახიერებას წარმოადგენდა. თუ შავოსანი ასმათი თავისი მიძიმე სევდის ტარებისას ყვავის გულშემზარავი ჩხაველის ნაცვლად სხვათა განუქვრეტ სიბნელის სიღრმეში ცხოველყოფელი იმედის დანთებას ახერხებს, ეს მთლიანად მის თავდავიწყებას და მისი სიყვარულის მოკულობას მიეწერებოდა: ასმათი ტარიელისათვის ის შემაერთებელი ძაფი იყო, რომელმაც ტარიელს ააყდინა სიცოცხლესთან, კაცობრივობასთან და გონიერებასთან კავშირის სრული, აბსოლუტური გაწყვეტა.

წარმოუდგენელია იმის გათვალისწინება, თუ როგორ გაიზრდებოდა ტარიელის სევდის სიმწარე, მას რომ ასმათის მოყვასობა, ზრუნვა, გამხნეება, დარჩება და ყოველდღიური, განუწყვეტელი დახმარება მოჰკლდებოდა!

პირიქით, ადვილია იმის მიხვედრა, თუ რა დაემართებოდა ტარიელს, მას რომ ასმათის „დედობრივ“ გრძნობათა სითბო არ რგებოდა.

ასმათმა თავის სუსტ, მაგრამ გამძლე მხრებზე ატარა მოთმინებით, მოყვასობით, დაუღალავად და დაუშვედრებლად ნესტანისა და ტარიელის სევდათა სიმძიმე..

სწორედ ამ თავდადების და თავგანწირვის წყალობით მან მოახერხა თავისი უძირო სევდის სხვათა დახსნისათვის საჭირო აქტივობის, ენერჯის, სულიერი სიმტკიცის, გამჭირაბხობის და უსაზღვრო გულითადობის საწყისად გარდაქცევა. **სწორედ ამ თავდადების და თავგანწირვის წყალობით იბოვა ასმათმა თავისი ცხოვრების აზრი, მნიშვნელობა, მიზანი და სიღაღდე; სწორედ ამ თავგანწირვით მიაღწია ასმათმა თავისი ნამდვილი მოწოდება.**

აი ასეთია სევდის გამოვლენა ადამიანის სულიერი სამყაროში; იგი ადამიანის ფსიქიურ და ფიზიკურ ფუნქციათა ამღრეგია, თუ სევდა უარყოფითი, პასიური განწყობის ფონზე იშლება. პირიქით, იგი აღნიშნულ ფუნქციებს ხელს უწყობს; ადამიანის ადეკვატურ ქცევას აადვილებს, თუ სევდა დადებითი განწყობით განიცდება.

ვეფხისტყაოსანი სევდის ამ ორი სახეობის, ნათლად, მკაფიოდ, მდიდარი დეტალებით, დიდი ავტორიტეტით და მრავალი მაგალითით თანამედროვე ფსიქოლოგიასთან შეფარდებით გვიხსნის და გვასწავლის. უდავოა, ვეფხისტყაოსანი, უმთავრესად, პირველ რიგში, პოემა სევდის შესახებ; ვეფხისტყაოსანის თითქმის ყველა გმირი: მეფე როსტევეანი, ტარიელი, ავთანდილი, ნესტანი, ფრიდონი, ფატმანი, ასმათი, თინათინი სევდის გავლენას განიცდიან, ან პირდაპირ, ან სხვისი შუალობით; განიცდიან მას სხვა და სხვა გვარად, სხვა და სხვა მიზეზ-

თუ შეგავლენით, სხვა და სხვა მომენტში, სხვა და სხვა ძლიერებით; სხვა და სხვა გამოსახულობით.

1. ვეფხისტყაოსანის გმირთა შორის ტარიელი სევდის უმთავრესი მსხვერპლია: იგი სევდით დამწვარი და დაღუპული პიროვნებაა.

2. ტარიელი სევდისა და ტანჯვის ის ღერძია, რომლის გარშემო იშლება ამ წიგნის სიუჟეტიკ და ყველა სხვა გმირთა ფიქრიც, მოქმედებაც და გრძნობიერებაც.

3. ვეფხისტყაოსანი ამ სიყვარულით დამწვარ გმირის თავგადასავალის პერიპეტეების შემცველი წიგნია.


ეს აზრი თვით ვეფხისტყაოსანის შინაარსიდან გამომდინარეობს და ამ აზრს დამატებით თვით რუსთაველი ხაზს უსვამს:

აწ ენა მინდა გამოთქმად, გული და ხელოვანება, —
ძალი მომეც და შეწვენა შენგნით მაქვს, მივსცე გონება;
მით შევეწინეთ ტარიელს, ტურფადცა უნდა ხსენება,
მათ სამთა გმირთა მნათობთა სჭირს ერთმანერთის მო-
ნება. სტრ. 6.

მო, დავსხდეთ, ტარიელისთვის ცრემლი გვდის შეუშრობილი; მისებრი მართ დაბადებით ვინმცა ყოფილა შობილი! დავჯე, რუსთველმან გავლექსე, მისთვის გულს ლახვარ სობილი, აქამდის ამბად ნათქვამი, აწ მარგალიტი წყობილი. სტრ. 7.

რუსთაველს უყვარს ტარიელი, რადგანაც ტარიელი მის გმირთა შორის ყველაზე უფრო დიდი სევდით, მწუხარებით, ტანჯვით და ტკივილებითაა დატვირთული. მას უყვარს იგი ისე, როგორც დედას თავის შვილთა შორის ყველაზე უფრო „საწყალი“, „უბედო“ და „დამწვარი“. სწორედ ამ სევდით და ტანჯვით აღაფრთოვანებს ვეფხისტყაოსანი ყველა საუკუნის ყველა სოციალური ფენის ყველა კულტურული დონის ქართველებს; სწორედ ამიტომ ვეფხისტყაოსანის გმირთა შორის ქართველების შემეცნებაში ტარიელს პირველი ადგილი ჰქონდა და აქვს მიჩენილი. სწორედ ამიტომ განსაკუთრებული სიძლიერით და გულითადობით უყვარდათ ტარიელი წარსულში და უყვართ ეხლაც ორივე სქესის ქართველებს. სევდა და ტანჯვა ყოველთვის და ყოველგან აღელვებას, შეცოდებას და თანაგრძნობას იწვევს, განსაკუთრებით, მაშინ, როდესაც ისინი სიყვარულის მიერ არიან გამოწვეულნი. ამის მოწმეა თვით ვეფხისტყაოსანიც. ერთხელ კიდევ გავიხსენოთ ავთანდილისა და ასმათის პირველი შეხვედრა:

ავთანდილმა ყოველივე იღონა, როგორც ვიცი, იმი-
სთვის, რომ ასმათისაგან ტარიელის ვინაობა გაეგო. იგი,
ბოლოს, ასმათს სასიკვდილოდაც კი დაემუქრა; საქმა-
რისი იყო, რომ ავთანდილს თავისი მიჯნურობა, სატრ-
ფოსთან დაშორების სიმწარე და სიმძიმე ეხსენებინა,
რომ ასმათი მყისვე ავთანდილის მიმართ სიმპათიით განწყობილიყო; ასმათის ასეთი ქცევა სიყვარულისა და სიყ-



ვარულის მიერ გამოწვეულ სევდისა და ტანჯვის მიმართ მარტო მისი საკუთარი, პირადი, სულიერი თავისებურობის გამოძახილი არაა;

ასეთი განწყობა ადამიანთა უმრავლესობის, კაცობრივობის უდიდესი ნაწილის განწყობაა; და სწორედ ამიტომ არის დიდი ყველა შეგნებულ, გულისხმიერ ქართველთა რწმენა იმისა, რომ ვეფხისტყაოსანი ბევრი, ძნელი დაბრკოლების გადალახვის შემდეგ გზას გაიკაფავს და კაცობრივობის იტულს მიაღწევს, მას ქართველთა მსგავსად ააღელვებს და იქ თავის მიმართ თანაგრძნობას, სიყვარულს და აღტაცებას გამოიწვევს.

სევდის განხილვის შემდეგ ჩვენ უნდა გავარკვიოთ აგრეთვე სევდის საწინააღმდეგო გრძნობა — სიხარული.

რა არის სიხარული? მაგრამ ვიდრე ამ კითხვის პასუხს გამოვთქვამდეთ, საჭიროა იმისი წინასწარი განმარტება, თუ რა არის სიამოვნება, რადგანაც სიხარული სიამოვნების ერთ-ერთი სახეობაა.

ამ საკითხით დაინტერესებულთა შორის არისტოტელს საპატიო ადგილი უჭირავს. და ამიტომაც პირველი სიტყვა ჩვენ არისტოტელს უნდა ვაკუთვნოთ, რომელმაც ამ საკითხის გადაწყვეტა სწორ ნიადაგზე დაამყარა; მიუხედავად იმისა, რომ მისი მოსაზრებანი ზოგადი ხასიათის არიან, ისინი სიხარულის განმარტებასაც კარგად უდგებიან და მის გარკვევასაც დიდად აადვილებენ.

არისტოტელის ძირითადი აზრი ისაა, რომ „სიამოვნება აგვირგვინებს უკვე გამოვლენილ აქტივობას არა მისი განწყობის ან მისი ბუნების თვისებების სახით, არამედ სამკაულის მსგავსად, რომელიც აქტივობას დამატებით დაერთვის, როგორც სილამაჟე იმათ, ვინც ახალგაზრდობის გაფურჩქვნის ხანაში იმყოფებიან“. 7). გვ. 471. და რადგანაც თვით სიცოცხლე თავისი არსით ნამდვილი აქტივობაა, ცხადია, სიამოვნება, გარკვეულ პირობებში მასაც დაერთვის; რაც შეეხება იმას, თუ რომელი რომელს იწვევს: სიამოვნება სიცოცხლეს, თუ პირიქით, სიცოცხლე სიამოვნებას, არისტოტელისთვის ამას დიდი მნიშვნელობა არა აქვს. მთავარი და მნიშვნელოვანი აქ ისაა, რომ ეს ორი მიდრეკილება: მიდრეკილება სიცოცხლისადმი, მაშასადამე, მიდრეკილება აქტივობისადმი და მიდრეკილება სიამოვნებისადმი ერთმანეთთან მეტად მჭიდრო კავშირში არიან და მათი ერთმანეთისაგან დაშორება შეუძლებელია: „აქტივობის გარეშე სიამოვნება არ არსებობს და ყოველი აქტივობა თავის დასრულებას სიამოვნებაში პოულობს“. 7). გვ. 473.

აქტივობის დასრულება იმიტომ იწვევს სიამოვნებას, რომ აქტივობის ნაქმი პიროვნების თავისებურობის გამოვლენა, პიროვნების ანაბეჭდია. აქტივობის და ადამიანის პიროვნების ნათესაობა იმიტაც მტკიცდება, რომ ადამიანი ხალისით იმას აკეთებს მხოლოდ, რაც მას უყ-

ვარს და რისი შესრულებისათვის მას განსაკუთრებული ნიჭი და უნარი გააჩნია; საამისოდ, თვითეული მათგანი ამ თავისი შეგრძნებით ან გონებრივ უნარს მიმართავს, რომლებიც მისთვის უფრო ადვილად მოსახმარნი არიან და რომლებიც მას მეტს ეუბნებიან. ამიტომ მუსიკის ნიჭის მქონე ადამიანები, განსაკუთრებით და შერჩევით სწენას მიმართავენ იმ მელოდიების შეთვისებისათვის, რომლებიც მათ უყვართ. ადამიანები, რომლებსაც უფრო ცოდნის შეძენა ეხერხებათ და ურჩევნიან, თავიანთ გონებას და გონებრივ განსჯას მიმართავენ მეტი სიადვილით და მეტი სიამოვნებით.

აღსანიშნავი არისტოტელის გაგებაში ისაა, რომ თუ სიამოვნება აქტივობის ერთგვარი შედეგია, აქტივობაც, თავის მხრივ, განსაკუთრებული თვალსაზრისით, სიამოვნების შედეგია.

ჩვენ ვთქვით, რომ სიამოვნება მოსდევს ისეთ აქტივობას, რომელიც ადამიანს უყვარსო; ესე იგი, რომელიც ადამიანის პიროვნების თავისებურობის გამოვლენაა; ხოლო ამ აქტივობის მიერ გამოვლენილი სიამოვნება, რიკოშეტით, თვით აქტივობაზე მოქმედებს და მას ადამიანისათვის უფრო ადვილ მისაწვდომად, უფრო ღრმა ჩასაწვდომად ხდის; ის, რაც ადამიანისათვის სასიამოვნო არის უფრო ადვილად დასაჭერია; უფრო ადვილად და უფრო დიდი ხნით ადამიანის ყურადღების არეში მყოფია. არისტოტელი ამბობს:

„სიამოვნება თვითეული სახის აქტივობისა ჩრდის თვით ამ აქტივობას. ადამიანს მეტი შანსები აქვს მეტი განჭვრეტით (დისერნემან) და მეტი სიუზუსტით განსაჯოს, ამიტომ ისინი, რომლებიც სიამოვნებით იხილავენ გეომეტრიას, უკეთესად იცებენ ამ მეცნიერების სხვა და სხვა ნაწილებს და თვითვე უკეთესი გეომეტრები ხდებიან. სწორედ იგივე ითქმის ყველა იმათ მიმართ, რომელთაც უყვართ მუსიკა, არქიტექტურა და სხვა.

ამ მტკიცებას არისტოტელი შემდეგი მოსაზრებითაც აძლიერებს: სიამოვნება ასუსტებს და სპობს ყველა იმ აქტივობას, რომლებიც ამ სიამოვნების გამოიწვევს აქტივობის შემაფერხებელია.

„ისინი, რომელთაც უყვართ ფლეიტას მოსმენა, უძლურნი არიან ორატორს ყურადღებით მოუსმინონ იმ მომენტში, როცა მათ ფლეიტის მელოდიები ესმით; ისინი უფრო დიდ სიამოვნებას ამ მუსიკის მოსმენით განიცდიან, ვიდრე იმავე მომენტშივე მათზე სხვა რამის ზემოქმედებით, რომელიც მათი ყურადღების დაპყრობას ეძალეება; ამრიგად, სიამოვნება ფლეიტას დაკვრის მოსმენით გამოწვეული, ახშობს იმ სიამოვნებას, რომლის აღძვრა ორატორს (სხვა მომენტში) შეეძლებოდა. აქტივობა, რომელიც მეტად ძლიერ სიამოვნებას აღძრავს, ყურადღებას არიდებს ყველაფერს სხვას; და ამას იგი შერება მით უფრო დიდი სიძლიერით, რაც უფრო ძლი-

ერია ეს სიამოვნება... როცა რომელიმე საგანი ჩვენში დიდ სიამოვნებას აღძრავს, ჩვენ თითქმის უძლურნი ვხდებით სხვა რამ მხედველობაში მივიღოთ“. 7). გ. 475.

არისტოტელი მასაც აღნიშნავს, რომ ადამიანი ხელს იღებს ისეთ აქტივობაზე, რომელიც პიროვნების ბუნებიდან არ გამომდინარეობს და მას სიამოვნებას არ აღუძრავს; სამისოდ, არისტოტელს შემდეგი მაგალითი მოაქვს: „ერთისთვის წერა სრულიად არა სისამოვნოა; იგი მას ეჯავრება; მეორესათვის — ასეთია ანგარიში; პირველი ხელს იღებს წერაზე; მეორე კი — ანგარიშზე“.

არისტოტელი თავისი თეორიის დასასურათებლად მაგალითებს განსაკუთრებული სიმდიდრით ჩვენს ეპოქაში იპოვიდა და ამით უფრო მეტი კონკრეტულობით დადასტურებდა თავის მოსაზრებებს. თანამედროვე საქარხნო მუშაობა, განსაკუთრებით კონვეიერის სახით წარმოდგენილი, აღარ ატარებს შრომის იმ თვისებებს, რომელნიც სიამოვნებით და კმაყოფილებით გვირგვინდებოდნენ. ყოჩაყ ფრიდმანი მას „ნაფხვენებად ქცეულ“ შრომას (ტრაევი ან მიეტ) უწოდებს; ვიალატუს კი — „პარსელერულ“ ანუ „დაწვრილმანებულ“ და ნაძალადეგ შრომას. 14).

ასეთი შრომა, განსაკუთრებით კონვეიერის განსახიერებით, ყოველგვარ სიამოვნებას მოკლებულია: მისი მთავარი მიზანია სისწრაფე და მოძრაობათა სიმრავლე; იგი აღარ გულისხმობს თვით მომუშავეს პიროვნების გავლენას, არც მის გონებრივ და ემოციურ უნართა გამოყენებას, არც მის დაინტერესებას (გარდა ფულადი გამორჩენისა), არც ინიციატივას და არც მისი ცნობისმოყვარეობის აღძვრას; კონვეიერზე მუშაობის დროს ადამიანის პიროვნება კი არ მოქმედებს, არამედ მხოლოდ მისი უმცირესი და უმდაბლესი ნაწილი; ამ შრომის მთავარი თვისება ისაა, რომ იგი აღკვეთს ადამიანის ინიციატივას, რომ იგი, სხვა პირობებში განუყრელ აზროვნება-მსჯელობას ერთი მხრივ, და აქტის შესრულებას, მეორე მხრივ, ერთმანეთისაგან აშორებს; კონვეიერის მუშის ერთადერთი დავალებაა: მის დაუკითხავად წინასწარ გამომუშავებულ ავტომატიური ექსტების, რაც შეიძლება მეტი სისწრაფით და სიზუსტით შესრულება. ასეთ შრომაში აღარ სჩანს ადამიანის მონაწილეობის მიღება (პარტისიპასიონ); ეს შრომა მუშისათვის უცხოა, მისგან, მის პიროვნებისაგან, მის პირად ინიციატივისაგან სრულიად დამოუკიდებელია; იგი მას არაფერს ეუბნება და არაფერსაც ჰმატებს, გარდა ზოგჯერ კარგი ხელფასისა. რასაკვირველია, როგორც დაუმთავრებელი, ძალაუვნებური, მხოლოდ მატერიული აუცილებელი საჭიროებით დაძალებული, ასეთი შრომა არ აღძრავს მუშის ფსიქიკაში არც სიამოვნებას და არც კმაყოფილებას; პირიქით, იგი ხშირად უკმაყოფილებას და უსიამოვნებას

იწვევს, რაც მუშის თვალში განსახიერდება, როგორც მისთვის დაკისრებული ერთგვარი სასჯელი.

ყოჩაყ ფრიდმანი აღნიშნავს: „შრომა, რომელიც თავისთავად ერთგვარ ვალდებულებების ნებაყოფლობით მიღებას და პიროვნების გარკვეულ თანამშრომლობას გულისხმობს, ხშირად სულ სხვაა და გაცილებით მეტია, ვიდრე ძალაუვნებური აქტივობა, რომელსაც ადამიანი მხოლოდ პრაქტიკული მიზნისთვის ასრულებს (მაგალითად — ცოლ-შვილის გამოკვების მყვირალა საჭიროების გავლენით).

პირველი სახის შრომა წარმოადგენს ადამიანის სულიერი წონასწორობის და მისი სულიერი გაფურჩქვნის მნიშვნელოვან ფაქტორს, რომელსაც ადამიანი რეალობის და, განსაკუთრებით, მრავალგვარი ეკონომიურ და სოციალურ კოლექტივების ფარგლებში შეჰყავს“. 11). გვ. 229. ფროიდიც ფიქრობს, რომ „შრომას ადამიანისათვის მეტად დიდი მნიშვნელობა აქვს; ის ფაქტი, რომ შრომა თავისთავად და აგრეთვე სხვა ადამიანებთან ურთიერთობის გავლენით, შესაძლებლად ხდის ლიბიდოს ნარცისისეულ, აგრესიულ და ეროტიულ იმპულსების განტვირფას, ადამიანისათვის არა ნაკლები მნიშვნელობისაა, ვიდრე ის ფაქტი, რომ იგივე შრომა ადამიანის მის საზოგადოებაში ყოფნას ამართლებს... შრომა, განსაკუთრებული კმაყოფილების მომცემია, როცა თვით იგი ადამიანის მიერ არის შერჩეული, ესე იგი, როცა სუბლიმაციის წყალობით, შრომა ადამიანის შეძლებას უქმნის აამოქმედოს მისი პირადი მიდრეკილებები, ინსტინქტური იმპულსები, რომლებიც აქამდე შეფერხებულნი იყვნენ“.

ასეთი „ფხენილად ქცეული“ შრომა ადამიანის „სულიერი წონასწორობის დამკვიდრების და მისი პიროვნების გაფურჩქვნის, გამდიდრების და გაღრმავების ფაქტორი“ აღარაა. პირიქით, იგი ადამიანის პიროვნების დაღარბების, დაკნინების და სულიერი დაცემის მიზეზია; იგი დაუთავებელი, მუშისადამე, არისტოტელის მიხედვით, სიამოვნებას მოკლებული შრომაა.

იმისათვის, რომ ადამიანმა ქარხნის საკონვეირო მუშაობის პირობებში თავისი დასუსტებული პიროვნება გააძლიეროს, იგი ცდილობს პარალელური, მარჩინალური სამუშაო გაიჩინოს, ხშირად თავისი დასვენების და ძილის საზიანოდ: ხატვა, წიგნების კითხვა, საღამოს კურსები, სათეატრო თამაში, სპორტი, სინდიკალური, მუნიციპალური, ან პოლიტიკური მოღვაწეობა და სხვა ასეთები, სადაც ადამიანი ნორმალურ, მისთვის საინტერესო და სისამოვნო, მისი ძირითადი მისწრაფებების ამსახველ შრომას ეწევა; სადაც იგი ავარჯიშებს თავის გონებრივ ფუნქციებს; სადაც იგი თავის თავს ნამდვილ პიროვნებად გრძნობს და სხვებთან ერთად რაღაცას, მნიშვნელობის მქონეს ჰქმნის. ყოველივე ამას „შრომის

მეცნიერული ორგანიზაციის მეთაურებიც გრძნობენ და მდგომარეობის როგორმე გამოსწორების საშუალებას ეძებენ, რასაც ისინი სხვა და სხვა მიზეზების გამო ყოველთვის ვერ ახერხებენ. ამიტომ, თანამედროვე შრომის ეს მცირე ანალიზი არისტოტელის თეორიას სოციალურ ბაზისს უქმნის და მას კონკრეტული მავალითებით ამაგრებს.

ჟან ლაკრუა არისტოტელის თეორიას მთავარი შტრიხებში მთლიანად იღებს იმ განსხვავებით, რომ არისტოტელი მხოლოდ სიამოვნების შესახებ ლაპარაკობს; ნამდვილად კი, ამ ტერმინით იგი ხან სიამოვნებას გულისხმობს, ხან კი სიხარულს; ლაკრუა კი სიამოვნების და სიხარულის ახლო ნათესავობის აღნიშვნასთან ერთად, მათ სხვაობასაც განიხილავს. ამას იგი შემდეგნაირად ახერხებს.

ჟან ლაკრუა არისტოტელის მსგავსად ამბობს: **სიამოვნება გამოხატავს იმ ინტერესს, რომელიც მე მაქვს ჩემს საკუთარ მოქმედების და აგრეთვე მისი წარმატებით დაგვირგვინების მიმართ...** სიამოვნება არის გამოხატულება მიდრეკილების დაკმაყოფილებისა, უფრო სწორედ, იგი დაკმაყოფილების პროცესში მყოფი მიდრეკილება არის“ (8). გვ. 114. ამდენად, სიამოვნება შეგრძნებების და სხეულბრივობის ხასიათს ატარებს; იგი უფრო შეგრძნებაა, ვიდრე ნამდვილი გრძობა; სიამოვნება იმ შემთხვევაში, თუ იგი მხოლოდ ასეთი დარჩებოდა და მას სხვა არაფერი დაერთოდა, წამიერი იქნებოდა; მისი შინაარსი ერთი წამით (ენსტან) ამოიწურებოდა და მას ადამიანის ფსიქიკაში მეტად მცირე მნიშვნელობის რეზონანსი ექნებოდა. ჟან ლაკრუა ფიქრობს, რომ სიამოვნება სხვა წმინდა ფსიქიკურ ელემენტებსაც იძენს და ამით თავის წამიერობას გადალახავს; მისთვის სიამოვნების გამომსახველი მიდრეკილება მოთხოვნილებაა; მოთხოვნილება კი თავის დაკმაყოფილებას ყოველთვის უშუალოდ არ პოულობს; მოთხოვნილების განცდისა და დაკმაყოფილების შორის წყვეტია, რომელიც თავისი ხასიათით დროის ჩანასახია; დრო კი წამიერობის გადალახვაა; და ამიტომ „მცდარია იმის თქმა, რომ სიამოვნება ერთი წამით (ენსტან) ამოიწურება“—ო. 8). გვ. 114. შეიძლება სწორი იყოს იმის დაშვება, რომ პირუტყვის სიამოვნება მართლაც წამიერია; ხოლო უდავოა, რომ ადამიანის ფსიქიკაში სიამოვნება ხანგრძლივდება მეხსიერებისა და წარმოსახვის დანართებით ისეთი ნაირად, რომ ზოგჯერ წინასწარ წარმოსახული სიამოვნება ადამიანისათვის განცდილ სიამოვნებაზე უფრო ძლიერია. ეს წმინდა ფსიქიკური (სპირიტუელ) დანართები სულიერ არსთა იერარქიის მიხედვით პროგრესიულად ძლიერდებიან და ღრმავდებიან; და როცა ამ დანართების სიმრავლე, სიმდიდრე და ძლიერება განსაკუთრებით ინტენსიური ხდება, სიამოვნება სიხარულის სახით

წარმოგვიდგება. ლაკრუა ამას ნათლად აღნიშნავს: „დაეუშვათ, თუ გნებავთ, რომ სიამოვნება ძირითადად შეგრძნებითი ხასიათისაა; ხოლო ადამიანის „გონი“ (ესპრი) თვით ამ შეგრძნობითობაში (სანსიბილიტე) იჭრება მისი გამდიდრების და მისი გაღრმავებისათვის“—ო. 8). გვ. 114. იმდენად, რამდენადაც სიამოვნება ზოგ შემთხვევაში პიროვნების თავისებურობის გავლენას აღიბეჭდავს, იგი ზოგ კონსიეტურ (სპირიტუელ) ელემენტებს იძენს, წამიერობას უსლტება და ყოველივე ამით სიხარულს უახლოვდება. პირიქით, იმდენად, რამდენადაც სიხარული თითქმის არასდროსაა სხეულბრივობისაგან მთლიანად მოწყვეტილი, იგი სიამოვნების მიერი, სიამოვნების მონათესავე რჩება. სწორედ ეს ფაქტი გვაძლევს საშუალებას ვთქვათ, რომ სიხარული სიამოვნების სახეობაა: სიამოვნებაზე უფრო მდიდარი, უფრო რთული, უფრო ღრმა, მეტი მნიშვნელობით, მეტი აზრით დატვირთული. ხოლო ეს მათი ახლობელი ნათესავობა ხელს არ გვიშლის, რომ მათი მნიშვნელოვანი სხვაობაც აღვნიშნოთ. ფსიქოლოგიურად ხშირად ლაპარაკობენ ფსიქიკურ განცდების დონეზე. მეზონავი ფიქრობს, რომ ეს ცნება ემოციურობას კარგად ეგუება. იგი ამბობს: „ძირითადი განსხვავება სიამოვნებასა და სიხარულს შორის სწორედ ამ ემოციურ დონეთა სხვაობა არის“—ო. სიხარული ემოციურობის უფრო მაღალი დონეა; სიხარული სიამოვნების უმაღლესი ფორმაა; სიხარული თავისი ხასიათით მეტია, ვიდრე სიამოვნება. იგივე მეზონავი ამტკიცებს: „სიამოვნება ვერ გახდება სიხარული, თუ მას არ დაემატა ერთგვარი „აღტაცება“ (რავისმან), ერთგვარი კმაყოფილება ადამიანის არსის სიღრმიდან გამომდინარე, რომელსაც ადგილი აქვს დიდი სიყვარულის დროს“—ო. 2). გვ. 60. სიხარულის და სიამოვნების სხვაობა ამით არ ამოიწურება. სიამოვნება, შეგრძნებითი წარმოშობის მქონე, შეგრძნებებთან მჭიდრო კავშირშია და ამდენად მას ლოკალური, ადგილობრივი ხასიათი აქვს: სიამოვნებას ვგრძნობ ყურში, ენაზე, ლოყაზე, ხელის კანზე და სხვა; „სიხარული კი, უპირველეს ყოვლისა, სიამოვნებისაგან განსხვავებით, ტოტალური, მთლიანობის ხასიათისაა; იგი ვრცელდება ცნობიერების მთელს შინაარსზე... იგი თვით სულის ამოხეთქვაა; სიხარული სავსეობაა;... როგორც ეს კარგად აღნიშნეს კარტეზიანელებმა, — სიხარული სულის ერთგვარი განუწყვერბელი (ემპლისიტ) განსჯაა, რომელიც ჯამს უკეთებს ადამიანის ფსიქიკის მოგებ-წაგებებს, მისი მოგების დადასტურებით; სწორედ ამიტომ სიხარულს თან სდევს გრძობა ძალისა და ძლიერებისა, როგორც სევდას თან სდევს გრძობა სისუსტისა და უძლურებისა. საკმაო მივიღოთ ერთი დიდი სიხარული, რომ ჩვენთვის მრავალი დაბრკოლების გადალახვა ადვილი გახდეს და ჩვენი გამარჯვება გარემო სინამდვილეშიც ტრიუმფის სახით

წარმოსახოს“-ო. 8). გვ. 116.

„თუ სიამოვნება მოძრაობაა, სიხარული გადნაცვლება (პასაჟი, ტრანზიტო);... გადნაცვლება ნაკლები სრულქმნიდან უფრო დიდი სრულქმნისაკენ; სიხარული შეგრძნებითია, რადგანაც სიხარული ჩვენ თავისკენ გვიტრეხს (ანტრენ); იგი გონისებურია (სპირიტუელი), რადგანაც იგი ნიშნია ღირების არსებობისა (პრეზანს)“ (იქ.)

სიხარული, როგორც თვით ადამიანი, ვერასდროს აღწევს სრულქმნას; იგი ბედნიერებაზე უკეთესია, რადგანაც ბედნიერება ერთხელ და სამუდამოდ ნავთსადღურში მისვლას; სიხარული თვით ადამიანის მსგავსად მუდმივი, დაუსრულებელი წინსვლა, პროგრესია; იგი მუდამ ბედნიერებისაკენ მიიღწევს და მას ვერასდროს აღწევს; ხოლო ამ წინსვლაში იგი მრავალ ღირებულებას ჰქმნის, მრავალი სახის შემოქმედებას იწვევს, რომელთა შემწეობით იგი თვით ადამიანის პიროვნებასაც გამდიდრებით გარდაქმნის და მთელ ქვეყანასაც.

ბერგსონი განსაკუთრებული სიძლიერით, მისთვის ჩვეული ნათელი მკვერმეტყველებით და სიღრმით აღნიშნავს შემოქმედების და სიხარულის კავშირს. „ყოველგან, სადაც სიხარულია, აზრის აგრეთვე შემოქმედება: რაც უფრო მდიდარია შემოქმედება, მით უფრო ღრმაა სიხარული“-ო. 9). გვ. 23. შემოქმედება კი წარმოადგენილის, მოფიქრებულის, ნავარაუდების, პროექტის, სურვილის, მისწრაფების, სიყვარულის ობიექტის სინამდვილეში გამოვლენას: „აზრი, რომელიც მხოლოდ აზრია; ხელოვნების ნაქმი, რომელიც მხოლოდ წარმოსახულია; ლექსი, რომელიც მხოლოდ ოცნების ობიექტია, არ საჭიროებენ ჯერ გარჯას (პენ); ძალის დაკომვა მაშინ ხდება აუცილებელი, როცა საკითხი დადგება მათი მატერიალური ჩამოყალიბებისა: ლექსისა სიტყვებად, მხატვრული წარმოდგენისა (კონსეპსიონ) ქანდაკებად ან სურათად... ეს ძალის ხმევა შეუძლებელი იქნებოდა ნივთიერების (მატიერ) გარეშე: წინააღმდეგობის გაწევის საშუალებით, რომლითაც იგი გვეპირისპირება და თვინიერქმნის საშუალებით, რომლითაც ჩვენ მის წაყვანას ვახერხებთ, ნივთიერება ჩვენთვის ერთ და იმავე დროს წინააღმდეგობა, იარაღი და წამქეზებელია (სტიმულან); იგი გამოცდის (ეპროუვ) ჩვენს ძალას, ამ ძალის გავლენას აღიბეჭდავს და მის ინტენსიფიკაციას უხმობს. ბუნება გარკვეული (პრესი) ნიშნით გვამცნობს, რომ ჩვენი დანიშნულება (დესტინასიონ) მიღწეულია. ეს ნიშანი არის სიხარული. მე ვამბობ: სიხარული და არა სიამოვნება. სიამოვნება ბუნების მიერ გამოვლილი უპრალო ხელოვნური საშუალებაა (არტიფის), აიძულოს ცოცხალი არსი სიცოცხლე შეინარჩუნოს. სიამოვნება არ აღნიშნავს, თუ საით მიიმატება ცხოვრება. სიხარული კი გვამცნობს ყოველთვის, რომ ცხოვრებამ მიზანს მიაღწია; რომ მან წინ წაიწია; რომ მან გაიმარჯვა. ყოველ დიდ სიხარულს ტრიუმფისებური გამოძახილი (აკსან) აქვს“-ო. 9) გვ. 22.24. ბერგსონი თავისი აზრის დასასურათებლად რამდენიმე მაგალითს მიმართავს: ყველა ამ მაგალითში იგი ხაზს უსვამს იმას, რომ სიხარული მიზნის მიღწევაა, რომ სიხარული — შემოქმედებაა. დედა, რომელიც თავის შვილს უცქერის, მხიარულია, რადგანაც მას შეგნება აქვს: თავისი შვილი თვით შექმნა; შექმნა სულითა და ხორცით. ქარხნის მეთაური, რომელმაც მოაწყო ეს ქარხანა და რომელიც მის წინსვლას, განვითარებას და ცვაფართობას უძღვება, ხარობს; არა მარტო იმით, რომ ქარხანა მას მატერიულ მოგებას აძლევს, არამედ, უმთავრესად და ძირითადად, იმით, რომ მან არარაობიდან გააკეთა, მოაწყო, აამუშავა, სული ჩაუდგა და შემდეგ გაავითარა ისეთი რამ, რასაც საზოგადოებრივი ღირება და ცხოველმყოფელობა აღმოაჩნდა. ხელოვანი, რომელმაც განახორციელა თავისი ნაფიქრი; მეცნიერი, რომელმაც გამოიგონა, აღმოაჩინა რაღაც მნიშვნელოვანი, ხარობენ იმით, რომ თვითეთლმა მათგანმა თავისი ცოდნით, ნიჭით, უნარით, მოხერხებით და შრომით შექმნა, აღმოაჩინა ღირებით, აზრით, მნიშვნელობით, სილამაზით დატვირთული ნაქმები; ისეთი ნაქმები, რომლებიც ამდიდრებენ, ზრდიან და აღრმავებენ თვით შემოქმედების პიროვნებასაც და აგრეთვე ამ ნაქმთან კონტაქტში მყოფ საზოგადოების წევრთა სულიერ არსსაც. თვითუღი შემოქმედის სიხარული მით უფრო დიდია, რაც უფრო თავისებური, ღირებული, მნიშვნელოვანი და გავლენის მქონეა კერძო პირთა და თვით მთლიან საზოგადოებისათვის მის მიერ წარმოქმნილი, საკუთარი პიროვნების აღმბეჭდავი ნაქმი.

ხელოვანის, მეცნიერის, ტექნიკოსის მთავარი და, შეიძლება, ერთად-ერთი ძირითადი სიხარული ისაა, რომ მათ მოახერხეს თავიანთი ფიზიკური და სულიერი ძალების დაძაბვით, თავისი ნიჭით, უნარით და ცოდნით ისეთი საზოგადოებრივი მნიშვნელობის ნაქმის წარმოქმნა, ისეთი რამის გაკეთება, რომელიც თვითეთლი მათგანის პიროვნული თავისებურობის და დასახული მიზნის გამოვლენას. სიხარული მათთვის ისაა, რომ თვითეთლმა თავისებურად, გარკვეული წინასწარი წარმოსახვის მიხედვით, თავისი საკუთარი სურვილების მიდრეკილებების და მისწრაფებების თანახმად „გააკეთა ბევრი“ ცოტათი, რაღაცა არარაობით“ და მით თავისი წინასწარ დასახული მიზანი გაახორციელა.

ჩვენ ამ წერილში აქტივობის ჩამდენიმე სახეობა განვიხილეთ; ყველა ისინი, იმ აქტივობის ჩათვლით, რომელსაც სიცოცხლე ეწოდება, სიხარულს მაშინ იწვევენ, როცა ისინი კეთილად მთავრდებიან; როცა ისინი სასურველად დასრულდებიან; როცა ისინი ადამიანის ნაფიქრს, ნააზრევს, შემუშავებულ პროექტებს, დასახულ მიზნებს და მისწრაფებებს ეთანხმებიან; როცა ისინი ისეთ

სულიერ ან უსულო ობიექტებს ეხებიან, რომლებიც აქტივობის ავტორს უყვარს. რასაკვირველია, ადამიანთა სიხარულის აღმძვრელი აქტივობა სიყვარული არ არის; ხოლო იგი აუცილებლად რაიმეს სიყვარულს გულისხმობს, რომლისათვისაც ძალთა დაძაბვა, თავის შეწყობა, მძიმე შრომის დაკისრება, ძნელი ძიების წარმოება, ბევრი სივიწროის ატანა მას სიამოვნებად მიაჩნია. გარეშე სიყვარულისა აქტივობის არც ერთ გამოვლენას არ ექნებოდა არც სტიმულის მომცემი მიზანი, არც ამ მიზნის განხორციელების დაუძლეველი სურვილი, არც დაუბრკოლებელი მისწრაფება, არც მოუდრეკელი მამოძრავებელი ძალა და არც განუზომელი, უანგარო თავშეწირვა და თავდავიწყება; ამიტომ, შეიძლება ითქვას, რომ სიხარულის ერთ-ერთი მთავარი ფაქტორი სიყვარული არის. აი, ასეთია სიხარულის ბუნება. ხოლო როგორი არის მისი მოქმედება ადამიანის ქცევაზე?

ყველა სათვის ცნობილია სიხარულის და კმაყოფილების მნიშვნელობა ადამიანის ფსიქიკურ და ფიზიკურ ფუნქციებზე: სიხარული ამ ფუნქციების მოქმედებას აადვილებს: ადამიანს მოქმედებისაკენ, აქტივობისაკენ მიმართავს. კახარებულ, მით უმეტეს, სიხარულით ავსილ ადამიანისათვის მოქმედების შიში, მოქმედების დაწყების სიძნელე აღარ არსებობს; იგი აქტივობით დულს და ყოველი მოქმედებით ტკბება; ამიტომ სიხარული ადამიანის ფიზიკურ და ფსიქიკურ სამყაროში მოზღვავებულ ჭარბ ენერჯიას ფართე ვზას უზსნის. ადამიანი სიხარულის ზეგავლენით ვეღარ ეტევა თავის ნატუტში; მას სჭირდება გარედ გამოვლენა: სამოქმედო მოედანზე გამოვლენა; სვებთან კონტაქტის დაჭერა; თავისი კმაყოფილების, თავისი ალტაცების სხვისთვის გაზიარება; სხვისი თვალების, სხვისი ღიმილის, სხვისი ყურადღების თანხლება; ერთი სიტყვით, სხვათა მოყვასობის შეგრძნება; იგი ვერ ითმენს განმარტოვებას; მას უჭირს თავისი სიხარულის მხოლოდ საკუთარი თავისათვის შენახვა. სიხარული ადამიანს თავისი საკუთარი თავის რწმენას, ნდობას ანიჭებს და გამბედაობას აღუძრავს. სიხარული ადამიანს თავისი მისწრაფებების, თავისი ცხოვრების ღირებულების შეგნებას წარმოუქმნის და ამით ადამიანის იმედებს ფრთებს შეასხამს. სიხარულით ავსილი ადამიანისათვის ყველაფერი მომხიბლავი და ღირებული ხდება; ყველაფერი ადვილად მისაწვდომად ისახება; ისე, რომ მისთვის დაბრკოლებათა გარდღვალლობა ჰჭრება; მისი გეგმები რეალური შესაძლებლობით ისახებიან. სიხარულის ზემოქმედება განსაკუთრებით დიდია, როცა იგი სევდას სცვლის და მის ადგილს იჭერს; როცა სევდის და სიხარულის მონაცვლეობა უშუალოა; როგორც ეს ტარიელის ცხოვრებაში მოხდა: ტარიელის მიერ ნესტანის კარგად ყოფნისა და მისი დახსნის შესაძლებლობის მოულოდნელად გაგების მომენტში.

ერთ დღეა სიხარულს ასე ახასიათებს: ჩვენ აქ ვაღვულობთ კარგად ყოფნის, სიმხატის და ძლიერების გრძნობას... როგორც სევდაში, სიხარული ადამიანს შთაბეჭდილებას უქმნის, რომ იგი მთელს სხეულშია გაფანტული...: თავში, რომელიც ზევით იწევა; გულში, რომელიც უფრო ჩქარა და უფრო მძლავრად ცემს; მკლავების და წვივების კუნთებში, რომლებიც უფრო მოძრავნი და უფრო ძლიერნი ხდებიან; კიდურებში, რომლებიც მეტ სიბრტეს გამოსციენენ; მთელს ორგანიზმში, რომელიც უფრო აქტიური და უფრო მძლავრია, სინესტეზიაში, რომელიც უფრო ცნობიერი და უფრო სასიამოვნოა. 1). გვ. 362.

სიხარული მოქმედებს აგრეთვე ადამიანის ფსიქიკაზე: სიხარულით მოცული პირები ეუბნებიან უ. დიუმას, რომ „მათი წარმოსახვა უფრო მდიდარია, მათი გაგების უნარი უფრო სწრაფია, მათი მეხსიერება უკეთესად მომქმედია“...

სიხარულის ფსიქიკაზე მოქმედების დასასურათებლად უ. დიუმას მოაქვს კრეპელინის ერთი ავადმყოფის მაგალითი; ეს ავადმყოფი მხატვ მანიაკური ავზნებით იყო შეპყრობილი; მხატვ მანიაკური ავზნება კი ქრონიკული სიხარულის განსახიერებაა და ამიტომ მისი ანალიზი სიხარულის ბუნების საუკეთესო ილუსტრაციაა. კრეპელინის პაციენტი „ვერ იტანს ლოგინში წოლას; დილით ადრე ოთახი საათიდან, იგი ფეხზეა; ალაგებს სახლის ოთახებს; დავიანებულ კორესპონდენციას გასაგზავნად ამზადებს; შემდეგ დილის გასიერებას და ექსკურსიებს აწყობს; მონაწილეობას იღებს სხვა და სხვა საზოგადოებათა აქტივობაში; არ აკლდება არც ერთ გართობა-სპექტაკლს; ხშირად სწერს გრძელ წერილებს; თავისი ცხოვრების დღიურს რეგულიარულად ავსებს; მუსიკას და ლიტერატურას სწავლობს; ჰუმორისტულ ლექსებსა სწერს; ინტერესს იჩენს მრავალი სხვა რამეების: პოლიტიკის, ავიაციის, ფემინიზმის მიმართ, რომელთა მიმართ წინ იგი სრულიად გულგრილი იყო; მრავალ ნაცნობს იჩენს და თავისი ფამილიარობით ყველას აკვირებს. (იქვე, გვ. 363).

„არის აგრეთვე წყნარი სიხარული, რომელიც მდიდარი არაა წარმოსახვის და იდეაციის თვალსაზრისით, რომლებსაც თან სდევს კარგად ყოფნის, ძლიერების, ფიზიკურ და ფსიქიკურ შესაძლებლობათა ქონების შეგრძნებით“. 6). გვ. 118.

მიუხედავად ასეთი ხარისხეული განსხვავებისა, სიხარული მუდამ ერთგვარია: ხარისხეულდ სხვაობა მხოლოდ განცდის სიძლიერეზე მოქმედებს: მას ასუსტებს, ან აძლიერებს; თვით განცდა კი და ამ განცდის ადამიანის სხეულზე და ფსიქიკაზე მოქმედება ორივე შემთხვევაში ერთგვარი არის. სიხარულის გავლენას ექვემდებარება არა მარტო ადამიანის აწმყო, არამედ აგრეთვე

მისი წარსული და მომავალიც; სწორედ ისე, როგორც სევდა ნაღვლიან ელფერში ასახავს დროის ყველა მომენტს: აწმყოს, ნამყოს და მყოფადს.

რუსთაველმა სიხარული განსაკუთრებული გამოკვეთილობით ტარიელის პიროვნებაში გამოასახა. სრულიად მულოდნელად, უცებ გამოჩენილმა ავთანდილმა ტარიელს სანუკვარი ამბავი აცნობა და ამ ამბის დადასტურების ნიშნად ტარიელს მისთვის კარგად ცნობილი რილის ნაკვეთი გადასცა. ამ მოულოდნელმა სიხარულმა ტარიელის უკანასკნელი დაბნევის შემდეგ, სრულიად გაჰფანტა მისი წყვილადი ღამე და იქ უცებ ცხრა-თვალა მზემ გაანათა; ტარიელის სულიერი და ხორციელი სამყარო შესცვალა: სევდა და მწუხარება განდევნა; ამ სევდის გაქარვებით ტარიელის ძარღვები ჭარბი სისხლით გაავსო, მისი ფიზიკური ძალები გაზარდა; მის არსებაში შავი ფერი წითელით შესცვალა; სიბნელე — სინათლით; უხალისობა — მხიარულობით; შიში — გამბედაობით; ძალთა სისუსტე — ძლიერებით; სიზანტე — მოქმედების სურვილით; განმარტობა — მეგობართა ძიებით; სიჩუმე — ხმაურობის ძახილით; ტირილი — სიცილით; დაღვრემილობა — ღიმილით; ადამიანთა მიმართ უნდობლობა — გულითადი ნდობით; სასოწარკვეთა — სხივოსანი იმედით.

ჩვენ არ ვიტყვით: სიხარულმა ტარიელი თავის ეგოიზმს მოსწყვიტაო, რადგანაც ტარიელი ეგოისტი, თავისი ბუნებით, არასდროს ყოფილა; ხოლო სწორი იქნება ვთქვათ რომ ამ დიდმა სიხარულმა ტარიელი თავისი უბედურებების წრეში ჩაკეტიდან დაიხსნა; თავისი პირადი ზრუნვების ექსკლუზივურ ბატონობიდან გაათავისუფლა. თავისი შინაბუნებისაკენ მიმართული ცნობიერი და არა ცნობიერი, ემოციურობა გარემო სამყაროსაკენ მიაბრუნა და ამით ტარიელს თავისი წონასწორობა აღუდგინა. ტარიელს, რომელსაც მრავალი წლის განმავლობაში თვალეზზე ცრემლი არ შეშრობია; რომლის გული მუდამ წუხილით და ვარამით იყო სავსე; რომლის ტუჩები ვაისა და ვიშის ძახილზე მიჩვეული იყვნენ, ნესტანის დახსნის იმედის ანთებით სრულიად გადახალისდა. ამ სიხარულის მიერ წინამორბედ სევდის აღკვეთა იმდენად უცებ და მძლავრი იყო, რომ მან ასმათიც კი მეტად გააკვირვა:

ქვაბისა კარსა ასმათი მარტო ზის, არ ბარგოსანი, შეჰხედნა, იცნა ტარიელ, თანა ყმა ჭარმაგოსანი, ორივე ტურფად იმღერდეს, ვით იადონი მგოსანი. მაშინვე იცნა, ავარდა მოშლილი, პერანგოსანი, აქამდის მიწყვიე ენახა ქვაბს მისლვა მოტირალისა, აწ გაუკვირდა დანახვა სიცილით მომღერალისა. ზარ აღებული ავარდა, ცნობა უც ვითა მორვალისა, არ იცის სმენა ამბისა ჯერო მისგან სასურვალისა.

მაგრამ მთავარი ისაა, რომ კარზე მომდგარმა სიხარულმა ტარიელი „გამოაღვიდა“; მას აქტივობა, სწორი განსჯა, სინამდვილის სწორი აღქმა დაუბრუნა; თავისი მდგომარეობის ნამდვილი სახე წარმოუდგინა, დავიწყებულ ვალდებულებათა და მოვალეობათა სრული შეგნება გაუღვიდა; ერთი სიტყვით, მისი სულიერი და ფიზიკური წონასწორობა აღუდგინა. სიხარულის შემდეგ ტარიელი, როგორც ბაიას თვალეზზე ახდელი, ან დიდი სიციხისაგან უცებ გაათავისუფლებული, სიბნელიდან და სულიერი დაბნევიდან გამოვიდა: თუ სევდის ბატონობის დროს ტარიელს არც ერთხელ არ გახსენებია თავისი სამშობლო, უკანასკნელის სახიფათო მდგომარეობა და სამშობლოს დაცვაზე ფიქრი, სიხარულის გავლენით ტარიელმა უცებ მოიგონა ყოველივე; გაიხსენა სამშობლოში დბრუნების სასწრაფო აუცილებლობის შეგნებით, თავისი პასუხისმგებლობის ძველებური, მძლავრი წარმოდგენით.

ტარიელ ჰევანდის ვარდა და იყვის ფიფქისა მთოველად. ავთანდილ როსტანს წინაშე გაგზავნა დასათხოველად. შესთვალა: „შენი სიახლე კმა ჩემად ღზინად ყოველად, მტერთა აქვს ჩემი სამეფო, ვიცი, მუნ შიგან მძოველად. უცებნი მოსრნის მცოდნელთა ცოდნამან, ხელოვნებამან, წავიდუ, ავი არ მიყოს მე აქა დაყოვნებამან... აღრე კვლა ვნახნე მორჭმულნი, ინებოს ღმრთისა ნება მან... სტრ. 1561. 1552.

ამ ძლიერი სიხარულის გავლენით და მისი ზემოქმედებით ტარიელი ისევ ის გახდა. რაც წინეთ იყო: აქტიური, გონიერი, საზრიანი, გამჭრიახი, გულითადი, სხვათა მოყვარე, სხვებზე მზრუნავი, სხვების მსახური; სამშობლოს მოამაგე, სამშობლოს ბედნიერებისათვის თავდადებული. ნესტანის ტყვეობიდან გაათავისუფლების შესაძლებლობის დასახვის შემდეგ, ტარიელი ყველა მომავალი ამბავის ინიციატორი გახდა; ამ მომენტიდან ყველაფერი ისე წარმართა, როგორც ეს ტარიელს სურდა და, როგორც ყოველივე თვით ტარიელმა გაიფიქრა, განსაჯა და გაითვალისწინა. ამავე დროს მან ყველაფერი საზრიანად, ლაზათიანად, შნოთი და მოხდენით გააკეთა, ცხოვრებაში გაატარა.

სიხარულის სრული სურათის მოცემის დროს რუსთაველს სიხარულის დეტალებიც კი არ გამოპარვია. ამ უკანასკნელის დასურათებისათვის ჩვენ ორ მაგალითს კიდევ მოვიტანოთ: პირველი—ჩვენ ვთქვით, რომ სიხარული, სევდის საწინააღმდეგოდ, ადამიანის ფსიქიკურ ფუნქციების მოქმედებას ხელს უწყობსო; ხოლო არის შემთხვევებიც, როცა სიხარული, პირიქით, სევდის მსგავსად, ადამიანის ფსიქიკური ცხოვრების აღრევას იწვევს; ეს ხდება მაშინ, როცა სიხარული მეტად ძლიერია და როცა იგი ადამიანს მოულოდნელად ეცნა, როგორც აფექტი. ამის საუკეთესო მაგალითია ტარიელის დაბნე-

და ავთანდილის მიერ მისთვის ნესტანის ამბის ცნობის და ტარიელისათვის კარგად ცნობილი რიდის ნაკვეთის გადაცემის დროს:

წიგნი და კიდე რიდისა იცნა და გა-ცა-შალა მან, პირსა დაიდვა, დაეცა, ვარდმან ფერიოთა მკრთალამან, სულნი ივაექცნეს, მოდრიკა თავი გიშრისა ტალამან. მისნი ვერ გაძლნეს პატიენი ვერ კაენ, ვერცა სალამან. ავთანდილ უჭვრეტს ტარიელს, უსულოდ ქვე-მდებარესა, შეფრფინდა, შევლად მიჰმართა მას, ტკბილად მოუბარესა, ვერა ვერ არგო დამწვარსა, სრულად ცეცხლ-ნადებარესა; მისთა ნიშანთა სიცოცხლე მართ მისი მიიბარესა... ავთანდილ მკერდსა დაასხა მას ლომსა სისხლი ლომისა; ტარიელ შეკრთა, შეიძრა რაზმი ინდოთა ტომისა; თვალნი აახენა, მიეცა ძალი ზე წამოჯდომისა. ლურჯად ჩანს შუქი მთვარისა, მზისაგან შუქ-ნაკრთომისა... სტრ. 1341. 1346.

რით აიხსნება ასეთი მოვლენა?

ყოჩაღ დიუმე ამგვარი მოვლენის შესახებ შემდეგს გვეუბნება: „(სიხარული) მისი დადებითი ფორმის მიხედვით ადამიანის ახალ ადაპტაციას ახდენს; იგი ახალ ორიენტაციას ანიჭებს ადამიანის ინსტიქტებს და ჩვეულებებს ან კიდევ სრულიად ახალ ჩვეულებებსა ჰქმნის. საუნივერსიტეტო ან სასკოლო გამოცდების ჩაბარების შემდეგ ახალგაზრდა მომავლის პროექტებს აწყობს; ამის მიხედვით მის ფსიქიკაში იქმნებიან ახალი სინთეზები, ახალი ასოციაციური კავშირები წარმოდგენების, იდეების და მიდრეკილებებისა. მისი ნეგატიური ფორმის მიხედვით, სიხარული წარმოადგენს დაბრკოლებათა აღკვეთას; აქამდე დაბრკოლებულ, ან სრულიად შეჩერებულ მიდრეკილებათა აშვებას; თავისუფალ მოქმედებათა აღდგენას; იძულებით შექმნილ და ძნელად ასატან ჩვეულებათა დაშლას, როგორც ეს ხდება ტყვეობიდან განთავისუფლებული ადამიანის ფსიქიკაში“. 6). გ. 207. როცა ადამიანის ფსიქიკა იძულებულია ასეთი დიდი რეორგანიზაცია, ასეთი რეადაპტაცია სწრაფად მოახდინოს; მით უმეტეს, თუ საქმე ეხება ფსიქიკაში ძლიერად ჩამჯდარ განცდებს, ადამიანის პიროვნების მთლიანობა, მისი აზროვნება, მისი ცნობიერი შეგნება მოკლე ხნით იკარგებიან და ადგილს უთმობენ ინსტიქტებს და მათთან დაკავშირებულ ავტომატიზმებს; ზოგჯერ ეს ცვალებადობა ისე ძლიერი და ისე სწრაფია, რომ ფსიქიკა ვერ ახერხებს მათ რეგულირებას; ეს კი იწვევს ადამიანის ფსიქიკის სრულ დეზორგანიზაციას ან კიდევ ნამდვილ გულის წასვლას (სინკოპ), როგორც ეს ჩვეულებრივ ხდება ავექტების მძლავრი და სწრაფი მოწოდების დროს. ამრიგად, ტარიელის დაბნედა მოულოდნელი სიხარულის ზეგავლენით რუსთაველის მიერ შემთხვევით და უმიზნოდ მოყვანილი განცდა კი არ არის, არამედ

ფსიქოლოგიის მიერ ძირითადად მიჩნეული, ზოგად-სიათის მოვლენა.

მეორე—ჩვენ ვიცით, რომ სიხარული აქტივობის, მოძრაობის განსახიერებაა; სიხარულით მოცული ადამიანი უმოქმედობას, უმოძრაობას ვერ იტანს; იგი მთელი თავისი არსებით მოძრაობასა და აქტივობას ითხოვს. ხოლო ეს აქტივობა ზოგჯერ სერიოზული, საქმიანი ხასიათისაა, ზოგჯერ კი სრულიად უმიზნოა: ადამიანი ხტუნავს, ყვირის, იცინის, ტირის, მღერის; უწესრიგო, უმიზნო მოძრაობებს ახდენს; სხვებს გულზე იკრავს; მათ მუჯღუფუნებსა ჰკრავს; ხელებს უმტვრევს, ხუმრობს, მასხარაობს, ოინებს აწყობს და სხვა. ასეთი ეცევა პიერჟანეს თვალსაზრისით, სიხარულის ზეგავლენის მიერ დაგროვილი ენერჯის, მოზგავებული ძალების, მოწოლილი გრძნობების გამოვლენაა; იგი სხვა და სხვა სახის სულიერ და ხორციელ სიჭარბეთა განტვირთვაა. ამიტომ სიხარულით მოცული ადამიანი ხშირად განსაცვიფრებელი სიადვილით, მუქთად, მხოლოდ საკუთარი სიამოვნებისათვის და აგრეთვე სხვათა საკუთარ სასიხარულო განწყობაში ჩათრევისათვის, უანგარიშოდ ჰფანტავს თავის ფსიქიკურ და ფიზიკურ სიმდიდრეს; მსგავსად თამაშობაში გართული ბავშვისა ან ჩვილი ბაღლისა, რომელიც ხელებს, ფეხებს უწესრიგოდ, უმიზნოდ ამოქმედებს. პიერჟანე ასეთ ქცევას „გაფლანგვითი ქცევა“ უწოდებს. სწორედ ამ სიხარულის ზვიადობით; მხოლოდ და მხოლოდ ამ სიხარულის ზვიადობის მიერ გამოწვეული „გაფლანგული ქცევით“ აიხსნება ნესტანის განთავისუფლებისაკენ მიმავალი ტარიელის ქცევა ფრიდონის სამფლობელოში მისვლის მომენტში: იქ ტარიელმა ავთანდილი აიყოლია, რომ იმათ ერთად ფრიდონის საქონელზე თვალთმაქცობითი თავდასხმა მოეხდინათ. მეჯოგეები დაეფრთხოთ, აურზაური აეტებათ, აფორიაქება გამოეწვიათ, რომ ბოლოს ეს ყოველივე ფრიდონთან ერთად სიცილის და ხუმრობის საგნად გაეხადათ.

იარეს და ზედან შეჰხდეს ნურადინის მეჯოგეთა; ჯოგი ნახეს, მოეწონა, ფრიდონისთვის ეაგეთა. მუნ ავთანდილს ინდო ეტყვის: „გაქნევ კარგთა სიშმაგეთა. მოდი, ფრიდონს ველალობნეთ, ჯოგსა მისსა მოვადგეთა! ჯოგი წავულოთ, მოსრულნი ვესმით ჯოგისა, წალებად, გამოემართვის საომრად, ველთა სისხლითა დალებად. ანაზღად გვიცნობს, გაკრთების, გულსა შეჰლამის დალებად. ამთა კარგი ლაღობა, ლაღსა შე-ვე-იქმს ლაღებად“ დაუწყეს პყრობა ტაიჭთა ფრიდონის უკეთესებსა, მუნ მეჯოგეთა ფანოსი შეექმნა, ეკრა კვესებსა, უყვიღეს: „ვინ ხართ, მოყმენო, ვინ იქმთ საქმესა ზესებსა? ჯოგი მისია, ვინ მტერსა ჰკრავს ხრმაღსა, არ აკენესებსა“. მათ მშვილდები დაიწვიადეს, მეჯოგეთა გაიკედნეს. მეჯოგენი მიიზახდეს, ხმანი მათნი გაადიდნეს. „გვიშველეთო, გვიშველეთო, მეკობრეთა ამოგვწყვიდ-

ეს“. ხმა შეიქმნა, შეიყარნეს, ფრიდონს ჰკადრეს, არ დაპრიდნეს. შეეკაზმა ფრიდონ, შეჯდა, შეკაზმული გამოვიდა. ხმა შეიქმნა, შეიყარნეს, რაში ველთა დაჰფარვიდა. იგი მზენი მოეგებნეს, ვინ ზამთარი ვერ დაჰზრვიდა; დაეხურა ზარადები, პირსა მათსა უფარვიდა. რა ტარიელ ფრიდონ იცნა, თქვა: „ვნახეო! ვინცა მინა“. მუზსარადი მოიხადა, ჭაილიმა, გაიცინა; ფრიდონს უთხრა: „რასა ჰლამი, ჩვენი მოსლვა რას გეწყინა? პურად ავი მასპინძელი მოგვეგებვი ომად წინა! ფრიდონ ფიცხლად გარდაიჭრა, დავარდა და თაყვანის-სცა. ივინცა გარდაუხდეს, მოეხვიენეს, აკოცისცა. ფრიდონ ღმერთსა ხელაღპყრობით უსაზომო მადლი მისცა. დიდებულნი აკოცებდეს, იცნობდიან იგი ვისცა. სტრ. 1375-1381.

ამრიგად, სიხარულის დაუძლეველი მოთხოვნილება მოქმედება, დაგროვილი ენერჯის გარეთ გამოვლენა; ამ ენერჯის მიერ დაგროვილ ძალთა განტვირთვა. სიხარული ერთგვარი აფეთქება, ალტყინება; ზოგჯერ ეს ალტყინება იმდენად ძლიერია, რომ ადამიანს არ ძალ უძის მოიკადოს, რომ ცონებამ განსაჯოს შექმნილი ახალი მდგომარეობა და გაარკვიოს, თუ რას და როგორ მოახმაროს ეს თავისუფალი ენერჯია. ამის გამო ადამიანი ზოგჯერ სიხარულის გავლენით ნაჩქარევად და შეუფერებლად იქცევა და სინამდვილესთან მცდარ დამოკიდებულებას, ან ადაპტაციის გამრუდებებს ახდენს.

სიხარულისათვის საჭიროა დაუყონებლივი მოქმედება: მას ზოგჯერ მოთმინება აკლია და ამიტომ მის მიერ წარმოებულნი აქტები, შეიძლება, მთავარ მიზნებს სრულიად დაშორდნენ. სიხარულის სუსტი მხარე ის არის, რომ იგი ზოგჯერ ადამიანს ილუზიებს უქმნის: თავისი თავისი ძალების გადაჭარბებულ რწმენას აღუძრავს და ამით მას უსაფუძვლოდ მოაჩვენებს, თითქოს მისთვის ყველა გზა თავისუფალი, თითქოს მისი შესაძლებლობანი განუსაზღვრელნი არიან. ერთი სიტყვით, სიხარული პოზიტიურ ქცევებთან ერთად უარყოფითი ქცევებსაც ადვილად წარმოშობს და ამით ადამიანს სწორი გზიდან ამოაგდებს: იმის ნაცვლად, რომ სასიხარულო აღგზნებამ ადამიანი საზრიანი მოქმედებისათვის განაწყოს, იგი მას ზოგჯერ უაზრო და უშინაარსო შფოთვაში, ფუქსავატ მიღებ-მოღებაში დააზნევს და დაახურდავებს.

აქედან საერთო დასკვნა —

სევდის, როგორც სიხარულის მოქმედება ადამიანის ფსიქიკაზე დამოკიდებულია იმ განწყობაზე, რომელიც მათ წინ უსწრებს: თუ განწყობა უარყოფითია, ადამიანი სევდას და სიხარულს პასიურად, სრული მორჩილებით, მთლიანი დაქვემდებარებით განუსჯელად აპყვება, როგორც ალკოჰოლის მიერ აღძრულ უაზრო ევფორიას, ან აბსურდულ უძირო სულიერ დაცემას: აქ, ორივე

შემთხვევაში, სიხარულიც და სევდაც მხოლოდ იმას გამოავლენენ, რაც ადამიანისათვის გარედან დაძალებული, თავზე მოხვეული, ნებელობის აქტივობის ჩარევას და, მამასადამე, რეალობის ადეკვატობას აცდენილია.

თუ განწყობა, პირიქით, პოზიტიური ანუ აქტიურია, სევდაც და სიხარულიც ისეთი ქცევებს წარმოშობენ, რომელნიც ადამიანის ნებელობის, მისი პიროვნების აქტივობის ნაწარმოები არიან; ეს ქცევები, ადამიანის გონების, მისი განსჯის და მსჯელობის განსახიერება, ინდივიდუუმს პოზიტიურ, თვით მიერ არჩეულ მიზნებისაკენ და სინამდვილის ადეკვატურ შეგუებისაკენ მიაბრუნებენ. ყოველივე ამას ჩვენ ნათლად გვიდასტურებენ თანამედროვე პირველხარისხოვანი ფსიქოლოგების ღირსშესანიშნავი, სერიოზული შრომები, საქართველოში, ევროპაში და ამერიკაში.

ალექსანდრე შათირიშვილი

1967 წ. საფრანგეთი.

(გაგზავნილება იქნება)

წყაროები:

- 1) G. Dumas — Les emotions in nouveau traité de Psychologie. t. ch, iv. Paris, 1932.
- 2) J. Maisonneuve — Les sentiments. Paris, 1964.
- 3) ი. ჭავჭავაძე — თხზულებანი. თბილისი, 1957.
- 4) Louis Lavelle — Le Mal et la Souffrance. Paris, 1940.
- 5) Max Scheler — Le sens de la séuffrance. Paris 1936.
- 6) G. Dumas — La Tristesse et la Joi. Paris, 1900.
- 7) Aristote — Ethique de Nicomaque. Paris, 1950.
- 8) J. Lacroix — Le Sens du dialogue. Neufchateau, 1962.
- 9) H. Bergson — L'Energie spirituelle. Paris 1960.
- 10) ნოე ჟორდანია — ვეფხისტყაოსანი. პარიზი.
- 11) G. Fiedmann — Le Travail en miettes. Paris 1967.
- 12) Les Attitudes. Symposium de l'Association de Psychologie scientifique de Langue française. Paris 1961.
- 13) ვლადიმერ ნორაკიძე — ზოგადი ფსიქოლოგია. სახელმძღვანელო ფიზკულტურის სტუდენტებისათვის. თბილისი, 1967 წ.
- 14) J. Vialatoux — Signification humaine du travail. Paris 1962.

შემოწირობები

კავკასიონისათვის

	ფრ. ფრ.	დრ. ფილ. მიშელ ხუნდაძე	100
		შალვა ცინცაძე	100
ძველი მეგობარი ფანჩ. ტოროლა	550	დრ. ფილ. კ. ვეკუა	60
ქართული სათვისტომოს გამგეობა, პარიზში	500	პროფ. დრ. შ. ბერიძე	60
შ. ათასიანი	500	დავით ტორიონჯაძე	60
ვ. ნოზაძის მიერ წაკითხული ლექციიდან შემოსავალი	350	არჩილ მჭედლიშვილი	50
იოსებ (სოსო) გოჯოლაშვილი, მაქარაძე, კობა ჩხიშვილი,		მიშელ გაფრინდაშვილი	50
გრ. ბარამიძე, ნელი მდივანისა, ნელი ვოდისა, ევ. აბ.		სევ. ჭირაქაძე	50
მ. მელუა, ტიტე აფხაზავა, მიშელ კაკიტელაშვილი, ელ.		გრიგოლ ქარცხავა	50
ბარნოვისა, ალანია, ანთაძე, კ. გუნია	300	გერ. ბოლქვაძე	50
მ. იმნაიშვილი	300	ლ. ტიტვინიძე	50
აკაკი შავგულაძე	250	ერ. აკოფაშვილი და ელიზბარ მაყაშვილი	50
მზია ჭეიშვილისა	250	პელო ევლაშვილისა	50
ელენე წერეთლის ასული	250	ლენტი ბალანჩივაძე	50
თამარ	245	ალექსანდრე ფანჩულიძე	50
ლად. შარაბიძე (ამერიკა)	240	აკაკი ასათიანი	50
ვიქტორ ხომერიკი	200	ნამეტია გოგუაძისა	50
ბოდბისხეველი	200	პ. ჭიტიაშვილი	50
ნ. ცინცაძე	200		ბელგ. ფრ.
დრ. მედ. ილია მალაქელიძე	200	დ. ანჯაფაძე	500
სოშოს ქართველთა სათვისტომოს გამგეობა	200		დოლ.
ნესტორ პაპუაშვილი	200	ბოდბისხეველი	100
ნიკო გულაშვილი	200	პეტრე ხვედელიძე	100
ლ. ზურაბიშვილი	150	ვანო ანდრონიკაშვილი (ამერიკაში)	100
ირაკლი ჯაფარიძე	150	ა. ჯინ.	60
მარტიანე მგელაძე	150	მ. დადიანი	50
დასავლეთ გერმანიაში მყოფ ქართველთა სათვისტომოს		მ. ჯაყელი (ჩილე)	50
გამგეობა	120	დრ. მედ. გ. კობახიძე	40
დრ. მედ. გ. კორძაზია	120	დრ. მედ. შ. გვასალია	20
არისტო გველასიანი	100	რ. გაბლიანისა	15
ვასო ტულუში	100	ლილიან	10
პროკოფი ინწკირველი	100	ვანო ნანუაშვილი	5
ინე. დავით ბერეკაშვილი	100	გოკი ვაჩნაძე (ამერიკა)	5
ამხანაგი	100		გერ. მარკა
ისიდორე ქარსელაძე	100	ძველი ნაცნობი	500
კარლო ინასაძე	100	პროფ. დ. თორაძე	100
ვანო ანდრონიკაშვილი (ამერიკა)	100	გაბო	50
შალვა კალანდაძე	100		რეალი
დავით ურატაძე	100	ანტონ კომპანიონ	400
ქრისტეფორე იმნაიშვილი	100	ძუკუ გუგუშვილი	400
სერგო დონდუა	100	გრ. გამყრელიძე	200

ინა უორდანიას მოსახსენებლად (გვირგვინის ნაცვლად) კავკასიონს ეწირავთ ას ფრანკს. ლევან ფალავა

მერი წერეთლის ასულ დადიანის ხსოვნისათვის (გვირგვინის ნაცვლად) ასი ფრ. მეგობარი.

დედის — ლუბა აბაშიძის ასული წერეთლისა კეთილ-ხსოვნისათვის კავკასიონს ეწირავ სამას ფრანკს და ამასთანავე უღრმეს მადლობას მოვახსენებ მათ, ვინც სიტყვიერად ან წერილობით გაიზიარა ჩემი წუხილი, დედის გარდაცვალებით გამოწვეული. გოგი წერეთელი.

რუზენ ყიფიანის ხსოვნისათვის მისი გარდაცვალების სამი წლის თავზე — 230 ფრ. ალ. შათირიშვილი

კუჭია ალანიას მოსახსენებლად ათი დოლარი. გერ.

დარისპან მღვინის ხსოვნისათვის (გვირგვინის ნაცვლად) ასი ფრ. აფრასიონ ხვედელიძე

მიშელ ჩუბინიძის ხუთი წლის გარდაცვალების თავზე მის მოსახსენებლად 50 ფრ. ვალიკო.

ფილიპე შარაძის ხსოვნისათვის (გვირგვინის ნაცვლად) 150 ფრ. დრ. მარკოს ტულუში.

სარჩმვი

გვერდი	საქართველოს რესპუბლიკის კონსტიტუცია —	46
რ. ბეთანელი — ქართული ეკლესიის ავტოკეფალიის აღდგენის 50 წლისთავზე.	ბ. ბებურიშვილი — დამოუკიდებელი საქართველოს საკითხი უცხოეთში	51
უნივერსიტეტის დაარსების 50 წლისთავზე მოწვეული ყრილობა პარიზში —	სახელმწიფონი „რომელთაც საქართველოს დემოკრატიული რესპუბლიკა იურიდიულად აღიარეს და იცვენს	58
ლ. ზურაბიშვილი — ქართული უნივერსიტეტის დაარსების 50 წლისთავზე პარიზში	პ. სარჯველაძე — დამოუკიდებლობის ხანა	59
დამოუკიდებელი საქართველოს რესპუბლიკის განათლების ყ. მინისტრის ნოე ცინცაძის სიტყვა	გივი შაორელი — ბებოს (ლექსი)	63
გიორგი ყიფიანი — ლევილის მზეს (ლექსი)	თამარ პაპავა — 26 მაისი ჩვენთან	64
ალ. მანველიშვილი — დიდი წარსულის მემკვიდრეობა	ევ. აბულაძე — მშობლიურ მხარეს (ლექსი)	65
მედვა ღამბაშიძის ასული-ნიკოლაძისა — ჩემი დღიურიდან	როგორ იდღესასწაულა 1920 წელს თბილისმა 26 მაისი (პ. სარჯველაძის ჩანაწერი)	66
სევ. ჭირაქაძე — თბილისის უნივერსიტეტის დაარსების 50 წლისთავზე	როგორ იდღესასწაულეს 26 მაისი 1921 წელს (კერძო წერილიდან)	70
შალვა კალანდაძე — უნივერსიტეტის 50 წლის აღსანიშნავად	აკაკი პაპავა — ჩვენი პრეზიდენტი	71
ლ. ტიტვინიძე — მოგონებანი ჩვენს უნივერსიტეტზე	ნოე უორდანია — ქართველ ქრს	75
დრ. ინჟ. ლეო ჭეიშვილი — პატარა მოგონება	ევ. აბულაძე — ლევილის სევანე (ლექსი)	76
პროფ. გიორგი ნაკაშიძე — გახსენებისათვის	ლევან ზურაბიშვილი — ნიკო ნიკოლაძის დაბადებიდან 125 წლის და გარდაცვალებიდან 40 წლისთავზე	77
ექიმი ვახტანგ ღამბაშიძე — პეტრე მელიქიშვილის ხსოვნას	გიორგი ყიფიანი — არჩევანი (ლექსი)	82
ევტ. აბულაძე — მაისის დღია (ლექსი)	ჟ. ფაშალიშვილი — დედის ალერსი (ლექსი)	82
გიორგი გამყრელიძე — შემოდგომა ქალაქკარეთ	გივი შაორელი — რატული პეიზაჟი (ლექსი)	83
გიორგი გამყრელიძე — სიზმარი-კარნავალი	გივი შაორელი — ეპილეპსია (ლექსი)	83
შარლ ბოდლერი — შემოდგომის დღეს (ლექსი, თარგმანი გიორგი გამყრელიძისა)	ლ. ჭ. — განშორებისას (ლექსი)	83
გიორგი ყიფიანი — მზის ქალიშვილი (ლექსი)	ლ. ჭ. — შებინდებისას (ლექსი)	84
ბ. ვარდანი — ახალი საქართველო — რესპუბლიკა	ვასო წულაძე — მცირე მოგონებანი	85
გიორგი ქართველი — სისხლი (ლექსი)	ნაური — პატარა მოგონება	91
საქართველოს დამოუკიდებლობის აქტი —	თამარ პაპავა — ორი კვირა ვირთხებთან	93
	სოსიპატრე (ჭიჭიკო) ასათიანი — მცირე მოგონებანი	97
	შალვა ამირეჯიბი — დაუბეჭდავი ლექსები (არქივიდან)	111
	ალექსანდრე შათირიშვილი — ემოციური განცდები ვეფხისტყაოსანში. 3. გრძნობა. ბ). სევდა და სიხარული.	115

საყურადღებოდ: ლინოტიპისტის ავადმყოფობის გამო აღარ მოხერხდა კავკასიონის იმ სახით გამოცემა, როგორც გაზრახული იყო. იძულებული გავხდით გადაგვედო შემიღვევი მასალა: —

დავით ვაშაძე — საბჭოთა კავშირისნახევარი საუკუნის იუბილე

მოსე იმნაიშვილი — საბჭოთა კავშირის სოფლის მეურნეობა

სევერიან ჭირაქაძე — სოციალიზმის იდეალიზაცია და განდიდება

ალექსანდრე მანველიშვილი — ეროვნული საკითხი საბჭოთა კავშირში

ბ. ვარდანი — საბჭოთა ადამიანი

თამ. ჩილაია — კომუნისტური რელიგია
რ. გაბაშვილი — კავკასიური რასის წვლილი მსოფლიო ცივილიზაციაში

ლიკსუსი — ორი ინგლისელი პროფესორი საბჭოთა ამიერკავკასიისა და ცენტრალ აზიის შესახებ

იოსებ ხანანაშვილი — სვეტლანა ალილუიევას დღიურები

გიორგი გამყრელიძე — არწივი და მამალი (მოთხრობა)

ელიზბარ მაყაშვილი — ოთხი ბალის ხე (მოთხრობა)

ვეტიხი აბულაძე — მიწა და ადამიანი (ესკიზი)

ლადო არველაძე — ძველი გზით (მოთხრობა)

ვ. ნოზაძე — რუსთველლოლოგიური საკითხები: 1. სალამან, 2. ტრისტანიანი, ვისრამიანი, ვეფხისტყაოსანი.

ვ. ნოზაძე — მოგონება მხატვარ შალვა ქიქოძეზე

3/4

0140/9

